



BIBLIOTHECA
PUB. LIBR.
CRACOVENSIS

586939-
- 586940

lat.komp.

Mag. St. Br.


1

3711

Biblioteka Jagiellońska





stdr0001543



586939 - 586940

Mag. St. Dr.





APOCALYPSIS
ASCETICA

SEV

EXERCITIA
S. P. IGNATII

Quatuor hebdomadarum,
Visionibus aliisq; Sacrae Scripturae Locis,
Potissimum Prophetis,
Tum Variis inde Reflexionibus
Practicis,

ILLUSTRATA

Ad usumq; meditantium, Exhortatorum,
nec non Concionatorum

a P. Stephano Poninski Societatis JESU.

PROPOSITA



POSNANIAE

Typis Clari Coll: Societatis JESU. Anno Domini. 1721.

Effundam Spiritum meum super
omnem carnem: & propheta-
bunt filii vestri, senes vestri
somnia somniabunt, & juvenes
vestri visiones videbunt. *Joel: 2.*

586940

I

INTIMO MYSTERIORUM DEI
è Sublimi Perfectionis gradu & Sanctitatis
Culmine

Contemplatori

Cui Revelata sunt Arcana Celestia :

Mentis Semper ad DEVM Elevatæ
summæ Perfectionis

DEI SERVUS

Celestium Complexo Gratiarum
& donorum.

Sui Patris & Magistri in Spiritu

IGNATII

DILECTO FILIO & DISCIPULO

Divinissimo Indiarum APOSTOLO

FRANCISCO

XAVERIO

Societatis JESU

APOCALYPSIM ASCETICAM,

Inter Orientis Pretia ,

è Thesauro Ignatii grande pretium,

Vile Auctoris Nomine opus consecrat ;

Genuinæ PATRIS Imagini

Derivatam ab IGNATIO Exercitiorum lucē,

ab Auctore calamo, & Typi sepia
umbram appingit;
Non levi brachio Æthiopum
& universorum salutis bajulo
grande Methodo Fundatoris sui Munus,
leve scriptoris tenuitate opusculum apponit;
ÆTNÆ intra præcordia amore Divino
æstuanti igniti PATRIS scintillam
cum niveo devotissimi affectûs candore
ingerit;

Thaumaturgo Orbis ueriusq; APOSTOLO
Universæ Sanctitatis PRODIGIO,
Orbis miracula & admirationem laboribus
superanti
Prodigiosum in admirabili Exercitiorû libro
inventum,
obvium labore & stylo Auctoris
Volumen,
Universa Meditationum Puncta
in Punctum
Honoris Apostolici devoveret;
Et Plantis
Quibus uterquè orbis supplex est
Unâ secum acclinat & adsternit.

Devotissimus eliens & Servus S. P. S. J.



A P P R O B A T I O

Loci Ordinari;

I M P R I M A T U R

FRANCISCUS LESZCZYC

M I E R Z E W S K I

Gnesnensis Scholasticus, Archi-
diaconus Sremensis, Officia-
lis Generalis Posnan.:



FACULTAS
R. P. STEPHANI
SZZANIECKI
PRÆPOSITI PROVINCIALIS
Soc: JESU.

^{per}
P O L O N I A M

Cum Opus, quod inscribitur: *Apocalipsis Ascetica*
seu Exercitia S. P. Ignatii 4. hebdomadarum
à P. STEPHANO PONINSKI Soc: JESU
Conscriptum Aliquot ejusdem Societatis Theologi
recognoverint, & in lucem edi posse probaverint,
potestate mihi factâ ab A. R. P. Nostro MICHAELE
ANGELO TAMBURINO, Societatis Nostræ Præ-
posito Generali, facultatem concedo, ut typis man-
detur, si iis ad quos pertinet, ita videbitur. In cujus
fidem, has Literas manu meâ firmatas & sigillo mu-
nitas dedi.

Posnaniæ 15. Julii 1720.

STEPHANUS SZZANIECKI.

MEDI.

MEDITATIO I.

Præparatoria ad exercitia.



Undamentum Erit illa visio Ezechielis, *Ezech 2. A-*
tum S. Joannis Apostoli: in qua librum *poc: 19.*
ab Angelo sibi porreſum abſumere juſſi.
Accipe (inquit Angelus ad Joannem) &
devora librum. Et accepi librum de manu An-
geli, & devoravi illum, & erat in ore meo
tantum mel dulce: & cum devoraſſem eum,
amaricatus eſt venter meus: & dixit mihi: oportet te prophe-
tare gentibus & populis & regibus multu. Per hunc
autem librum Cornelius à lap: intelligit Apocalypſim
Joannis.

Prælud. 1. Hæc eadem visio in imaginatione
figenda.

Prælud. 2. Imaginare S. Patrem Ignatium libri
exercitiorum Inventorem seu Angelum Custodem, eun-
dem librum exercitiorum tibi ad manus porrigentem cum
ſimili allocutione: *Accipe & devora librum.*

Prælud. 3. Pete gratiam ut cum guſtu ſpeciali
fruſuq; non pœnitendo huic epulo planè Angelico accum-
bas, eademq; exercitia ſpiritualia, dignè & ad guſtum
ipſius Sanctiſſimæ Triadis ac Solatium Curia: cœleſtis
peragas.

PUNCTUM I.

Conſidera illicia & motiva ad alacriter & magno ani-
mo inchoanda & peragenda hæc exercitia.

A 2

imò

*Motiva ma-
gno animo
ac sedulo in-
choandi &
obsequendi e-
xercitia.*

2

1^{mo} Quia hoc epulum ac deliciae spirituales a Deo ex speciali erga te & Societatem, tam erga aliorum quorumcunq; salutem affectu tibi provisae, de caelo plane demissae: scimus enim circa eadem exercitia Sanctum Ignatium infusam sapientiam laborasse: non aliter quam apes desudant circa materiam mellis cum rore matutino de Caelo deciduam.

2^{do} Quia idem caeleste epulum de manibus sive Sancti Ignatii velut fortis Angeli terram ac mare calcantis sive S. Angeli Custodis plusquam ex paterna circa te, tuamq; animam & profectum tuum spirituales sollicitudine & studio adinventum tibiq; ad manus porrectum imprimisq; ex tot veluti florculis nempe ex mysteriis vitae Christi qui flos Nazareus est, tum & aliis meditandi materiis collectum. Quomodo illud digne non aestimabis?

3^{io} Quia idem tanquam mel dulce: Scilicet ad omnes virtutes, multo magis amaritudines & cruces vitae religiosae & cujuscunq; efficaciter dulcorandas condendasq; opportunissimum condimentum. Insuperq; tot gratis & donis divinis tot solatiis ac deliciis spiritualibus refertum, quibus illi abundantissime perfruuntur, qui seriam ac sedulam his exercitiis navant operam. Quis scit: an non etiam propter te speciales aliquas gratias & dona pro tota vita sive religiosa sive quacunq; etiam ac aeternitate tibi profutura praesentibus Recollectionibus, Deus alligaverit? Si ea accurate ut par est peragere volueris.

4^{to}. Quia id ipsum Angelicum convivium est specialiter animam nutriendum, corroborans, collapsum spiritum restaurans, restauratum conservans. Et quia liber est: Excitans memoriam, docens ac illuminans intellectum, accendens voluntatem. Estq; praeterea efficacissimum & unicum ad omnes morbos & defectus animae religiosae ac etiam cujuscunq; inventum ac provisum remedium. Vide an non etiam tibi hoc remedio ad similia praecipue ad restaurandum spiritum opus est? Simulq; adve-

adverte non deesse huic mellis aculeos, qui se tuo cordi
& conscientiae infigant, eamq; salubriter pungant &
compungant; proinde illos accuratè observa ac recipe.

6to. Quia non ab uno Joanne aut Ezechiele, sed
à tot viris Sanctissimis magno animarum suarum emolu-
mento degustatum, tot experientiis probatum, tot utili-
tatibus spiritualibus commendatum, totius orbis utilita-
te & encomio celebratissimum. Tunc solus, à tot tuis
Patribus fratribusq; aliisq; quibuscunq; antecedaneis cu-
juscunq; status hac in parte voles esse d-gener?

6to. Quia Sacratissimo ipsius DEI gustui apprimè
suave delictolium ac delectabile. Num tantillam etiam,
eidem Deo tuo invidetis portionem?

7mo. Quia totum cælum ac totus infernus præsto-
labitur arrestus, quomodo hæc exercitia, quo gustu,
quo Spiritus tui alimento peragere studueris? Ergone
inferno potius ejusq; malis geniis, quam Cælo ac cæli-
tibus præstabis solatium, teq; ipsum acerba orexi tor-
quebis?

PUNCTUM II.

Considera imò. Idem tibi dici accedenti ad hæc
exercitia quod Joanni dictum: *Accipe & devora li-
brum.* Nec id frustra: nempe ut non fatis tibi sit libellum
exercitiorum quomodocunq; evolvere, legere, degustare,
meditari; Sed etiam sit necesse, ut illum quodammodo
devores integrum, sine ulla residua particula absumas, in
tuam Substantiam convertas, eo Spiritu, qui hoc libello
inclusus est, vivas & spires. Quod enim edimus hoc ru-
gamus. Adeoq; expende his verbis expressam esse dili-
gentiam ac sedulitatem, qua tibi præsentia exercitia o-
beunda sunt. Nempe sicut dum mensæ accumbimus, o-
mnes alias occupationes procul à nobis seponimus, uni

*Reflexiones
practicæ cir-
ca eadem e-
xercitia &
initia eo-
rundem.*

esui ac refectiōi intenti ; ita planè præsentī Recollec-
tioni incumbendum ; Semetis videlicet omnibus aliis cu-
ris & sollicitudinibus. Huc Spectat: quod hic Apocalyp-
ticus liber saporem mellis, quod à laboriosis sedulisque
apibus effingitur habuerit : cum & liber exercitiorum
multo labore ac sedulitate egeat, ut nobis dulciores mel-
le, spirituales fructus propinet. Nisi inter fucos potius
alieni laboris fures quàm inter legitimas apes numerari
velis. Ut melle cælesti fruaris, aut operosa apis, aut
Samson leonum id est passionum ac tui ipsius domitor esto.
Et quia ordinata in melle effingendo apum Respublica,
ideo & hic non postrema ordinis ac distributionis tempor-
is pro tota die cura habenda est.

Considera 2dò. expressum hic esse modum utendi
hisce exercitiis : Sicuti enim dum cibum sumimus : non
integra simul frustra voramus, sed in partes minores di-
vidimus, masticamus ruminamus : & quidem non nimis
properanter, id enim sanitati obest, sed paulatim & quan-
doq; paufando. Ità modus similis in usu exercitiorum
servandus ; singula scilicet puncta ac veritates quodam-
modo masticando perpendendo penetrandoq; intimius,
ac in illis perpendendis non properando sed subsisten-
do tantisper.

Considera 3tiò. Quod sicut liber à Joanne absum-
ptus fecerat amaricari ventrem ejus : idem omnino de
hoc exercitiorum libro intelligendum : nempe quod ven-
tri, id est inferiori parti hominis sensualitati, terreno ap-
petitui, mundanæ vanitati deditis, nimis ingratus onero-
sus & amarus sit. Unde adverte, omnes tibi hujus ama-
ritudinis materias & occasiones amovendas, omnes Sen-
sualitates, appetitus ad terrena & mundana, præsertim
ad conversationes & colloquia, omnes curiositates, &
quidquid illud esse potest, quod tibi amaritudinem tæ-
dium in his recollectionibus causare queat. Et quoniam
apes dum dulcia mellis bellaria præparant, in abscon-
ditas

ditas secretasq; cellulas se recludunt, ideo & tibi sub
tempus exercitiorum specialem cellæ ac solitudinis pro-
cul omni turba & conversatione, amorem habendum esse.
Curandumq; præterea; ut eum effectum & fructum hæc
ipsa exercitia in tua anima præsentent, ut per ea tibi omnia
terrena sensulia delectabilia amarescant.

Considera 4to. Quod Angelus Divo Joanni librum
præfatum porrigens magna voce ibidem exclamaverit :
Tempus non erit amplius. Cogitaq; idem tibi intimari : nem-
pe quod forte ultimum hoc sit tuæ salutis remedium; cui
alligatæ sunt gratiæ efficaces, & gratia illa sine qua salva-
ri non possis. Item quod ultima forsitan sint hæc exer-
citia : quis enim novit an ad alia supervicturus sis ?
ut non sit futurum tempus amplius ; quod tibi ad pro-
merendam efficaciter salutem & gloriam æternam, ad
præparationem pro ingruente morte faciendam, commo-
dè suppetat. Statue igitur ita præsentis recollectiones
obire, ut post illas paratus sis illico mori, ac proinde
eò omnia dirige, ut in his collectionibus & per illas ad
mortem te sufficienter præpares, ac si post easdem nul-
la tibi alia superesset actio

PUNCTUM III.

Considera idem tibi dici quod Ezechieli & Joanni
dum sumeret librum præfatum de manu Angeli :
*Oportet te prophetare gentibus & populis & linguis & Regibus
multis.* Indeq; tibi præcipuum incitamentum ad sedulo
peragenda exercitia præsentia assume : Nempe ut in illis
non solum tui privati profectus spiritualis ac salutis æ-
ternæ respectum præ oculis habeas. Sed etiam tot ani-
marum, ad quarum obsequium te Deus vocavit & elegit.
Utiq; enim nec apes suo privato commodo sed magis
alieno

*Motivum spe-
ciale ex par-
te aliorum.*

alieno usui & bono mellificant juxta illud : *sic vos non vobis mellificatis apes.* Ac proinde cogita expectare à te, ut hæc eadem exercitia accuratè obeas non solum Deum non solum S. Patrem Ignatium non solum Societatem aut Religionem & statum quemcunq; curæ salutis animarum deputatum, sed etiam orbem pæne totum, tot animas in infidelitate in hæresi, in cæno peccatorum demersas, ad quas iuvandas, melleq; salutifero pascendas in his te collectionibus serio accingas, diligenter præpares, digno Religione & statu tuo, eoq; plusquam melleo ad quem omnes undiq; velut ad mel apes convolent, Spiritu imbuas : ad quævis prospera & adversa obfirmes & obarmes necesse est. Quod si neglexeris, de manu tua tantam jacuram Deus jûdex suo tempore requireret, nec tibi erit residuus ullus excusationis locus.

Colloquium : Gratias age Divinæ liberalitati ac Providentiæ pro tam singulari epulo ac remedio. Deprecare Divinam Bonitatem, quod illo & tot aliis ad profectum spiritualem & Salutem æternam mediis negligenter & perfunctoriè usus sis. Pete à Christo Domino, Beatissima Parente, S. Angelo Custode aliisq; SS. Patronis, ut suam benedictionem & patrocinium pro his exercitiis tibi impartiri dignentur. Fac intentiones universales, & particulares, item proposita Recollectionibus congrua; Patronos speciales pro iisdem elige. Indulgentias illis alligatas consequi velis,

MEDITATIO II.

Preparatoria item ad exercitia.

Fundamentum Gen: 2. Ubi immisit Dominus Deus soporem (alii legunt Extasim) in Adam : cumque obdormisset, tulit unam de costis ejus & replevit carnem pro ea. Et edificavit Dominus Deus costam &c. Pia.

Prælud: 1. Statue tibi ante oculos mentis Adamum
in Sopore illo, de quo liber Genesis, seu (ut alii volunt,
in extasi constitutum, tum ea ipsa quæ tunc cum illo & cir-
ca illum acta.

Prælud: 2. Iterum tibi Statue S. Patrem Ignatium
in secessu Manresano in extasim raptum, ibiq; eximius
à Deo illustrationibus circumfusus.

Prælud: 3. Pete gratiam similes tempore exercitio-
rum spiritualium illustrationes in ordine ad profectum spi-
ritualem tibi necessarias percipiendi.

PUNCTVM I.

Considera ex una parte extasim Primi Parentis gene-
ris humani: in qua quasnam visiones ac illustratio-
nes habuerit? Videre est apud Auctores. Præterea quo-
modo inde nobilissimum illud ædificium de latere Adami
sumptum confurrexerit: *adificavit* (inquit scriptura)
Dominus Deus costam &c. Quod etiam Typus & figura fuit tum
Christi, tum Ecclesiæ de ejusdem Christi in Cruce pen-
dentis, lanceâ transfixo latere prodeuntis & quodammo-
do progenitæ.

*Comparatio
Extasis Adæ
& Extasis S.
Patris.*

Ex altera parte Extasim Sancti Patris Ignatii in se-
cessu Manresano. Ubi quantis à Deo visionibus ac illu-
strationibus recreatus fuerit? pater ex ejus vita. Adeo
ut ipsemet dicere solitus sit: *Si Sacre literæ non extarent,*
se tamen pro fide mori paratum: ex iis solum quæ sibi Manresa pa-
refecerat Dominus Quo tempore (ut legitur in Breviario)
homo literarum plane rudis admirabilem illum composuit Exercitio-
rum librum, Sedis Apostolicæ judicio & omnium utilitate comprobatū.
Et hoc est insignissimū ac solidissimū ædifi- cium planè de cor-
de S: Spiritu plenissimo sumptū atq; in adjutorium spirituale
tot animarum excogitatū, quod in præfata extasi ac secessu
Manresano confurrexit. Sicut Ecclesia quoq; ex latere & cor-

8
de Christi prodiit. Vide ut illud tanti æstimes quanti æstimandum est. Vide præterea quantum hoc tam efficaci adjutorio ad restaurandum collapsum sive religiositatis sive virtutis Christianæ ædificium indigeas? reflectendo te ad ruinas ejus in particulari.

PUNCTUM II.

*Extasis Exer-
citia spiritu-
alia obveni-
unt.*

Considera: te quoq; ut rectè peragas exercitia spiritualia, collapsam Religiosæ seu Christianæ virtutis structuram instaures, in quandam extasim, aut similem Adamo soporem rapi debere: sicut enim homo in Extasim raptus, aut somno confopitus, totus intra se est, totus quo ad omnia compositus & collectus, totus in Deo fixus, ab q; ullo, quo ad exteriora sensu, & appetitu; ita ut oculos habens nihil videat, aures habens non audiat &c. Totus insuper ab omni confortio humano mundanoq; se motus, ab omnibus curis, negotiis alienus, totus in omni quiete ac tranquillitate constitutus &c. Ita pariter religiosus imò quicumq; alius in exercitiis spiritualibus, velut in somno aut extasi se gerere debet. Et quia somnus est frater mortis: ideo iisdem exercitiis idem Religiosus aut alius quicumq; quantum fieri potest similem se mortuo quo ad omnia exhibeat.

Perpende hæc & alia sive somni sive extasis adjuncta, eaq; intemetipso exprimere stude. Quo verò ea studiosius expresseris, eò nobilius ac solidius ædificium spirituale construes ac perficies.

PUNCTUM III.

*Terundem
visiones.*

Considera: quas potissimum visiones ac illustrationes in hac tua extasi habiturus es? Utinam vero Similes iis visionibus ac illustrationibus, quas S. Pater Ignatius in Manresano secessu habuit. Relic-

Reflede te imprimis supra materias Exercitiorum Spirituum, primæ secundæ, tertiæ & quartæ hebdomadæ: Quantæ ibi visiones tibi occurrent? Finis tui supremi; peccati, mortis, Judicii, inferni. Tum Christi ipsius totque mysteriorum vitæ passionis &c. ejusdem. Tum non paucæ aliæ.

Inter autem illas præcipua visio est agnitio tui ipsius: idq; quo ad præteritum, præsentem, & futurum statum, nempe qualis fueris, qualis sis in præsens, & qualis sis futurus in vita, morte ac æternitate? Qualis inquam imprimis quo ad peccata, defectus, commissiones, omissiones, eorumq; emendationem, satisfactionem in futurum: 2dò Quo ad transgressiones ac observantiam mandatorum Dei, instituti, Regularum, Votorum, Consuetudinum Religiosarum, five piarum quarumcunq; : 3tò Quo ad rectitudinem ordinem, perfectionem actionum, intentionum, negotiorum functionum, devotionum privaterum: 4tò. Quoad augmentum meritorum ac virtutum. 5to. Quoad primævum Spiritum ejusq; restorationem. 6to. Quoad mortificationem internam passionum, habituum, &c: & mortificationem externam. 7mò. Quoad præparationem tui ad quævis imminetia & mortem ipsam.

In quibus visionibus si ut par est versatus fueris, multas Sanctorum extases non æquabis tantum, sed etiam superabis. Accinge te ad easdem, nec oculos carnos sed oculos mentis: Memoriam scilicet, intellectum, voluntatem & cor tuum ad illas præpara.

Et quia in Extasibus Trias SSma, Christus, Beatissima Parens, Angeli, Sanctiq; comprehensores, Hominibus justis loqui consuevère: ideo tu quoq; in Colloquio, agnitâ imprimis ac proclamata tuâ indignitate: Eidem SSmæ Triadi, Christo, Beatissimæ Parenti Sanctis, Angelis præsertim Tutelaribus, aliisq; supplica, ut tibi per id tempus Exercitiorum ad cor loquantur verba salutis, ea præcipue

cipue quæ tibi maximè ad profectum spiritualem viderint necessaria: *Loquere Domine quia audit servus tuus.*

MEDITATIO III.

De Creatione & fine Hominis.

Gen: 28.

Fundamentum Erit Visio Jacobi Patriarchæ? qua vidit scalam statem super terram, & cacumen illius tangens caelum: Angelos quoq; ascendentes & descendentes per eam: Dominum innixum scale.

Prælud: 1. Imaginaberis tibi eandem scalam: Angelosq; ascendentes per eam ad Dominum celi & terræ supremum tanquam ad finem suum ultimum.

Prælud: 2. Petes gratiam agnoscendi hujus tui finis, & mediorum ad eundem, tendendiq; rectà ad ipsum.

PUNCTUM I.

*Excellentia
finis nostri
& motiva
tendendi ad
illum.*

Considera in hac scala Jacob, & visione illius adumbrari tibi imprimis finem ultimum ad quem omnino tendere debes, scilicet Dominum Deum stantem in summitate ac vertice scalæ (ut pleriq; volunt) eiq; innixum: à quo idcirco creatus es, ut ad eum continuo tendas & ascendas, ei servias, eum laudes, & tandem salvus fias, ad Deumq; tuum pervenias.

Hinc primò agnosce excellentiam hujus finis. Nempe quod tibi cum Angelis per eandem scalam ascendentibus sit communis. Agnosce exinde tuam felicitatem ac dignationem. Agnosce divinam super te bonitatem.

Simulq; ex his ipsis S. Patris verbis: *Creatus est homo* obligationes & motiva expende unice tendendi ad

illum

VI

tuum finem. In ea scala tibi propositum. Quid enim est imprimis te creatum esse, quam de nihilo sumptum ac in theatrum Entium existentium educum, simulq; in communi cum Angelis scala collocatum: cum te Deus in eodem nihilo extra tam felicem scalam relinquere potuisset. Non reliquit tamen, quamvis nullo tuo merito, imo prævisis tot demeritis, relictisq; in eadem nihili sui conditione innumeris aliis; quos si produxisset, longè illi rectius per eandem scalam incessissent, longe exactius, ferventius, viam mandatorum DEI ac sanctimonix decurrissent, tum etiam longè illos DEUS gratiores sibi pro tanto beneficio habuisset.

Jam in hac voce: *Homo* quot DEI dona & data, adeoq; obligationes ei serviendi expressæ? Intuere constitutiva hominis, Corpus tuum & animam. Quo ad animam? hanc tibi Deus contulit immortalem cum insignibus & præstantissimis tribus potentiis, Memoria, Intellectu & Voluntate. Quo ad corpus? Hoc etiam tibi providit integris omnibus sensibus, omnibus membris proportionatum non monstrosum, sanum, ad omnes homini convenientes functiones idoneum. Quam igitur gratus esse debes Plasmatori tuo, quod te talem creaverit, quod non in utero Matris extingui fecerit ante vel post infusionem animæ rationalis. Insuper quod te ex parentibus Christianis Catholicis nasci voluerit, quod in medio Catholicorum, non intra profundam hæresim, schisma, barbariem, non inter Turcas, Indos, Iapones. Quod non alio tempore rg: ante diluvium, dum omnis caro corruerat viam suam, vel temporibus Antichristi &c. Tandem quot aliæ obligationes ratione Redemptionis, electionis ad gloriam æternam, vocationis ad fidem, ad Religionem &c.

Perpende ista omnia, & in amorem laudemq; tui Creatoris exardesce.

PUNCTUM II.

*Media tendē-
di ad finē ult-
timū: cūq;
possidendi.*

Considera per gradus & lineas hujus scalæ juxta SS. Pres intelligi media ad prædictum finem. Et hæc sunt multiplicia ac innumera: scilicet naturalia & supernaturalia.

Naturalia primo sunt: Omnes res creatæ, Cælum & terra, & quæ in eis sunt. Percurre singula consideratione, & expende quomodo hæc omnia juvare te possint ac debeant ad finem tuum. 2dò Bona corporis & animæ. Percurre hæc eadem ipsa, omnes sensus, potentias, facultates, affectiones, talenta, & expende pariter quomodo illis tanquam mediis ad laudem EEI utaris? Huc pertinent bona fortunæ, prospera & adversa, fama præsertim & infamia; quæ similiter percurrenda. Intuere, quomodo tibi ad ultimum finem consequendum subserviant & conducant. Expende præterea, multos esse qui servant Deo Corpore Anima &c. paucos admodum, qui famâ suâ vel infamiâ servire velint.

Jam iterum media supernaturalia quot & quanta? Nempe ipse Christus Redemptor ac mediator noster, eius vita, doctrina, exempla, Passio: Tum Pretiosissima Parens Mediatrix & advocata nostra, Eiusq; vita Sanctissima.

Angeli, Patriarchæ, Prophetæ, Apostoli, Martyres, Confessores, Virgines, eorumq; innumera exempla: ac ipsi etiam adhuc tibi in hoc mundo conviventes insigni probitate conspicui homines fratresq; tui. En quot quanti; ad finem tuum gradus! Vide igitur quomodo illos decurreris, quem fructum, quemve stimulum ex his omnibus ad laudem, & obsequium DEI tui capere conveveris? Huc spectant Præcepta, Consilia Evangelica, Sacramenta, præsertim Eucharistiæ & Pœnitentiæ, Habitus & dona supernaturalia in Baptismo infusa, Fides, spes, Charitas, cum tot aliis donis. Ac præcipuè gratia Sanctificans: Nec non
aliæ

10
13
alio tot tantaq; gratia excitantes, adjuvantes &c. illuminationes, inspirationes, & instinctus interni.

Admirare, obstupescere super tot gradus & media tibi provisa. Confundere quod illis non tam ad Numinis laudem & gloriam quam potius ad ejus offensam tuamq; damnationem hactenus usus fueris, tam ignavè, segniter, retrogradè, perversè, illos decurrens. Gratias age Divinae Bonitati, quod te interea in ea scala sustinuerit, nec cum reprobis Angelis ex ea detruserit uti merebaris. Propone aliter te abhinc incessurum aliterq; his usurum gradibus & mediis.

PUNCTUM III.

Forma tibi aliquas Reflexiones practicas circa finem prædictum & media.

Imò. Quam stultum est, quamve periculosum in rebus creatis spem & quietem ponere. Quæ enim quies, quæ commoditas gradibus scalæ incumbere: imò quæ securitas. Terrena namq; omnia gradus sunt & quidem admodum lubrici, non curules, non tellæ, non cubilia, non culcitæ; quis igitur in his quietem ac securitatem collocet, quis non serio vigilet, quis indormiat? Jam quanta amētia est, res creatas pro fine sibi statuere? Quis namq; hunc vel illum gradum scalæ ascendens, existimaret se finem & metam attigisse?

Secundò ex eo, quod gradus hujus prædictæ scalæ sint eadem res creatæ: hanc tibi poteris formare reflexionem: Non aliter per hos gradus perveniri posse ad finem, quam si in eis pedes figantur, non caput, non pectus non cor, non oculi: calcari, despici, contemni debent, si gradus sunt, si per illos ad finem tuum devenire intendis. In hoc plane visus erravisse Psalter dum conquestus est: *Adhesit pavimento anima mea.*

*Reflexiones
practicae circa
finem & ejus
media.*

Ter.

Tertiò ex eo : quod Angeli etſi aliſi inſtructi, etſi puri Spiritus, non volatu tamen, ſed per gradus aſcendunt; adeoq; & tu conſidera, te quoq; non ſimul, non uno quaſi volatu, non repente ſed gradatim debere progredi & aſcendere, ut ſanctus perfectuſq; evadas, tandemq; finem ultimum capias & poſſideas.

Quartò ex eo, quod in Summitate ſcalæ Dominus quieſcere viſus; expende quietem veram, neq; infra, neq; in medio, ſed nonniſi emenſa tota ſcalâ, ſuperatis & calcatis omnibus terrenis reperiri : Nulla quies in divitiis, nulla in voluptatibus & commodis, nulla in ſenſualibus, nulla in hac vita, ſed nonniſi emenſo hujus vitæ & ſcalæ ſpatio, nonniſi poſt mortem, aut ſi ante mortem, certè nonniſi in ſummitate id eſt in ſummo virtutis, nonniſi in DEO & cum DEO.

Quintò expende per gradus inferiores & inſimos intelligi res creatas naturales, naturalia bona & talenta. Per gradus ſuperiores intelligi bona ſpiritualia ac ſupernaturalia ; ac proinde diſce hæc æſtimare, bonaq; eadem ſpiritualia ac ſupernaturalia naturalibus præferre, eo quod hæc longe ſuperiora & excellentiora ſint, viciniuſq; nos DEO ac Cælo admoveant ac reponant.

Sextò ex eo, quod ex Angelis alii per ſcalam aſcendant, deſcendant alii, expende, quod non æquè omnes hæc eâ ſem ſcalâ, ſcilicet tot mediis utantur ad capiendum finem ultimum, ſed imò ad Dei offenſam ad ſui interitum & damnationem. Et quidem quomodo non repente, non ſubitò corruant, ſed gradatim deſcendendo ad perditionem, ab uno peccato ad aliud peccatum, ex uno gradu prolatabendo ad alium. Vide & exhorreſce, ne inter hos deſcendentes inveniaris. Tum inter illos multum inſtantes Angelos, qui dum toties ſcalam virtutis aſcendunt, iterum iterumq; redeunt ad deſcenſum.

ſ. primò ex eo quod ſicut ex omiſſione alicujus vel unius in ſcala ſcandenda gradûs, ingens caſus periculum, ita

15
ita in via spirituali ex peccatis omissionis non minus ruinae discrimen.

Jam sicut in ascensione scalæ rectitudo cursus, nec minus medium scalæ ejusdem, omnino observandum est, neq; ad dextram vel sinistram deflectendum; ita in profectu spirituali rectitudo intentionis, mediumq; virtutis absq; deflexione in vitiosam alterutram partem scilicet excessus vel defectus, tenendum. Quod si quis accuratè servaverit, medio tutissimus ibit.

Tandem expende nunquam nos satis securos & extra metum esse debere, quamdiu extra metam & finem sumus: adeo ut quo aliquis in sublimiori Sanctimoniam ac virtutis gradu constitutus, eo magis timeat necesse est. Quamdiu enim in hac vita degimus, in scala sumus, ex qua eo gravior casus, quo sublimior status, nec quisquam à periculo ruinae exemptus, eo ipso quod sublimi sanctimoniam conspicuus. Proinde nec Angelicæ virtuti fidendum, cum & hic Angeli inter descendentes inventi sunt. Reflecte te in quo tu quoq; ipse gradu consistas, & vide ne cadas.

Colloquium gratias age Creatori tuo pro beneficio creationis, & ordinatione tui ad tam sublimem finem provisisq; tibi tot & tantis mediis ad eundem. Desle tuam ingratitudinem, deprecareq; Divinam bonitatem quod alios tibi fines longe diversos statueris, neglecto supremo fine mediisq; ad hunc finem aut contemptis, aut male adhibitis. Fac congrua his considerationibus proposita, & exclama: *Fecisti nos ad te & inquietum est cor nostrum, donec requiescat in te.*

MEDITATIO IV.

De fine Hominis Religiosi Societatis IESU.

Fundamentum, erit Visio Ananiæ facta, qua ei revelatum est de Saulo postea Paulo, ejusq; conversione,
C de

Añor: 9.

de qua cum dubitaret Ananias, hac voce erectus est: *Vade quoniam vas electionis est mihi iste, ut portet nomen meum coram gentibus & filiis Israel Ego enim ostendam illi, quanta oporteat eum pro nomine meo pati.*

Prælud : 1. Hæc eadem ipsa Visio in Imaginatione figenda.

Prælud : 2. Imaginare hanc eandem vocem de te ipso dici : *Vas electionis eris mihi iste &c.*

Prælud : 3. Pete gratiam, ut dignas hac tanta tua electione reflexiones ac resolutiones estimationemq; ipsius mente concipias.

PUNCTUM I.

*Comparatio
in nonnullis
Societatis IESU
& cujuscunq;
Societatis ejusdem
religiosi cum
D. Paulo Apostolo.*

Considera planè similem saltem in nonnullis Societatis, necnon cujuscunq; in particulari Societatis religiosi electionem esse, cum Pauli in Apostolatuum electione.

Imò. Ut enim hic post alios Apostolos ferè ultimus in Apostolum electus; ita & Societas post tot religiones Apostolici instituti vix non ultima planeq; in fine sæculi erecta ac fundata : ut non immerito eodem se cum D. Apostolo vocabulo insigniat : ut enim ille minimum se Apostolorum dixit scripsitq; ita quoq; Societatem ipse S. Pater minimam appellari voluit.

Secundò sicut D. Paulus in sua ad fidem & Apostolatuum vocatione ex equo ad terram deturbatus, cæcitate in oculos inducta, ita DEUS ad Societatem vocatos, via humiliationis ac depressionis simulq; cæcæ obedientiæ ad magna pro sua gloria & animarum salute agenda disponit.

Tertiò: Adverte in hoc convenire Societatem cum D. Paulo, quod sicut illum ita Societatem bajulam sui Nominis, Christus effecit, eodemq; nomine illam insignivit.

Quartò. Sicut S. Paulus ad conversionem mundi

ac

ac gentium præcipue, deputatus; ita & Societas ad eundem finem instituta, nempe ad extirpationem hæresum ac peculiariter ad conversionem gentilium Indorum Japonum & aliorum, in quo non modica Societatis opera eluxit. Et hic omnino illius finis est, quem sibi quisq; nostrum propositum habere debet juxta Regulam summarii primam.

Concipe hinc eximiam hujus finis, ad quem DEUS Societatem & te ipsum in particulari elegit, æstimationem. Reflecte te, quomodo hactenus huic fini satisfeceris. Quantum animi & Zeli etiam num habeas ad conversionem peccatorum, hæresum, gentilium, ad peragrandos etiam ultimos mundi fines, modo aliqua spes conversionis infidelium affulgeat, & si DEUS tuâ operâ uti velit.

Adverte verò vocari hic Paulum vas electionis. Cum autem in omni electione pluribus rejectis, assumatur unus vel pauci, ita in Pauli, ac in tui etiam ad portandum nomen JESU electione factum; quot enim ad idem unâ tecum concurrentes, beneficium, & fortè meliores habiliore postpositi, rejecti, te cum paucis ad id muneris electo & admissio. Proinde vide quanti id ipsum æstimare, quomodo huic beneficio ac electioni respondere debeas aut hactenus respondeas?

PUNCTUM II.

Considera imò. Quidnam sit portare nomen JESU coram gentibus? Nempe non otiosè illo gloriari, illud jactare ne dicam superbire te Jesuitam, te JESU socium esse: sed potius est, illud mundo prædicare, verbis, exemplo, ad ejus agnitionem, amorem, gentes & populos manuducere. Præterea circumferre illud non solum pro vocabulo, sed etiam vitâ & moribus exprimere ac sonare. Hinc te reflecte, an non tu etiam nomen hoc Sanctissimum otiosè portas & jactas? an non es magni no-

*Quidnam sit
portare no-
men JESU.*

C

minis

minis umbra? Quem hactenus ex peccatoribus, ex hæreticis, ex gentibus convertisti? quem ad cognitionem & amorem hujus Nominis accendisti sive verbo sive tuo exemplo? quomodo hoc idem nomen vitæ & moribus exprimis? an non huic nomini, glorificationis loco, contumeliam ignominiam opprobrium facis?

Considera verò secundo non dici hic de Paulo: ut annuntiet deprædicet nomen JESU; sed potius, ut portet. Proinde portitorem eum non prædicatorem & præconem denominari. Portitorum autem munus est, manus & humeros, imò caput, collum, scapulas oneribus submittere. Siccine onerosum est Nomen JESU? Ita omnino onerosum inprimis quo ad obligationem quam in Suos portitores inducit: onerosum quo ad excellentiam muneris: onerosum quo ad labores & incommoda, quæ sunt sub hoc nomine subeunda. Onerosum quo ad gravissimas cruces huic nomini conjunctas & alligatas (de quibus infra) Non enim sine mysterio Pilatus hoc nomen & quidem terno idiomate Cruci Christi inscripsit. Adverte autem sicut portitor totum se (ut supra dictum) oneri impendit; Ita quoque nomen JESU non ore tantum, sed toto se circumferendum. Non solū os & lingua, sed caput, manus pedes, cor, pedes & omnes vires illi portando impendendas.

Considera 3tio. Sicut vas pretioso alicui deposito aut liquori deputatum non decet ad alium viliorum usum convertere: ita etiam vas portans nomen JESU absit ut alteri usui serviat. Reflece te, quomodo hactenus Sortem tuam æstimaveris, an non toties te ad alia potius abjecta, humilia, indigna tanto nomine demisisti? Confundere tanta tui abjectione.

Considera quarto. Expresse poni, ut portet nomen meum: meum inquam non suum. Reflece te: an potius nomen tuum quàm JESU Christi promoveris, tui potius tuorumque talentorum æstimationem, famam, quàm Divini Nominis exaltationem, querendo in concionibus functionibus quas gessisti?

Con-

Confidera igitur. Quid fit ulterius portare **Nomen** JESU? nempe non tantum pro illo multa agere sed etiam multa pati. Et hoc planè commune habet Societas cum S. Paulo de quo ad Ananiam: *Ego enim illi ostendam quanta cum oporteat pro nomine meo pati.* Reflece te, quomodo sis resolutus quantumve animi habeas ad patendum pro nomine JESU. Quantum hactenus passus sis ab externis, à tuis superioribus, æqualibus, inferioribus. Si nihil adhuc aut certè modicum? non es verus JESU socius, cujus est non modica nec pauca sed multa & magna pati.

Percurre hic consideratione, quomodo idem **Nomen** S. Paulus portaverit, percurrere inquam omnia ab eo acta & tolerata illa præsertim quæ ipsemet de se innuit 2. Corinth: II. *Ministri Christi sunt? plus ego, in laboribus plurimis, in carceribus abundantius, in plagis supra modum, in mortibus frequenter. Ter virgis casus sum, semel lapidatus, ter naufragium feci nocte, & die in profundo maris fui, in itineribus sæpe, periculis fluminum, periculis latronum, periculis ex genere, periculis ex gentibus, periculis in mari, periculis in falsis fratribus, in labore & ærumna in vigiliis multis, in fame & siti, in jejuniis multis, in frigore & nuditate &c. &c.* His & aliis perpensis, vide an simile quid vel egeris vel tuleris?

Confidera tandem non frustra apponi hanc causam & particulam enim. *Ego enim illi ostendam &c.* Quasi hæc esset legitima causa & ratio electionis Pauli in Apostolatum ad portandum nomen JESU & tot alia sublimia opera: nempe tolerantia multarum passionum Hinc in tuis crucibus, humiliationibus solatium cape, nimirum signum esse tales ad eximia pro DEO & salute animarum patranda portandaq; plerumq; destinari, quos hac viâ DEUS ducit in Religionem.

PUNCTUM III.

Media ad finem Societatis obtinendum.

Considera media ad prædictum finem Et hæc tibi DEUS efficacissima omni ex parte providit.

Imò Ex parte naturæ : nempe capacitatem, aptitudinem, talenta quæ conversioni animarum non inutiliter impendere queas.

Secundò. Ex parte Religionis tuæ, ad quam te vocavit, quot iterum media ! Institutio in doctrina, in Spiritu, tam sedula, tam accurata, per tot annos exhibita. Huc impensæ in victum, vestitum, valetudinem, commoditatem religiosam. Jam regulæ, ordinationes, vigilantia superiorum, disciplina religiosa, quotidianæ occupationes, exercitia &c. Quid gratiæ DEI speciales quibus se hominibus Societatis liberalius communicat, & tanquam vasa electionis exornat perpolit, perficit ad hunc finem, ad portandum scilicet nomen suum ad conversionem animarum suo sanguine redemptarum. Hinc te reflecte quantum in te hæc eadem media profecerunt, quomodo illis usus es ? Jamne es effectus idoneum vas ad portandum Nomen JESU ? Percurre etiam hic Institutionis ac educationis religiøse annos, quomodo illos in ordine ad finem tuum transegeris ?

Ut vero S. Paulus ad 3^{ti}um Cælum, ut ibi ad Apostolatam erudiretur raptus; an non & tibi pro Cælo Religio, in quo Societatis homines exquisitâ scientiâ, quâ suo fini reddantur aptiores erudiuntur. Hinc in egressu suo ex Societate (ut experientia constat) hæc eadem scientiâ ac talentis cum admiratione ipsorum secularium pleriq; privantur.

Adverte præterea : Sicut vas ut sit aptum magnis præsertim usibus, debet esse firmum non fragile, non corruptioni obnoxium, non rimis plenum : ita planè & tu, te ipsum circumspice, quam firmi beneq; solidati Spiritus sis, quàm à periculo corruptionis alienus, prosperis & adversis infractus, quam bene in Spiritu & religiositate fundatus.

21
Si hac in parte deficiis ; præsentibus collectionibus fac ut emendes.

Adverte tandem : Sicut vas Patris familias manibus ad placitum illius permittit se tractari, versari, quocunq; loco reponi, ad quemcunq; usum deputari : Ita plane & Religiosus Societatis. Vix enim efficacius medium est ad promovendam Salutem animarum, & fructuosè operandum circa easdem quam indifferentia quoad officium locum &c. Sinendo se à superioribus juxta illorum placitum gubernari, cuicunq; usui, loco, officio destinari. Vide quantum in hoc medio profecisti ?

Colloquium : Gratias exhibe Christo JESU pro tanta dignatione Societati tibiq; præstita. Nempe quod illam sui nominis bajulam fecerit, ad tamq; præstantem finem evexerit, ac te quoq; etiam ejus sortis reddiderit participem, tam efficacia ad id media providerit. Deplora tuam circa hunc finem ac media negligentiam. Pete à Christo Duce, ne te à possessione hujus finis suiq; nominis obsequio rejiciat. Fac proposita huic materiæ & considerationibus prædictis congrua. Conclude aspiratione S. Patris : *O Domine utinam te homines nossent ! utinam mali Catholici, hæretici, infideles &c. Seu etiam conclude verbis. Sancti ejusdem Pauli : Domine quid me vis facere ? offerendo te ad quævis agenda sustinenda pro DEI gloria & animarum salute.*

MEDITATIO V.

*De fine Mediato Societatis nempe gloria
DEI.*

Fundamentum. Visio Ezechielis cap. i. Ubi vidit gloriam DEI sublimi Curru & quatuor animalibus vectam.

Pic-

Prælud : 1mum. Erit hæc ipsa Prophetica Visio imaginatione exprimenda.

Prælud : 2dum. Petes gratiam agnoscendi tui finis, evadendiq; idoneum propagandæ Gloriæ Divinæ instrumentum.

PUNCTVM I.

*Adjuncta Glor-
iæ DEI ab
Ezechiele de-
scripta & à
nobis procu-
randa.*

Considera sicut hominis Christiani duplicem esse finem immediatum scilicet & mediatum. Immediatus est Sanctificatio nostra, Mediatum vita æterna & gloria. Ita etiam Societas finem habet pariter duplicem. Immediatum quoq; & mediatum. Immediatus salus & perfectio propria & aliena, Mediatum & ultimus maior DEI gloria. Adeoq; considera hunc finem in prophetica Visione Ezechielis adumbratum esse.

Ubi in primis expende Adjuncta gloriæ DEI ab Ezechiele descripta : nempe quod sublimi currui & rotis infidebat, quatuor animalibus tanquam equis & iumentis vecta Atq; hinc adverte similem tibi imò eandem cum his animalibus incumbere obligationem ex vi instituti & vocationis tuæ : Videlicet obligationem exaltandæ per te promovendæ & provehendæ Ejusdem Gloriæ DEI. Qui finis quam sit sublimis, quam excellens vel hinc, expende, quod sit non cum quibuscunq; Angelis sed cum Angelis altioris ordinis Cherubinis scilicet, qui per hæc animalia designantur, communis. Concipe hinc æstimationem tui instituti ad tam præstantem finem evecti : adjuuge te quoq; quam potes firmissimè ad currum istum, totumq; te cum omnibus potentiis ac viribus tuis ad exaltationem & provectionem Gloriæ DEI tanquam jumentum sacrificæ &c. cum Psalte exclamado : *ut jumentum factus sum*, cum ipsi Cherubici Spiritus id ipsum non opprobrio sed honori sibi ducant.

Verum expende hic ulterius, cur hæc gloria DEI
stabi-

stabilem sibi mansionem & locum non posuerit, cur solum non insederit, non incoluerit palatium, sed curru vehi voluerit per orbem & rotis? atq; hinc etiam adverte gloriam DEI non esse contentam, uno angulo, uno loco, nolle quiescere, sed velle longius & longius provehi, ubiq; propagari, orbem visere ac implere; nec ad unum hominum genus v.g. divitum, potentum, nobilium, sed etiam ad vilissimas pauperum casas sese extendere, ad omnia, loca personas indifferentem esse. In quo quantum illi velificetur Societas quis non videat? cum pro fine suo suarumq; omnium operationum habeat non qualemuncq; sed majorem semper ac majorem Gloriam DEI prælucen- te sibi regula summarii secunda: *nostræ vocationis est diversa loca peragere & vitam agere in quavis mundi plaga, ubi majus DEI obsequium & animarum auxilium speratur.* Vide an & tu pro obligatione tui parem tanto fini animum ac Zelum e- umq; ullis locis ac personis illimitatum habeas. Exar- desce eodem zelo circa eandem gloriam DEI promovendam quo potes maximo.

PUNCTUM II.

In hoc puncto expende adjuncta quatuor anima-
lium.

*Adjuncta 4.
animalium.*

Et primo quod cuilibet ex illis erant facies quatuor Hominis, Leonis, Aquilæ, & bovis. Atq; hoc ipsum ideò, quod ad provehendam DEI gloriam facie hominis, id est Sapientiâ, Scientiâ, prudentiâ humana opus sit. Facie Leonis, hoc est fortitudine leonina, fortitudine imperterrita in adversis, fortitudine invicta. Facie Aquilæ, id est irretorto oculo in solius gloriæ DEI intuitum per rectam in omnibus intentionem directo ac defixo. Facie bovis, id est infatigabili circa gloriam DEI promovendam animo & conatu. Vide an in te hæ facies elucescant?

D

Secun-

Secundo expende quod hæc animalia plena erant oculis ante & retro (ut etiam S. Joannes in sua Apocalypsi testatur) Hæc quæ ideo quod speciali ac placet lyncæ circumspeditione & cautela, viris Apostolicis DEI gloriam provinentibus sit opus. Vide qua tuiple cautela qua circumspeditione præstestim in tuis conversationibus usus sis? quantum quæ gloriæ divinæ hujus circumspeditionis & cautelæ negligentia ac defectu offecisti? Jam quot oculis, iisdem viris Apostolicis opus est : ut omnes Gloriæ Divinæ propagandæ occasiones circumspiciant? Qua insuper munditia carnis & animi, ut nulli navo vel pulvisculo, quemadmodum oculus, sint obnoxii. Quam intento in eandem gloriam DEI intuitu, absque ullo sui respectu, adinstar oculi, qui alia omnia videt præter seipsum.

Tertio expende quod hæc animalia, ubi erat impetus spiritus, illuc gradiebantur Nempe solius divini spiritus ductu regabantur, non ductu carnis aut appetitus sensualis, non ductu respectuum humanorum, non, impetu passionum &c. Vide quo tu quoque Spiritu regeris, quo ductu, conversationibus & aliis functionibus te impendis?

Quarto expende quod super capita eorum esset similitudo firmamenti. Nempe nihil terrenum cogitatione volabant, in celo capite & mente defixa, longe à spe & appetitu terrenæ mercedis ac retributionis posita. Vide quis in te quoque hac in parte sensus?

Præter hæc autem 1. Quatuor pennæ uni : scilicet Virtutes cardinales, quarum maximus usus & necessitas in propagatione Gloriæ divinæ. 2. Pedes eorum pedes recti: id est appetitus & affectus omnes. 3. Planta pedum eorum quasi planta pedum vituli : præ cæteris enim animantibus bos sive vitulus solidè, firmiter, fortiter, pedem seu plantam figit, nec ita facile cespitat: quod etiam propagatoribus Gloriæ Divinæ spectandum. 4. Manus hominum sub pennis eorum, per quod laboriosus & operativus gloriæ Divinæ Zelus denotatus idemque celer & efficax. 5. Junctæque erant panna eorum alte-

25

*alterius ad alterum: quod ipsum Charitatis & concordie mu-
tue symbolum. 6. Non revertebantur cum incederent: scilicet
constantia ac perseverantia infatigabili præcellebant. 7.
Unumquodq; ante faciem suam gradiebatur: id est omnia agebat
oculatè, prudenter ex deliberatione, consilio, ex prævisione
agendorum, nihil cæco modo, nihil temere, verso etiam ad
se suasq; & non alienas actiones intuitu: 8. Aspectus eorum
quasi carbo ignis ardentis & quasi aspectus lampadarum. Per quod
Zelus ardens & exemplaris exprimitur juxta illud: luceat
lux vestra coram hominibus. 9. Animalia ibant in similitu-
dinem fulguris coruscantis: id est eximia celeritate & a-
ctivitate in operando præstabant. Vide quidnam horum
adjunctorum inte exprimas?*

PUNCTUM III.

*In hoc puncto expende adjuncta Currus & rotarum.
Ac imprimis quod cum elevarentur animalia, elevaban-
tur simul & rote: atq; hinc adverte mensuram elevati-
onis currus gloriæ DEI, esse elevationem nostri sursum à
terra. Quantum videlicet à terra, à terrenis cupiditatibus in
sublime virtutis ac perfectionis elevamur, in tantum pro-
vehimus sublimitatis, Gloriam DEI. Vide ac intime a-
gnosce, ideo te in promovenda Gloria DEI parum profi-
cere, quod ipse terræ terrenisq; animo inhærens, modicum
in virtute ac religioſitate proficias.*

*Expende secundo per has rotas à SS. Patribus intelli-
gi ætatem humanam ejusq; quatuor partes: Pueritiam,
Adolescentiam, Virilem ætatem & senectutem. Vide hinc
ipse quantum ætatis tuæ, Gloriæ DEI impenderis ac etiam
impendis? confundere quod mundo, vanitati, captandis ne-
ſcio quibus plaufibus magna ejus pars ceſſerit, D E O
ejusq; gloriæ vix tantillum: consecra illi ſaltem vitæ reſi-
duum.*

Da

Ex-

*Adjuncta cur-
rus & rota-
rum.*

Expende tertio quod in medio illarum rotarum erant aliæ rotæ. *Rota* (inquit) *in medio rote*: id est symbolum æternitatis, in quam quisquis oculum intendit fixius; nihil temporale, nihil terrenum cogitat, uni gloriæ Divinæ promovendæ intentus. Vide quisnam apud te æternitatis intuitus? & quonam modo tuorum annorum & actionum minores rotæ intra hanc rotam maximam volvantur?

Expende quarto per easdem rotas à plerisq; intelligi 4. orbis partes. Et certè in has totq; partes orbis Viri Apostolici gloriam DEI provexerunt, hoc curru & rotis fecere sublimem. Erubescere quod nihil simile audeas faciasve, quod nec tantillo mundi spatio imo angulo eandem DEI gloriam propagaveris. Et si homo parvus mundus est: an saltem vel in unicum talem mundum eam ipsam invexeris. Imo ex te ipso quidnam laudis & gloriæ DEO accrevit aliquando?

Expende 5to. De rotis iisdem ibidem dici, quod *Spiritus vitæ esset in rotis*. Quis vero hic Spiritus nisi gratia DEI imprimis habitualis, quæ est anima animæ, vita vitæ nostræ, sine qua omnes nostræ operationes mortuæ. Tum gratia actualis, sine qua nostræ omnes activitates & efficaciæ nullæ. Vide quis in te ad utramq; gratiam respectus & conatus? Insuperq; per eundem Spiritum vitæ intellige rationes pure spirituales æternas, non humanas aut politicas, quibus scilicet gloriæ propagandæ intenti, regi debent. simulq; quisnam hac in parte sis vel fueris, adverte.

Colloquium & Affectus. Offer te totum tuq; omnia talenta, vires, famam, æstimationem, vitam ipsam & sanguinem Gloriæ Divinæ. Damna ac detestare omnes alios devios fines quibus hactenus studueras, præsertim vanam tui ipsius gloriam. Desiste tuam hac in parte amentiam, & jacturam tot laborum ad alium finem quam ad gloriam DEI directorum, adeoq; jacturam etiam tot meritum. Pete à DEO, ut te gloriæ suæ dignum efficere instrumen-

27

tum velit, ad idq; muneris acceptare. Propone, te, abhinc exemplo S. Patris omnia ad solam DEI maiorem gloriam directurum: hocq; ipsum semper in ore habiturum ac in corde: Exclama tandem cum Psalte: *Non nobis Domine non nobis, sed Nomini tuo da gloriam.*

Hæc ipsa meditatio ului esse potest cuicunq; ad statum quemcunq; spirituales gloriamq; DEI promovendam Vocato.

MEDITATIO VI.

De recta in omnibus intentione.

Fundamentum: Visio Apocaliptica Joannis Apoc: 6. *Veni & vide: & ecce Equus albus, & qui sedebat super illum habebat arcum, & data est ei corona, & exivit vincens ut vinceret: Symmachus legit cum additamento: Habebat arcum & tetigit circulum.*

Prælud: 1. Eadem Visio in imaginatione constituenda.

Prælud: 2. Pete gratiam, ex hac Visione rectitudinem intentionis agnoscendi eamq; festandi.

PUNCTUM I.

Considera in hac visione rectitudinem intentionis adumbratam, eamq; per sagittam ex arcu emissam intelligi: per circulum autem intelligi sive æternitatem, sive ipsum DEUM æternum, ejusq; gloriam. Utiq; enim sic sapientes Ethnici DEUM definiebant: **DEUS** est Circulus, cujus centrum ubiq;, periferia nusquam.

Atq; hinc adverte, quid sit esse rectam intentionem, nempe recte eam tendere in suam metam & finem. Tunc autem recta tendit, dum non tendit ad quidquam creatum temporale terrenum, sed ad æternum ad Deum ipsum ipsiusq; gloriam, & placitum.

*Quid sit recta intentio
& in quo
consistat?*

Adverte 2dò non illam alteri quam cursui sagittæ affimiliari: non enim cursui navis sive in mari sive in amne quocunq; Hujus enim cursus nequaquam rectus, sed imò variè obliquus, sive ex occasione ventorum fluctuumq; impellentium, sive ex occasione scopulorum Syrtium Charibdem vitandorum, sive ex occasione necessarij commedatus conquirendi: sive deniq; ex occasione ipsius tractus & alvei sinuosi. Non volatui cùjuspian volucris: quia & hic nunquam rectus & æqualis, sed varius pro necessitate aut libitu: nunc sursum, nunc deorsum, nunc ad dextram, nunc ad sinistram, sæpe etiam retrogradus: non cursui cujuscunque pecoris, ex quo is non recta ratione sed appetitu sensuali regitur. Non deniq; cursui ipsius hominis: quia & hic non semper, variis de causis rectus, stabilis, æqualis, constans.

Adverte 3tiò. Sicut ad emissionem sagittæ tria concurrunt: arcus, nervus, manus: ita ad rectitudinem intentionis, voluntas velut arcus à recta ratione tanquam à nervo intentus, & simul applicatio ac operatio, sine quâ intentio parum aut nihil valet.

Examina hic tuas omnes actiones functiones, verba, cogitata, quâ intentione illa exornaveris? Quem usum intentionis & quàm frequentem quàm elevatum in illis habueris? Examina ipsas tuas intentiones, quo erant, ad quem finem directæ?

PUNCTUM II.

*Adjuncta ve-
ba Intenti-
oni.*

Considera Equitem hunc Apocalipticum sagittam ex arcu jaculantem, equo albo insidere: per illumq; etiam Rectitudinem intentionis adumbrari, eò quod albedo denotet candorem, sinceritatem, puritatem, immunitatem ab omni nævo & fūco. Et planè hoc ipsum est rectæ intentionis attributum, ut se non permittat ullis imperfectionibus, deviis respectibus, nævisq; ullis coinquinari,

29
nari, adeoq; sit defecata ab iisdem. Examina hic iterum
tuas intentiones: an hæ erant sic depuratæ ab omni im-
perfectione & devio respectu, an sinceræ, candidæ, absq;
omni hypocrisi, vana gloria, occulto saltem boni tempo-
ralis & proprii commodi studio?

Considera præterea per hunc equum denotari celerita-
tem & efficaciam, adeoq; expende, illum, quisquis rectam
in suis actionibus intentionem habere conatitur, nihil cun-
ctari, nihil reformidare, nullis difficultatibus, respectibus,
& minis terri, nihil differre, nullis remoris distineri, sed
omnia celeriter efficaciter strenuo animo aggredi, expedi-
tè & feliciter conficere. Uti de equo Job: *Exultat auda-
cter, in occursum pergit armatus, contemnit pavorem nec cedit gladio*
Cap. 39.

Unde hinc conclude, ideo nobis multa non succedere,
ideo divina benedictione carere, per dilationes & moras
inanes dissipari & in vanum & vacuum abire, quia in illis
defectu rectæ intentionis laboramus. Reflicte te supra te
ipsum, causanq; malorum tuorum Successum, etiam
in negotiis gloriæ Divinæ & salutis animarum, deviis
non sinceris intentionibus attribue.

Considera tandem per hunc eundem equum intelligi,
appetitum sensualem, amorem mundi ac terrenorum, qui
nos sæpe numero ad devia, illicita & parum honesta ducit
& provocat, à fine ultimo retrahit ac dejicit: tandemq;
non raro in baratrum damnationis præcipitat, nisi à recta
intentione frangatur, cohibeatur, ad finem debitum dirigat-
ur. Reflicte te, quid in te valuerit & an prævaluerit hic
idem appetitus & amor mundanus? quomodo illum fren-
naveris? in quas te vanitates, in quot devia deduxerit? &
hoc quidem defectu debitæ intentionis. Propone abhinc
arctiori freno ac præcipue freno rectæ rationis ac inten-
tionis illum, teq; ipsum coercere.

PUN.

PUNCTUM III.

*Premium &
effectus recte
intentionis.*

Considera, datam esse huic Apocaliptico Equiti coronam: nempe, à solis, rectam intentionem in actionibus suis usurpantibus coronam obtineri. Age quidvis, sustine quidvis, aude & perpetra, profunde etiam vitam & sanguinem; frustra sunt omnia, si recta in iis intentione caruisti. Deplora hic tuos labores Religiosos, sudores scholasticos, concionatorios, vigiliis ærumnas, deplora tot occasiones & iacturas meritorum adeoq; præmii æterni, idq; ob defectum debitæ intentionis.

Considera secundo de eodem Equite dici, quod *exivit vincens ut vinceret*. Nimirum quisquis rectam in omnibus intentionem habere allaborat, illi facile & promptum est vincere omnia adversa, omnes mundi & carnis illecebras, omnes satanæ tentationes, omnia in via spiritali impedimenta, obstacula, difficultates quascunq; , linguas alienas, proprias passiones &c. Nec frustra additur. *Vincens ut vinceret*, ac si victoria victoriæ præluderet, victoria victoriæ cōtaretur, tam faciles & multiplices tamq; constantes esse victorias, ut victoriæ ex victoriis emergant, & fluant, adeoq; tales vinci nesciant. Cum contrarium in iis contingat, qui in hac eadem intentione deficiunt: & si enim vincant aliquando, postea tamen non raro profligantur & succumbunt. Imò cum etiam vincunt, illicò à vanitate quapiam, & inani gloria vincuntur. Intuere hic teipsum, defectumq; victoriarum spiritalium defectui intentionis adscribe.

Adverte vero hunc eundem equitem poni sine appellatione sine nomine: nempe illum nihil ad sui nominis celebrationem, omnia ad nominis divini gloriam direxisse, sui nominis obliviscentem, imò illud oblitterantē, adeo ac si eodem defacto careret, soli divino nomini & gloriæ intentum: Quàm autem eximio hujus ipsius præmio! scilicet præmio

32
præmio nominis ac dignitatis regalis cum diademate sibi
collati: *Data est ei (inquit) corona.* Complace tibi
proinde in hoc ipso præmio intentionis ad solius Divini no-
minis glorificationem ordinatæ. Condemna autem & de-
ride intentiones ad privati nominis celebritatem directas.

Pro colloquio Oratio Ecclesiæ: *Actiones nostras quæsu-
sumus Domine aspirando præveni & adjuvando prosequere ; ut con-
secta nostra oratio & operatio à te semper incipiat & per te cepta
finiatur*

MEDITATIO VII.

De iis quæ nos avocant ab ultimo fine.

Fundamentum. Visio Apocaliptica S Joannis: quâ vi-
dit mulierem Babilonicam sedentem super bestiam
coccineam plenam nominibus blasphemiarum, habentem
capita septem & cornua decem: *Et mulier erat circumdata
purpura & coccino & inaurata auro & lapide pretioso, habens po-
culum aureum in manu sua plenum abominatione, & immunditia
fornicationis eius. Et in fronte ejus nomen scriptum, mysterium :
Babylon magna mater fornicationum & abominationum terræ.*

Apoc: 17.

Prælud: 1. Hæc ipsa visio in imaginatione consti-
tuenda.

Prælud: 2. Pete gratiam agnoscendi fraudes hujus
mulieris Babilonicæ à tuo te fine avocantis, easq; dete-
standi, rectaq; ad eundem finem tendendi.

PUNCTUM I.

Considera per hanc mulierem Babylonican intelligi mun-
dum, per poculum in manu ejus Carnales volupta-
tes & illecebras. Per bestiam cui insidebat intelligi dia-
bolum

*Quidnam per
hanc mulie-
rem Babylo-
nicam pocu-*

lum & besti-
am intelligē-
dum? Nempe
Mundus caro
diabolus.

32

bolum, aut etiam corpus & appetitum animale bestiale.

Atq; hinc expende hos esse capitalissimos hostes eosq;
ad hoc juratos; ut te & quoscunq; tecum à fine ultimo ab-
strahant, pertrahant ad se, seq; pro fine eodem statuam.
Quapropter adverte, quidnam hactenus ea in parte apud
te valuerint: quis in te de mundo, carne, ejusq; illecebris
sensus, quæ diaboli suggestionibus resistentia?

PUNCTUM II.

Adjuncta mu-
lieris Babylo-
nica, & cir-
ca illa refle-
xiones pra-
cticae.

Considera adjuncta hujus mulieris Babylonicae: ex sin-
gulisq; fructum Spiritualem decerpere, congruasq;
reflexiones practicas eruere stude.

Primo quod hic sub mulieris specie mundus exhibe-
atur, idq; quo facilius decipiat, quo efficacius ad se allici-
at & à fine ultimo avocet, ex quo sic Salamonis cor à DEO
avertit. Vide & time ne tibi ea Specie illudat.

Secundo. Quod hæc mulier purpurâ & multis aliis
ornamentis ac divitiis conspicua apparuerit, indeq; adverte
mundum his duobus mediis sequaces finis ultimi ab eodem
avocare consuevisse, nempe honoribus per purpuram si-
gnificatis, & opibus. Vide ne his in te illicitis aliquid va-
leat & efficiat, aut jam effecerit: si non ambitu honoris
secularis saltem ambitu honoris præminentiae & æstima-
tionis religiosæ. Si non ambitu divitiarum & opum mun-
danarum, saltem religiosæ, extra sphaeram paupertatis &
instituti, supellestilis.

Adverte vero 3tio. Hic dici non indutam auro aut
vestimentis aureis, sed solum inauratam, ut vel ipse talis
vestitus & inauratio suspectam tibi faciat: ex quo scimus
viliora esse intus quæ deaurantur ab extra: atq; idem de
mundo cogita.

Quarto. Quod habuerit poculum aureum in manu
sua Unde etiam expende mundum imprudentibus ea specie
poculi

poculi aurei illudere, ut virus in eo contentum & latens, alacrius hauriant, & à deliciis cælestibus ac divinis avocentur facilius, avocentur inquam mundanis solatiolis delectationibus suavitatibus dulcedinibus voluptatibus carnalibus eo poculo propinatis: ut defacto novimus plures ira avocatos & evocatos etiam è Religione. Vide an etiam apud te hæc deceptio locum habuerit?

Quintò. Quod in fronte *Nomen Scriptum* habuerit: *Mysterium*, id est occultum aliquid reconditum: idq; ex eo quod mundus delicias voluptates illicia in aperto ponat, suas autem amaritudines defectuositates quantum potest occultet? Vide an hæc superficies te aliquando non deceperit? simulq; adverte mundum nobiscum procedere non palam non candide non aperto Marte, sed nimis fraudulenter fucatè politice mysteriose, non clare invitando ad peccatum, sed exhibendo in fronte speciem alicujus boni, mysterii, interim autem latentem intus malitiam & scelestas sequelas celando: Adeoq; hinc omnia mundi invitamenta ac resolutiones suspectas habere stude.

Sextò. Quod in eadem fronte fuerit inscriptum *Babylon*: quod est confusio: idq; ex eo quod in mundo nulla pax, nulla quies nullus ordo, nulla vera gloria, sed ingens inquietudo, ingens tumultus ac perturbatio, & tandem sempiterna coram cælo & DEO confusio, imo & coram hominibus, quam prædicti à fine suo erroneos loco gloriæ famæ & honoris inveniunt. Vide quantum te decipias, qui in mundi illecebris solatium honorem & quietem inventurum te existimas.

Septimò. Quod adhuc in eadem fronte scriptum erat, *Mater fornicationum & abominationum terra*: Et hic adverte, quo mundus per suas illecebras & speciositates tendat & ducat? nempe post illos speciosos mysterii titulos ad tam turpia ad inhonesta ad extrema scelera & abominationes. Vide ne te quoq; eo deducat aliquando, quo tot alios deduxit, incipiendo à speciosis ab honestis ut. unq; v. g. ab

ambitione terreni honoris æstimationis opum, imo etiam à virtutibus, & desinendo in tam turpia & abominanda. Hic scilicet illius mos, hic dolus hæc natura hoc mysterium.

Dicitur vero eadem mulier Mundum significans *sedisse super aquas multas*: ut vel hinc pateat; in quam periculoso statu & turbulento sit, mundus mundaniquè affectu: Quis ex illis securitatem pacem quietem ac tranquillitatem veram dulcedinem sibi spondeat: si super aquas multas id est super mare tot periculis tot fluctibus tot scopulis & monstris tot amaritudinibus refertum confideat. Utinam idipsum omnes unà tecum ut par est suspiciant & apprehendant: simulquè quam fluxa sint, quibus insident.

PUNCTUM III.

Adjuncta bestia seu diaboli, cui infidebat mulier babylonica.

Considera adjuncta Bestiæ, cui infidebat dicta Babylon.

Primò. Quod sub nomine & specie Bestiæ compareat: nempe diabolus hoc plane intendit, ut sicut ille in bestiam teterrimam per peccatum transformatus, ita etiam nos pariter transformare studeat. Hinc illius præcipuum intentum, ut nobis rationem ac intellectum obscuret, ejus usum impediat & quasi adimat, atquè sic nobis omnia animalia sensualia inhonesta pænequè bestialia ab homine usquè ac dictamine rationis aliena persuadeat. Vide ac time ne eò etiam, ductu diaboli prolaboris aliquando. Nequè confidas limato judicio, defecata prudentiæ, tot sive moralibus sive spiritualibus luminibus illustrato, tot scientiis ac doctrinis perpolitò intellectui, cum non unum etiam Salomonem suis artibus seduxerit, & ad inhonestissima quæquè prolabi fecerit.

Secundò. Quod eadem bestia in concino apparuerit eo quod hoc sit Symbolum implacabilis crudelitatis tyrannidis, odii sanguinolentiæ, quam in suos etiam affectas exercet. Vide hinc cui fidas cuiquè; adhæreas? Nequè te blandis invitamentis seduci permittas.

Ter-

21

Tertiò. Quod hæc bestia plena fuerit *Nominibus* *Blasphemias*: nimirum ex eo, quod in hoc sit ars diaboli, ut nobis amorem virtutis vitæq; spiritualis ac DEI ipsius obsequium reddat odibile: hinc nescio quæ probra blasphemias in virtutem virtutisq; sectatores ac Deum ipsum jacere consuevit: Vide quo animo blasphemias hæc ac terribilamenta accipias?

Quartò. Quod habeat *capita septem*, ex eo quod infinitis fraudibus, dolis stratagematibus adinventionibus abundet, quibus nos circumveniat, & à fine nostro ultimo, detrudat, ad seq; pertrahat. Vide ac pernosce has fraudes, adversusq; illas te obarma. Insuperq; intellige: hæc eadem capita devicta recisaq; toties, ad instar Lerneæ hydræ, semper iterum excrefcere. Ne postquam semel atq; iterum dæmonem ejusq; fraudes superaveris, unquam securus sis, ac liber, tibiq; fidas. Semper ille quàm diu vives, licet toties superatus, adversum te assurgat, teq; validius aggredietur, ab ipso suo casu velut Anthæus animosior. Inducias non raro simulat, ut te incautum efficiat, atq; sic opprimat. Veluti taurus eo inferius & humiliter cornua demittit & quasi edomit solo acclinat, ut eo vehementius impetat & exagitet, ita dæmon quo magis se devictum ostendit, arma ac insidias ponit, tanto minus fidendum suspectis & eementitis induciis.

Præterea per capita septem, intelliguntur septem peccata capitalia, in quæ homines si non illico ac repente, saltem lente præcipitat. Hocq; apud illum præcipuum rei ac negotii caput est. Adverte quo suis fraudibus hic impostor collimet?

Quintò. Quod habeat *corona decem* id est contraria decem DEI præceptis dogmata, resolutiones ac rationes politicas, præsertim in materia carnis & justitiæ, quæ sui sectatoribus instillat ac persuadet, quibus nos veluti expeditis cornibus invadit, & à fine ultimo dejcit. Vide an & tu in his ejus dogmatibus & politia non profeceris?

Colloquium confuge ad Christum Crucifixum, ad
 Beatissimam Parentem ad SS. Patronos Angelosq; Tute-
 lares tuos, ut te adversus tot fraudes protegant ac defen-
 dant. Protestare quod fini tuo quam firmissimè adhærere
 velis, & ne unguem quidem ab eo recedere: exclamando:
Mihi autem D E O meo adherere bonum est Conclude tandem
 Oratione Ecclesiæ, pro Dominica 17. à Pente: *Da qua-
 summs Domine populo tuo diabolica vitare contagia, & te so-
 lum DEUM pura mente sectari.*

MEDITATIO VIII.

De peccato mortali.

Fundamentum. Visio Moyſis Exod: 4. Ubi Deus illi
 apparens jussit projicere virgam in terram, quæ pro-
 jecta versa est in colubrum, itaq; exterruit Moysen
 ut fugeret. Iterumq; cum apprehendisset Moyses caudam
 ejus, versa est in virgam.

Prælud: 1. Hæc ipsa Visio Moyſis, imaginatione
 exprimenda.

Prælud: 2. Pete gratiam ex eâ visione proposita pe-
 netrandi essentiam peccati illudq; detestandi.

PUNCTUM I.

*Malitia &
 turpitude
 peccati mor-
 talis.*

Considera in hac Visione adumbratum esse utcuq;
 peccatum mortale. Vtiq; enim monet Ecclesiasti-
 cus: *Quasi à facie colubri fuge peccatum.* Quid enim
 malitiosius virulentius colubro, in quem versa est virga
 Moyſis, quid eo turpius?

Planè vero in peccato mortali hæc duo tibi consideranda occurrunt. Nempè malitia & turpitudine illius.

Expende primo malitiam ac virulentiam peccati mortalis. Et hanc quidem primo ex parte DEI, quem tantopere offendit ac lædit, cor ejus intime configit ac vulnerat, Christum iterum crucifigendo quantum de se occidit &c. Secundo ex parte hominis, cui mille damna ac vulnera infert, imo mortifero toxico eum inficit ac enecat. Expende hic & intra te enumera hæc damna & effectus malitiæ peccati. Jam ejusdem peccati pone præ oculis turpitudinem, eamq; non tantum cum colubro, sed cum omnibus turpitudinibus ac monstris confer. Et quod majus est: quod eandem turpitudinem ac deformitatem in ipsum peccatorem transfundendo ac derivando, in teterrimum colubrum illum transformet. Quid dico in colubrum, imo in mille monstra ferarum, juxta speciem ac discrimen peccati à peccato. Eundem mundo, Cælo, DEO, & Angelis abominabilem super omnia constituat, imaginem DEI & omnem simmetriam spirituales in illo confundat & aboleat. Intuere hinc te ipsum ac tuam conscientiam: an non etiam in similem metamorphosim inciderit? teq; supra te reflecte qualis in oculis Cæli ac Dei inveniaris?

PUNCTUM II.

Considera circumstantias hujus metamorphosis in virga Moysis.

Imam quod vix è manu illius projecta, illico in colubrum versa: atq; hinc expende similem esse causam nostri in peccata lapsus tamq; detestandæ metamorphosis: nempè projectionem de Manu DEI. *Projecitq; virgam & versa est in colubrum.* Quamdiu in manu DEI sumus tamdiu ibi radiamus velut carbunculi, ut gemmæ, ut stellæ. Vix proicimur, jam in monstra degeneramus. Vide quàm caute

Causa lapsus in peccata mortalia.

caute & cum timore ambules, ne de manu DEI excidas, ne illud merearis ut te DEUS de sua dextera projiciat.

Considera circumstantiam Secundam, quod vix in terram virga illa e manu decedit, vix illam attigit, illico in in colubrum degeneravit. Atq; hinc expende causam peccatorum ac monstrorum mutationumq; in nobis similium. Eamq; esse appetitum affectum, inclinationem ad terrena, adhesionem rebus terrenis, amorem terrenorum. Vide an hæc etiam in te locum non habeant? Et si ita inveneris, proximam occasionem lapsus exhorresce, ne tibi illud fero occinas quod Psalter: *Infixum in limo profundi & non est substantia*. Nimirum postquam limo, hoc est terrenis inhæsisset, in deforme adeo monstrum mutatus est, ut non accidentia tantum humana sed ipsam etiam Substantiam visus est sibi amisisse, desisseque esse homo.

Considera tertiam circumstantiam: Quod inquam vix Moyses apprehendit caudam ejus, illico rediit ad pristinam speciem: *Versa est in virgam*: : acsi, apprehensio caudæ & finis, pristinae illam speciei restituerit. Unde in simili expende vix esse efficacius medium ut peccator convertatur a via sua mala, utq; ad se redeat, quam si apprehendat vivacissimè caudam finem seu exitum peccatoris & peccati. Imo ne in tam turpe monstrum degeneret, id faciat necesse est, ut semper, præcipuè in occasionibus & suggestionibus peccandi habeat præ oculis seu in viva apprehensione hunc eundem finem & exitum peccati, in quem omnis peccans post omnes delectationes dulcedines evanidas tandem devenire cogitur. Adeoq; concludere peculiarem esse causam nostri in peccata consensus & tam monstruosæ metamorphosis: quod ad hanc caudam non respiciamus, quod parum aut omnino non apprehendamus finem & exitum peccati cujuscunque. Vide quomodo te ipsum in occasionibus ac suggestionibus ad peccandum gerere consuevisti?

PUNCTUM III.

39

Considera primò: quomodo hæc virga non aliter ad se redierit, quam iterum à manu Moyſis è terra sublata & assumpta. Unde speciale motivum non peccandi erue. Nempe nihil facilius esse, quam in peccatum ruere, cum hoc in nostra manu ac potestate sit, ipsà nos humanà fragilitate ac natura propellente ad ruinam. At nihil difficilius quàm a peccato converti assurgere & ad eor redire: cum hoc nullatenus in nostra potestate existat, sed in manu soliùs DEI. Planè adinstar rudis baculi hæc in parte sumus, qui postquam in terram procubuerit, nequaquam se erigit aliter, quam si à manu quapiam levetur. Atq; hinc expende: quam stultæ illæ peccantium resolutiones; Peccabo interim, fruor voluptate: postea poenitentiam agam de peccato, convertar, lacrymis scelus eluam. O stulte nimium! In tuane manu hæc tua conversio? in tuane manu ac viribus naturalibus dolor de peccatis supernaturalis? qualis ad justificationem requiritur, in tua ne manu gratia justificans? Quis tibi illam post peccatum appromisit, quis assecurationem subscripsit deditq;? Vide an etiam eà stultitiâ tamq; periculoso & incerto dictamine ac resolutione non laboras?

Considera secundò. Quomodo vix hæc eadem virga in specie colubri Moyſi comparuit, illico se in fugam proripuit. At non insiliit in illum coluber, non exeruit virus? Nempe ipsum etiam fugiendum erat tempestivè periculum & occasio, fugienda quæcunq; cum colubro vicinia? Unde etiam speciale medium ad evadendum peccatum deprome, nempe fugam periculi, fugam occasionis. Nihil hæc tibi sit promptius ad arripiendum, præsertim in tentationibus carnis, cum quibus cave colludas, sed quam primum fugias. Coluber est, cui colludere lethale, fugere præsentissimum salutis refugium.

R

Consi.

Motiva & media non peccandi lethaler.

Considera Tertiò Moysen, quamdiu hæc virga, virga fuit, illam tenuisse manibus, gestasse, etiam pectori ad-movisse. Vix evasit in colubrum; non tantum eam fugâ-præcipiti reliquit, sed etiam execratus est. Oculis ne di-gnatus quidem. Unde iterum tibi non leve medium evitandi peccatum occurret. Nempe fuga consortii cum improbis,. Age cum hoc vel illo, conversare, alloquere dum virga est. Postquam coluber evasit, in colubrum de-generavit, ne quidem aspectu & alloquio dignare.

Colloquium. In hoc adhibe congruas materiæ & cosi-derationibus detestationes, dolores, deprecationes Divinæ Majestatis, protestationes, resolutiones, heroica proposita, petitiones gratiarum efficacium, quæ te saltem abhinc præ-servent, à peccato lethali. Conclude hæc vel simili aspi-ratione. Præstat millies mori, quam te DEUM meum summum bonum offendere.

MEDITATIO IX.

De peccatis Hominis Religiosi.

Ezech : 8.

Fundamentum: Visio Ezechielis introduci in templum Jerosolimitanum: ubi demonstratæ illi abominationes & idola templi, ac præcipue idolū Zeli in ipso introitu: Perfossoq; pariete ostensæ picturæ & similitudines omni-um animalium reptilium, universorum Idolorum domus Isra-el, quibus adolebāt incensa cum thuribulis, *70. viri de senioribus Israël : .* Ostensæ præterea mulieres plangentes Adonidem, ac tan-dem viri dorsa habentes contra templum Domini. Quibus abo-minationibus adeo indignatus est DEUS, ut extremis pæ-nis templum illud ac civitatem cum mulieribus & infantibus delere decreverit.

Prælud : 1. Imaginaberis eandem visionem.

Præ-

41

Prælud : 2. Petes gratiam agnoscendi exinde ma-
litiā & abominationem in conscientia hominis Religiosi
peccatis deformata.

PUNCTUM I.

Considera plane similem esse huic templo Jerosolimi-
tano prophetæ representato faciem animæ & con-
scientiæ religiōis peccatis gravibus deformatæ.

Quid enim aliud religiōis animæ? quam templa
DEO ejusq; speciali cultui consecrata. Unde quod ibi
idola & abominationes, hoc in anima religiōis peccata ver-
bo & opere perpetrata. Quod ibi picturæ ac imagines ido-
lorum animalium reptilium, hoc in Religioso multiplicia
ac varia peccata cogitationum imaginationum. Quod ibi
idola in introitu, in portis, atriis, exposita, hoc peccata ma-
nifesta nota mundo, cum scandalo admissa. Quod idola
& abominationes post fossam parietem Prophetæ manife-
stata, hoc peccata occulta hypocrysi velata, soli **DEO**
& conscientiæ nota. Quod ibi mulieres plagentes **Ado-**
nidem & Sacra Veneri facientes, hoc in religioso peccata
carnis. Quod ibi adolentes cum thuribulis incensa idolis:
hoc in religioso fumus vanitatis, præsumptionis, superbiæ,
hypocrysis. Quod ibi viri dorsa habentes obversa tem-
plo & altari: hoc in religionibus contemptus rerum Spi-
ritualium ac divinarum, contemptus præsentis **DEI** Sacra-
mentorum, Regularum &c.

Introspecte animam & conscientiam tuam, & vide, an
non etiam ibi similes abominationes & idola inveniantur?
Introspecte cogitationes verba & opera.

PUNCTUM II.

Considera quam **DEUS** ægrè tulerit has abominationes
templi Jerosolimitani: ut & Templum & Civitatem

F 2

sine

*Comparatio
hominis Reli-
giōis cum tē-
plo Jerosoli-
mitano Pro-
pheta ostenso*

*Cause specia-
les Divina
indignationis*

Contra pec-
cata religio-
forum.

42

sine ulla cōmiseratione extremis suppliciis delere decreverit, ut legere est in hoc & in sequenti capite. Fuere tot idola alibi: fuere in Samaria, Aegypto, fuere per tot alia regna & gentes, Neq; sic illis indignatus est, ut civitati ac templo Jerusalem. Inde etiam, idola ibi posita appellavit idola Zeli, hoc est zelum, iram ac indignationem Dei provocantia adversum se ac templum ejus. Nempe templum illud erat locus à DEO specialiter electus, erat locus sacer, soli divino cultui deputatus. Adeoq; hinc expende, quam graviter DEUS apprehendat peccata in religione utpote in loco sancto perpetrata, quam graviter in illa animadvertat. Unde illud: *In terra sanctorum iniqua gessit non videbit Gloriam D E I.*

Considera 2dò. Illud etiam fuisse causam tantæ indignationis divinæ & animadversionis in templum & civitatem Jerusalem. Quod illam Civitatem ac præcipue templum suo cultui delectum speciali protectione foverit, tot beneficiis gratis privilegiis ornaverit, omnia ad cultum suum opportuna providerit, suâ præsentia dignatus sit, suâ gloriâ impleverit. Unde expende similes esse causas & circumstantias, ob quas idem DEUS indignatur peccatis Religiosorum & Religionum, ut eos si non in hac vita, saltem post hanc vitam; si non in inferno per æternitatem, saltem in purgatorio etsi temporaliter, gravissime tamen & diutissime puniat. Cui enim plus datū, plus requiretur ab eo. Et si defuerit tot donis & datis, plus punietur præ aliis. Perpende hæc & exhorresce.

Considera 3tiò. Idolum positum in ostio in ipso introitu à Deo appellatum Idolum Zeli, hoc est maxime provocans zelum & indignationem suam (ut interpretatur ex sensu Doctorum Cornelius) unde expende illa Religiosorum peccata ex se gravia, maxime provocare iracundiam DEI, quæ maxime patent, in oculos incurrunt, externos scandalizant, faciunt fatere nomen Religionis: secularium animos & à Religione & à DEO avertunt. Ex-
crare omnia peccata sed præsertim talia. PUN-

PUNCTUM III.

Considera fontes & causas, ob quas ad tanta scelera & abominationes ipsasq; etiam idololatrias, Templum Jerosolymitanum devenerit? Nempe per consortium cum alienigenis cum gentibus præcipue cum Aegyptiis, quod tantopere DEUS prohibuit. Quod præcipue Salomonem à DEO avertit, idq; per connubia cum gentilibus faminis, quæ averterunt cor ejus à DEO suo. Hinc expende non alium fontem esse æquè noxium lapsus religiosorum in enormia & abominanda peccata, quam conversationem cum secularibus præsertim cum sexu altero. Conversationem inquam nimiam prohibitam, cum dispendio ac præjudicio regularum ac Spiritus, conversationem secularem: Ubi se accommodant Religiosi moribus externorum, ad mores eorum & placitum se fingunt, in eorum gratiam multa faciunt, quæ nec deceret facere nec expediret. Nimis sese confidentiis implicant. Inde ab illorum alloquiis ad mores, à moribus ad peccata, à peccatis, etiam ad Apostasias & idololatrias prolabuntur. Examina hic tuas conversationes, quidve in illis corrigendum, emenda.

Causa & fontes lapsus religiosorum

Colloquium. Congrui materiæ & considerationibus affectus: præsertim imploratio gratiæ & protectionis Divinæ supra tuam religionem, ut sicut illam hactenus à tantis abominationibus protexit, ita & deinceps conservet immunem: cum integra sui nominis fama & æstimatione. Conclude oratione Ecclesiæ. *Defende quesumus Domine B. M. Virgine intercedente istam ab omni adversitate familiam & toto corde tibi prostratam ab hostium propitius tuere clementer in-*

MEDITATIO X.

De peccato Luciferi, & viva in eo ipso, tum peccantium, & Apostatarum Religiosorum, tum à Societate dimissorum effigie.

Fundamentum : Visio Apocaliptica Joannis Apoc: 12. Ubi de dracone magno, cum capitibus septem cornibus decem cauda ejus trahente tertiam partem stellarum, & præliante cum Michæle & Angelis ejus ac tandem in infernum præcipitato.

Prælud : 1. Fiat Imaginatio ejusdem Visionis.

Prælud : 2. Pete gratiam ut te lapsus Luciferi, ejusque damnatio à peccatis deterreat.

PUNCTUM I.

*Peccatum
Luciferi &
ejus fons.*

Considera quodnam illud fuerit peccatum Luciferi? communis sensus est fuisse superbiam & elationem qua se ipsi DEO similem facere voluit, ut illis verbis inquitur: *Ero similis Altissimo* Fontem autem hujus superbiæ fuisse complacentiâ, amorem, æstimationem sui donorumq; naturalium sibi à DEO collatorum. Hinc ortam præsumptionem, appetitum Excellentie & præminentie supra omnes alios, pertinacem resolutionem, nolendi se subicere Verbo Incarnato: Et tandem superbiam illam & ausum intolerabilem. Quibus perpenfis, vide Prima lineamenta Apostatarum à Religione ac dimissorum à Societate. Taliter enim & ii ad Summum scelus & ausum devenire consueverunt, scilicet per nimias in se suisq; talentis complacentias, amorem ac æstimationem sui, præsumptiones appetitus excellentie ac præminentie, excusationes

45

nes subjectionis suis superioribus: simulq; exhorresce ad id
ipsum: quo præcipitat incautos, amor complacentiæ
æstimatio sui, appetitus excellentiæ præsumptio &c.

PUNCTUM II.

Considera quonam peccatum redegerit Luciferum tam
insignem olim & excellentem creaturam? Nempe
præter lapsum ac detrusionem illius è Cælo, quam
illum fecerit turpem, ac deformem! Quam stultum! Quam
malitiosum! Quam vilem abjectum & miserum! Quam
omnibus donis supernaturalibus nudatum! Quam deniq;
gravibus pænis & supplicio æternæque damnationi addi-
tum!

*Effectus pec-
cati Luciferi.*

Quo ad primum? Quid turpius deformius dracone
tam caudato, quid monstrosius septem capitibus cornibus
decem? Et talis omnino illa pulcherrima creatura per
peccatum effecta.

Quo ad secundum? Quid stultius imo amentius, quam
adversus DEUM ejusq; militiam bellum aggredi, vermi
adversus leonem, Pigmæo adversus Centimanum Gigan-
tem, pugnam ciere, tenuissimo pulveri imo atomo adver-
sus Olympum consurgere, radio adversus solem. Et talis
omnino tam insipiens ille Lucifer plenus olim sapientia,
talentisq; eximiis ornatus, per peccatum redditus.

Quo ad tertium? Quid malitiosius, quàm post pec-
catum malitiosissime commissum, non tantum nolle ullate-
nus resipiscere, imo pertinacissime in peccato perseverare,
immortales iras adversus DEUM gerere, impossibilitatem
sibi imperare resipiscendi, scelus detestandi: sed etiam
innumeras accumulare malitias probra blasphemias. Ce-
rebrum mille modis, mille excogitatis ausibus ac indu-
striis fatigare, idq; in odium opprobrium contemptum DEI

Creato-

Creatoris, in diminutionem gloriæ ejus. Parum est etiam tot alios ex Angelis quorum tertiam partem in tantis sceleris & ausus consortium induxit, ex hominibus in complicitatem suæ malitiæ contemptus blasphemiarum, damnationis æternæ trahere, atq; in hoc omnes conatus dolosq; exerere: adeo ut si quos inferni participes facere non possit, saltem eo vires intendat, ne magnam in Cælo gloriam adipiscantur. Hinc tot capitibus totidem simul cornua adjunxit, ut quod toxicum capite ac cerebro concepit, hoc cornibus exeret, saltemq; pungat justos & exagitet si interimere non possit? Et plane sic malitiosum Luciferum primum peccatum effecit.

Quo ad quartum. Quid vilius quid abjectius? quam sese ad vilissimas ferarum, animalium, insectorum, quas sæpe demon induit, formas ac species demittere: tum ad abjectissima vilissimorum hominum, uniusq; siliernii decere obsequia, modo ex illorum sibi annutu suum lucrum referat & secum in baratrum damnationis pertrahat. Quid miserius? quam toties ab inferioribus longe suâ naturâ hominibus viris ac fæminis imo etiam à pueris viaci, contemptui desidem, baculo contundi (ut olim à S. Patre Ignatio) unico signo crucis fugari. Et sic certè imbellem, sic abjectum, sic miserum Luciferum peccatum reddidit: Nec verò minus despoliatum tot donis supernaturalibus quibus ante lapsum velut præstantissimis gemmis ac pretiosis lapidibus, imo velut primæ magnitudinis sideribus erat conspicuus. Jam pœnas, supplicia damnationem æternitatem quis satis expendat?

Illud interim perpende, quodvis lethale peccatum similes effectus in hominibus præsertim religiosis, relinquere: ut non memorem, in quam eos deformitatem turpitudinem stultiam abjectionem inducat, ut etiam ad vilissima quæq; & inhonesta ac parum quoq; rectæ rationi consentanea sese deiiciant.

Ubi id peculiariter notandum est, quod plerumque religiosi si depraventur, longè deteriores, malitiosiores, magisq; in sceleribus obdurati quam seculares improbiſſimi evadant, ac etiam profundiorum in inferno locum, ac pœnas nanciscantur.

Expende ista similesq; in te effectus reformida.

Jamq; simul vivam peccantium seu Apostatarum Religiosorum tum Ejectorum à Societate effigiem specta. Specta inquam imprimis omni pœna graviorem pœnam, ipsam scilicet Apostasiam sive ejectionem à Religione: specta malitiam, qua plerumq; Apostatæ aut Ejecti à Religione deteriores longe sunt iis qui nunquam in Religione fuerunt aut in hæresi nati sunt, ita ut nihil difficilius illis sit ad resipiscendum; ac si plurimum de inflexibilitate Luciferi participarent: unde etiam hostes ac calumniatores earum Religionum ex quibus ejecti, insensissimi evadunt: totq; alios sive perſuasionem sive pravo exemplo ad consortium sceleris trahunt: specta stultitiam ac cæcitatem, quod vix advertant unde exciderunt & in quam incidere sortem. Inde est, ut experimento cõstat, quod nontantum donis supernaturalibus, sed etiam naturalibus, talentis scilicet scientiis ipsa sui à Religione ejectione seu apostasia, à DEO nudentur. Hinc tam deformes infames tam contempti & viles tam odiosi apud ipsos etiam hæreticos existunt: & plane ex omnibus miserrimi: Ultra temporanea ac æterna supplicia, quibus in eos divina justitia animadvertere consuevit, uti ex tot nostris etiam domesticis exemplis constat.

PUNCTUM III.

Considera quid tandem rei fuerit, quod DEUS tam excelentis & dilectæ suæ creaturæ æstimatione ac commiseratione nequaquam commorus illam defectu gratiæ efficacis in eam obstinationem ruere permiserit,

G

æter-

*Cause tante
divine indi-
gnationis ad-
versus pecca-
tum Luciferi.*

æternaque damnationi implacabiliter mancipavit, ita ut etiam eandem cum aliis naturis Angelicis ad participationem fructuum Incarnationis Passionis & sanguinis Christi, in consortio naturæ humanæ admittere noluerit.

Atq; hinc expende: id ipsum omnino malitiam peccati Luciferi pervicisse. Peccatum enim illud, inprimis erat in explicabilis superbiæ. Secundo peccatum erat summæ ingratitude pro tot & tantis beneficiis excellentiis dotibus &c. Tertio peccatum erat non tam cæcutionis inclinatæ ac propensæ ex sua natura voluntatis, sed illuminatissimi intellectûs. Quarto peccatum cum perspicacissima ac vivacissima deliberatione commissum. Quinto peccatum non fragilitatis sed defecatæ & exaggeratæ contumaciæ. Sexto peccatum post exactissimam penetrativam offensæ & DEI offensi cognitionem perpetratum. Unde apparet, quod tam materiale quàm formale hujus peccati tam grave extiterit ut fuerit indignum amplius gratiâ & veniâ. Præter id quod in loco sancto in cælo inquam absq; omni suggestione absq; occasione peccandi absq; ullo pravo exemplo & scandalo sit patratum.

Perpende ista, similiaq; peccata devota, præsertim peccata, non tam voluntatis quam intellectûs: simulq; adverte eadem peccata talia Apostasiâ, ejectione à Religione, & prænominatis puncto secundo pænis ac suppliciis à DEO puniri.

Colloquium. Lauda DEI judicia & justitiam circa Luciferi damnationem. Pete ne in consortium peccati ac damnationis illius devenias. Recurre ad Angelos præsertim custodes ut te suo foveant patrocínio contra omnes malorum Angelorum ac ipsius Luciferi insultus, ne suggestione eorundem in idem cum illis præcipiteris exitum.

MEDI-

MEDITATIO XI.

De peccatis venialibus.

Fundamentum. Visio Zachariæ Prophetæ quâ vidit
JESUM Sacerdotem indutum vestibus sordidis; Et stabat an-
te faciem Angeli, & Satan stabat à dextris ejus, ut adversaretur ei.

Cap: 3.

Præluđ: 1. Imaginare ex una parte stantem ante
Tribunal DEI prædictum sacerdotem sordidis vestibus,
Angelo sinistro lateri, satanâ lateri dextro assistente. Ex
altera imaginare Hominem præsertim religiosum pecca-
tis venialibus deformatum.

Præluđ: 2. Pete gratiam agnoscendi & detestandi de-
formitatem peccati venialis.

PUNCTUM I.

Considera in hoc Jesu Sacerdote sordidis vestibus
induto plane expressam & quasi ad vivum depictam
personam hominis præsertim religiosi peccatis ve-
nialibus sordidati.

Discrimen
peccati veni-
alis à mor-
tali.

Atq; hinc perpende: per peccata mortalia vestem
innocentiæ pœnitus deperdi, per peccata autem venialia;
nonnisi maculari, infici, sordidari turpiter ad ipsius etiam
fastidium Numinis.

Introspecte hic tuam animam, an adhuc vestem inno-
centiæ retineat? Si retinet: O quot illa maculis peccato-
rum venialium sordida. Excute hic tuam conscientiam
altem gravioribus peccatis venialibus obnoxiam.

PUNCTUM II.

Considera quid specialis Spectaculi aut extraordinarii
delicti in hoc Sacerdote Prophetico fuerit, ut sisteretur
in

circumstan-
tia aggravās

peccati veni-
alis ex parte
hominis reli-
gioſi.

50
in oculos, produceretur ad Tribunal, indigaretur, imò
propriis afficeretur à satana. Fuere utiq; tot alii sordid-
is vestibus in Israel, nec tamen sic incurrere in oculos &
improperia satanæ, non ad Tribunal DEI Judicis produ-
cti, non Prophetis indigitati. Nempe Jesus hic non
quiscunq; de plebe fuerat: sed homo DEO consecratus,
Aaronicus Sacerdos, isq; nomine tam insigni conspicuus:
atq; hoc loco denotabantur peccata illius, eaq; non mor-
talia, sed venialia & quidem levia, ut videre est in com-
mētatoribus. Et ecce tamē, adeo hæc incurserūt in oculos &
cenſuram, ut propter illa, impropria in eum à satana jace-
rentur: ut ad tribunal hic miser sisteretur: atq; sic displi-
ceret ipsius DEI obtutui, ut hās sordes & maculas in suo
Sacerdote non ferens exclamaverit: *Auferte vestimenta sor-
dida ab eo.*

Ubi expende quid peccata venialia in homine præ-
sertim religioso, ac etiā nomine Jesu insignito valeant, quam
in oculos & cenſuram mundi, cæli, ac inferni incurrant ut
planè religiosi hoc idem contingat, quod soli inscriptum:
ſpectatur cum deſcit. Quam in ea ipsa peccata satan ocu-
latus ac plane Lynceus, quam illa accurate obſervet & an-
notet, suo tempore ante Tribunal DEI eadem exprobra-
turus. Quam DEUS ipse graviter illa ferat, ante suum
Tribunal districte examinet, & absq; dubio non leviter pu-
niat.

Corrige hic judicium tuum de venialibus, teq; ab illis
ante mortem tempestive emunda: ne in morte aut post
mortem, negotium tibi ac difficultatem facessant: Neve
in similia impropria & imposturas Satanæ præsertim in
articulo mortis incidas: ubi cum peccata mortalia desunt,
saltem venialium obſectum dæmon moribundos perturbat, &
ad desperationem quandoq; sollicitat. Præpara te ad eam
horam emundatā etiam à venialibus conscientia.

Non frustra autem prædium J E S U M ante faciem
cæ diametro Angeli fuisse constitutum adverte: ut scilicet
tanto

tanto magis suam erubesceret fæditatem, qui Angelicam imitari puritatem debuerat. Proinde tempestive tu quoq; provide ne simili ob eandem causam rubore in DEI iudicio ante faciem Angelorum suffundaris.

PUNCTUM III.

Considera effectus peccatorum venialium.

Primo quia sicut maculæ in veste si accumulentur plus & plus, eo illam redigunt, ut ob fastidium & nauseam aut laceretur, aut projiciatur pœnitus in sterquilinum vel in vilem angulum à tineis absumenda. Ita plane peccata venialia eo disponunt sæpe hominem, ut illum DEUS à se sensim proiciat & in peccata etiam graviora ac in ipsam damnationem ruere permittat.

Secundo sicut vestis maculosa & sordida, indigna efficitur illis ornamentis, quæ vestibus aptari consuevère, illis monilibus, gemmis, auro: sic homo per peccata venialia reddit se indignum specialibus DEI gratiis & donis supernaturalibus, quæ illi DEUS alioquin communicasset.

Tertio sicut vestis maculosa inepta est solennibus & publicis usibus & vix nonnisi privatis. Ita homo religiosus per eadem peccata ineptum se & indignum facit, ut eo DEUS utatur ad solenniora & eximia pro sua gloria & salute animarum opera.

Quarto sicut vestis abjectior generosiores spiritus extinguit, & abjectiones animi progenerat: Ita & peccata spiritus eximios & excelsos mentisq; fervorem extinguunt, venialia & quandam animi abjectionem inducunt.

Quinto sicut vestis splendida, à sordibus & maculis immunis reddit in oculis hominum personam honoratam debitaq; observantia conspicuam, è contra autem vestis sordida despicabilem contemptum. Ita etiam immunitas à

*Effectus peccatorum venialium ex-
co-
paratione
vestis sordida
& maculosa.*

noxis venialibus, religiosis apud externos conciliat reverentiam & honorem: è contra inquinata etsi levioribus nævis ac defectibus vita, despicientiam ac depretiationem.

Sexto sicut vestis splendidior nobiliore loco reponitur & asservatur, ignobiliore squalidior: ita à peccatis venialibus immunes, longe digniore loco sunt apud DEUM planèq; à corde: cum è contra illis obnoxii longe inferius locantur.

Septimo sicut in Evangelio detrिता veste indutus meruit à nuptiali aula excludi ut dictum illi sit *amice quomodo huc intrasti?* ita pleriq; per venialia ad exclusionem sui à Religione imò à beatitudine cælesti sese disponunt.

Tandem juxta visionem propheticam eadem venialia accessum præbent diabolo, ut audacius tentationes suggerat, ac sensim etiam ad peccata mortalia ac infernum præcipitet: *Satan* (inquit:) *stabat adextreis ejus ut adversaretur ei.*

Prius vero dextram hominis actionum effectricem occupat; ut eundem hominem in salutaribus eximiisque pro DEI gloria & animarum salute operationibus impediatur ac debilitetur totumq; in manu ejus robur enervetur.

His expensis intrespice te ipsum & vide, an in te etiam ut graviores licet veniales noxæ, ita iidem effectus locum non habeant? ac proinde quam primum te applica ad emundandam ab hisce sordibus conscientiam, præsertim habendo ad manum tot media, nempe confessiones, actus contritionis, amoris DEI, Indulgentias, Sacramenta, Sacramentalia.

Colloquium ad Christum in passione sputis & colaphis sordidatum, tum chlamyde detrिता & squalida ad irrifusionem indutum, agnoscendo hæc ipsa tuorum opus peccatorum, per eadem sputa ac illusiones divinam deprecando Majestatem, ne te tot venialium numero commota, in graviora subtractione gratiæ suæ ruere permittat atque
ita

30
ita à sua facie reiciat in æternum. Conclude oratione sancti
Augustini. *Placare obsecro Domine & miserere, & non avertas
faciem tuam à me, quam pro redimendo me non avertisti ab incre-
pantibus & conspuentibus te.*

MEDITATIO XII.

De peccatis Lingue.

Fundamentum: Visio Apocaliptica Joannis. Apoc: 16.
Ubi Joannes vidit draconem, bestiam & pseudo-pro-
phetam, de eorum qua ore procedere tres immundos
spiritus in modum ranarum. Ii autem erant congregaturi
homines in bellum adversus DEUM.

Prælud: 1. Eadem visio imaginanda.

Prælud: 2. Pete gratiam agnoscendi malitiam & de-
formitatem peccatorum lingue, eamq; detestandi.

PUNCTVM I.

Considera: 1. in hac visione adumbrata esse peccata;
lingue: plane enim homines sive lingue loquaces
multum habent similitudinis cum ranis. Quid enim
turpius ac deformius ranâ? quid magis garrulum, infatiga-
biliusq; in garriendo? ut die noctuq; plerumq; coaxare
non cesser. Quid magis obstrepens cuicunq; obvio &
transienti? Quid molestius auribus, quid pertinacius,
quid importunius, quid enormius illarum garrulitate? Ni-
hil ibi simile cantui Philomelæ, aut suavius, occinentis
alicujus volucris, imo nec loquelæ picæ aut psittaci.
Non quidquam juxta artis imo rationis leges compositum,
nihil præmeditatum, nihil concinnum.

*Comparatio
loquacium
cum ranis.*

Plane

Planè igitur eadem sunt linguarum loquacium vitia & proprietates, ut consideranti patebit. Hinc etiam linguæ loquaces non absimiles sunt ranis illis Ægyptiis, quas in Pharaonem totamq; Ægyptum DEUS pro poena & sat gravi supplicio immiserat. Et sanè grande hoc supplicium, non levis tortura, si in quem DEUS ranas similes id est linguarum flagellum immittat. De illis ranis Ægypti expresse Exod: 8. *Ascendent & ingredientur domum tuam, & cubiculum lecti tui & super stratum tuum, & in domos servorum tuorum, & in reliquias ciborum tuorum &c.* Atq; ita omnino linguæ garrulæ, quibus nihil omnino intactum, nullus status, nulla conditio, dignitas, talenta, mores, virtutes, nullus locus his vacuus, pleni omnes anguli.

Aliæ adhuc præterea proprietates ranarum sunt. Imò quod animalcula nimis sint otiosa. Quid verò otiosius garrulis? occupatas hoc vitium nequidquam etiam tangit. 2do. Quod sint bibaces, unde continuo se ingurgitant aquis, illasq; iterum evomunt. Idem vero vitium garrulorum. Tertiò quod loca palustria & lutosa ament & incolunt. Hinc etiam similis ad immunda quæq; in garrulis propensio. Quartò. quod unâ & altera rana coaxare incipiente, illico omnes aliæ, in eodem flumine, & in vicinis quibusq; paludibus unius & alterius exemplo, quasi coniuratæ idem faciunt, in idem quasi conspirant. Et sanè eadem omnino est linguæ garrulæ contagio.

Hinc jam circumspecte te ipsum atq; expende an etiam tibi saltem harum aliquæ proprietates non adhæserint vel adhæreant?

PUNCTUM II.

Species linguarum variae.

CONsidera non unam hic ranam de ore processisse, sed triplicem: aliam de ore draconis, aliam de ore bestiae, aliam de ore Pseudoprophetae. Nempe diversas esse linguarum loquacium species. Per

55
Per ranam itaq; procedentem de ore draconis significentur linguæ malitiosæ virulentæ, fraudulentæ, astutæ; non siceræ, seminantes discordias, iracundæ, convitiantes &c.

Per ranam de ore bestię, linguæ murmurantes sensuales, linguæ spurcitiis & obscœnitatibus carnalibus plenæ: linguæ rectæ rationis dictamine sese non dirigentes &c.

Per ranam de ore Pseudo prophetæ linguæ mendaces, detractoriæ, adulatoriæ magniloquæ &c.

Expende, ista, & te supra te ipsum reflecte, an ad aliquam saltem ex istis speciem, tua lingua non pertineat?

PUNCTUM III.

CONsidera quænam damna & mala inferant linguæ garrulæ? nempe etiam non absimilia ranis.

Primò. Sicut enim ranæ tam virulentæ reperiuntur, ut etiam halitu inficiant & enecent, ita & hominibus loquacibus nihil virulentius: cum & se ipsos & alios in fama, in bono nomine, ac sæpe etiam in anima & conscientia si scandalum adfuerit, interficiant.

Secundo sicut ranæ inficiunt flumina & quæcunque loca quæ incolunt, eaq; fætere faciunt, ita garruli religiosi mille impertinentias ac sordes in religiones & claustra invehunt, ut etiam fætere faciant nomen religiosum coram secularibus.

Tertiò quod ut dictum est, magna sit garrulitatis contagio; ut si nihil obsit, tota communitas, unius & alterius exemplo in hoc vitium repente abeat, totaq; domus garrulitate impleatur.

Quarto. Quod de ranis istis apocalipticis dicitur: nimirum quod ad hoc de ore draconis, bestię, & pseudo prophetæ processerint, ut congregarent & concitarent ad bellum. Et planè hoc malum à linguis loquacibus ortum

H

habet

*Damna &
mala linguæ
garrulæ &
loquacis.*

habet. Nempe quod linguæ garrulæ pacem domesticam perturbant, mille turbas dissensiones lites inimicitias, odia inter æquales, superiores, inferiores excitant: adinstar ranarum, quarum garrulitas tempestatem portendere consuevit.

Quintò. Quod eadem ranæ ab ore (ut supra dictum) draconis id est diaboli prodierint. Nempe linguæ plane sunt instrumenta diabolica, quibus ille omnia mala in communitatibus ac orbe toto perpetrat, suasq; pravas intentiones perficit.

Expende ista & alia quæ occurrent, teq; recollige, an etiam per tuam linguam & garrulitatem similium damnorum malorumq; non fuisti causa & occasio?

Colloquium & affectus ad Christum coram Pilato & Herode tacentem, necnon linguam ejus felle & aceto mortificatam, osq; crudeliter contusum, cum aspiratione Davidica: *Pone custodiam ori meo & ostium circumstantiæ labiis meis.*

MEDITATIO XIII.

De peccatis calami.

Fundamentum: Visio Ezechielis cap: 9. & 10. Ubi sex viri deputati ad delendam Jerusalem: uniuscujusq; vas interitus in manu ejus: Unus autem ex illis vestitus lineis & atramentarium scriptoris ad renes ejus. Et dixit Dominus ad eum: Transi per mediam Civitatem in medio Jerusalem, & signa Thau super frontes virorum. Iterumq; dictum ad eundem: Imple manum tuam prunis ignis, quæ sunt subtus Cherubim & effunde super Civitatem.

Prælud: 1. Imaginatio ejusdem visionis.

Prælud: 2. Petitio gratiæ, ut expensa malitia peccatorum calami detesteris eadem.

PUN:

PUNCTUM I.

Considera: Etsi hæc visio Prophetica possit & debeat in alio sensu & interpretatione accipi, posse tamen eâdem adumbrari peccata calami religiosi.

Unde expende primo: Quòd hic vir atramentarium habens ad renes seu à tergo dependens fuerit ex illis sex viris (ut Ezechiel testatur) in quorum uniuscujusq; manu erat vas interitus, nempe gladius, falx securis, lancea &c. ac proinde coniectura esse potest, quod in hujus scriptoris manu, non aliud convenientius vas interitus fuerit, quam ipse calamus. Et certè unde gravior sæpe interitus quam à calamo? Scimus quid calamus in judiciis, in consiliis in manibus Principum, judicum & quorumvis aliorum valeat, quomodo à calamo mille tormenta, bella, mortes, excidia prodeant. Hinc etiam *littera occidit*. Jam quid ultra agat calamus, satis novimus cum fama aliena, talentis, virtutibus, quam ad internationem usq; omnia subruat ac deleat.

Vide an hoc etiam vas interitus non sit aut non fuerit aliquando in manu tua? ac simul expende, quæ possint aut consueverint esse peccata calami, atq; occasiones scripto nocendi alijs eisdemq; interimendi? Illæ scilicet scriptiões non tam officiosæ quam diffamatoriæ, detractoriæ, Illæ informationes sinistrae. Illa judicia quæcunq; censuræ. Illæ literæ ad altiores superiores ad æquales quoscunq; &c. Vide quomodo te in his aut gessisti, aut gerere abhinc debeas?

Calamus non religiosus vas interitus.

PUNCTUM II.

Considera. Quid egerit hic vir propheticus atramentarium præferens?

Nimirum primo quod visus est signare Thau in frontibus viro-
rum, hoc est juxta interpretes crucem imprimere,

H 2

Unde

Calami religiosi seu potius irreligiosi adjuncta & effectus.

Unde expende quid faciant illi Scriptores parum religiosi & scilicet quod illos ad hoc forte DEUS conservet & toleret; ut suis calamis aliis cruces provideant & fabricent. Vide an non tu etiam fuisti aliquando tua scriptione & calamo alicui causa & faber insignioris crucis & afflictionis immerito toleratæ.

Considera 2dò. Quod idem scriptor acceptis carbonibus & prunis iussus eas super Civitatem effundere. Ubi expende quid scriptori quid calamo ad prunas ad ignem ad incendium? Nempe talium scriptorum esse, subjecta etiam eximia, personas alicquin talentatissimas famamq; & æstimationem illarum turpiter velut carbone denigrare; eo-que suis calamis redigere; ut in religione omni honesto & fama non tantum denigratâ, verum etiam quasi exustâ, sub modio vivere, ad mortem usq; infames ac miseri delitescere, ac pænè in favillam abire cogantur. Non aliter quam dum ignis in excelsas turres ac ædificia grassari consuevit. Felix ille in quem hæ prunæ & ignis tanquam in aurum inciderint, ex quo eo pulchrior & nitidior coram DEO evadat. Expende & illud: quanta incendia tales scriptores in communitatibus excitent, incendia inquam suspicionum, odiorum, dissensionum, litium.

Considera 3tio. Hunc virum scriptorem prunas assumere iussum *subtus Cherubim* hoc est ut in commentatoribus videre est, de prunario quod erat ad altare timiamatis. Ubi expende simile quid facere præfatos scriptores, qui ansam & venam suarum scriptionum, accipiunt tanquam prunas de altari, scilicet ex ipso sapientissimè planèq; Cherubicè conscripto instituto? ex sacrario Regularum de delationibus. Verum hisce prunis non juxta intentionem instituti utuntur imò abutuntur malitiosissimè. Vide an non fueris è numero talium incendiariorum? aut ne sis aliquando.

Considera quartò. Eos quoq; prunis & igne pro calamo seu etiam calamo ignito uti, qui incautis & nescio quibus correspondentis cum periculoso sexu sese implicant.

Unde

59
Unde constat, qui inde ardores ac incendia erumpant. Præ-
terea illos uti prunis & carbone pro calamo qui alios calu-
mniis denigrant. Obfirma te adversus talia, ne inter simi-
les carbonarios famam & honestum alienum denigrantes,
aut Herostratos inveniatis.

PUNCTUM III.

Considera quod quamvis aliqui interpretes hunc præ-
dictum scriptorem existiment fuisse Angelum ma-
lum: plures tamen opinantur Angelum bonum.
Unde expende inprimis quam ille methodum in suo stylo
& scriptione tenuerit?

*Modus uten-
di religio-
calamo reli-
giofo.*

Primò quod non odio, non passione, non vindicta non
innata levitate & præcipitantia, sed Deo solo dicente &
jubente omnia perfecit: *Dixit (inquit Propheta) Dominus
ad eum.*

2dò. Quod atramentarium à tergo suspensum habu-
erit: Nempe quod non habuerit illud semper præsto ad
manum, non in oculis, ut ad primum aspectum omnia illi-
co annotaret scriberet: Adeoq; non fuerit nimis prom-
ptus calamo, nimis expeditus ad scribendum quodvis modica
consideratione imò religiositate.

3tio quod illas prunas non aliunde, sed *subtus*
Cherubin ab altari assumere iussus. Cherub autem utpote
speciali intellectu perspicaciâ pollens interpretatur *scien-*
tia. Nempe in talibus prius consilium ab Cherubim hoc
est ab intellectu, à prudentia religiosa capiendum. Prius
juxta regulam recurrendum ad altare ad orationem ad
DEUM.

4to. Quod prædictus scriptor non ad afflictionem aut
internecionem literam thau frontibus virorum imprimebat,
sed potius ad protectionem ac defensionem eorundem ab in-
tersectoribus Angelis: *super quem (inquit) videritis thau, ne*

occidatis. Et hoc plane boni Angeli est, uti calamo & stylo non ad nocumentum ad ruinam, sed ad protectionem alterius: nec retegere aliena delicta, sed velare: *duabus* (inquit) *alis velabant faciem ejus duabus pedes.*

Intò. Quod pro atramentario Symmachus legat *tabellam*, non trabalem tabulam in qua scilicet erant peccata civitatis Jerusalem descripta, & quidem in compendio sine ulla exaggeratione, additamentis, amplificationibus: peccata autem non levia sed grandia manifesta, ob quæ extremis suppliciis merito erat delenda Civitas. Non ut illi qui non tabellas sed integras philuras, terniones, codices alienis defectibus imo suspicionibus implent. Ubi expendere: quænam debeat esse nostrarum scriptionum materia & praxis? Nempe non suspensiones meræ non leviora quædam.

Insuper illud etiam adverte, quod hæc tabella à tergo (ut supra dictum) erat dependens: atq; utinam & nos, nostra peccata præ oculis, aliena à tergo haberemus: nisi aliud ratio officii, ratio scandali, ratio instituti, ratio boni communis persuadeat. His expensis vide quisnam tibi quoq; in tuis scriptionibus modus tenendus ac observandus est?

Colloquium & affectus ad Christum patientem, iamque conscripto decreto ad crucem & mortem turpissimam condemnatum. Te ipsum offerendo eidem ad omnes iunistras delationes, informationes, calumnias, cavillationes pro eodem Christo Sustinendas.

MEDITATIO XIV.

De causis ruinæ in Viris Religiosis.

Fundamentum: Visio seu potius ænigma in Visione Ezechielii à DEO propositum cap: 17. *Aquila grandis magna*

magnarum alarum, longo membrorum ductu, plena plumis & varietate, venit ad Libanum, & tulit medullam cedri, summitatem frondium ejus ayulsit & transportavit eam in terram Chanaan, in urbe negotiatorum posuit illam.

Prælud: 1. Imaginare tibi hanc ipsam visionem aut ænigma propheticum.

Prælud: 2. Pete gratiam expendendi causas similis jacuræ & ruinæ in viris religiosiis easq; evitandi.

PUNCTVM I.

Considera in hac visione seu ænigmate adumbratas esse causas ruinæ in viris religiosiis.

Atq; hic expende primo per istam vastam Aquilam posse intelligi vanitatem secularem & mundanam: per duas alas easq; magnas quibus attollitur, divitias & honores: Per plumas & varietates: varias mundi & carnis illecebras voluptates delicias solatia &c. Per Libanum intelligi Religionem, per cedros viros religiosos sanctitate conspicuos.

Hinc expende secundo eandem Aquilam licet jam à viris religiosiis in ipso religionis ingressu, extra claustrum reliquam & spretam, inò quodammodo per heroicas patrimoniiis fortunis honoribus abrenuntiationes aut de iisdè dispositiones deplumatam, veluti succrescentibus iterum plumis volare ad Libanum hoc est ad religiones earumq; claustra, secumq; deferre splendidas illas honorum ac divitiarum alas, sexcentas illecebrarum mundanarum varietates, has easdem ostentare sedulo, in animos lente & suaviter sese insinuare. Non alio fine, quam ut his omnibus invitamentis, viros religiosos alioquin firmiter in spiritu fundatos cedrisq; non absmiles cogat ad ruinam, funditusque illorum religiositatem & Sanctimoniam eradicet; nihil dubitans, illos iis ipsis illecebris iterum facile adhæsuros, quas olim generose contemplerant.

*Causa ruinæ
in viris reli-
giosis vani-
tas mundana
per Aquilam
Ezechielis ad-
dumbrata.*

Unde

Unde expende ulterius, quam hæc omnia illi è voto succedant, quam se efficaciter vanitas hæc in corda religiosa insinuet, quantum ipsimet religiosi istis ipsis capiantur teneanturq; arctissimè, quæ antea propter DEUM conculcaverant, ita ut mundum cui valedixerant in ingressu, iterum intra claustrum reinducant, eaq; ipsa quæ infra pedes miserant, ad manus imo ad cor reassumant, atq; sic sibi suæq; religiositati sponte ruinam accersant.

Ex quo conclude causam ruinæ in viris religiosis, causam & fontem collabentis religiositatis non aliam esse quam id ipsum, quod in ipsis mundus secularismus cum sua vanitate & illecebris, olim prostratus calcatusq; & quasi emortuus reviviscat ac in pedes assurgat. Cadit nempe eo ipso nostra religiositas, cum in nobis mundana vanitas sese in gradum erigit, emoritur illa & occidit, dum hæc caput rediviva attollit, pellitur illa, dum ista admittitur.

Deplora hic amentiam eorum religiosorum, qui ita sibi à vanitate mundi illudi permittunt. Reflecte te supra te, an non etiam hæc viâ ad tuæ religiositatis ruinam duceris. Vide quantum apud te hæc ipsa etiamnũ valeant? quæ propter DEUM reliquisti & contempsisti. Quantum valeat mundana vanitas, honores, divitiæ, illecebræ solatiola, quove animo & affectu sis erga ista?

PUNCTUM II.

Artes ac ingenium vanitatis in impellendis ad ruinam viris religiosis, ejusq; ruina initia.

Considera quid egerit Aquila hæc cum Cedro Libani? Nempe tulit medullam & summitatem frondium ejus avulsit.

Ubi expende, per medullam intelligi posse primum Spiritum, in quo totus religiositatis vigor fundatur. Per summitatem frondium intelligi substantialia religiosa vitæ, qualis est observantia votorum religiosorum amor paupertatis castitatis &c. amor vocationis, conjunctionis cum Deo per meditationes & orationes mentales & vocales.

Unde

Unde hinc concludere vanitatem mundi, quæ nos ad ruinam sollicitat, pro principali aggredi primævum nostrum Spiritum, ut illo nos despoliet. Tum præfata substantialia, quibus prostratis, ac pœnitus avulsis, iam nihil amplius in tota religiositate subruenda negotii habet,

Vide an in te etiam conatus & artes vanitatis mundanæ eo non processerint, proximumq; saltem te ruinæ non reddiderint? Vide quid in te primævi Spiritus, quid substantialium religiositatis, quæ observantia votorum? Quis amor vocationis conjunctionis cum Deo &c.?

PUNCTUM III.

Considera quò amplius hæc præfata Aquila cum Cedro Libani processerit? Nempe quod medullam ac summitatem frondium ejus in terram Chanaan in urbem negotiatorum hoc est in Babylonem transtulerit.

Ubi expende simile quid agere vanitatem mundi cum primævo religioso spiritu. Nimirum transferre illum è Libano quietis religiosæ in Babylonem confusionis mundanæ, committendo eundem negotiis & negotiationibus secularibus, & quasi aundinis cum tota suppellectili virtutum religiosarum ac meritum exponendo, idq; vili omnino & longe impari commutatione, nempe pro brevibus & evanidis solatiis, vanitatulis, illecebris, reculis, nugis, nimis modico aut nullo lucro, ingenti primævi Spiritus, ac religiositatis jactura & ruina ipsius.

Vide an non etiam tu inter hos imprudentes negotiatores inveniaris?

Colloquium & affectus ex verbis Apostoli: *Qis me separabit à charitate Christi?* &c. cum humili agnitione & professione propriæ fragilitatis imbecillitatis & conditionis humanæ ex se ipsa ad lapsum & ruinam proclivis ac simul cum petitione gratiæ efficacis, quæ te custodiat & sustentet

I

à lapsu

Progressus & exitus ruine in viris religiosis.

à lapsu : ad quod uti poteris illa oratione Ecclesiæ: pro
Dominica 24. à Pentec: verbis ad te ipsum directis : Cu-
stodi Domine famulū tuum propitiatione perpetua, & quia sine te labi-
tur humana mortalitas, tuis semper auxiliis, & abstrahatur à noxiis,
& ad salutaria dirigatur.

MEDITATIO XV.

De ruina magnorum virorum in religione.

Fundamentum. Visio Nabuchodonosoris Dan: 4. Vide-
bam & ecce arbor in medio terra, & altitudo ejus nimia, ma-
gna arbor & fortis, & proceritas ejus contingens celum, aspe-
ctus illius erat usq; ad terminos universa terra. Folia ejus pulcher-
rima & fructus ejus nimius, & esca universorum in ea : subter eam
habitabant animalia & bestia, & in ramis ejus conversabantur vo-
lucres celi : & ex ea vesebatur omnis caro. Et ecce vigil & san-
ctus de calo descendit clamavit fortiter & sic agit: succidite arborem
& pracidite ramos ejus, excutite folia ejus, & dispergite fructus ejus,
fugiant bestia quæ subter eam sunt, & volucres de ramis ejus. Ve-
rumtamen germen radicū eius in terra finite.

Prælud: 1. consuetum.

Prælud: 2. Pete gratiam expendendi similem seriem
ruinæ magnorum virorum in religione, eamq; præcavendi.

PUNCTVM I.

*Comparatio
religiosi viri
cum arbore
Nabuchodo-
nosori.*

Expende ex una parte adjuncta arboris quam vidit Na-
buchodonosor: magnitudinem, robur, procerita-
tem, foliorum pulchritudinem fructuum abundantiam
&c. juxta id totum quod in præfata visione Regi Babylonio
exhibitum.

Ex

Ex altera parte expende adjuncta magnorum in religio-
ne virorum per comparationem eorundem cum prædicta
arbore. Qualia sunt: magna in primis ac sæpe robusta id
est solida sanctitas: altitudo ac proceritas doctrinæ eaque
contingens cælum suâ sublimitate & excellentia supra alios,
rerumq; ultra naturalium scientia: aspectus ad terminos u-
niversæ terræ, id est omnium in mundo rerum cognitio, omni-
um artium peritia, totius mundi, usq; ad fines terræ Co-
smographica Geographica notitia. Folia pulcherrima, id
est eximia talenta, dotes, lucubrationes, acceptationes apud
externos. Fructus nimius, id est virtutes merita præclarè
facta, gratiæ divinæ, dona spiritualia: Esca universorum in
ea: id est instillatio & subministratio alimentorum spiritu-
alium scientiæ, eruditionis omni generis cuius statui conditio-
ni ac ætati hominum per magisteria, conciones confessiones
aliaq; obsequia. *super eam animalia & bestia*: id est edo-
mitæ ac cicurata passiones. In ramis ejus volucres id est
pulcher omnium virtutum affectuum morum religiositatis
concentus ac in Deum volatus. Quid igitur tali personâ,
religiosâ excellentius quid dignius? Vide quid inte simile?

PUNCTUM II.

Considera ex una parte ruinam & excidium illius Re-
giæ arboris, ejusq; ruinæ seriem: quomodo vigil &
sanctus de cælo descenderit, feralem tulerit ac
proclamaverit sententiam: *succidite arborem excutite folia,*
dispergite fructus, fugiant animalia & bestia, verumtamen germen
radicum ejus in terra sinite.

*Seris ruina
in præfata ar-
bore & hor-
ne.*

Ex altera parte considera similem seriem in ruina
primo puncto descripti religiosi. Nempe quomodo vigil
& sanctus cujus oculis intima quæq; patent, nec secundum
intuitum hominis judicat, exosus occultam aliquam ejus

malitiam ferali eundem subicit sententiæ, submittit aut permittit tentationes velut quasdam expeditas secures: & ecce præcelsi illi virtutum meritorumq; decedunt rami, defluunt exterioris Sanctimonix, talentorumq; folia: dilabuntur meritorum gratiarumq; divinarum fructus, effera-
scunt passiones, & quæ velut compeditæ se intra se tenuerant, ad extra prodeunt ac erumpunt: omnis actionum morum religiositatis concentus evanescit: ac tandem tota illa arbor magnificentissima casu dolendo corruit. Expende penitus hanc ruinam, illamq; in te ipso extimesce.

PUNCTUM. III.

*Causa ruinæ
tam in illa
arbore quam
in viri reli-
giosa.*

Considera ex una parte causas ruinæ in prædicta arbore: res nempe non aliæ forsitan erant, quam præter superbiam & elationem aliqua fidentia & securitas in eo quod satis superq; sibi videretur essetq; plurimum radicata, robusta, suppar abundanter omnibus insultibus superandis; quod tot jam annis perduraverit & steterit innocua & illæsa: nec unam impetitionem ac insultum toleraverit viceritq; Neq; vero illud etiam extra causas numerandum: quod nimietate quadam & excessu exotico in altitudine & abundantia fructuum laborabat: nam etiam *segetes nimia sternit ubertas*. Tum quod se nimis cuicunq; ad omnium usus communicabat ac prodigebat: Ex ea inquit *rescebat omnis caro*.

Atq; sic ex altera parte non dissimiles causas ruinæ in magnis viris religiosis cogita. Nimirum aliquam prædilectam securitatem ex eo ortam, quod sibi videantur bene radicati in virtute, satis bene provisi, & obarmati adversus quoscunq; insultus ac tentationes, quod tot jam annos in religione, integrâ conscientia religiositate famâ religiosâ consumpserint: quod tot adversa sustinuerint, tot occasiones superaverint.

At præter hæc novimus non uni exoticam quandam sanctitatem, exoticum modum agendi obfuisse, qualis erat (ut cæteros non memorem) in Ochyno. Jam quid sentiam, de nimia ad usus & obsequia quorumcunq; proximorum & cujuscunque conditionis Status sexus communicati-
one ac pene prodigientia sui?

Expende has aliasq; quæ occurrerint causas, expende inquam ut decet & necesse est eas expendere: atq; sic ut easdem evites, nec unquam tibi fidas securusq; sis, animum Dei timore obfirma.

In colloquio confuge ad arborem crucis Christi salu-
tiferam, & ad fructum in ea dependentem: nempe ipsum
met Christum, eum ambabus manibus ne unquam prola-
baris amplectendo, & supplicando eidem, ut te suâ gratiâ suâq;
crucis sustentet præsidio, nec aliquando prolabi permittat.

MEDITATIO XVI.

*De effusione Sui ad exteriora præsertim contra
conversationem cum secularibus.*

Fundamentum Visio per somnium Magistri Pistorum
Regis Pharaonis Gen: 44. Vidi (inquit) somnium
quod tria canistra farina haberem super caput meum, & in
uno canistro quod erat excelsius, portare me omnes cibos, qui sunt
arte pistoria, avesq; comedere ex eo. Respondit Joseph: Hæc est
interpretatio somnii: Tria canistra tres adhuc dies sunt, post quos au-
feret Pharaon caput tuum, ac suspendet te in cruce & lacerabunt
volucres carnes tuas.

Prælud: 1. Fiat imaginatio hujus ipsius visionis.

Prælud: 2. Petitio gratiæ in hac eadem visione a-
gnoscenti damna effusionis sui ad exteriora præsertim ad
conversationem eiq; modum imponendi.

PUNCTUM I.

Quid per pistorum & canistra intelligendum? & quam negligens apud plerosque religiosi spiritus conservatio.

Considera per hunc Præfectum pistorum intelligi posse quemcunque religiosum. Per canistra farinam panibus & cibis omnis generis conuicta, intelligi suppellectilem virtutum, devotionum privatarum, industriarum, totiusque apparatus religiosi in Novitiatu & deinceps collectam & præparatam, quam religiosi homines commeatus gratiam pro tota vita perquam diligenter asservare debent. Sed heu quam misere illam prodigunt & dilapidant, quam imprudenter hoc peno evacuant ac dissipant.

Excute hic tuam quoque suppellectilem spirituales. Imprimisque dispice, an hæc tibi per tempus Novitiatus ac postea satis manserit instructa & accumulata? Tum adverte an apud te eadem ipsa supellex etiamnum in integro: an in integro primævus Spiritus & fervor, an in integro virtutes religiosæ, an in integro usus devotionum, industriarum, actuum?

PUNCTUM II.

Effusio ad exteriora & conversatio, præcipua deperdita religiositatis causa

Considera hæc prædicta canistra cum farina panibus & cibis, portasse Præfectum pistorum supra caput suum, illaque nuda non operata non clausa exposuisse perflantibus ventis & æeri, tum convolantibus undequaque volucris. Atque per hæc intellige effusionem ad exteriora, præsertim ad conversationes nimias, venditionem suæ personæ suorumque talentorum, captationem nescio cuius publicitatis, auræ popularis, vanæ gloriæ acceptationis plausuum apud externos, notitiarum, amicitiarum favorum, affectuum, tractationum, munusculorum, compunctionum cum secularibus. Et hoc nihil aliud esse quam pretiosum illum commeatum directioni, se autem extremæ inopiæ & fami spirituali exponere. Unde

Unde expende *seculares plane esse suaviter occin-*
tes volucres : cicurantur illæ nostrorum conversationibus,
blandè nostris auribus modulantur, dum coram laudes plau-
fus affectus, nescio quas testificationes accumulanti, suis hi-
isce concentibus & alloquiis non parum delectant. Præte-
rea capiuntur quidem & illæ nostris sermonibus, nostra ur-
banitate ; nostræ affabilitate conversationis, sed & capi-
unt. Trahuntur nonnihil ad amorem virtutis, sed magis
trahunt suis moribus, exemplis ad amorem mundi. Tra-
gant lautis conviviis, propinant, sed interim seorsim in no-
bis fervorem spiritus, omnem religiosam alimoniam absu-
munt ita ut de multis illud verificetur : Alieni comederunt
robur ejus, & ipse ignoravit.

Vide an non simile aliquid in te ipso contingat ?

PUNCTUM III.

Considera exitum hujus Præfecti Pistorum ? Nempe
 quod Pharaon caput ejus abstulerit ac suspenderit eum
 in cruce, ita ut eadem volucres, quæ de ejus cani-
 stris edebant, lacerarent carnes ejus. Ubi expende similem
 esse eorum conditionem ac tragædiam, qui se impru-
 denter ac immoderate ad exteriora, præsertim ad con-
 versationes effundunt. Nimirum post evacuatum penu
 religiosum, extremâ in spiritu divexantur inopiâ, totiesq;
 in cruce à superioribus suis ob defectus ex ea occasione ad-
 missos aguntur, ipsis etiam quandoq; insultantibus iis secu-
 laribus, qui coram applaudentes, extra oculos, eorum in
 conversationibus libertatem ac nævos sugillant, carpunt,
 pro carne famam lacerant.

Hinc considera 2do. Quod sicut ille Præfectus Pisto-
 rum (si tunc vigilasset) melius sibi providisset, si panes
 illos cibosq; publico nequaquam expositos, in penu reclu-
 sisset, aut certe illas importunas adulatricesq; volucres a-
 begisset à se potius, aut saltem expediisset suaviter, quàm

Exitus religio-
forum ad
exteriora se-
se effunden-
denium.

convocasset. Ita utinam etiam illi, qui adeo se in exteriora & publicum effundunt, se in privato intra cellas & claustra in angello cum libello idq; amore solitudinis & quietis religiosæ continerent, efficacissimo sane medio ad conservationem comitatus spiritualis totiusq; religiositatis suæ, & tunc nonnisi ad conversationes prodirent, cum non pruritus nescio quis mundana captandi solatia, sed religiosus zelus, assensus utiq; superiorum, regularum præscriptum, suadent & permittunt.

Vide quis in te amor solitudinis religiosæ, cubiculi, animi recollecti, quietis & clausuræ domesticæ? Circumscribe abhinc tuas conversationes, ante hac parum moderatas & religiosas.

Colloquium & affectus ad IESUM & Mariam, aspirando ad intimissimam cum illis necessitudinem, execrandoque omnes alias cum mundo mundanisque religiositatem dissipantes conversationes & alloquia. Jesu & Maria amores mei dulcissimi, vobiscum semper vivam, vobiscum moriar, totus sum vester, nullus mundi, nullus meus. Tota mea vobiscum conversatio, tota conversatio in cælis, non in terra.

MEDITATIO XVII.

DE OTIO.

Fundamentum. Visio Jeremiæ cap: 13. in qua apparet Dominus Propheta dixit ad eum: Tolle *lumbare* (hoc est baltheum aut aliquod vestimenti genus) quod est circa lumbos tuos & surgens vade ad Euphratem, & absconde ibi illud in foramine petreæ. Et abii & abscondi illud in Euphrate. Et factum est post dies plurimos, dixit Dominus ad me: surge vade ad Euphratem, & tolle inde *lumbare*. Et abii & fodi & tuli *lumbare* de loco, & ecce putruerat, ita ut nulli usui aptum esset.

Pia:

Præluđ : 1. Imaginatio ejusdem visionis.

Præluđ : 2. Petitio gratiæ agnoscendi ex occasione visionis præfatæ damna & mala otii illudq; detestandi.

PUNCTVM I.

Considera primo per hoc vestimenti genus adumbrari viros religiosos otio deditos. Sicut enim illud vestimentum, quamdiu in usu prophetico fuerat, tamdiu fuit integrum & proficuum. Postquam otiose delituit, sordide computruit, ut nulli usui aptum esset. Ita planè religiosi viri nihil tam noxium damnosumq; quam otium, ita ut quidquid in illis boni virtutis laudabilis; hoc totum absumat & pessundet, Spiritum doctrinam talenta. Adeo ut etiam si nescio quam insignes in omni genere per tempus institutionis religiosæ sive scholasticæ sive spiritualis evaserint; postquam se dederint otio, his omnibus orbat & inopes compareant, nec ad quidquam in religione idonei videantur, sive ad Cathedras Scholasticas sive exedras conclamationarias sive confessiones audiendas aliq; ministeria &c.

Hinc expende plerosq; esse, qui prætextu sanitatis, labores & munia religiosa subterfugiunt excusant, ingruente aliqua laboris aut functionis subeundæ occasione subtrahunt se, occultant, & abscondunt. (*absconde inquit, illud id est lumbare*) quiete sibi opus esse apud superiores prætendunt, & sic ad otium prolabantur. Revera autem eos gravissimè decipi, & loco recuperandæ valerudinis, confirmandarum virium, sanitatem nimio situ & desidiâ absumere, sensim sine sensu contabescere ac computrescere deniq; sordidissime. Non aliter quam ferrum, quod longo splendescit ab usu, otio & rubigine consumitur. Unde novimus viros in Religione laboriosos non paucos, eosq; satis incolumes satis robustos, pharmacorum parum indigentes. Viros autem non multum occupatos, plerumq; languidos infirmos,

Mala & damna otii.

totos in apothecis & pharmacis absumendis.

Unde ulterius animadvertet: sicut vestem usu laceram, ad aliquid saltem aptari posse, putridam non item, ita ut hæc nonnisi in sterquilinum ejici mereatur. Ita viros labore enervatos & laceros, alicui usui Religionis servire consuevisse, otiosos mera obstacula & probra, frustra locum in religione occupare.

Quibus expensis elige utrumlibet, sive vitam laboriosam sive otiosam. Teq; reflecte: quis in te vitæ laboriosæ amor, quis amor valetudinis tali medio, hoc est otio atq; adeo jacurâ spiritûs, talentorum, meritum, conservandæ?

PUNCTUM II.

*Nihil damno-
sius otio cum
affluentia
rerum & cō-
moditatibus
conjuncto.*

Considera hoc propheticum lumbare ad Euphratem fluvium, qui frugifer fructificans secundus interpretatur, adeoq; inter affluentiam rerum, (locus enim ille erat omnis ubertatis & abundantia) otio computruisse. Nempe nihil esse pejus & damnosius otio cum affluentia rerum commodorumq; conjuncto.

Considera 2dò. Hoc linteum non intra domum prophetae sanctam & religiosam, sed extra domum ad Euphratem ad Babylonem otio delituisse. Nimirum viros huic vitio deditos non libenter intra clausuram teneri, ægrè sub disciplina religiosa vivere, domi tædio affici, Babylonem aspirare, hoc est vitam extra claustrum in mundo mundanisq; laribus cum gustu & contentatione degere, ad fluvium Euphratem prospicere, hoc est fluxis transitoriis bonis & solatiis delectari.

Hinc expende quod in te affluentia & commoditatum studium: quis clausurae amor, quis de vita alibi extra domum agenda sensus? quod domi tædium: quis in secularium convictu animus complacentia & gustus? Quis ad fluxa & transitoria bona & solatia præsertim ad esculentia & potulenta appetitus?

PUN-

73
40
PUNCTUM. III.

Considera ultiores effectus otii: nempe quod non tantum otium religiosos eo redigat, ut nulli ului apti efficiantur, sed etiam insuper magno sint positive Religioni incommode. Sicut enim ex putri, non tantum nihil boni enascitur, sed multa etiam mala & damnosa fæto-
re non mediocri progignantur v.g. Illæ muscæ importu-
næ, quemvis circumvolitantes, inquietæ, ranæ garrulæ,
mures fruges tantum consumere nati & innumera alia inse-
cta, etiam venenata: illi quoq; deformes molestiq; ver-
mes, illi culices pulices &c. Itaplanè ex putrescentibus
otio religiosi non tantum nihil emolumenti colligitur sed
pæne etiam innumera mala: illæ garrulitates, fugillationes,
cenfurationes aliorum, morsus venenati, seminationes
discordiarum, murmuraciones, importunitates, inquietudi-
nes, quibus totam domum commovent & perturbant,
ut nullum nihilq; intactum relinquant: cum non habeant
aliud quod agant: ut merito tales, fratres muscæ, imo fla-
gella communiatum, Superiorum, æqualium nominentur:
ut omittam quod vermibus, hoc est flagitiis otio progene-
rari solitis talium conscientie leatent: quantumve nomen
religionis ob suam putredinem fætere faciunt.

Considera præterea per hoc linteum intelligi à com-
mentatoribus puritatem conscientie sive castitatem & forti-
tudinem. Unde expende quàm inimicum sit otium puritati
seu castitati & fortitudini. Quid enim castitati cum putri
cum fæto-
re? Quid puritati cum tot vermibus ac sordibus?
Jam de fortitudine illud etiam constat, quod otium religio-
sos enervet adeo, ut non tantum nihil boni & magni aude-
ant aggredianturq; sed etiam minimis temptationibus suggesti-
onibus mundi, carnis, resistendo in pares sint, modica adver-
sitate ac vicissitudine frangantur, debilissimo cuius suc-
cumbant insultui, imo illecebræ: ab uno demone eoq; mi-
serissimo, nullo negotio superentur,

*Ultiores
effectus &
damna otii.*

Reflece te an tibi, etiam eousq; otium non prava-
luerit? Præcipue quis in te adversus tentationes animus
& robur?

Colloquium ad Christum sub onere crucis laborantem
defessum ac concidentem, imo à juventute laboribus
innutritum, totâq; vitâ, nullo ab illis cessantem respiro
Cum protestatione quod eligas cum eodem Christo potius
laboribus immori, quàm otio respirare ac delitescere.
Offer & consecra ad hosce labores pro Christo, ejusque
gloria & animarum salute subeundos, omnes tuas vi-
res, incolumitatem, vitam totam & sanguinem.

MEDITATIO XVIII.

De Sensualitate in refectiōe corporali.

Fundam: Visio militis è castris Madian: Judic: 7.
Vidi somnium & videbatur mihi quasi subcineritius panis ex
hordeo volvi & in castra Madian descendere: eumq; pervenisset ad
tabernaculū, percussit illud atq; subvertit, & terra funditus coæquavit.
Respondit is cui loquebatur. Non est hoc aliud nisi gladius Gedeo-
nis Filii Joas: tradidit enim Dominus in manu ejus Madian, &
omnia castra ejus.

Prælud: 1. Consuetum.

Prælud: 2. ex occasione apprehensæ hujus visionis
pete gratiam expendendi damna & mala ex sensualitate in
refectiōe corporali provenientia eamque detestandi ac
eradicandi.

PUNCTUM I.

*Quantus ho-
stis religiosi-
tatis sensua-
litas.*

Considera per hunc panem subcineritium posse intelli-
gi sensualitatem in refectiōe corporali.

Ubi ex una parte expendes, quidnam panis subcine-
ritius egerit in castris Madian? Ex altera parte quidnam,
agat

agat sensualitas in castris religiosis? Nempe sicut panis ille tabernaculum militare percussit, subvertit, terræ coæquavit: ita sensualitas, similiter castra religiosa ac ipsam religiositatem aggreditur eamq; etsi firmiter subsistentem evertit: & quæ jam cælo sese videbatur admovisse, terræ coæquat, id est ad terrena cor & affectum inclinat ac deprimit.

Unde adverte ulterius sicut de illo pane subcineritio unus militum proclamavit: *Non est hoc aliud nisi gladius Gedeonis* Gedeon autem interpretatur conterens. Ita de sensualitate sentiendum; quod illâ dæmon nostræ religiositati capitalissimus hostis utatur tanquam validissimo ense aut ariete ad eandem religiositatem conterendam. Hinc etiam Christum taliter in deserto aggressus.

Expende ista ac incipe sensualitatem plus suspectam habere, quam hactenus habueris.

PUNCTUM II.

Considera modos, quibus aggreditur satah per sensualitatem religiosos.

Ac imprimis adverte panem illum non fuisse excellentioris alicujus materiæ, non ex saccaro non ex amigdalibus imo nec ex tritico sed ex hordeo. Ita scilicet Dæmon plerumq; non excellentioribus nos aggreditur eduliis appetitumq; nostrum irritat sed sæpe simplicioribus ac vilioribus.

Adverte 2dò quomodo panis ille subcineritius non subito tantam ruinam quanta describitur edidit. Inprimis enim videbatur volvi lenteq; ad castra procedere, tum tabernaculum percutere, evertere, tandem solo æquare. Nec aliter sensualitas castris religiosis se insinuat: Inprimis enim in licitis ad mensam communem viros religiosos aggreditur & quidem prætextu alicujus necessitatis. Postea ad eadem extra mensam communem, cum facultate tamen

Qua arte & modo Religiositatem aggreditur.

prævia, absumentia sollicitat. Deinde ad mensas convivia externorum invitat: artesq; illa adeundi illiq; se instruendi subministrat. Tum etiam, ut privatum esculenta ac potulenta in cubiculum inferantur abluanturq; sine facultate, persuadet ac in eo dispensat. Tandem vero ad notabilem excessum in cibo & potu, imo & ebrietates inducit. Jam quæ inde ulteriores prævaricationes ac ruinæ religiositatis sequantur, facile consideranti patebit.

Adverte tertio Panem illum non rusticarum tugurium, non domum aliquam privatam & pacificam, sed tentorium militare fuisse aggressum: Et hunc scilicet esse morem satanæ, ut per sensualitatem non alios magis quam eos qui se militiæ Christi adscripsere heroicamq; vivendi rationem sibi proposuerunt impugnet. Atq; primus est hic insultus ac proinde fortissimus, quo primo eosdem heroes aggredi consuevit expeririq; cum illis. Uti defacto ipsum Ducem, nostrum Christum in deserto impugnavit.

Quibus expensis vide, ut te adversus hunc hostem ab hinc melius obarmes, & quidem per opposita sensualitati arma scilicet per mortificationem in cibo & potu exactam.

PUNCTUM III.

*Quantum to-
tis Religioni-
bus hic hostis
periculus?*

Considera Parum fuisse quod ille panis subcineritius unum militare tabernaculum subverterit. Insuper fuit præfagium ac præludium interitus omnium castrorum & totius exercitus Madian: scimus enim quomodo inde ad illas lagenas pro armis à Gedeonis exercitu assumptas, ad illarumq; complersionem, quomodo ad tumultum in castris Madianitarum tandem ad litigia, ad mutuam internecionem, ad plurimam & extremam stragem devenit est?

Neq; vero à sensualitate, non tantum in privatis personis aut particularibus claustris ac domiciliis sed in totis religio

77
religionibus dissimilis clades timenda est. Idq; per laxatas
sensualitati & bucolicismo ejusq; prævaricationibus, nec
à superioribus cohibitas habenas. Vide ne ex parte tua sis
causa ejusdem?

Colloquium. Execrare mundana nescio quæ bellaria.
Prælige fel & acetum Christi, ad cælestes epulas toto
corde aspira. In JESU & MARIA omnes tuas delicias
cupedias reputa cum D. Bernar: *Hic pascor à vulnere hic
lactor ab ubere.* Tandem pete ut te Deus ab hoc hoste pro-
teget, omnia oblectamenta gustus humani amarefcere fa-
ciat, solusq; tibi JESUS & Maria sapiant.

MEDITATIO XIX.

De Amara vita in Religione.

EUndam: Visio Joannis Apoc: 8. ubi Angelus tuba ce-
cinit & cecidit de calo stella magna ardens tanquam facula,
& cecidit in tertiam partem fluminum & in fontes aquarum,
& nomen stelle dicitur absinthium, & facta est tertia pars aquarum
in absinthium.

Prælud: 1. Eadem visio imaginanda.

Prælud: 2. Pete gratiam ex occasione visionis ex-
pendendi mala vitæ amaræ in religione, eamq; averfandi.

PUNCTUM I.

Considera per hanc stellam apocalipticam adumbrari
eos religiosos, qui amaram vitam in religione du-
cunt: sicut enim ea stella tota quanta erat in absin-
thium & amarorem transierat; unde etiam eo nomine vo-
cata: utiq; enim dici sequitur ad esse. Ita illi quoque &
sibi & aliis amari, planèq; in absinthium versi: omnia illis
amara, occupationes, munia religiosa, dispositiones superio-
rum: ita ut nullum illis officium, nulla occupatio nullus
locus,

*Descriptio
vitæ amaræ
in religione.*

locus nullus superior ad mentem & gustum accidere possit: amara illis regulæ, amara ordinationes, amara & insipida ratio victus, ratio vestitus, amari superiores, æquales, inferiores, ita ut cum nullo eorum conveniant, in nullo gustum & satisfactionem invenire queant: amara cum illis colloquia, recreationes; amara deniq; & quæ alii, & quæ illi ipsi faciunt. Hinc in alienis moribus recte factis & laudibus sibi displicent, omnia censurant, extenuant, intra se arguunt. Undiq; suspicionibus laborant: ab omnibus abhorrent; nec sibi met ipsis satisfaciunt in omnibus, ac in se etiam & ex se (ut ajunt) malecontenti & nauseabundi: quo ad omnia Quodcunq; in illorū gratiā præstes, affertur licet & amicitia testis, omnia sinistra & maligne accipiunt, interpretantur, continuaq; in omnibus cholera, displicentia, amaritudine, exagitantur, aliosq; exagitant. Planèq; ad instar hujus stellæ apocalipticæ tanquam faculæ ardentes, quosvis pungunt adurunt. Atq; etiam integras communitates eadem amaritudine inficiunt, & in absinthium vertunt. His expensis vide an etiam simili amaritudinis vitio non laboras?

PUNCTUM II.

Religio indeditus amaritudinum locus, & errorum in illis ad mundana refugium.

Considera illam Stellam fuisse in cælo defixam. Proinde mirum esse, etiam ibi materiam amaroris invenisse: Quid enim cælo cum absinthio? ubi plane dulcedinis locus fons & origo, ita ut quidquid in terra dulce & melleum, hoc ipsum à cælestibus influentiis habeatur. Si in terra ubi nascitur absinthium, si in medio mari ubi amaritudinis & salsedinis plena omnia, vel à mari non longe defixa esset, non tantopere admirationem mereretur.

Unde expende similes reperiri huic Stellæ plerosq; religiosos, qui in cælo etiam ipso hoc est in religione cælestium dulcedinum plena, amaritudinis materiam inveniunt: ita

ita ut etiam ea apprehensione & opinione laborent, quod extra hoc cælum terrestre; scilicet in mundo tantum, omnia illis dulcia, sapida, mellea videantur, conversationes, alloquia, Socii, fercula, pocula, condimenta. In religione nihil simile, sed omnia absinthium: omnes superiores, æquales, inferiores, non nisi dracones, ursi, centauri, arcitenentes, leones, & alia ingrata Phænomena. Hinc illa domitædia, hinc excursiones, hinc quæsitæ excogitata ad illas procurandas media, conquisitiones esculentorum potulentorum ab externis. Per quæ tamen non tantum hæc in illis amaritudo non sedatur, nec mitescit, sed propagatur magis, ut experientia constat. Quis enim à mari veram dulcedinem speret, quis à mundo amaritudinum pelago dulcorationem suarum anxietatum expectet? vide quis in te quoque gustus ac æstimatio rerum religiosarum atque secularium, nec non alterutrius convictus secularis scilicet ac religiosi?

Reflecteque te an non etiam æquè sis corrupto appetitu & gustu atque illi? Quod si hoc ipsum adverteris, quam primum de antidoto cogita.

PUNCTUM III.

Considera quid causæ fuerit, quod hæc Stella eâ amaritudine laboraverit, ut etiam ab illa nomen absinthii traxerit. Unde enim in stella, in igne cælesti absinthium? Num quod humiliori loco in cælo defixa, altiori alia? seu quod plus aliæ de luce habuerint, clarius & splendidius micuerint, hæc obscurius ac tenebrosius? vel quod fixam coacta habere stationem, ita ut illa excedere, ad libitum excurrere non licuerit, cum major aliis errandi & pererrandi fuerit copia & libertas? Ut omittam quod toties sub nebula velut sub modio degere coacta. Innuitur in ea visione Angelum tubâ cecinisse, & illico cecidisse stellam, nomen acquisivisse absinthii, eoque infecisse orbem? Num

L

forsitan

*Causa &
fontes amari-
tudinis in re-
ligiosis nec
non exitus e-
orundem.*

forſitan ille Angelus pro leni & dolci carmine & concentu ſeverius aut præliare præana inſonuit ? unde aliqua ſtella amaroris occaſio ?

Quidquid ſit ? expende non abſimiles eſſe in religioſis amaritudinum cauſas, nempe deſectum humilitatis, & indiſferentiæ ad quævis officia, loca, ſive digniora ſive abjectiora, deſectum ſpiritus religioſi & fervoris. Præterea deſectum mortificationis paſſionum, præſertim invidiæ, appetitus excellentiæ ſupra alios, aut eminendi cum aliis : delicatam inſuper nimis patientiam, delicatas aures, delicatum animum, qui vel uno ſeveriore verbo in amorem adducitur.

Adverte verò eandem Stellam vocari magnam. Non paucos videlicet in religione eſſe, qui dum ſe ex magnitudine generis, talentorum, virtutis æſtimant, nec proportionate ad hanc eandem magnitudinem ſe foveri & extolli putant, ingentes inde amaritudines in animo concipiunt, & illdem contabescunt.

Adverte præterea, an non etiam ideo hæc ſtella in abſinthium verſa, quod fuerit ardens tanquam facula ? Nimirum in plerisq; cauſam & occaſionem amaritudinum præcipuam eſſe, ardorem accenſionemq; bilis & cholæræ quam negligunt comprimere. His expenſis vide quis in te quoq; amor humilitatis & indiſferentiæ religioſæ, quis in te animus ad abjecta & humilia, quæ mortificatio paſſionum, præſertim melancholiæ & cholæræ ?

Et quamvis hæ prædictæ non leves amaritudinis cauſæ in viris religioſis. Adhuc tamen considera potiffimam cauſam & fontem eſſe : neglectum rerum ſpiritualium & nauseam in illis : nempe in meditationibus, orationibus, conjunctione cum Deo & aliis piis exercitiis.

Atq; ad extremum expende : Quisnam fuerit exitus iſtius ſtellæ, ac etiam religioſorum viciffitudine eadẽ laborantium ? Nimirum illam ſtellam, tandem quaſi tædio & nausea victam in cælo non perfeveraffe, de illo cecidiſſe in ter-

in terram, eamq; sua amaritudine infecisse: *Et facta est*
tertia pars aquarum in absinthium. Unde considera simile
 quid cum prædictis religiosis fieri. Nempe quod & illi præ
 radio, angore & nausea in præfatis; tandem etiam fastidi-
 um vocationis ac ipsius virtutis concipientes, è religione
 transferantur ad seculum, grandi deceptione, errore, ac serâ
 pœnitentiâ, quod cum existimassent, se nauseam secularibus
 dulcedinibus & solatiis absterfuros, patriamq; ibi melleæ ac
 solidæ inventuros dulcedinis, in majores angores & amari-
 tudines incidunt, illisque ipsæ, nec non actis suis sceleribus
 mundum ipsum inficiant, injustâ contra Societatem secula-
 rium querelâ, quod nostris dimissis mundum inficiamus.

Expende hæc & vide inprimis quis in te gustus rerum
 spiritualium? tum ad prædicta exhorresce: atq; te congruis
 propositis obfirma.

Colloquium. Detestare dulcedines mundanas. Com-
 place tibi in amaritudinibus etiam religiosis easq; nescio
 quibus mundi melleis bellariis præpone. Prælige in re-
 ligione inter nescio quæ amara vivere & mori, quam in
 sæculo inter summè dulcia. Conclude aspiratione ad Jesum
 crucifixum felle & aceto potatum, petendo, ut ille tibi dul-
 coret omnia, in quo solo vera ac solida invenitur dulce-
 do atq; usurpando illa ex hymno S. Bernardi? *Jesu dulcis*
memoria, dans vera cordis gaudia, sed super mel & omnia ejus
dulcis presentia.

MEDITATIO XX.

De Tepiditate religiosa.

Fundamentum: Visio Joannis Apoc: 3. Ubi jussus est
 scribere ad Angelum hoc est Antistitem Ecclesiæ La-
 odiceæ in hæc verba. Scio opera tua, quia neq; frigidus
 es neq; calidus: utinam frigidus esses aut calidus. Sed quia repi-
 dus

du es, incipiam te evomere ex ore meo. Quia dicis quod dives sum, & ocupletatus & nullius egeo: & nescis quia tu es & miserabilis & pauper & cecus & nudus. Suadeo tibi emere à me aurum ignitum probatum, ut locuples fias, & vestimentis albis induaris, & non appareat confusio nuditatis tuæ. Et collyrio inunge oculos ut videas.

Prælud: 1. Imaginare idem tibi omnino quod huic Angelo Ecclesiæ exprobrari & dici.

Prælud: 2. Pete gratiam agnoscendi mala tepiditatis, eamq; averfandi.

PUNCTUM I.

*Ferventissimi
intepescunt.*

Considera 1mo. Non cuiquam alteri sed ipsi Angelo tepiditatem hic exprobrari: acsi etiam non homines tantum facile frigescentes, sed Angeli quoq; suâ naturâ ignei juxta Psalter: qui facis angelos tuos spiritus & ministros tuos ignem urentem, de ardore suo remittant ac intepescant. Aut si hoc de Antistite Ecclesiæ, Ecclesiæ inquam primitivæ, adeoq; tunc si in simplicibus Christianis & laicis tanto magis in præsidibus supremis quorum status supponitur perfectus ferventissimæ; Vel hinc expende, quantum tibi, etiamsi in spiritu Deiq; obsequio ferventissimus esses & planè igneus, fidere non debeas.

*Descriptio &
signa tepidi-
tatis.*

Considera 2do: Quid sit esse tepidum? Nempe esse neq; calidum neq; frigidum; sed quid medium Neq; esse omnino malum neq; etiam omnino bonum, sed aliquid quasi adutrumq; indifferens de utroq; participans.

Considera 3tio. Quænam sint signa tepiditatis, & unde hæc capienda? nimirum non aliunde, quam ex actionibus, ex operibus: juxta hoc quod expressè eo loco dicitur: scio opera tua quia tepidus es. Quæ vero & qualia opera tepidi religiosi? Nimirum juxta id quod in Epistola Patris Claudii: primo: orare, meditari, sine ullo sensu devotionis

ac fructu, inter distractiones, evagationes deliberatas, sine ulla ad mores proprios reflexione 2. cogitationes suas, verba & opera cursim perfunctorie sine ullo firmo proposito examinare 3. In exteriora ex solo tadio libenter effundi, solatiola à rebus creatis emendicare 4. Libenter ac liberè aliis obloqui, centurare, sugillare, detrahere. 5. Disciplinam religiosam gravem ducere. 6. Labores religiosos subterfugere ad otium & quietem aspirare. 7. Imperia ac dispositiones superiorum graviter ferre, illis obluſari 8. Appetere commoditates, præ eminentias, humilia & abjectiora respuere, incommoda fugere. 9. Distractionibus, colloquiis, confabulationibus, divagationibus per curritoria, officinas & cubicula tempus fallere. 10. Res spirituales negligere parvipendere, aut illas tantum ex consuetudine obire, ac deniq; omnia agere sine ulla devotione, fervore, præviis intètionib; adeoq; nihil à seculari in suis actionibus peragendis differre, &c.

His expensis vide : an non etiam tibi hæc ipsa signa tepiditatis convenient?

PUNCTUM II.

Considera mala & effectus tepiditatis. Quorum primus est: quod depauperet, denudet religiosum, planeq; expoliet omni fervore, devotione, virtute, gratiis & donis supernaturalibus, atq; ita in extremam miseriam coniiciat. Quid enim miserius quam his omnibus despoliari. Unde dicitur: quia tu es miserabilis & pauper & nudus.

Effectus tepiditatis.

Secundus effectus. Quod interim talis homo eo quod careat gravioribus noxis, putet se apprimè religiosum spiritualem, virtuti deditum, Deo gratiosum, ejusq; donis abundantem. Qualis hic Angelus Apocalypticus qui de se jactabat: *Dives sum & locupletatus &c.* adeoq; hunc esse non postremum execrabilem tepiditatis effectum, nempe quod

hominem infascinet, excæcet, ignorantem, stultum, amentem, insensibilem efficiat, ut suam deplorandam conditione non videat, non agnoscat, non sentiat, ignoret penitus ac nesciat, quia est miser & miserabilis: Insuperq; additur. *Et cæcus & nudus* eo quod hæc miseriam, ad quam cæcutias, eamque ipsam non videas, nulla sit gravior. Unde agnosce tepiditatem esse latronem perniciosissimum, qui postquam tulerit omnia, relinquit opinionem & persuasionem, se nihil abstulisse, omnia reliquisse intacta; ita ut etiam spoliando, vulnerando letaliter, excæcando, pene interficiendo, sensum adimat vulnere ac miserie, quo non sit remedio locus.

Tertius effectus quod hominem faciat nimis præsumptuosum, superbum, jactantem. Qualis hic apocalypticus, qui de se superbe ac jactabundè dicebat: *dives sum, nullus ego &c.*

Quartus quod talis homo maximè sit tentationibus illusionibusq; diabolicis obnoxius, illisq; facile succumbat: tum quod gratiam Dei & auxiliis supernaturalibus sit indignus, tum quod nihil facilius sit quàm stultum, amentem, ac præterea cæcum profligare, vulnerare inermem ac nudum.

Quintus quod tepidus post lapsum tardè & difficulter resipiscat & resurgat, cum remediis spiritualibus ac exercitiis parum juvetur, quod hæc ipsa tepide & negligenter obeat, aut illa non acceptet, quod existimet se bene valere, adeoq; iisdem remediis non egere: ut idem apocalypticus: *Dives sum & nullus ego.*

Sextus. Quod talis facilè habitus malos contrahat, illosq; sæpius in eos relabendo, difficillimè extirpet. Quid enim facilius quam cæcum in foveam cadere, educumque iterum in eandem relabi.

Tandem ultimum illud & horrendum est quod dicitur. *Incipiam te evomere ex ore meo.* Nempe quod talis homo proximus sit extremo periculo & calamitati: nimirum, ne illum Deus à se projiciat indignum amplius sua miseratione gratia, & beatitudine æterna.

Expende ista in te ipso & exhorresce.

PUN-

PUNCTUM III.

Considera imò quantum sit malum quàmq; Deo odibile tepiditas?

Atq; inprimis ex eo quod **DEUS** vix non præligat & malit esse, hominē potius simpliciter peccatorē præferim ad pœnitentiam fetiā aspirantē quàm tepidum, adeoq; videtur esse res gravior, Deoq; odibilior omnino tepidus, quam simplex & manifestus ejusmodi peccator: proinde etiam dicitur: *Ultimū frigidus esses.* Cum præterea uti experientiā & rationē constat, facilius ordinari peccatores a peccato quàm tepidi a sua tepiditate resipiscant ac desistant. Secundo ex eo quod hominē tepidum Deus cogatur evomere, nec intra sua viscera tolerare possit, cum ille ignis sit cūsumens etiam nescio quā venenatissima. Quanta igitur malitiā, quantum virus tepiditatis quod illam ignea Dei viscera concoquere non possint. Quid dico conquire? Tanta est tepidorum virulentia & malignitas, ut illam ad viscera etiam Deus admittere non valeat, ex ore suo efficiat: *Incipiam inquit te evomere ex ore meo.*

Proinde considera 2do media extirpandæ hujus tantæ virulentia, nempe his verbis expressa: 1mo: *Suadeo tibi emere aurum ignitum ut vestimentis albis induaris.* 2do *collyrio inunge oculos tuos ut videas.* Per aurum autem ignitum intelligitur fervor spiritus ac fervor Charitatis in Deum. Per vestimenta alba puritas conscientia expoliatio veteris hominis, induitio hominis novi, frequensq; ac diligens renovatio spiritus ac fervoris religiosi. Per collyrium, usus præsentia divinæ semper præ oculis habendæ, mortificationis externæ, orationis, meditationis, præsertim passionis Christi, memoria novissimorum.

Expende hæc media & quàm primum eadem arripe: advertendo, quod ad curandam & eliminandam tepiditatem pro solis oculis ip̄ciale præscribat remedium: *collyrio*

*Malignitas
& virulentia
tepiditatis,
nec non remedia ejusdē*

lyrio inunge oculos tuos. Cur simile quid capiti, linguæ, auribus, cordi, manibus pedibusq; non præferibitur? Utq; hæc omnia omnes humanos artus tepiditas inficit ac perfundat? Nempe ut diximus, quod illa maximè damnosam in oculos cæcitatem inducat quo tantam hominis miseriam ac ægritudinem non videant, ac ideo reddat hominem pænè insanabilem. Et si hæc cæcitas oculorum sanetur, jam sana sunt omnia. Inde igitur tu quoq; incipe, ac inprimis tibi persuade, ea te cæcitate laborare si sanari peroptas.

Adverte verò expressè insinuari, ut aurum prius ignitum ematur, ut pro eo vestimenta alba comparentur. Unde conclude pro quavis moneta, cætera quæcunq; posse comparari. Jam pro comparandis albis vestimentis id est puritate conscientie munditie ab omni nævo, nulla moneta expeditior aurò ignitò scilicet ardenti amore Dei ac fervore spiritûs.

Colloquium & affectus ad Deum: O ignis qui semper ardes & nunquam extingueris, accende cor meum, ut semper tui amore fervens, nunquam amplius intepefeat.

MEDITATIO XXI.

De Conversatione incauta cum periculoso Sexu.

Fundamentum: Visio Zachariæ Prophetæ cap: 4. Ubi vidit amphoram egredientem: Et ecce mulier una sedens in medio amphoræ. Et dixit angelus: Hæc est impietas Et projecit eam in medio amphoræ, & misit massam plumbeam in os ejus. Et levavi oculos meos, & vidi & ecce due mulieres egredientes, & Spiritus in alis earum & levaverunt amphoram inter terram & cælum. Et dixi ad Angelum qui loquebatur in me. Quo iste deferunt amphoram? Et dixit ad me: ut edificetur ei domus in terra Sennahar.

Prelud

Præfud : 1. Imaginatio hujus ipsius.

Præfud : 2. Pere gratiam ex occasione expensæ hujus ejusdem visionis, agnoscendi pericula & damna conversationis cum altero sexu, eamq; declinandi.

PUNCTUM I.

Considera amò mulierem hic sedisse in Amphora. Nempe ex amphora, hoc est ex sensualitate, præsertim ex excessu in potu, carnis tentationes procedere.

Considera 2. De hac amphora ubi sedit mulier promuntiatum esse : *Hec est impietas*, ac si omne simul scelus locum ibidem fixerit. Ideoq; expende per eandem amphoram rectè intelligi, quemvis hominem, utpote ex sua natura vas fragile : atq; adverte : ubi hoc vas mulier seu pruritibus aliquis conversandi cum eo sexu occupaverit, illicò pessum iturum, illicò se omnem iniquitatem illi iacturam. Nempe non aliud esse periculosius compendiosiusq; iter ad scelera & ruinam, quàm conversationes & confidentias cum eodem sexu nimias & incautas. Unde expressè hic poni mulierem, non stetit tantillum, non habuisse se per modum transeuntis, sed sedisse : per hoc autem significari conversationem non qualemcunq; non per modum brevis & per transennam habiti colloqui; sed potius morosam & diuturnam. Unde per expressum dicitur de ea muliere : quòd medium amphoræ insederit : nimirum ipsum cor. Et talibus planè conversationibus, cor utiq; ipsum subjugantibus, nihil periculosius nihil expeditius ad præcipitium, uti de Salomone scriptura : *Depravatum est cor ejus per mulieres.*

Considera tertio pro amphora à plerisq; legi *mensuram* intelligiq; mensuram illam peccatorum horrendam. Eamque non facilius ac citius aliter adimpleri, quàm familiari eoq; incautò cum hoc ipso sexu, commercio.

Insuper illud considera in os ejusdem amphoræ, postquam illam mulier insederit, massam plumbeam injectam.

Damna ac pericula conversationis incauta cum sexu altero.

M

Per

Per hanc autem massam plumbi intelligi *pondus gravissimum peccati*, ut ait Cornelius à lap: Nimirum illas nimias cum eo sexu amicitias, quid aliud post se trahere, quam gravissima quæq; peccata, pravosq; eorum habitus, quibus tanquam plumbo pressus ac onustus diffi ultes ad resipiscen-
tiam ac penitentiam resurgas. Nihil enim tam arcte hominem in peccatis detinet, quam muliebri commercium: ut rarissime qui eò implicantur, præsertim ex religiosis, resipiscant.

Vide an talibus cum sexu altero familiaritatibus ac provenientibus exinde periculis & damnis sis obnoxius?

PUNCTUM II.

*Alit effectus
conversatio-
nis incantæ.*

Considera hoc vas infessum à muliere, Prophetæque exhibitum appellari amphoram, vas utiq; usibus profanis deputatum. Nimirum eos, quoscunq; affectus ad hunc sexum subjugaverit, jam ad nullos usus pro Deo ejusq; gloria tum animarum salute valere: jam amplius non vasa esse electionis, ut portent nomen JESU coram gentibus, sed amphoras sensualitatum, vanitatum, stercoreum capaces evadere. Vide ne hunc tibi obicem ad magna pro Deo & animabus agenda, ad quæ te DEUS sibi forsitan ele-
git, opponas.

PUNCTUM III.

*Exitus eorum
qui huc con-
versationi
implicantur.*

Considera eandem amphoram à duabus mulieribus in terram Sennahar, hoc est Babilonem translata. Nempe eos qui sive fide, sive religionē, sive quodcunq; servitium Dei virtutisq; cultum deserunt, non aliam hujus veriorum habere causam quam affectum ad sexum alterum, liberius licentiosiusq; continuandum: non aliud illos, abducere à fide, religionē servitio DEI, non aliud trans-
ferre.

ferre in Babilonem, hoc est deducere in apostasiam, in hæresim, in seculum, in baratrum peccatorum, nisi muliebres consentias. Unde expende has mulieres fuisse alis instruitas. Nihil scilicet velocius ad nostram perniciem ac ruinam esse, hoc eodem sexu, incautâq; cum illo conversatione.

Considera præterea, spiritum hoc est dæmonem alis harum mulierum insedisse. Non aliter videlicet illum celerius ac facilius in nostrum volare exitium, non alium expeditiorem habere modum, quo nos in scelera ac damnationem præcipitat, quàm per mulieres. Vide ne te quoq; eadem conversatio eo deducat, quo alios toties deduxit.

Colloquium & affectus sit detestationis incautarum omnium conversationum: præterea sit petitio gratiæ præservantis, ab omnibus nævis, ac periculis ex incauta conversatione provenientes.

MEDITATIO XXII.

De duabus classibus Religiosorum, scilicet bonorum & malorum.

Fundamentum: Visio Regis Pharaonis Gen: 41. *Patrabat se stare super fluvium, de quo ascendebant septem boves pulchra & crasse nimis & pascabantur in locis palustribus, alia quoq; septem emergebant de flumine, fæde confectâq; macie, & pascabantur in ipsa amnis ripa in locis virentibus, devoraveruntq; eas quarum mira species & habitudo corporum erat. Rursus vidit alterum somnium: septem spica pullulabant in culmo uno plena atq; formosa: alia quoq; totidem spica tennes & percussa auredine oriebantur devorantes omnem prioram pulchritudinem.*

Prelud: 1. Imaginatio ejusdem visionis.

Prelud: 2. Apprehende hac visione exprimi duplicem classem Religiosorum.

Ma

Pro-

*Pralud : 3. Pete gratiam agnoscendi conditionem malorum & conditionem bonorum religiosorum, illamq; de-
testandi, hanc sequendi.*

PUNCTVM I.

*Conditio bo-
norum &
malorum re-
ligiosorum.*

Considera per boves pulchras & crassas, tum etiam per spicas plenas atq; formosas rectè intelligi religio-
sos bonos : Nempe talentis, gratiis divinis, donis spi-
ritualibus, virtutibus, meritis, bonâ famâ, sui æstimatione
abundantes, plenos, conspicuos. Per boves autem fædas
confectasq; macie, tum etiam per spicas tennes & percul-
sas uredine intelligi religiosos malos, iisdem gratiis, donis,
meritis orbatos, penitus vacuos, extenuatos, macie Spiri-
tualis pæne confectos.

Atq; hinc expende conditionem bonorum religioso-
rum, nimis fortunatam excellentem conspicuam in oculis cæli
& mundi, fortunatam inquam & temporaliter in hac vita,
& æternè in altera. Ex altera parte conditionem, malorum
Religiosorum nimis miseram, infelicem, deformem & abo-
minandam : miseram inquam, tum in hac vita mortali, tum
in æternitate ut consideranti patebit. Scimus enim utiq;
experimento, quid imò fiat tam cum bobus pinguibus
quam cum spicis plenis, nempe hæ transferuntur in pænu ad
mensas Dominorum, in horrea & granaria. Deinde quid
cum bobus macilentis, ac spicis sterilibus, scilicet, illæ abji-
ciuntur in offam famelicis canibus, hæ igni ad creman-
dum.

His verò expensis teipsum intueri cuinam gregi ac
messi annumerandum te putes? bonorum né an malorum re-
ligiosorum? perspiciendo utrorumq; characteristics & attri-
buta in te ipso.

PUN-

PUNCTUM II.

91

Considera causas tam in bobus, quam in spicis tantæ maciei, sterilitatis, inopiæ. Cum imprimis macilentæ boves in eodem loco cum pinguibus pascerentur, iisdem uterentur pascuis : nempe ad Nilum fluvium in ipsa amnis ripa, in locis virentibus, ubi ad pastum ac nutrimentum nihil desiderari poterat. Pariter etiam & spicæ steriles in eodem agro cum spicis plenis, hoc est in gleba fertilissima à Nilo irrigatâ erant exortæ. Quid igitur causæ tantæ in utrisq; differentiz ac discriminis? Nimirum fortè boves illas pascuis illis communibus non fuisse contentas, depravato appetitû super illa nauseasse, quæsisse alia, atq; ita contemptu ac neglectu bonorum pascuorum in maciem redactas. Aut etiam pro insolentia, rædio & inquietudine excurrisse aliò, per avia & devia pererrasse : hisquæ excursionibus, evagationibus in famem & maciem incidisse. Nisi quod corruptò potius ac infirmò nec ad bonam concoctionem satis validò ventriculò fuerint : ideo nihil illis in substantiam & bonum sanguinem cedere ac converti poterat, adeoq; ita emarcuere deformiter. Pariter de spicis eodem loco innuitur, eas scilicet fuisse uredine seu ardore percussas : alii legunt Eurò, ventò, ideoq; sic deformatas ac exhaustas.

Unde considera idem causæ esse in malis religiosis maciei & sterilitatis spiritualis. Nimirum neglectum, contemptum pascuorum spiritualium tam nobilium, tam excellentium : abhorrentiam à communi vita, amorem singularitatis particulariumq; ac privatorum commodorum : evagationes, excursions ad emendicanda & conquirenda è mundo & secularibus alia pascua, nutrimenta, solatila; quæ licet delectent, sapiant, minimè tamen spiritum & animam religiosam nutriunt, in ò in maciem extremam redigunt. Quid de illis dicam? qui velut corruptò ventriculò, omnia

Causæ inopia ac miseria spiritualis in malis religiosis.

M 3

spiri-

spiritualia fastidiunt, super omnia nauscant: omnia licet optima, licet ex cordiali effectu & charitate profecta pravò animò à superioribus, aequalibus, inferioribus accipiunt, omnia licet Sanctissima, in malam partem interpretantur, nihil potius, ac verbum etiam minimum consequere possunt, adeoque nihil in bonam sibi substantiam convertunt, omnia in bilem, choleram, melancholiam. Huc spectant ferventiores, quibus exuruntur passionibus iræ, odii, invidiæ, ventus vanitatis, ostentationis, vanæ gloriæ &c.

Vide, an non etiam inter similes causas inopia & maciei spiritualis inveniri possint?

PUNCTUM III.

*Mala per malos religiosos
proveniunt: nec non exitus eorum
religiosorum.*

Considera mala per malos religiosos in religione serpere Solita.

Nempe sicut illas boves macilentas odio & invidia stimulas in pinguiore exaruisse, cornibus impetuisse, convulnerasse, devorasse. Idemque spicas steriles in fertiles egisse. Ita pariter similes malorum religiosorum ausus esse. Ac imprimis nullo illi religioni ac domino gregi, emolumento & decori, imò dedecori & opprobrio insigni. Non iidem jugi religiosi patientes, non ad agrum Domini colendum idonei, soli otio & evagationibus intenti. Illorum est odia, iras, invidias, in communitatibus accendere, illisque accendi: discordias serere, pacem domesticam turbare, exagitare bonos, appetere sarcasmos, censuris, arrodere & absumere illorum famam, honestum, talenta, æstimationem; diffamationibus, detractionibus, informationibus sinistris, delationibus contra conscientiam mendacibus, & plane omnem pulchritudinem, omnem florem religioni eripere: ac tandem in religionem ipsam sensim, ut illæ boves macilentæ & spicæ in Ægyptum, extremam sterilitatem ac inopiam inducere. His expensis vide an non etiam per te similia mala in tuam religionem introducantur?

Atque

50
Atq; etiam illud expende: quoniam illæ vaccæ & spicæ evaserint? Nempe ut primò puncto insinuaturn, illæ vaccæ macie & miseriam confectæ, extraq; suum ejedæ gregem miserabiliter perierint: canibusq; & volucribus abierint in pastum. Spicæ quoq; loco horrei in quod deportandæ erant, igni vel sterquilinio injectæ, aut arserint in favillam, aut computruerint. Unde simili quoq; exitu vitam malorum religiosorum terminari, nimirum scrupulis, remorsibus conscientie, ejedione ex religione, turpi desperatione ac morte.

Colloquium & affectus. Gratias age Domino DEO quod te in tam bonis pascuis, in tam fertili agro, ac in terra plane viventium per vocationem religiosam collocaverit. Desse tuam malitiam, ex qua abusus es tuâ tantâ felicitate, tot mediis ac opportunitatibus ad virtutem, quod tot pascua in tuam spiritualem substantiam non converteris. Pete ut in his iisdem te pascuis conserveat: ne te tanquam sterilem spicam ex agro suo evellat, aut tanquam inutile pecus eiiciat.

MEDITATIO XXIII.

DE MORTE.

Fundamentum: Visio Joannis Apoc: 6. Ubi vidit: Et ecce equus pallidus & qui sedebat super eum nomen illi mors, & infernus sequebatur eum. Et data est illi potestas super quatuor partes terra, interficere gladio, fame, morte, & bestiis terra.

Prælud: 1. Ejusdem visionis imaginatio.

Prælud: 2. Pete gratiam vivaciter apprehendendi mortem, præparandiq; te ad eandem.

PUN-

PUNCTUM I.

*Cur hic mors
equo infidēs?*

Considera primò cur hic equo infidens mors exhibeatur? Nempe ut exprimaturs illius celeritas, qua nos insequitur, vitamq; in medio cursu fortunarum, honorum, successuum, intentionum, destinationum, inò sæpe in ipso limine abruptit: ita ut nulla ea n coaditio, nullus hominum status nulla ætas effugiat. Et quidem primà mundi ætate quasi pedestris mors erat: proinde non eà quàm modò celeritate pollebat. Circiter mille anni, nongenti, octingenti, septingenti &c. elabebantur, antequam unum & alterum lux fœci destinationum assecuta. Jam nunc longè celerior, ac si equum infedisset.

Considera 2dò. Cur in equo pallido visendam se præbeat? Nimirum præter hoc quod ad illius occursum quisq; etiam animosissimus palleat, illud insuper est, quod homines imagineantur sibi mortem non virido alicui equo, sed jam exhausto, destituto specie, vigore, & viribus, pallido insidere, adeoq; existiment lento ac imbecilli passu illam progredi: cum defacto nimium decipiantur, assequente illos & comprehendente citius quàm sperarunt fatali equite. Et quia alii pro pallido legunt viridem: hinc adverte ex Cornelio quia mors impiis est pallida, id est metuenda, & tristis: bonis vero est viridis, id est sœvis & placida: spemq; præbet *metu: vita æterna*

Considera 3tiò. plerosq; per hunc equum intelligere velocissimum suam naturam tempus. Uti Sædæus: *Velocissimus est (inquit) equus, tempus, fatalem equitem dorso ferens eoq; ipso designari: huic osseo sessori tempus ipsum esse subiectum ac subordinatum: adeoq; quolibet tempore, mortem à nobis sperandam timendamq; , nullum tempus, nullam horam, nullum momentum à morte immune, alienum, ac remotum. Quapropter nulla etiam dies, nulla hora sit, quàm nos imparatos inveniat.*

Con-

Confidera 4to. Per eundem equum intelligi peccatum : per peccatum namq; juxta Apostolum *mors intravit in mundum*, Ab alijs intelligi corpus ipsum nostrum, siue homines animaliter, sensualiter, ac pænè bestialiter viventes, suis appetitibus, sensualitatibus obsequentes, consulentes, commoditatibus inhiantes, mulo & equo non absimiles. Nempe ipsa peccata, quæ accumulamus, ipsas sensualitates, abusus rationis, commoditates ipsas præsertim in victu, & potu, mortem nobis accelerare, eamq; intra corpus nostrum immittere.

Confidera 5to. Mortem tergo hujus equi Apocaliptici insidere : Id ipsum videlicet denotare, nosmet mortem à tergo habere, raro aut nunquam in intuitu præ oculis.

His itaq; expensis, vide quis in te hac in parte de morte sensus, præsertim de vitæ brevitate, de celeritate ac vicinia, de tempore & hora mortis : de acceleratione ejusdem per peccata, sensualitates, commoda ? Præterea quæ apud te ejus memoria ? quis ad illam respectus ?

PUNCTUM II.

Confidera imò infernum eò locò mortis sequacem ac satellitem : Et sequebatur eum infernus. Adeoq; hinc expende vel eo ipso nimis terribilem horrendamq; mortem, quòd post illam sequantur judicium ac infernus. Et quis vero hæc effugiat ?

Cur eam sequebatur infernus ?

Confidera 2do. Cur non cælum, hunc fatalem equitem visum sequi ? Nimirum quod vix alicui immediatè post mortem cælum pateat, sed aut infernus, aut purgatorium, quod etiam infernus temporalis dici potest, proximè sequantur ac morienti immineant. Unde vel hinc quoque mortem acerbam cogita.

Atq; confidera 3tio. Ideo adhuc infernum hinc mortem comitari : Quòd videlicet maxime in morte, maxime eò momento, à quo pendet æternitas dæmon infernusque

N

totus

totus nostræ animæ nostræq; damnationi intentus invigilet.
Ad quod dum exhorrescis, tantum pro tua salute vigila,
quantum pro tua perditione vigilat infernus.

PUNCTUM III.

Innumera
moris gene-
ra.

Considera : Quod data sit illi potestas interficere gladio, peste, fame, bestis terræ &c. Atq; hic expende, quam mille modis miseros homines mors una fatigat, ut nullum tempus, nullus locus, nullus terræ angulus sit securus. Quocunq; te verteris, mortem invenies, in ejus tela incurres.

Hinc expende, quod te genus mortis, quis casus, quis locus, quod tempus, in quo statu gratiæ an culpæ expectat? Atq; ita te præpara, ut quocunq; genere, quocunq; modo, quocunq; casu, quocunq; tempore, quocunq; loco discedere ex hac vita contingeret, paratum te ac omnimodè dispositum mors quæcunq; inveniat.

Colloquium ad Christum agonizantem per illius agonem ac trihorium in cruce, implorando tibi felicem obitum. Tum ad Beatissimam Matrem illa aspiratio. *Maria Mater gratiæ, dulcis Parens clementia, tu nos ab hoste protege, & horum mortis suscipe.*

MEDITATIO XXIV.

De morte justorum & impiorum.

Fundam. Visio ex historia Evangelica desumpta Luc 16. de mortuo Lazaro & divite. Factum est ut moreretur mendicus, & portaretur ab Angelis in sinum Abraha, mortuus est autem & dives, & sepultus est in inferno.

Prelud : 1. Fiat imaginatio morientis Lazari ex una parte : Ex altera morientis divitis.

97

*Pralud: 2. Pete gratiam morte iustorum moriendi,
ad eamq; te rite disponendi.*

PUNCTUM I.

Considera quàm felicem mortem obierit Lazarus! *Felix Lazari obitus ejusq; adjuncta.*
Cujus lateri utriq; dum moreretur adstabant Angeli, expectantes exitum animæ de corpore, ut illi-
co eam in manus suas tollerent, & portarent in sinum Abra-
hæ. Quantis ille tunc in præsentia Angelica perfunde-
batur delicijs. Non ibi tristitia, non metus, non trepidatio,
non amaritudo ulla: quam scilicet præsentis Angeli cæle-
stibus consolationibus abstrangebant, in spem erigebant
beatitudinis, ut non tam ibi ex necessitate quam potius ex e-
lectione mors esse videretur. Videre erat arridentem vul-
tum, defixos in cælo oculos nonnisiq; cum vita clausos.
Audire pro gemitibus pia suspiria ac desideria, evolandi
ad Deum ex corpore mortis hujus, eaque nonnisi extremo
terminata agone, ita ut ejusmodi mors Somnus potius &
amica quies, quàm suprema fati necessitas dici posset. Quis
igitur dixerit mortuum mendicum? *factum est ut morere-
tur mendicus:* Vixit mendicus ac inops, cum illi micæ eti-
am cadentes de mensa divitis negarentur. Sed mor-
tuus admodum dives: dives inquam gratiis, ac miserationi-
bus Dei, dives virtutibus, tolerantia præsertim adver-
sorum, meritis, dives cælestibus solatiis, patrocinio, &
obsequiò angelicò, dives spe bonorum æternorum, dives
pretiosa morte Sanctorum.

Intuere sic morientem Lazarum: qualemve ipse
(utinam vero similem) habiturus sis, aut velles habere mor-
em? recogita.

PUNCTUM II.

Considera quo tandem merito tam felicem mortem La-
zarus adeptus sit? Nempe singulari tolerantia pauper-
tatis

*Quonam
ejus merito
ac dispositio-
ne?*

tatis, inopiæ, ærumnarum, morborum, impropiorum, ad januam divitis: singulari resignatione in Deum, ejusq; sanctissimam voluntatem: amore humilitatis, puritatis conscientiæ, qua sibi ad sui obsequium purissimos Spiritus devinxit, ut ab illis portaretur in sinum Abrahæ.

Expende hæc & plura alia, quæ consideranti occurrerent, ac præcipuè quomodo tunc non modo non penituit Lazarum suæ mendicitatis, ærumnarum, morborum, incommodorum, sed imò magno solatio in morte fuit, quod non in divitijs, commodis, sed in ærumnis vixisset. Expende inquam idipsum, atq; te quonam tandem & tu ipse tuo merito, felicem tibi pollicearis mortem, accuratè reflecte, propositò tibi ex paupertate tua religiosa solatiò.

PUNCTUM III.

Infelix divitis ex hac vita exitus ejusque circumstantia.

Considera infelicem divitis exitum, ejusq; circumstantias. Sic ille ab Evangelista describitur. *Mortuus est dives & sepultus est in inferno.* Mortuus est inquam cum se non speraret moriturum, imò pæne putaret immortalẽ. Mortuus fortassis eadẽ horã, quã sibi plurimos annos, vitamq; longævam pollicebatur. Mortuus morte infelicissima, morte peccatorum pessima, inter languores, tædia, timores, trepidationes, gemitus, ejulatus, desperationes, execrationes suarum divitiarum & voluptatum, pallido, exhaustò, exsanguis, mæsto ac tetro, terribili horrendoque vultu, oculis inquietis, torvè huc & illuc reflexis; mortuus in peccatis, in finali impænitentia, certus damnationis suæ; mortuus, mundo, amicis, consanguineis, fratribus, divitijs, voluptatibus. Mortuus Deo, cælo, bonæ æternitati. Soli inferno æterniq; supplicis victurus. *Mortuus est dives*: quid dico: dives mortuus? dives vixit, sed mortuus est inops, & mendicus, absq; ullo solatio terreno & cælesti, absq; pænitentia, absq; spe salutis & vitæ æternæ, absq;

absq; gratia, absq; misericordia & miseratione divina : ne unô quidem obolô, ne unico filô, ex tot divitiis & opibus in alteram vitam secum transportatô. *Sepultus est in inferno.* Nimirum non quomodocunq; inferno additus, sed ut profundius graviusq; cruciaretur, sepultus. Sepultus inquam, quod ipsis etiam dæmonibus ac inferno extra sæteret : ipseq; illum averfaretur infernus. Sepultus dives, eô quôd peccatorum suorum immanium pondere prægravatus, inferni superficie sustineri non posset, adeoq; fundum ipsum petere, fundum rimari coactus. Sepultus non ab amicis, non à consanguineis, non à filiis, quorum amicitia & affectus, innatâ mundanis necessitudinibus inconstantia, in morte divitis extincti : verum absq; dubio, quod à dæmonibus, qui dum cum morte luctaretur, adstabant morturo præstolantes extremum anhelitum, quô extrusam infelicem animam exciperent. Ibi miserum horrendis monstrosiq; spectris terrere, exagitare, impropere, minari cruciatus æternos, patentem præ oculis sistere infernum, flammâ vomere, & jacare, obumbrare cælum, ne ad illud aspectum dirigeret, obturare os, guttur stringere, suffocare, ne Deum invocaret, atq; sic reluctanter spiritum ex semimortuo corpore, violenter extrudere &c. Exclama hinc mortem impiorum pessimam, exhorresce, & conturbare salutariter : *O me peccantem quotidie, & non me penitentem timor mortis conturbat !* Propone aliter te victurum, ne taliter, ut dives epulo, moriari. Execrare mundum ejusq; divitias & voluptates, complacere tibi in paupertate & vita religiosa, ex eaq; tibi felicem mortem ominare.

Colloquium & affectus ad Christum agonizantem, ad Beatissimam Parentem, ad S. Angelos Tutelares, petendo simile, ut in morte & post mortem Lazari ; patrocinium, gratiam, & obsequium : Conclude aspiratione : *Utinam moriatur anima mea morte iustorum.*

MEDITATIO XXV.

De morte ante mortem.

Fundamentum: Visio Apocaliptica, in qua Joannes præter alia audivit vocem, de calo dicentem: *scribe: Beati mortui, qui in domino moriuntur. Amodo jam dicit Spiritus, ut requiescant à laboribus suis: opera enim illorum sequuntur illos.*

Prælud: 1. Imaginare tibi eandem vocem cum Joanne te audire.

Prælud: 2. Pete gratiam agnoscendi quid sit mori ante mortem? eademq; morte mundo & tibi moriendi.

PUNCTVM I.

Quid sit mori ante mortem?

Expende primò hæc verba: *Beati mortui qui in Domino moriuntur.* Quid nempe est, quòd jam mortui; & iterum moriuntur? Nimirum ante mortem, aliam mortem esse, qua nobis in hac vita moriendum est: juxta illud Apostoli: *Mortui sumus, & vita nostra abscondita est in Christo JESU.* Moriendum inquam est mundo, carni, diabolo, concupiscentiis ejus, peccatis, passionibus, habitibus, malis inclinationibus, sensualitatibus, curiositatibus: ita, ut te in his omnibus geras, ita te ad hæc omnia habeas, ad mundum, divitias, honores, illecebras, voluptates, vicium, amicum, commoditates, ac si defacto mortuus esses: planè eo modo, quo se habet mortuus ad hæc ipsa, ut consideranti patebit. Præsertim verò enitendum est, ut instar emortui cadaveris simus in obediendo, in abnegatione nostri, in indifferentia, ut S. Pater noster in suis regulis inquit. Nec verò alij simus circa paupertatem, sicut enim moriturus omnia relinquit, ita, ut nihil sibi omnino reservet, uti

Job

Job dicit: nudus egressus sum de utero matris meae, nudus revertar illuc: Ita qui vult ante mortem mori, omnibus se exspoliet.

Quibus expensis vide an jam ita, saltem inceperis mori?

PUNCTUM II.

Considera 1^{mò} Illud esse mori ante mortem: Nempe *Quid adhuc sis ita moris?* hæc agere omnia, hæc velle, quæ moriens, aut ageres, aut velles te agere. Reflece te supra ista, quæ tibi in morte occurrent agenda, & jam defacio nunc, hæc ipsa agere incipe.

Considera 2^{dò} Mori ante mortem esse: sic agere omnia, eâ devotione, eò fervore, eâ humilatione, eâ penititudine & contritione, quâ sua agunt morituri, orant, confitentur, sacramenta suscipiunt, in Dei sese voluntatem resignant. Vide an similis fervor ac devotio in tuis actionibus eluceat, quæ esse in morituris consuevit, aut in te, Dei miseratione futura est, dum ex hoc mundo & vita decedes?

Considera 3^{tio} Mori ante mortem esse: ita se præparare, disponere, quomodò te actu disponeres, quò casu immediate deberes mori. Ad hoc ipsum expedit habere paratas industrias bene moriendi, devotiones protunc usurpandas, actus exercendos, illosq; in praxi saltem singulis mensibus habere.

Vide quantum hac in parte fueris accuratus? & si nihil adhuc hujus præparamenti apud te est: quam primum te his collectionibus velis accingere: ut hoc tanti momenti negotium expedias ac perficias.

PUNCTUM III.

Considera tales mortuos verè beatos. Beatos in vita, beatos in morte, beatos in æternitate.

In

*Beatitudo
morientium
ante mori.*

In vita imprimis beatos, quod vivant à peccatis, saltem gravioribus immunes, virtutibus, meritis, donisq; Dei abundantes, inter prospera & adversa æquanimis, & planè adinstar emortuorum, ad omnia insensibiles: Unde illis nihil grave accidere potest, quo tangantur.

Beatos in morte. Nempe talibus mortem etiam ipsam minimè gravem & acerbam ingruere: quam magna ex parte expedire in vita: & quod hæc illis non improvisa accidat, cum illam in vivis superstites, semper præ oculis & in praxi habuerint, nam & prævisa jacula minus feriunt: & hoc ipsum apud illos, non modicæ beatitudinis est, quod sibi nunquam mors repentina ac improvisa obvenire possit, eò quòd semper paratos ac instructos inveniat. Præterea quòd non habeant, quòd angantur, quòd doleant: non quod vitam relinquunt, mundum, vanitates, illecebras, quia jam hæc anticipatò morte voluntarià reliquere. Non etiam eos conscientia peccatorum angere, quia & hanc tempestivè pœnitentiis, satisfactionibus, expiarunt. Nec insuper esse quod timeant, non judicium, non infernum: his enim occurrerunt & providerunt in vita. Non mortis cruciatus, angores, dolores: quia & hi illis in delicijs. Non divisionem animæ à corpore: cum se ab hoc & ejus concupiscentijs, adhuc etiam separaverint in vivis, vivendo in corpore, velut extra corpus, in carne, non secundum carnem peccati. Adeoque tales non tam defæcto mori, ex quo jam mortui sunt, quam potius vivere incipere. Et si moriuntur, illos in Domino mori non quasi in mundo, non in peccato, non in carne, non in se: quia pridem his omnibus, sibiq; mortui, mundum carnem seque ipsos crucifixerunt cum vitiis. Præterea in Domino non extra Dominum: in Domino hoc est in ejus gratia, protectione speciali, & amore. Unde ulterius, talium mors quid aliud potius, quàm quies. Ideo illos ex hoc mundo decedere, non ut crucientur, sed ut requiescant à laboribus suis. Aliis mors initium laborum, suppliciorum, ærum-

parum : his autem, finis horum omnium, initium autem quietis, beatitudinis, vitæ melioris, coronæ immarcescibilis. *Opera enim illorum sequuntur illos.* Ita enim morientes, eâ promptitudine ac celeritate, iis desideriis in cælum, vitamq; alteram feruntur, ut videantur præcurrere merita sua. Alios videntur præcurrere, antecedere opera illorum, ita ut illi sequantur, & quidem reluctanter, invitè, lentò admodum passu. Hi è contra. Præterea sequi illos opera eorum pia, sancta, meritoria, non peccata, non demerita.

Et hoc ipsum facere illos beatos in æternitate tota.

Additur verò: *Amodo dicit Spiritus* : quia mundus, caro, diabolus, longè alia dicit, longè alia persuadet, alia longè pollicetur : sed minimè beatus, imo maledictus, qui non Spiritui, sed mundo, carni, diabolo, auscultat. Experietur in morte fructum & exitum auscultationis suæ. Beati verò millies, qui dicentem, suadentem Spiritum audivere, secundumq; eundem spiritum vixere, & non secundum carnem.

Quibus expensis, similem tibi fac provideas beatitudinem, eamq; tibi, quantum potes, demerere.

Colloquium ad Christum agonizantem in horto Getsemani: adèoq; hanc agoniâ præludentem morti & agoniz in cruce, petendo ab eodem Christo, ut tibi quòq; eandem gratiam impertiri dignetur, nempe gratiam moriendi mundo, carni, diabolo, vivendi autem soli Deo, eâq; morte voluntariâ, anticipandi extremum agonem, ad illumq; te omnimodè præparandi, ne tibi accidat improvisus.

MEDITATIO XXVI.

DE IUDICIO UNIVERSALI.

Fundam : Visio Joannis Apoc : 20. *Vidi (inquit) thronum magnum, candidum, & sedentem super eum: à cuius conspectu*

specu fugit terra & calum, & locus non est inventus eis. Et vidi mortuos magnos, & pusillos, stantes in conspectu throni: & libri aperti sunt: & alius liber apertus est, qui est vita. Et iudicati sunt mortui, ex his, quæ scripta erant in libris, secundum opera ipsorum. Et dedit mare mortuos, & mors, & infernus, dederunt mortuos suos. Et infernus, & mors missi sunt in stagnum ignis: & qui non inventus est in libro vite.

Pralud : 1. Horum omnium imaginatio.

Pralud : 2. Pete gratiam concipiendi salutarem timorem Judicij Divini.

PUNCTUM I.

Praludis judicij.

Considera quæ immediate ante Judicium eventura sunt. Atq; imprimis mare, mors, infernus, dabunt mortuos suos: hoc est ad sonum tubæ Angelicæ, omnes quæcunq; morte olim mortui, sive aquis & mari suffocati, sive in terra sepulti, in suis corporibus resurgent, ita ut etiam ex inferno egrediantur sint animæ damnatorum, et assumant corpora sua.

Hic expende quæ erit facies, quæ exultatio, & tripudium, animarum Sanctarum? Et e contra, quæ facies animarum, damnatarum sua corpora assumentium. Quæ universusq; animæ sive electæ sive reprobæ ad suum corpus allocutio, & mutua consalutatio.

Quibus expensis te reflecte, in quorum tunc numero tu fortè futurus es?

PUNCTUM II.

Tragedia judicij.

Considera ipsam Tragediam judicii, seu ea, quæ in ipso iudicio agenda sunt. Quomodo juxta visionem S. Joannis, quomodo inquam super thronum magnum & candidum, Deus Judex apparebit. Super thronum

num magnum, propter Judicis tanti majestatem, ut eâ magnitudine, & majestate, magnitudines & majestates terrenas confundat, pusillasq; in sui comparatione ostendat. Candidum. Quia nullus ibierit locus fraudis, doli, Hypocrysis, tenebrarum: omnia candida, aperta, manifesta, luce meridiana clariora. Jam quali facie? quò intuitu? Quomodo ab ejus primo conspectu fugiet cælum & terra? scilicet in literali sensu, Planetæ, ac stellæ sive cadent, sive extinguentur, terra autem cum omnibus splendoribus suis, flammis, à vultu ejus cadentibus exuretur: aut etiam adeo ingenti terrore ac trepidatione cælum & terra concutientur: ut si possent, à conspectu Dei effugerent. Idem de electis per cælum, de reprobis per terram significatis, si timor in sanctos cadere posset. In alijs autem interpretationibus, ac sensibus, intelligi instantias, mediationes, patrocinia, sive à terra, seu à Cælo, sive ab Angelis, sive ab alijs electis, quæ jam tunc locum non habebunt apud supremum Judicem: aut etiam statum viatorum, statum meriti ac demeriti posse intelligi, quæ tunc cessabunt & quasi aufugient.

Considera 2dò. Quod S. Joannes enuntiat. *Et vidi mortuos magnos, & pusillos stantes in conspectu throni.* Nempe per magnos, intelligi Reges, Principes, nobiles, ætate provectos: per pusillos; plebejos, pauperes juvenes, pueros, infantes, ex utroque tam electos quàm reprobos; aut etiam intelligi per utrosq; magnos & minores Sanctos, magnos & minores peccatores. Expende hic quæ utroqueq; consistentia? quæ species?

Considera 3tio. *Libros apertos esse, & alium librum qui est vita, & judicatos mortuos ex his, quæ scripta erant in libris secundum opera ipsorum.* Ubi expendes; per libros apertos, intelligi libros, in quibus descripta erant peccata, & nomina reproborum. Per librum vitæ, intelligi eum librum, in quo erunt merita & nomina electorum. Primum volumen, dicuntur libri, ob multitudinem peccatorum & damnatorum:

secundum volumen dicitur liber, ob paucitatem bonorum operum & elektorum. Ubi adverte; expressè dici, libros illos tunc aperiendos. Quia nunc clausi sunt: Nescitur quisnam ad librum vitæ, quis ad libros damnationis pertineat, cujus nomen libro vitæ, aut libro reproborum inscriptum? Tunc autem idipsum patebit. Nesciuntur præterea multorum merita ac demerita, virtutes ac scelera occulta. Verùm & hæc omnia tunc erunt toti mundo manifesta, ita, ut nihil absconditum à constitutione mundi, orbis notitiam effugiat.

Considera 4to Judicandos mortuos ex his, quæ scripta sunt in his libris. Nempe ex actionibus & operibus, meritis ac demeritis, utriq; libro inscriptis. Ubi etiam animadverte, quòd nullus ibi futurus accusator, patronus, testis: totum judicium, librorum illorum accusatione & testimonio, absolvendum; ita ut nullus audeat inficiari & contradicere, exclamando: *Iustus es Domine & rectum judicium tuum.*

His expensis, excute tuam conscientiam, ejusq; statum, & recogita: si in eo statu moreris? qualis in die judicii appareres? tuum nomen quo libro legeres? quid tunc coram toto orbe erubesceres? qualem erga te faciem judicis spectares, quâ parte, dextrâ, vel sinistrâ confisteres? &c.

PUNCTUM III.

*Catastro-
phe & exitus
Judicii.*

Considera exitum & Catastrophen judicii: Nempe quòd infernus & mors mittendi in stagnum ignis. Et qui non inventus fuerit scriptus in libro vitæ.

Ubi Expende primò decretum ultimum Judicis, tam favorable in partem electorum: *Venite benedicti*; quàm etiam horrendum contra damnatos: *Discedite maledicti*

Expende 2do Horum in cælum lætum & felicem abitum: illorum in infernum, in stagnum ignis, violentam raptationem, ac nimis lamentabilem? Per

Per mortem etiam ac infernum missos in stagnum ignis intellige statum mortalitatis ac demeriti, quæ jam à die iudicii cum damnatis præcipitbuntur in abyssum, ita ut damnati quærant mortem & non inveniant. Præterea intellige mortem æternam, pœnasq; æternas, in quibus iidem damnati, in eodem stagno versabuntur.

Expende insuper, per stagnum intelligi malam æternitatem, & pœnas semper duraturas. Unde dicitur non fluvius, cujus aquæ transeunt, sed stagnum, in quo eadem aquæ semper stagnant & permanent.

His expensis retogita, quid de te futurum sit, quod te decretum maneat in eodem Dei iudicio? In quorum numero futurus sis; in eorumne, qui audituri sunt: Venite benedicti &c. an eorum qui sunt audituri: Discedite maledicti? Quæ te præterea æternitas maneat, beata, an mala? Cura proinde, dum vivis, ut favorabilem tibi demerearis sententiam.

Colloquium & affectus sint ex prosa Ecclesiastica: Dies iræ &c. illud recitando usq; ad finem: *Rex i* ~~gnis~~ *da majestatis &c.*

MEDITATIO XXVII.

De Iudicio Particulari.

Fundam: Visio Balthazaris Regis Dan. Ubi dum rex celebraret convivium jubereq; adferri, vasa templi Salomonici, in eadem hora apparuerunt digiti, quasi manus hominis scribentis in superficie parietis. Tunc Facies Regis commutata est, & cogitationes ejus conturbabant eum, & compages venum ejus solvebantur, & genua ejus ad se invicem collidebantur. Hac autem scriptura erat: Mene, Thecel, Phares: hoc est: Numeravit Deus regnum tuum & complevit illud. Appensus es in scatera & invenis es minus habens. Divisum est regnum tuum, & datum est Persis & Medis.

Pralud: 1. Imaginatio hujus ipfius.

Pralud: 2. Apprehende fimile fore judicium particulare.

Pralud: 3. Petè gratiam concipiendi falutarem timorem ex confideratione judicii particularis ejufdem.

PUNCTUM I.

*Incertitudo
temporis ju-
dicii particu-
laris: Tum
Incertitudo
sententie pro
nobis vel con-
tra nos ferē-
de.*

Confidera per hanc visionem Regis Balthafaris adumbrari judicium noſtrum particulare. Atq; inprimis expende hæc verba: *In eadem hora apparuerunt digiti quaſi manus hominis ſcribentis in ſuperficie parietis.* Nempe eâ horâ, qua ille epulabatur, qua maximè diuinam accumulabat offenſam, quâ minimè ſperabat, minimè cogitabat de Dei ſuper ſe vindictâ. Item verò de judicio uniuſcujuſq; particulari. Nimirum illud non habere, ſibi certum tempus præfixum, quocunq; tempore, quâcunq; hora & momentò, poteſt ingruere. Ingruere autem illud ordinariè, cum minimè ſperamus, dum de illo cogitamus minimè, dum maximè, quæ mundi ſunt ac vanitatis, agimus, illq; occupamur. Interim hoc certum eſſe, judicium particulare abſolvi circa diſceſſum hominis è vita, atq; ita juxta pleroſq; immediatè ante mortem. Juxta alios in ipſo extremo agone. Tandem juxta communioſiorem ſententiam immediatè poſt agonem & exitum animæ de corpore.

Quidquid ſit: expende horam illam nimium ancipitem, nimium plenam periculi, & trepidationis. Horam illam eſſe, quæ me, vel æternum felicem, vel per æternitatem infeliciffimum efficiet, quæ me vel cælo vel inferno tranſmittet. Balthafaro hæc fuit præcipua perturbatio-
nis cauſa, quòd viderit manum in pariete regio ſcribentem: nec illud ſatis intelligeret, quòd contra ſe ſcriberet ſententiam, & qualenam eadem ſcriptura contineret decretum. Tunc ingreſſi ſapientes Regis, non potuerunt ſcripturam legere, nec interpretationem indicare Regi. Unde Rex Balthasar

thasar satis conturbatus est & vultus illius immutatus. Atq; sic ex hoc planè capite, illa etiam hora maximè terribilis, quòd tunc unusquisq; vivacissimè apprehender, ultimam sibi illicò à supremo iudice imminere sententiam, nec nosse poterit, qualis nam illa, an favorabilis, an fatalis futura sit?

Vide quò animò & sensu hanc horam expectas? quòmodò meministi illius, quomodò & quà sedulitate ad illam, ac imminens post illam iudicium te pręparas?

PUNCTUM II.

Considera Balthasari apparuisse digitos manùs hominis Scribentis: Quid igitur tantòpere timuit? manum scilicet non gladio armatam, sed penitus inermem, neq; extentam ad verbera, aut minantem, sed non nisi nudis digitis scribentem. Non ibi præterea vultus irax, facies fulminea, ignei oculi apparuerunt. Nempe etiam in iudicio particulari, nihil terribilius illà ipsà scripturà, nostra demerita, ac feralem sententiam continente.

Atq; hinc ulterius expende, quanam specie, Deus iudex in iudicio particulari ordinariè appareat? nimirum forsitan longè terribili, quàm cum olim contra Balthasarem scriberet sententiam. Jam non solis inermibus digitis, sed totà manu, gladiò, vel fulmine armatà: Toto vultu horribili, oculis ignem spirantibus. Quanquàm conjectura est: alià specie apparere electis, alià improbis: Improbis illà, quàm dixi, horrendà: Electis paululùm amabiliori.

Quidquid sit: recogita qualemnam vultum illius tibi polliceris. qualemnam tibi demereris etiam? qua fronte, quò animò illum tunc spectabis? cui pro tot beneficiis te ingratum præstitisti, quem offendisti toties. Jam quis tunc terror, quæ trepidatio, quis animus? Si enim ad triùm digitorum aspectum, Balthasar sic commotus est, ut facies

illius

*Adjuncta ju-
dicii particu-
laris.*

Pro

illius commutata sit &c. Quid erit, cum totus Iudex, mirum in modum terribilis ira; incensus apparuerit?

Adverte verò Balthasarem non à Leonis aut Elephantis, aut monstri alicujus, nec à Dæmonis aspectu pesterrefactum, sed à manu hominis: Quid enim in iudicio erit terribilius, quid gravius, facie & manu Christi humanâ, manu clavis confixâ. Hæc certè gravior ac terribilior erit facie leonis, aut gladio ancipiti.

Vide ut ita vivas, ut non habeas, quod te in die iudicii conturbet, propter quod vultum Dei iudicis extimeas: ob quod idem Iudex terribili & iracundâ specie tibi appareat.

PUNCTUM III.

Reliqua adjuncta Iudicii & ultima sententia.

CONsidera hæc verba: Numeravit Deus regnum tuum &c.

Atq; hinc expende quæ tecum in iudicio particulari agenda sunt. Nempe numerandos non tantum annos; sed etiam dies & horas vitæ tuæ. Quamdiu vixisti, Rex fuisti, ac Dominus familiæ, & quorumcunq; tibi subjectorum: insuper Rex tui ipsius, tuarum passionum, affectuum, appetituum, juxta illud, *subter te erit appetitus tuus, & tu dominaberis illius*: Numerandum igitur, atq; examinandum istud regnum tuum, quomodò illud administraveris? Complendum statum meriti & demeriti, ita, ut non amplius futurum sit tempus, quò vel cælum lucreris, vel inferni sententiâ te eximas, vitæ antea; errores emendes. Executiendas insuper omnes actiones, cogitationes, verba, & opera; bona, & mala. Hæc eadem, in statera Dei iudicis, appendenda. Futuros ibi non dubium, tot alios tecum, qui eò tempore excessere è vivis, rapiendi ad idem iudicium, ejusdem Tragædiæ participes. Tunc sequendam illam divisionem plenam sensûs & doloris: quâ, alij rectâ ad cælum, alij ad purgatorium, alij ad infernum deputandi erunt. O dolenda sanè, plena amaritudinis, & invidiæ divisio!

Vide

Vide & recogita; quo statu, quavè sorte, res tuæ nunc futuræ sint? aut quo essent, si hac hora ad tribunal Dei iudicis rapereris?

Colloquium & affectus ad Christum apud Annam & Caipham accusatum, falsis testimonijs appetitum, apud Pilatum iudicatum, crudeliq; condemnatum sententiâ: petendo per hanc ejus accusationem & condemnationem, ut tibi in suo iudicio sit propitius & clemens.

MEDITATIO XXVIII.

De favorabili DEI iudicio.

Fundam: Visio S. Joannis cap: 4. Apoc: Tui (inquit) in spiritu: & ecce sedes posita erat in celo: & supra sedem sedens. Et iris erat in circuitu sedis. Et in conspectu sedis tanquam mare vitreum simile crystallo.

Prælu: 1. Eadem visio Imaginanda.

Prælu: 2. Apprehende in hac visione exhibitam favorabilis Dei iudicij effigiem.

Prælu: 3. Pete gratiam expendendi media & vias, reddendi tibi favorabile Dei iudicium.

PUNCTUM I.

Considera per hanc visionem adumbrari favorabile Dei iudicium. Quid enim aliud iris quæ est symbolum clementiæ & pacis, in circuitu sedis Judiciariæ posita significat?

Jam expende modum & viam qua perveniri possit ad hoc favorabile iudicium? Nimirum per mare vitreum simile crystallo in conspectu sedis (inquit Joannes) mare vitreum &c. Per hoc autem mare significari munditiem cordis, puritatem conscientiæ. Inprimis enim mare, cadaverum

P

omni-

Via ad favorabile iudicium Innocentia & Puritas Conscientiæ.

omnium est impatiens, cum illico quidquid esse potest emortui, in litus ejiciat. Vitrum etiam, tanto magis crystallum à nævis abhorret.

Introspecte hinc animam tuam : & si mundam & velut chrySTALLINAM, à peccatis saltem gravioribus inveneris ? favorabile tibi judicium poteris polliceri.

PUNCTUM II.

*Item seria
de peccatis
cōmissis pē-
nitentia.*

Considera per hoc mare à plerisq; intelligi sacramentum pœnitentiæ, quo nobis favorabile Dei judicium reddimus. Ut reddidit S. M. Magdalena dum audire meruisset: *Remittuntur tibi peccata: Vade in pace*: ubi plane illi iris pacis, ac fœderis nuntia illuxisse visa. Eodem modo Maria Ægyptiaca, Thais, S. Jacobus Eremita & alij peccatores & peccatrices. Expende vero nostram pœnitentiam, ut nobis ad sedem Dei Tribunalitiam Iride conspicuam, accessum faciat, debere esse sicut mare ob magnitudinem & abundantiam doloris & contritionis juxta scripturam: *O quam magna sicut mare contritio tua.* Debere præterea esse mare non qualecunq; sed vitreum & crystallinum ob manifestationem exactam omnium peccatorum. Non aliter quam vitrum & crystallum, quod minimos etiam pulvisculos & nævos non occultat, sed manifestat & prodit: quanto magis trabales notas. Tandem debere esse pœnitentiam adinstar maris ob firmitatem propositi, ut de homine pœnitente & obfirmato in suo proposito illud verificari possit, quod de mari intra suos sese continenti terminos, scriptura: *Usque huc venies & non procedes amplius, & hic confringes tumentes fluctus tuos*: id est passiones, appetitus, impetus naturales, habitus, inclinationes suggestiones &c.

Vide quis in te hujus Sacramenti usus, quàm accuratus quàm exactus; qua manifestatione peccatorum, quo dolore, quo proposito, qua satisfactione ?

PUN-

PUNCTUM III.

Considera, esse, qui per hoc idem mare intelligunt ærumnas, amaritudines, adversitates hujus vitæ, usum præterea mortificationis exteræ. Per quæ etiam omnia ad favorabile judicium nobis accessus patet: ita tamen; ut hæc ipsa non sint adiutor unius torrentis & rivuli, sed maris adiutor, quod gravissima etiam onera & moles sustinet, remis undiq; flagellatur & concutitur, mordetur anchoris, ventis omni ex parte, nec Euris tantum & Zephiris, sed Aquilonibus etiam afflatur, commoveturq; vexatur, amaritudine & farsedine absq; stilla dulcedinis diffunditur: absorbet & absomit omnia; & inter hæc, intra suos sese coerces terminos: non sicut rivulus vel torrens, qui minimo tempestatis & pluvie accessu exundat, & totam circumquaq; viciniam insana quasi vindicta populatur. Hic verò præcipuum locum habent merita & passio Christi per mare significata: Mare gratiarum Beatissima Virgo.

Vide quomodo in his omnibus præcipue in cultu Passionis Christi & Beatissimæ profeceris?

Colloquium & affectus ad Christum olim hic in terris erga peccatores benignum & faventem, petendo ab eodem; ut hac eadem benignitate favore & clementia erga te in judicio uti velit.

MEDITATIO XXIX.

De occultis DEI judicijs,

Fundam: Visio Ezechielis cap: 2. Et vidi & ecce manus missa ad me, in qua erat involutus liber, & expandit illum coram me: qui erat scriptus intus & foris, scriptæ erant in eo lamentationes, carmen, & va.

Prælug: 1. Imaginatio ejusdem visionis.

P 2

Præ-

*Patientia,
mortificatio
&c.*

Prelud : 2. Apprehende exhibitam in hac visione occultorum Dei iudiciorum veram iconem.

Prelud : 3. Pate gratiam expendendi eadem occulta Dei iudicia, atq; salutarem illorum timorem concipiendi.

PUNCTUM I.

Considera per hunc librum involutum Ezechieli porrectum, adumbrari librum occultorum iudiciorum Dei.

In primis enim hic liber scriptus intus & foris, nempe ob multitudinem & abundantiam iudiciorum Dei circa homines, ipsum librum excedentem; adeoq; illum opplentem undiq; seu quod iudicia de electis cum nominibus eorundem intus inscripta. iudicia de reprobis inscripta foris.

Deinde idem liber dicitur involutus: hoc est quoad arcana in illo contenta à notitia hominum absconditus.

Tandem dicuntur in eo scriptæ lamentationes, Carmen, & v̄. Per lamentationes intelligitur pœnitentia, gemitus, lacrymæ peccantium. Per carmen, status, lætitia, & solatia innocentium à peccato. Per v̄ intelligitur status reproborum ac damnatorum. *ut Cornel: à Lap.*

*Judicia Dei
circa statum
pœnitentium.*

Atq; hic expende, circa hæc tria verti occulta iudicia Dei. Idq; primò circa statum ac pœnitentiam peccatorum. O quot enim hic iudicia Dei, quanta abyssus eorum, quam terribilis? Nimirum mensura illa gratiarum efficacium vel sufficientium, tot & non plurius in his, vel illis circumstantijs, tribuendarum. Item mensura & numerus peccatorum: qua expleta, nullus ad gratiam & misericordiam accessus nulla veniæ salutisq; æternæ spes. Et quia hæc mensura tam gratiarum quam peccatorum nobis penitus ignota, quantum proinde iusta timoris ac trepidationis occasio! simile quid mensura annorum ac dierum vitæ humanæ, de qua scriptura; Posuisti mensurabiles dies ejus. Quæ etiam mensura pariter nobis ignota adeoq; terribilis, præsertim peccantibus, quòd illam facillè ac insperatò adimplere possint nondum

175
dum peccatis per penitentiam deletis: ita ut nec spatium habeant, dolendi, percutiendi pectus, eloquendi, imò suspirandi *Deus propitius &c.* Quanquam & illud de ipsius penitentiae usu admodum horribile: quod scias te Deum offendisse, scias te penituisse peccatorum, illa te esse cum omnibus quo ad te requisitis confessum, doluisse te de iisdem. Et interim nescias, an id feceris aliquando prout oportet ad salutem: an per id placatum tibi Deum Judicem reddideris: an remissionem peccati adeptus sis? Eademq; te dubitatio manet, etiam post mille confessiones, & dirissimas penitentias peractas.

Expende ista, & si te in hoc statu adverteris, exhorresce!

PUNCTUM II.

Considera judicia Dei occulta circa statum innocentiae, & hominum à peccato immunium. Quàm scilicet inprimis illud sit terribile. Quòd nemo sciat, ex viris etiam in hominum opinione sanctis, an odio an amore Dei dignus sit? an sit in gratia Dei, vel non? Quamvis verò id etiam evidentissime sciret: illud nescit, an in sua innocentia, in gratia sit perseveraturus ad finem? Cum non unus fuerit (quòd terribilius est) qui toto vitae suae tempore in innocentia & gratia Dei vixit, & pæne in articulo mortis misere lapsus, æternum periit. Hinc illa vox Innocentissimi B. Aloysii Gonzaga: *Columnae Cali ceciderunt, mihi misero quis promittit perseverantiam!* Non es innocentior Angelis pravaricatoribus, imò neq; es ita innocens ut illi: quomodo igitur potes esse securus? Huc præterea & illa: *Cali non sunt mundi in conspectu ejus, & in Angelis reperit pravitatem. Væ etiam laudabili vite hominum. Non secundum intuitum hominis ego judicio.* Quanquam nec illud etiam innocentissimo cuiq; omnimodè constat, quòd sit innocens, quòd in innocentia perseveret. Quid dicen-

*Judicia Dei
circa statum
innocentiae.*

dum de prædestinatione nostri ab æterno, quamvis ad æternitatem bonam? Hoc tamen etiam nobis ignorum. Quid de filo ac serie prædestinationis? Nimirum quod Deus disposuerit ab æterno omnem seriem prædestinationis nostræ, cum multis tamen nobisq; occultis ac ignotis conditionibus: v. g. si hunc, vel illū iustitiam acceptaveris, trahes velut catenam tot aliarū gratiarum, cum quibus certò salvaberis. Si hanc crucem, hanc afflictionem sustinueris, si in hac vel illa occasione, intimè læsus, silueris: si in hac vel illa tentatione, habitu, defectu, te ipsum superaveris: si in religione hoc vel illud abjectum officium non excusaveris: illo religiosè perfactus fueris. Et tot alia tibi ignora.

Expende ista & exclama: *Judicia Dei abyssus multa!*

PUNCTUM III.

*Judicia DEI
circa statum
reprobtorum.*

Considera occulta Dei judicia circa statum malorum, ac reproborum. Quam & hic horrenda, imò horrendissima omnia! maxime illud: quod ab æterno præscierit Deus te damnandum in æternum. Et hoc ipsum tibi ignotum sit. Quod si tibi de innocentia aut sanctitate blandiris? an nescis quod & sancti & innocentes, plurimi reprobi! Quid illud? *Si iustus vix salvabitur, impius & peccator ubi parebunt?* Præterea: quod de Saule, ad Samuelem: *Usquequo tu luges saul, cum ego projecerim eum.* Item quod de Antiocho? *Orabas scelestus Dominum, à quo non erat misericordiam consecuturus.* Quid insuper illud? quod multi post plurima peccata salvati, non rari post unum peccatum etiam sola cogitatione admissum damnati in æternum.

Quibus expensis, super abyssum iudiciorum Dei obstupescere, simulq; bonorum operum accumulatione seria, spem tibi de tui ad gloriam æternam prædestinatione confirma.

Colloquium & affectus ad abyssum bonitatis & misericordiae

117
cordiæ, nempe ad cor Jesu, petendo ab ipsomet Christo, ut
te in hanc cordis sui abyssum recipiat, ne in abyſſo judicio-
rum Dei æternum pereas. Conclude aspiratione: *Non
ântres in judicium cum seruo tuo.*

MEDITATIO XXX.

De Inferno.

Fundam: Visio seu Historia Evangelica Luc: 16. ubi
mortuus est dives & sepultus est in inferno. Elevans autem o-
culos suos, cum esset in tormentis, vidit Abraham à longè &
Lazarum in sinu ejus, & ipse clamans dixit: Pater Abraham miserere
mei, & mitte Lazarum, ut intingat extremum digiti sui in aquam,
ut refrigeret linguam meam, quia crucior in hac flamma. Et dixit
illi Abraham: Fili recordare, quia recepisti bona in vita tua, & La-
zarus similiter mala. Nunc autem hic consolatur, tu vero cruciaris.
Et in his omnibus inter nos & vos Chaos magnum firmatum est, ut
hi qui volunt hinc transire ad vos, non possint, neq; inde huc trans-
meare. Et ait. Rogo ergo te Pater, ut mittas in domum Patris mei:
habeo enim 5. fratres, ut testetur illis, ne & ipsi veniant in hunc lo-
cum tormentorum.

Plalud: 1. Fiat imaginatio ejus Historiæ, idq; per ap-
plicationem sensuum ad normam meditationis S. Patris de
inferno.

Pralud: 2. Pete gratiam apprehendendi pœnas inferni
easq; evitandi.

PUNCTUM I.

Considera pœnas inferni prædicta historia epulonis ad-
dumbratas.

Ac inprimis expende: quanta ibi flammarum lævi-
ties, eo usq; elevata, ut in animas etiam grafferetur. Tum
quoad

Pœne dam-
natorum in
inferno eo-
rumq; da-
minationis
adjuncta.

quoad Epulonem? quid eum ad hoc coegerit, ut eam tantopere inculcarit, ut vel à Lazaro guttam aquæ ad refrigerandam linguam tantis precibus postularit?

Expende 2dò. Prodigiosam inter tot tantâq; flammâs damnatorum, ad ultiores, easq; pro tota æternitate subeundas pœnas conservationem. Exclamat epulo ad Abraham: *mitte Lazarum*. Quid vociferaris insane? nosti quanta tui à Lazaro distantia? antequam ille cum aquæ tantillo deveniat, imò ne medium quidem spatii emetiatur, tu totus concremaberis abiturus in favillas, ne tantilla quidem tui parte, ad ejus adventum residua. **Minimè** inquit! **Expectabo, durabo!** Immortalem materiam gero, nequaquam illis ignibus absumendam: æternitati cremandum sufficiet, quod crematur.!

Expende 3tiò nullam esse ex inferno redemptionem. Hinc Abraham ad Epulonem: *In his omnibus inter nos & vos Chaos magnum firmatum est, ut hi qui volunt hinc transire ad vos, non possint, neq; inde huc transmeare.* Ubi adverte, nec beatos posse ullò modò damnatis succurrere, eosq; ad solandum invisere. Neq; etiam damnatos ex loco tormentorum ullo modo egredi, ideoq; tota æternitate eo tam horrendo carcere absq; ullo solatio detinendos esse.

Quartò expendi: quid sit, quòd hic epulo de suis fratribus adeò sollicitus, petit ab Abraham, ut mittat quempiam ad eosdem, qui illis exponat infernalium suppliciorum gravitatem, *ne veniant* (inquit) *in hunc locum tormentorum.* Unde hæc illi de suis sollicitudo, & cura? Unde hæc pietas, unde hic zelus? Verùm novit ille abunde quidnam flagitarit, non tam illis quam sibi hac in parte providendo. Nempe in inferno præter alia, insignem tormentorum accessionem esse, ex multiplicato damnatorum consortio, ita ut eo plus illis tormenti accedat, quò major eorūdem ad locum inferni accessus. Idq; tum ob angustias illius infernalis ergastuli, tū ob mutuas divexationes, maledictiones, morsus caninos ad invicem, præsertim ex conjunctione ac societate Complicum,

cum, vel consanguineorum, amicorum, fratrum, parentum, filiorumq; &c.

Expende s̄tō. Cur hic epulo maximè de lingua conqueratur? num alijs etiam membris non arsit? num capite illo ac cerebro, quo mille dolos & fraudes adversus proximum excogitabat: oculis, quibus Lazarum toties despectit, manibus, quas ad rapinas injustas extendit? Nempe in inferno damnatos in illis membris maximè cruciari, quibus magis ad Dei abutebantur offensam.

His verò expensis salutarem timorem concipe: ne & tu in hunc locum tormentorum devenias aliquandò!

PUNCTUM II.

Considera ob quæ peccata hic epulo tantam damnationem incurrerit? Non hic illi obijcitur, quòd injustè aliquid rapuerit, quod innocentem oppresserit, occiderit, sed nonnisi quod receperit bona in vita sua. Nec alibi etiam de illo aliud innuitur: Nisi quod *Epulabatur quotidie splendide. induebatur bysso & purpura, dicebat intra se, destruiam horrea mea, & majora faciam: Epulare anima mea, habes multa bona reposta in annos plurimos. Tandemq; quod Lazaro cupienti saturari de micis, quæ cadebant, de mensa, has ipsas negaverit, nequaquam erga illum misericordiã commotus. Nec plura, ob quæ damnationi addictus, ullibi recensentur. Inde q; patet sola hic aut peccata omissionis, aut illa objici, quæ pro peccatis à mundanis hominibus non habentur. Hæc autem talia quis tantoperè æstimet, quis propter illa addicendum se inferno reputet? Nimirum alia Dei judicia à judiciis humanis: In hoc verò maximè tremenda: quòd Abraham præfato epuloni insinuat: *Recepisti bona in vita tua: ac si Deus æternis illos servet pareq; supplicij: quos hic prosperitatibus ac fortune auget.**

Excute hic tuam conscientiam, & ob hæc ipsa, quæ tibi parum

Demerita epulonis aliorumq; damnatorum.

parum æstimas, & ne quidem illorum scrupulo tangeris; inferni supplicia timere incipe: conferendo etiam tua peccata religiosa cum peccatis ac demeritis Epulonis: simulq; tuos quoscunq; in vita successus & prosperitates suspectas habe.

PUNCTUM III.

Sera ejus resipiscencia & correctio errantium similisq; in aliis damnata.

Considera seram hujus Epulonis resipiscientiam & correctionem.

Nempe inprimis cum esset in tormentis sursum oculos ad Abraham & Lazarum elevat, qui dum viveret, semper terrenis contentus, vix aliquando oculum ad cælum direxit, ipsum Lazarum ad januam suam mendicum superbè despezit toties.

Præterea Abraham Patrem compellat, qui nec Deum in vivis Patrem agnoverat. Appellat Patrem: cui damnato nullus amplius Pater, nullus amicus esse potest, nisi Juxdex, nisi accusator, nisi tortor.

Implorat misericordiam, qui hanc superstes in vita, contempserat, aut in spem ipsius largius peccaverat.

Guttam petit aquæ, qui olim pretiosis liquoribus vix erat contentus; illorumq; toto pænè diluvio, haud extinguebat sitim.

De Lazari digito guttam lingere non dedignatur, qui antea aspectum etiam Lazari non ferebat.

De fratribus suis adeò est sollicitus: *ne veniant* (inquit) *in hunc locum tormentorum*, qui olim propriæ animæ salutisq; tantopere erat incurius, negligens. En quanta igitur & inquantis resipiscencia & emendatio.

Verum sera nimis hæc omnia! Frustra in altum elevat oculos, unde nihil auxilii ac solatii habiturus. Frustra Patrem invocat, qui non nisi severum sui Judicem expecturus est. Quis nam illi è beatis Pater esse possit, quem Deus pro filio amplius non est agnitus. Frustra implorat misericor-

misericordiam, ad quam ei pro tota aeternitate aditus est præclusus, ita, ut ille Deus tam bonus, tam clemens & misericors, damnatis bonus esse & benignus non possit. Frustraguttam aquæ rogat, adversus quem, cor divinum duruit in adamantem, ita ut ne gutta quidem potens sit ex eo defluere in levamen damnatorum.

Expende ista, ac tempestivè in ijs, in quibus hactenus exerrasti, resipisce.

Colloquium ex ijs verbis Prose Ecclesiasticæ. *Recordare JESU pie, quod sum causa tue viæ. Quærens me sedisti lassus, redemisti crucem passus, tantus labor non sit cassus. Preces meæ non sunt dignæ, sed tu bonus fac benignè, ne perenni cremer igne.*

MEDITATIO XXXI.

De purgatorio.

Fundam: Visio Danielis cap. 7. *Aspiciebam (inquit) donec throni positi sunt, & antiquus dierum sedit, & thronus ejus flammæ ignis. Et fluvius igneus rapidusq; egrediebatur à facie ejus.*

Prelud: 1. Imaginare eandem visionem.

Prelud: 2. Apprehende in ea exhibitam purgatorii imaginem.

Prelud: 3. Pete gratiam penetrandi pœnas purgatorii, easq; divina misericordia evitandi.

PUNCTUM I.

Considera per hunc fluvium à facie Judicis procedentem posse intelligi purgatorium, quod ab ore Dei in nos decernitur. Atq; hic expende pœnas & tormenta, quibus Sanctæ animæ in hoc fluvio excruciantur. Expende inquam inprimis pœnam sensûs per ignem, quo hic

Duplex pœna in purgatorio pœna sensûs & pœna damni.

fluvius ardebat, significatam : eamq; cum omnibus mundi tormentis ac ærumnis compara. Tum deinde pœnam damni per fluvium rapidissimum ab ore Dei egredientem animasq; expiandas, à facie & conspectu ejus violenter abripientem denotatam, eamq; longè gravissimam ex multis argumentis & circumstantiis tum similitudinibus pro hac parte adductis, quæ consideranti patebunt. Unde hic concludere & exclama: *Quam horrendum sit incidere in manus DEI viventis.*

PUNCTUM II.

*Discrimen
purgatorij
ab inferno,
ac difficultas
illud evadē-
di.*

Considera discrimen purgatorij ab inferno. Neq; per hoc differe pœnas purgatorij à pœnis inferni, quod hæ majores & graviores, leviores illæ. Certum enim esse, saltem aliquos intensiorem longè pœnam in purgatorio subire, quam defacto multi subeant in inferno. In hoc igitur potius ista utraq; differe: quod in inferno pœna æterna: in purgatorio pœna temporalis. Unde infernum in scriptura, lacu vel stagno ignis denotari. Jam autem purgatorij pœnas esse adinstar fluvij, quod effluant & transeant aliquando, tandemq; nos post enavigatum hunc fluvium, cælo velut portui transmittant.

Hinc ulterius expende: quod sicut non aliter in portu fas est consistere, quàm enavigato amne: ita difficillimum esse, ut quis portum ac stationem cælestem teneat, & hunc fluvium purgatorij igneum enaviget: ideoq; rarissimum inveniri, etiam è Sanctioribus viris, qui recta ad cælum perveniat.

Inde recogita: quid de te futurum sit: de te inquam, qui non tantum nullam Sanctitatis, sed etiam religiositatis umbram præfers: an non te potius purgatorij loco, infernus meneat? si enim hæc in viridi, quid fiet in arido?

PUN-

PUNCTUM III.

Considera purgatorium esse ad instar fluvij, idq; præter alia, ex eo capite, quod sicut ii, qui fluvio navigant, alij citius portū attingunt, alij serius, Itapænas purgatorij alijs longiores, breviores alijs: alis tandē longissimas ad multos annos ad ipsum etiam diem judicii producendas: idq; pro levioribus nostra opinione culpis, ut constat ex tot probatis historijs.

Tempus purgatorij longius, brevius.

Hinc expende ac recogita, qualenam purgatorium tuas noxas expectet, quā diuturnis illæ purgatorij supplicijs dignæ: Atq; simul conclude: quā tibi abhinc cautè, circumspectè, in timore & tremore vivendum sit, juxta Job de sese profitentem: *Verebār omnia opera mea, sciens quod non parceres delinquenti.* Unde intra te statue, venialia graviora eaq; saltem deliberata omni diligentia cavere.

Colloquium & affectus verbis S. Augustini: *Aeternè Deus, hic ure hic seca, modo in æternum ac in purgatorio parcas: aut saltem levius punias.*

MEDITATIO XXXII.

De Purgatorio in vita.

Fundam: Visio Joannis Apoc: 15. *Vidi tanquam mare vitreum mistum igne, & eos qui vicerunt bestiam & imaginem ejus, stantes super mare vitreum habentes cytharas DEI, & cantantes canticum Moysi servi DEI.*

Prelud: 1. Fiat imaginatio ejusdem visionis simulque apprehende purgatorium in vita, illā exprimi.

Prelud: 2. Pete gratiam agnoscendi modos & vias evadendi post mortem purgatorium, illudq; potius in hac vita expediendi.

PUNCTUM I.

*Quomodo
per mare vi-
treum & per
stantes super
illud purga-
torium in vi-
ta, intelligi-
tur?*

Considera per hanc visionem rectè adumbrari purgato-
rium in vita.

Atq; imprimis per mare vitreum, præter conscientia, præter pœnitentiæ sacramentum, præter actus doloris de peccatis, præter merita Christi, & cultum patrociniumque Beatissimæ Parentis, præter indulgentias, præter ærumnas, amaritudines, morbos, adversaq; hujus vitæ: præter usum mortificationum, ac pœnitentiarum externarum; posse præterea intelligi mortificationem internam passionum, affectuum, præsertim iræ: tum etiam mortificationem sensuum: usum insuper actuum heroicorum ac victoriarum sui: Ut non mittam tolerantiam detractionum, diffamationum, censurarum, delationum, informationum sinisterarum, Judiciorum &c. quæ omnia nobis quoddam purgatorium in hac vita efficiunt, in iisq; tanquam in mari igneo velut aurum in igne purgamur.

Per stantes autem super hoc mare intelligi eos, qui hoc purgatorio egregiè in vita superato, sui & bestia hoc est mundi ac dæmonis victores, ex seculi *Ægypto* ad cælestem Patriam rectâ evaserunt, ideoq; triumphale Moysis ac Israelitarum canticum mare sicco vestigio transeuntium cum Cytharis ante thronum Dei occinentes.

Quibus expensis vide, quomodo & tu per hoc idem mare viam tibi ad cælum instruis, ac in eodem purgatorio versaris, ut purgatorium longè gravius post mortem evadas?

PUNCTUM II.

*Quantâ am-
plius per i-
dem mare,
purgatoriu in
vita fundan-
tia intelligi-
tur?*

Considera per idem mare vitreum posse intelligi disciplinam religiosam, labores ex obedientia susceptos, observantiam votorum exactam, abnegationem sui omniumque commodorum in victu præsertim & amictu, Indif-

Indifferentiam in dispositionibus superiorum quo ad locum, quo ad officia, præsertim ex se onerosa, despecta. Planè enim hic & non alibi manere, hoc officium sustinere & non aliud, tamdiu præterea in eo loco & officio versari, non brevius non longius sub hoc non alio superiore, cum his & non alijs æqualibus &c: vices purgatorij supplere possunt, si heroico animo sustineantur. Nec minus æquanimi & hilari vultu, ac animo uti præfati Apocalyptici viri, qui super mare & quidem mistum igne cytharizantes cum lætitia ac triumphabundi cantantes visi & auditi sunt. Vide quisnam tibi hujus purgatorij usus?

PUNCTUM III.

CONSIDERA hic mare vitreum dici mistum igne, ideoq; per illud posse intelligi igneam Charitatem Dei & proximi, amorem inimicorum, martyrium saltem in ardenti desiderio illius, specialem zelum animarum, resolutionem heroicam serviendi peste infectis, desiderium ardens videnti Deum, tum etiam desiderium ejus gloriæ propagandæ, Desiderium practicum mortis oppetendæ in & ex laboribus ærumnis, obsequio circa salutem animarum sive, in functione aliqua Religionis & pro Religione, desiderium moriendi in amore & ex amore Dei. Actus contritionis frequens ex motivo ejusdem amoris Dei ardentis elicitus, &c. Vide quis in te hac in parte sensus, & ad prædicta animus, ac resolutionis?

Colloquium & affectus ad 5. Christi vulnera sanguine manantia, ad eadem vulnera te conferendo, ut in eis tanquam pretiosis fontibus, omnes vitæ tuæ maculas eluas, ne mundatione sui per ignes purgatorij indigeant.

*Quid per
mare mistum
igne intelli-
gendum?*

MEDI-

MEDITATIO XXXIII.

De Reditu ad cor peccatoris.

Fundam : Visio S. Petri, in carcerem ab Herode missi
 Actor : 12. Petrus quidem servabatur in carcere. Oratio au-
 tem fiebat sine intermissione ab Ecclesia ad Deum pro eo. Cum
 autem producturus eum esset Herodes, in ipsa nocte erat Petrus dor-
 miens inter duos milites, vincas catenis duabus; & custodes ante o-
 stium custodiebant carcerem. Et ecce Angelus Domini adstitit, &
 lumen resulsit in habitaculo, percussitque latere Petri, excitavit eum
 dicens: surge velociter. Et ceciderunt catena de manibus: Dixit
 autem Angelus ad eum. Frangere & calcea te caligas tuas: & fecit
 sic. Et dixit illi: Circumda tibi vestimentum tuum & sequere me.
 Et exiens sequebatur eum. Transeuntes autem primam & secundam
 custodiam venerunt ad portam ferram, qua ultro aperta est eis; Et
 exeuntes processerunt vicum unum & continuo discessit Angelus ab eo.
 Et Petrus ad se reversus dixit: Nunc scio verè quia misit Dominus
 Angelum suum, & eripuit me de manu Herodis & de omni expecta-
 tione plebis Judeorum.

Prelud : 1. Fiat imaginatio hujus visionis & historię;
 simulq; excitetur apprehensio Reditum peccatoris ad cor
 eā exhiberi.

Prelud : 2. Pete gratiam agnoscendi conditionem pec-
 catoris eamq; detestandi, atq; ita ad cor redeundi.

PUNCTUM I.

Considera hac visione & historia optimè adumbratum re-
 ditum ad cor peccatoris.

Inprimisq; expende statum Petri in carcere juxta ex-
 positam supra historiam. Tum etiam statum peccatoris
 in suo peccato perseverantis: idq; instituta inter utrumq;
 comparatione.

Nem-

Status &
 conditio pec-
 catoris.

Nempe etiam peccatori pro Herode mundus, caro, diabolus : Pro carcere, mala conscientia, aut ipsum corpus subditum peccatis, pro catenis & vinculis, peccata & habitus mali, seu prava voluntas juxta id, quod de se S. Augustinus. *Ligatus eram non ferro, sed ferrea mea voluntate.* Pro custodibus ante ostium vigilantibus, passionibus, appetitus vitiosi, sensus immortificati. Pro nocte in qua erat Petrus dormiens, obcaecatio, obtenebratio mentis. Pro somno, tepor & peccaminosa voluptas. Pro duobus militibus qui dormienti ab utroq; latere assistebant, Appetitus sensualis & appetitus rationalis, sed is pravae voluntati & peccato mancipatus. Pro Petro tunc fiebat oratio ab Ecclesia : idem nunc fit ab eadem Ecclesia pro peccatoribus.

Ubi expende indigam revera nescio quibus orationibus ac lacrymis, eam peccatoris conditionem, utpote longè ac incomparabiliter pejorem, gravioresq; quam fuerit Petri conditio in carcere. Eo quod hic fuerat in carcerem missus pro Christo, pro veritate, pro fide cum spe copiosæ retributionis ac præmij cælestis: ille solo illicitæ voluptatis gustu, absq; spe retributionis ullius nisi pessimæ, sua sponte captivus. Petri nonnisi corpus detinebatur carcere, sed animus plena libertate fruebatur. Peccatoris verò non corpus tantum, sed cor etiam & anima serviliter catenata. Illius, unius & alterius diei, hujus tot mensium tot annorum carcer.

Quibus expensis: vide an non similem aliquando conditionem expertus fueris, vel etiam num experiaris?

PUNCTUM II.

CONSIDERA modum seriem & adjuncta liberationis Petri à carcere juxta prædictam historiam, eorumque ipsorum liberationi hominis à peccato ac redditui ad cor applicationem exhibe.

Modus & series redditus ad cor peccatoris.

R

Inpri-

Inprimisq; per Angelum, excitatē Petrum, illiusq; latus percutientem, tum per lumen in habitaculo diffusum, gratias excitantes, ac illuminantes intellige, quæ scilicet provocant peccatorem ad surgendum idq; velociter & absq; cunctatione de peccato. Per catenas de manibus cadentes, habitus malos, pravamq; voluntatem in suo actu elangventem. Per cingulum & zonam, qua se Petrus iussus præcingere, fortitudinem & robur animi ad superanda quævis obstacula reditum ad cor impediencia. Per calceamenta & caligas reassumendas à Petro, instaurationem & reassumptionem bonarum ac salutarium cogitationum, tum piorum affectuum ac propensionum erga divina & cælestia, nec non propriæ animæ salutem, memoriam novissimorum. Per vestimentum, quod sibi Petrus iussus circumdare, patrocinia ac præsidia sanctorum Patronorum, insuperq; gratias quasvis actuales adjuvantes, cooperantes. Per primam, per quam erat transitus ac secundam custodiam, suggestiones mundi, carnis, dæmonis, respectus humanos, occasiones peccandi, hominem in peccandi retinentes consuetudine, ac reditum ad cor præcludentes. Per portam ferream, quæ Petro ultro aperta est, obstinationem in peccato, vel procrastinationem pœnitentiæ. Per vicum ad quem è Civitate exeuntes Petrus & Angelus processerant, locum ab occasionibus pravaq; societate & consortio alienum ac remotum, vel etiam firmum propositum amplius non redeundi ad peccatum.

Quibus omnibus enumeratis, expende hæc eadem ipsa esse, per quæ sive acceptata sive victorioso superata planè ejusmodi serie & ductu ad cor fit reditus peccatoris. Quo si tu quoq; indiges, quo casu saltem à primæva religiositate exerrasti, hanc & non aliam seriem ac ductum tenere velis.

PUN.

PUNCTUM III.

Considera quidnam Petrus egerit, post eam sui liberationem ē carcere?

Nempe inprimis agnovit manifestē statum suum & extremum periculum, in quo versabatur, & ex quo emerfit adeoq; professus: *Nunc scio (inquit) verē, quia misit Dominus Angelum suum & eripuit me &c.* 2dō Hanc ē carcere sui liberationem, non suis viribus sed Angelo, Divinæq; bonitati & opī adscripsit. 3tō gratum se pro eo beneficio exhibuit, gratias Deo cum tota Ecclesia, redux persolvit. 4tō. Eductus ē Civitate, perductus ad vicum, retrō amplius non respexit nec rediit, sed recta ad domum in qua erant fideles congregati perrexit: Ibidem singulari omnium admiratione & lætitia exceptus.

Expende ista & applica redditui peccatoris ā peccato. Nimirum hæc eadem ipsa in illo debere elucere. Agnitionem videlicet statūs præteriti, ac periculi, in quo versabatur. Agnitionem præterea & professionem, non suarum hac in parte naturalium virium, sed divinæ opis & auxiliij tum misericordiæ singularis. Gratitude pro tanto beneficio debitam. Firmam & stabilem amplius ad peccatum non redeundi voluntatem: ac in bene cæptis constantiam. Et de tali planē redditu insignis totiūs Ecclesiæ militantis ac triumphantis lætitia: juxta illud: *Gaudium est Angelis, in celo super uno peccatore penitentiam agente.*

His expensis, vide ut idem omnino tui ab antea acta vita & peccatis ad puritatem conscientiæ ac religiositatem sit redditus.

Colloquium & affectus ad Deum dicentem: *Nolo mortem peccatoris, sed ut convertatur & vivat,* petendo ab eodem, ut te ad se, tanquam oviculam errantem reducat, ac in sinum suæ bonitatis ac misericordiæ recipiat, concludendo aspiratione: *Erravi sicut ovis, quæ perivi quare servum tuum Domine.*

*Præ his juxta
quā post re-
ditum ad cor
gerere se pec-
cator debeat?*

MEDITATIO XXXIV.

De dignis Penitentiae fructibus.

FUndam: Visio Jeremiae cap: 24. Ostendit mihi Dominus, & ecce duo Calathi pleni ficis positi ante Templum Domini. Calathus unus ficus bonas habebat nimis, ut solent ficus esse primi temporis. Et calathus unus, ficus habebat malas nimis, quae comedi non poterant, eo quod essent male: Et dixit Dominus ad me: Quid tu vides Jeremia? & dixi, ficus bonas valde, & malas valde, quae comedi non possunt eo quod sint male.

Praeud: 1. Imaginatio ejusdem visionis simulq; apprehensio imprimenda, eadem visione, dignos & indignos penitentiae fructus exhiberi.

Praeud: 2. Pete gratiam dignoscendi dignos penitentiae fructus à non talibus, eosq; faciendi.

PUNCTUM I.

*Digni & non
digni fructus
penitentiae.*

Considera in ijs ficibus propheticis adumbrari fructus penitentiae, eosq; duplices. Nempe dignos DEI gustu, ac justificatione, & indignos, juxta discrimen ficium bonarum & malarum.

Digni imprimis fructus penitentiae ij sunt, qui supernaturales, qui dignificati à gratia, hoc est, qui ab ijs sunt, qui in gratia Dei existunt. Item ii qui sunt magnitudini & multitudini demeritorum, tum auxilijs divinis proportionati. Praeterea intentionibus, industrijs, motivis, victorijs sui, heroicis, excellentia eximiorum operum, actionum, passionum mortificationum &c. sublimati. Ab amore Dei excocti.

E contra minus digni fructus penitentiae sunt: actus merè naturales, tanto magis à gratia sanctificante non dignificati, factiq; in statu peccati mortalis: Praeterea nihil singu-

734

singulare, nihil eximium, nihil heroicum, nihil ad gustum
Dei &c. habentes: Frigidi, langvidi, crudi, insipidi.

Expende hæc Characteristicas fructuum pænitentiae;
& hinc discerne, quibus ipse pænitentiae fructibus abundes?

PUNCTUM II.

Considera de ficibus bonis apud Prophetam dici, quod
fuerint non simpliciter bonæ, sed bonæ cum redupli-
catione, *bonæ & bonæ valde, bonæ nimis.*

Unde hinc expendi motiva, titulos, obligationem re-
ligiosorum ad proferendos fructus pænitentiae, non quales-
cunq; non simpliciter dignos, sed dignos valde, dignos ni-
mis.

Idq; primo quod religio sit locus, ager, hortus fer-
tilissimus, specialiter sanguine Christi irrigatus, gratijs, do-
nis, privilegijs dotatus, nobilissima terræ portio. In hac
terra homines religiosi sunt velut electæ arbores consiti,
speciali circa illos cælestis hortulani providentiâ, curâ, solli-
citudine excubante. Quis igitur ab illis obvios fructus
expectet?

2dò. Religio Antonomastice est ager & status pæniten-
tiæ, proinde excellentioribus præ alijs scilicet præ munda-
nis pænitentiae fructibus abundet necesse.

3tiò. Fructus pænitentiae debent proportionari de-
meritis. Et quia demerita religiosorum ex parte subiecti,
& ex circumstantijs status religiosi, æstimantur graviora
demeritis secularium, ideo etiam digniores pænitentiae fru-
ctus extingunt.

4tò. Quod Deo in religiosis immaturi, non adulti,
obvij fructus pænitentiae non parum displiceant, adeo ut
illos indignos suo palato reputet: ac etiam in talium fru-
ctuum progenitricis arbores severius animadvertat: ut vi-
dere est eodem prophetico capite.

*Obligatio
status religi-
osi ad faciē-
dos fructus
pænitentiae
valde & exi-
mie dignos.*

Expende ista, ac vide quomodo huic obligationi statim religiosi satisfacias, & an saltem mediocres pœnitentiæ, tuisq; demeritis non impares fructus proferas?

PUNCTUM III.

Fructus pœnitentiæ temporibus primitivæ Ecclesiæ.

Considera has ficus bonas valde, testimonio prophetæ fuisse in sua bonitate & sapore tales, ut soleat ficus esse primi temporis. Atq; hinc expende, huiusmodi debere esse fructus pœnitentiæ, hoc est similes iis, quibus primis suis temporibus Ecclesia Christi abundabat.

Expende hic quales erant pœnitentiæ fructus in primitivæ Ecclesiæ. Accipe pro exemplari S. M. Magdalenam, S. Petrum plurimosq; alijs sive post peccata pœnitentes sive adhuc innocentes, interim severissimis pœnitentiæ exemplis celebres, illisq; temporis moderni ac tuas etiam pœnitentias confer.

Colloquium & affectus ad Christum Patientem irrigantem suo sanguineo sudore Hortum Gethsemani, tuum cor & animam, illius adsternendo pedibus, ut eodem sudore irrigata dignos fructus pœnitentiæ abhinc proferat.

MEDITATIO XXXV.

DE VERBO INCARNATO.

Fundam: Visio Nabuchodonozoris Regis: Dan: 2. Ubi Nabuchodonozor vidit statuam grandem, caput ejus ex auro, pectus, brachia de argento, venter & femora ex ære, pedum quædam pars ferrea quædam fictilis: donec abscissus est lapis de monte sine manibus & percussit statuam in pedibus ejus ferreis & fictilibus & comminuit eos. Tunc contrita sunt pariter ferrum, testa, æs, argentum & aurum.

Pralud: I. Imaginare eandem visionem.

Pralud

133

Prelud : 2. Pete gratiam expendendi mysteriū ac beneficium Incarnationis ex eoq; fructus spirituales percipiendi.

PUNCTUM I.

Considera per hunc lapidem abscissum de monte sine manibus, intelligi Verbum Incarnatum, eo quod Christus inprimis qua Deus, genitus sit à Patre æterno sine manibus creationis. Tum etiam qua homo natus in tempore ex utero Beatissimæ Virginis sine cooperatione virili, formato à Sanctissimo Spiritu divinissimo corpore.

Verbum Incarnatum lapidis sine manibus de monte abscissus.

Considera zdò. Ideo per eundem lapidem & quidem sine manibus Verbum Incarnatum significari, quod cum esset adeo potens, ut per illud mundus creatus sit: adeo omni excellentia, gloria, honore polleret, ut ipsi Cherubin ac Seraphin scabellum se illi ponerent, per Incarnationem adeo se humiliavit, adeo debilis ac infirmus factus est, adeo suam omnem potentiam, gloriam, excellentiam, sapientiam, omniaq; attributa divina intra Carnis humanæ splanchnium ac virginalem uterum abscondit, adeoq; se infra abiecit; ut non tantum formam servi assumpserit, sed etiam abjectissimo lapidi, quem reprobaverunt ædificantes, sese compareret.

Erubescce hinc tuas elationes, præsumptiones ostentationes, appetitus mundanæ gloriæ, fugam humiliationum, repugnantiam latendi &c. Cum tamen defacto, ideò etiam Verbum æternum incarnari voluerit, ut haberes exemplum, quod imitatione exprimeres: vide ut exprimas.

PUNCTUM II.

Considera imò. Sicut ab hoc lapide contritam statuam, ita à Verbo Incarnato devictum ac debellatum mundum quoad omnes sui partes. Contritum caput, id est superbiam, elationem: contritum pectus brachia, & manus, id est

Quomodo Verbum Incarnatum mundum debellaverit?

id est Iram, avaritiam, potentiam mundanam. Contritum ventrem id est Gulam. Contrita femora id est luxuriam. Contritos pedes, id est acediam.

Considera 2dò. Quomodo, hæc devicerit ac contriverit Christus? nempe per oppositas mundo virtutes: scilicet Paupertatem, temperantiam, ac præcipue humilitatem ad pedes usq; hujus statuz mundanz sese dejiciens. Quod ipsum ut expendas, totam ejus vitam à conceptione in utero matris ad mortem usq; percurrere.

Ac tandem considera tertio, non quomocunq; devictum mundum, sed omnino contritum in pulverem, ac reductum in favillam. Hoc autem ideo, ut nobis exemplum relinqueret, qualiter à nobis & in nobis est debellandus idem mundus? Nempe eo usq; ut in nihilum omnino redigatur: ut nulla parte sui in nobis vivat, ut nihil illius intra nos nostrosq; mores residuum sit, ac ne umbra quidem. Vide an defacto sic cum mundo processeris?

PUNCTUM III.

*Quomodo
Verbum Incarnatū suū
humiliatione creverit?*

CONsidera lapidem percussorem statuz crevisse in montem magnum, & replevisse terram. Idq; non aliter, quam quod ad pedes provolutus statuam debellaverit. Atq; hic expende Christum quoq; non dissimili modo crevisse, & quidem adeo sublimiter, ut datum sit illi nomen super omne nomen, ut in nomine ejus omne genua etc.

Quomodo autem creverit, expende. Nimirum non per superbiam, ambitionem, potentiam, divitias, ostentationem sui, non per nescio quas artes, non per honorem æstimationemq; sui apud mundum, sed per contemptum horum omnium, per victoriam mundi, per humiliationem sui, usq; ad mortem, mortem autem crucis, per ærumnas, ludibria, opprobria. Quibus expensis: tibi quoq; non alium modum crescendi præscribe.

Collo.

Colloquium ad idem Verbum Incarnatum, petendo
ab eodem ut sicut tibi ad omnia optima exemplo præluxit,
ita & gratia sua speciali ad exactam sui imitationem te
juvet.

MEDITATIO XXXVI.

DE CHRISTO NATO.

Fundamentum Visio Pastorum Luc: 2. Pastores (inquit)
erant in regione eadem: vigilantes, & custodientes vigilias
noctis super gregem suum. Et ecce Angelus Domini stetit juxta
illos, & claritas DEI circumfulsit illos, & timuerunt timore magno.
Et dixit illis Angelus: nolite timere: Ecce enim evangelizo vobis
gaudium magnum, quod erit omni populo, quia natus est vobis hodie
Salvator. Et hoc vobis signum: invenietis infantem, pannis invo-
lutum & positum in præsepio. Et subito facta est cum Angelo multitudo
milicie celestis laudantium Deum & dicentium: Gloria in altissimis
Deo, & in terra pax hominibus bonæ voluntatis.

Prelud: 1. Imaginare eandem visionem.

*Prelud: 2. Pete gratiam expendendi mysterium Na-
tivitatis, fructusq; ex eo spirituales percipiendi.*

PUNCTUM I.

Considera imò. Pastoribus inprimis ante omnes alios
revelatam esse Nativitatem Christi. Hunc enim An-
gelum non ad alios prius, non ad Principes, magnates,
nobiles, quam ad pastores descendisse, illisq; Christi Nativi-
tatem denuntiassse. Nempe illum tam citò profecisse exem-
plo ipsius Christi, non in Principum aulis, non ab opulentis
parentibus, sed stabulo à pauperrima Matre progeniti. Vi-
de quid in te hac in parte Christi exemplum valeat? Disce
& à Christo & ab Angelo non magis divitibus, nobilibus,
quam

*Apparitio An-
geli Pastori-
bus.*

quàm pauperioribus & villioribus evangelizare, eorumq; te obsequiis ac necessitatibus spiritualibus impendere.

Considera 2dò. Quandonam hi pastores visionem hanc Angelicam meruere? Nempe non cum otiantur, commellationibus, somnolentiùs se impenderent &c. sed cum vigilarent: atq; hinc concludere, quibus se cælum libentius ac liberalius communicet?

Considera 3tò. Quod vix Angelus adstitit Pastoribus, illico eisdem circumfudisse claritate. Nimirum Angelicum esse, ubiq; ac in omni loco, secum Dei claritatem circumferre, neminem inumbrare, angelica omnes collustrare præsentia, sanctimonia & exemplo. Præterea non in cælo tantum, non modo in sublimi, sed in summa etiam sui ad infimos demissione nihil lucis deperdere: sed integram in terra etiam, in quorumcunq; hominum consortio ac cætu conservare. Vide ut in his omnibus Angelicam conditionem exprimas.

Considera 4tò. Angelum primo terruisse Pastores ita, ut timuerint timore magno, ac postea illico, eodem timore ac perturbatione absterisa, maioribus longè compensasse solatijs. Nimirum moris divini esse, ut quem specialibus ac selectioribus affecturus est beneficiis & consolationibus, prius illum quomodocunq; affligat, & tantillum conturbet, modicas easdem conturbationes velut magnarum gratiarum prodromas immittendo. Vide quomodo adversitates à Deo immixtas æstimes & qualiter reputes?

Considera 5tò hunc eundem Angelum apparuisse pastoribus, annuntiasse de Christi Nativitate in stabulo Bethleemico, non tamen eos illuc deduxisse (ut deduxerat stella Reges) suffecerat his rudibus scire Christum natum esse: & illico sine mora, sine duce properarunt, quæsierunt, invenierunt infantem. Vide an similis in te ad divinos natus promptitudo?

Considera tandem quod hic Angelus non in aëre, non supra pastores, non in nube aliqua suspensus apparuerit sed
juxta

juxta illos velut æqualis quispiam steterit? idq; ideo quod jam tunc per Incarnationem Verbi dignificata fuerit natura humana, ita ut nec Angelus superiorem se, vellet ostendere sed imò se velut æqualem exhibuit.

PUNCTUM II.

CONsidera Angelica Verba ad pastores.

Ac imprimis evangelizo vobis gaudium magnum quod erit omni populo. Ubi expende Incarnati Numinis bonitatem, quod sibi ærumnas, fletus, gemitus infantiles, lacrymasq; indixerit, ut vos exhilararet, ut nostras tristitias gaudijs suæ Nativitatis solaretur.

Unde ulterius expende non sibi (ut Angelus loquitur) non suis commodis natum, sed nobis, nostro bono, nostro commodo, & utilitati, nostræ salutis. Disce hinc tui tuorumq; commodorum oblivisci, & totum te bono communi, commodo & salutis animarum, Gloriæ divinæ impendere.

Expende quoq; illa verba. Natus est vobis hodie Salvator simulq; adverte quomodo hic Christus dicitur: natus hodie; ac si de die natus fuisset, cum defacto de nocte Christi fuerit Nativitas? Nempe noctem illam per ortum solis æterni, totq; lumina in totum mundum effusa fuisse sublatam. Proinde, vide an in te quoq; in tua anima, conscientia, intellectu, corde, aliquæ tenebræ resideant? easq; quam primum eliminare stude. Quis enim nascente sole æterno umbrarum locus?

Expende præterea quod sequitur. Hoc vobis signum, invenietis infantem pannis involutum & positum in præsepio. Apprehende hoc ipsum: invenietis. Nempe eo processisse Verbi Incarnati erga nos Charitatem, ut se quodammodo perdidisset, perierit sibi, ut nos inveniret, ut nostræ perditioni consulere. Disce hinc perdere te ipsum propter gloriam Dei & salutem animarum.

Angeloratio
ad pastores,
tum contem-
platio Christi
Infantis re-
positi in præ-
sepio.

Jamq; te contemplationi Christi Infantis pannis involuti, positi in præsepio, impende, idque per applicationem sensuum. Expendendo simul causas, cur ita nasci ac tractari voluerit? Nempe inter alia, ut præiret nobis exemplo, ut sicut ille propter nos pauper & humilis fieri dignatus est: ita nobis propter illum humiliari, despici, ægere, minimè grave ac onerosum sit. Unde contemplare hic illius paupertatem, humiliationem, despicientiam, æumnas, ad ipsiusq; exemplum & normam tuam religiositatem quantum potes conforma & compone.

PUNCTUM III.

*Multitudo
militiæ cele-
stis laudē &
gloriam Deo
decantans.*

Considera primò Subito faciam cum Angelo multitudinem militiæ cælestis laudantium Deum. Ubi expende, quantum applaudit cælum Christi paupertati & humiliationi, quantum & nostræ. Tum etiam quanta gloria & honore eandem Christi humiliationem idem cælum rependat, quantâ & nostrâ. Expende præterea minimè erubuisse, tantam vilitatem & humiliationem Verbi Incarnati Angelicos spiritus, non erubuisse viles pannos, quibus erat involutus, non erubuisse præsepe ac stabulum. Unde pariter disce paupertatem & humilitatem religiosam minimè erubescere.

Considera 2dò. Hos angelos appellari militiam; Nimirum Christum natum illico indixisse bellum mundo, carni, diabolo, ideoq; velut ad ducem, Spiritus cælestes convolasse. Quo expenso, vide, ne tu quoq; tam strenuum ducem licet infantem nactus, hoc in bello, mundo, carni &c. indicto, ex parte tua ignavus sis.

Considera 3tiò. Decantantes Angelicos Spiritus gloriam in altissimis Deo, cum Verbum Incarnatum adeo humili loco depositum recumberet. Proinde hinc etiam disce, Deum glorificari, exaltariq; nostris humiliationibus, despicientiis, æumnis. Quapropter resolve te ad omnes humili-

humiliationes, postpositiones, abjectissima quæq; munia in religione, modo per id Deus glorificetur & exaltetur, modo illius gloriæ augmentum inde accedat.

Considera 4to. pacem hominibus bonæ voluntatis promulgatam. Nempe voluntatem malam omnium iniquitudinum & perturbationum causam esse, voluntatem scilicet non resignatam in voluntatem Dei, voluntatem non indifferentem ad quæcunq;, voluntatem discordem cum Dei superiorumq; voluntate, voluntatem pertinacem obstinatamq; id efficiendi, prosequendi omnino, in quod propendet: voluntatem non bene convenientem cum superioribus, æqualibus, inferioribus, voluntatem superbam, ambitiosam, invidiam, immortificatam, pravis inclinationibus appetitibus inordinatis subiectam. Cura, ut hanc voluntatem malam mortifices: cura, ut sis homo bonæ voluntatis, quoad Deum, quoad proximum, quoad te ipsum, maxime autem voluntatis conformis cum voluntate Dei ac superiorum, & habebis pacem in terra.

Colloquium & affectus, quem teneritudo devotionis, erga Christum infantem dicabit, præsertim petendo ab eodem diviniſſimo infante, ut in tuo corde renascens, se in illo collocet, suiq; amore ardentissimo ac imitatione illud accendat.

MEDITATIO XXXVII.

DE NOMINE JESU.

Fundam: Visio Abrahæ Genes: 17. Ubi Deus illi apparuit dicens: *Ambula coram me, & esto perfectus: Ego sum & pactum meum tecum, erisq; Pater multarum gentium. Nec ultra vocabitur nomen tuum Abram sed appellaberis Abraham, quia Patrem multarum gentium constitui te. Faciamq; te crescere vehementissime, & ponam te in gentibus, regesq; ex te egredientur. Circumcidetur ex vobis omne masculinum.*

Pia-

*Pralud : 1. Eadem visio in imaginatione constituen-
da nominiq; Jesu applicanda.*

*Pralud : 2. Pete gratiam agnoscendi excellentiam No-
minis Jesu, illudq; cordi tuo imprimendi,*

PUNCTUM I.

*Excellentia
& privilegia
Nominis JE-
SU.*

Considera impositum novum nomen Abraham fuisse figu-
ram Nominis JESU.

Atq; inprimis ex una parte expende excellentiam
hujus nominis. Stenim nomen Abraham interpretatum est
Pater multitudinis : quanto magis excellentiorem Nomen
Jesu interpretationem & significationem continet. Quid
enim aliud Jesus, quam Salvator mundi, Pater futuri sæculi,
Princeps pacis, admirabilis, fortis &c. proinde juxta Aposto-
lum : *Donavit illi Deus nomen, quod est supra omne nomen &c.*

Ex altera parte expende summam dignationem, qua
dignatus est Christus tuam religionem, quam sui Nominis
fecit participem. Imò te ipsum, quem ad Societatem su-
am vocavit. Magna fuit dignatio Abraham, quod illi ad
vetus ejus nomen, duas literas ex suo Nomine Deus addidit,
juxta sacros interpretes. Quanto major ergate, totamq;
Societatem, quam Christus sui Nominis ex asse hæredem
fecit. Vide ad quam illi propterea gratitudinem exhiben-
dam obstrictus sis ?

Expende præterea in eo excellentiam Nominis Jesu,
ac dignationem Societatis, quod sicut nomini Abraham alli-
gavit Deus multitudinem gentivum, regum, populorum
quæ de semine illius prodire debuit & prodijt. Ita etiã No-
mini Jesu alligavit salutem totius mundi, consequenter So-
cietati, cum eodem nomine alligavit velut pretiosam do-
tem conversionem tot gentium, tot regum regnorumq; tot
hæreticorum, nec non peccatorum per S. Franciscum Xa-
verium & alios factã. Æstima eam dignationem & quomodo
eandem in te adimpleas ? vide & recogita. Qui inquam à te
ad fidem, ad meliorem frugem conversu verbo, exemplo ?

Expende insuper quidnam ulterius Societati Christus cum hoc nomine contulerit? Nempe idem planè quod Abraham, scilicet quod illam fecerit crescere vehementissimè, idq; eà amplitudine & numero, quo orbem utrumq; implevit. Tum etiam virtute laboribus, meritis, doctrina, scientia, æstimatione, fama. Vide an non huic Societatis incremento famæ & gloriæ, tuâ vitâ parum religiosa & moribus officis?

Expende tandem id ipsum, quod Deus ad Abraham: *Reges ex te egredientes.* Ubi adverte similem Societati dignationem concessam. Nimirum ut tot reges numeret, quot suarum passionum, suiq; ipsius Dominos, atq; egregios viatores. Vide an quoq; in eorum numero censearis?

PUNCTUM II.

CONSIDERA quod sicut Nomini Abraham Deus adjunxit circumcisionem. Ita etiam pariter nomini Christi: unde expresse Evangelista: *Cum compleri sunt dies octo ut circumcideretur, puer, vocatum est nomen ejus JESUS.* Nimirum non poterat hoc nomen esse sine dolore, sine patientia, sine fuso sanguine.

Atq; hinc expende eam quoq; dignationem Societati collatam, scilicet quod illam Christus, cum suo nomine participem reddiderit suarum passionum, dolorum, ærumnarum, persecutionum, opprobriorum, linguarum. Proinde huic dignationi ac Nomini debere Societatem tot martyres, tot viros mortificatos, tot viros, heroicos, tot cruentas & incruentas victimas Charitatis Dei & proximi. Vide quæ apud te horum omnium cum nomine Jesu, quod geris, participatio? Vide si non sudisti aut fundere non potes sanguinem, saltem sudorem in laboribus & obsequiis pro salute animarum susceptis in copia fundere velis.

Atq; ulterius considera per circumcisionem intelligi mortificationem passionum, appetituum, affectionum, quam

*Nomen Jesu
in circumci-
sione imposi-
tum.*

omnino

omnino hoc nomen, ab omni eo, qui ejus bajulus esse voluerit, omnino requirit. Unde qui hac circumcissione caruerit, in vanum nomine Jesu gloriatur. Proinde vide, quam apud te mortificatio passionum?

PUNCTUM III.

*Ex Nomine
Jesu quanta
obligatio in
Societatem.*

Considera primo quod Deus nomen Abraham ex suo Nomine ampliaturus, hoc illi injunxerit, ut ambularet coram se & esset perfectus. Unde expende ad simile quid tum Societatem tum teipsum, qui nomen Jesu assumpsisti, vi hujus nominis obligari; Nempe non ad cujuscunq; virtutis sed ad omnimodæ perfectionis studium. Vide quomodo huic obligationi hactenus satisfeceris?

Considera 2dò. Quod Christus Judæis nomen & genus Abraham jactantibus inculcabat: *Si filii Abraham estis, opera Abraham facite.* Atq; hinc expende idem tibi omnino inculcari: ut si nomen Jesu jactas, huic nomini operibus correspondeas: hoc est opera Jesu facias, eum, cujus nomen geris, vita & moribus exprimendo. Vide an hoc feceris hactenus, & quomodo deinceps facies?

Colloquium & affectus gratiarum actionis pro tantis dignationibus cum nomine Jesu, tibi & Societati collatis: Petitionis veniæ, quod illis satis non responderis: Implicationis gratiæ, ut hoc nomen cordi tuo impressum, vita & moribus, exprimas. Concludendo aspiratione: *Non nobis Domine, sed nomini tuo da gloriam! O JESU esto mihi JESUS!*

MEDITATIO XXXVIII!

De vita Christi abscondita in Nazareth.

Fundam: Visio per Somnium Josephi Patriarchæ in domo paterna vitam privatam agentis Gen: 37. ubi narrans fratribus ait: *Vidi per somnium quasi solem & lunam & stellas undecem adorare me.*

Prelud:

Pralud : 1. Consuetum.

Pralud : 2. Pete gratiam expendendi vitam Christi in Nazareth, ex eaque fructus spirituales percipiendi, tuamq; vitam illi conformandi.

PUNCTUM I.

Considera sicut ipsum Josephum Patriarcham fuisse figuram Christi, ita etiam Josephi vitam in domo Patris & Matris suæ privatim actam, fuisse figuram Christi vitæ, in domo Nazareth absconditæ.

Atq; ita ulterius considera eandem ipsam visionem sicut in Josepho expletam, ita etiam Christum figurasse & expressisse, Sole, Josephum ejusdem Christi nutritium & Patrem adoptivum, lunâ Sanctissimam Matrem, stellis familiam & cognatos designantibus.

Ubi expende inprimis: quæ ibidem hoc est in Nazareth ex parte Josephi & Mariæ cum Christo acta? Quanta ibi amoris erga illum testificatio, illius apud Josephum & Mariam reverentia & cultus: ut licet illum pro filio agnoverint, defacto tamen debitam Incarnato Numini exhibuerint venerationem, ita ut planè longè veriùs de se dicere potuisset: Vidi solem & lunam adorare me. Jam quanta illius totius domûs & familiæ, ex præsentia Christi circumspectio, probitas, ab omni defectu immunitas, sanctimonia. His expensis reflecte te, quanta apud te quoq; in præsentia & oculis Dei, in præsentia Christi in Eucharistia existentis, in oculis Angelorum circumspectio & cautela, compositio morum & actionum, quanta mundities corporis & animæ &c?

PUNCTUM II.

Considera quæ ibidem in Nazareth cum Christo ex parte ipsius Christi acta.

Atq; ita contemplare ex una parte Josephum Patriarcham

Acta cum Christo in Nazareth, ex parte Mariæ & Joseph.

Acta cū Christo in Nazareth ex parte ipsius Christi.

archam in domo Patris, ejusq; vitam ibidē peractā Quomodo ille per præfatā visionem, ad Regnū supremamq; fortunā designatus, interim quasi immemor somnii sui tātæque sortis, in omni moderatione vivere, nihil sibi supra fratres reliquos attribuere, se se illorum minimū æstimare, nihil sibi arrogare præ alijs, debitum noverit Patri, Matri, fratribus cultū ac reverentiam exhibere, ad omnia se se demittere obsequia &c.

Ex altera parte contemplare ipsum Christum in domo Nazareth vitam agentem. Quomodo ille quoq; immemor sui, plane in similitudinem hominum factus, se in omnibus Josepho & Sanctissimæ Matri filium præstiterit, omnem illis amorem, cultum, reverentiam, subjectionem ad omnia exhibuerit obsequia, ita ut Evangelista testatus sit: erat subditus illis: utq; ipsos etiam illorum nutus observaret.

Jam quæ ibidem illius occupatio, quis labor, quæ in humilioribus ad quæ se demittebat obsequiis sui exercitatio? Quis illo promptior ad desideria Josephi & Matris Sanctissimæ, quis promptior ad purgandam domum, instruendam mensam, lavandas scutellas, componendam & mundandam supellectilem &c. His expensis erubescere illam tuam abhorrentiam ab humilitatis exercitiis: illum appetitum plausibilium functionum, illam æstimationem tui &c.

PUNCTUM III.

*Vita Christi
abscondita
specimina.*

Considera ulterius vitam Christi absconditam in Nazareth.

Atq; expende primo. Quomodo intra domesticos lares ita latere voluerit, ut ad nullas conversationes, prædicationes, Evangelisationes, etsi millenas animas lucrari potuisset, prodierit, ut solis nonnisi domesticis notus fuerit, cæteris omnibus ignotus.

Secundò. Quomodo se suamq; divinitatem nullis signis, nullis operibus extraordinarijs, nullis miraculis, quæ

in manu habuerat, voluerit manifestare, ita ut per hoc tempus quo vixit per 30. annos in Nazareth, omnia Christi fuerint abscondita, abscondita divinitas, abscondita filiatione Dei, ita ut tantum filius fabri diceretur. Abscondita sapientia, abscondita sanctitas, abscondita talenta, abscondita dona supernaturalia; ut nihil supra alios homines habere videretur: abscondita ea ipsa, quæ per id temporis præclara gessit. Et hoc unum non nisi in Evangelio expressum quod erat *subditus illis*: reliqua omnia, tot illæ actiones eximæ, humiliationes, actus heroici silentio involuti.

Unde adverte: quantum hanc sui subjectionem & obedientiam æstimaverit, ut omnibus aliis profundo silentio sepultis, hoc unum scribi in Evangelio, hoc publicari ac sciri voluerit.

His expensis erubescere illam in te repugnantiam ad latendum, ad obediendum, subjiendumq; te superioribus tuis in omnibus, illos pruritus ad ostentationem tui, talentorum scientiæ, illam appetentiam publicitatis, illos mæores, anxietates ex depretiatione tui &c.

Colloquium & affectus ad Christum in Nazareth absconditum: adorando illum & glorificando in compensationem omnium subtractarum adorationum, æstimationumque dum ibi viveret mundo ignotus: Offerendo præterea Deo Patri vitam tuam in Sacrificium in unione vitæ Christi, in abscondito peractæ. Ac tandem petendo gratiam ad complacendum tibi in vita abscondita similiter in Religione traducenda: Nempe ut libenter mundo & hominibus ignotus & absconditus vivas. Conclude aspiratione: *Elegi abjectus esse in domo domini, quàm habitare in tabernaculis peccatorum.*



MEDITATIO XXXIX.

DE REGNO CHRISTI.

Fundamentum: Visio Joannis Apoc: 14. Et vidi & ecce nubem candidam, & super nubem sedentem similem filio hominis, habentem in capite suo coronam auream, & in manu sua falcem acutam. Et alius Angelus exivit de templo clamans voce magna ad sedentem super nubem: mitte falcem tuam & mete, quia venit hora ut metatur.

Preludi: 1. Imaginare eandem visionem.

Prelud: 2. Ex exercitiis S. Patris: nempe ut spectare nos imaginemur synagogas, villas, & oppida, quæ prædicans Christus pertransibat.

Prelud: 3. Pete gratiam Christum Regem sequendi ac imitandi eundem.

PUNCTUM I.

Considera in hac visione Regnum Christi in terra expressum.

*Qualenam
regnū Chri-
sti in mundo
& in quonā
consistat?*

Atq; expende: imò. in capite suo habere illum coronam in signum Regiæ suæ potestatis, qua pollet supra orbem totum. Et quod ille sit verus ac legitimus Rex, unusq; talis, cui se totus mundus sponte ac libenter deberet subdere; ita ut sit omnino infans, qui tali regi nollet sese submittere & famulari.

Expende secundo cur nubi candidæ infideat? Nempe id esse indicium summæ illius maiestatis, mitissimi regiminis: ubi nihil tetricum, nihil terribile, nihil fucatum ac politicum, candida omnia.

Expende 3tio. Cur pro sceptro manu falcem præferat? Nimirum illius regnum esse in hoc mundo non aliud, quam metere, adultam messem de terra colligere. Regiæ illius dignita-

dignitatis exercitium, non subjugare gentes, ferro & igne omnia demoliri, sed homines populosq; aptos regno Dei, ad semet convertere, illorum salutem quærere, & velut maturas ad messem fruges ad horreum suum colligere, cæloq; inferre.

Expende 4to. verba Angeli: *Quia venit hora ut metatur.* Ubi considera quamdiu, quàm ardenti desiderio per 30. annos in domo Nazareth hanc horam expectavit Christus, horam inquam, qua prodeundum illi erat è privata vita ad prædicationem Evangelii, ad labores illos, incommoda & ærumnas amore salutis hominum subeundas. Quàm avidè & libenter, hoc munus metendi laboriosum suscepit, quàm illud suaviter & efficaciter obivit, & perfecit: quo labore qua patientia, qua charitate, qua mansuetudine, qua moderatione ac demissione erga omnes, qua circumspèctione in omnibus, quibus vitæ ac morum exemplis, ut potens verbo ac opere diceretur.

Accipe hunc typum & exemplar agendi cum hominibus, eosq; Deo lucrandi.

PUNCTUM II.

Considera specialia hujus Regis insignia, quibus se toti mundo ac cælo exhibet conspicuum. Nimirum veram paupertatem, humilitatem, abnegationem sui, & omnium commodorum. Tolerantiam injuriarum & omnium adversitatum, amorem humanæ salutis, amorem inimicorum &c.

Considera 2do. Eam esse hujus regis voluntatem ac ordinationem, ut ijs ipsis insignibus, quibus ille utitur, suos etiam asseclas velit induci. Unde ab initio sui servitii eos ad eadem sui insignia invitare, illa primus suscipere, primus suo ad omnia præluere exemplo ad paupertatem, humilitatem &c. ita ut nihil à suis asseclis desideret, nihil illis injungat, quod non prius ipse subierit.

Insignia Regis nostri servorumq; ejus.

His expensis reflecte te: quis in te horum insignium usus? Atq; regulam communem summarij de usu eorundem in memoriam tibi revoca: quæ incipit: *diligenter animadvertant oportet &c.*

PUNCTUM III.

*Cōditio, præ-
mium, ac sti-
pendium ad-
herentiū Regi
Christo.*

Considera alios reges, qui oppositi Regno Christi suum regnum in terra fundare aggrediuntur. Nimirum mundus, caro, diabolus: superbia, avaritia, ira, luxuria, &c. quorum quilibet regnum supra nos affectat, in ipso corde nostro solum figere attentat. Quilibet illorum, illud habet in ore: Rex sum, regnare volo: Hoc dicit mundus, dicit caro, dicit dæmon &c. Quilibet quoq; suo diademate insignis. Quanquam ii non tam Reges sunt, quam tyranni, qui cum amænissimè blandiuntur, tunc maxime fallunt, nostramq; perniciem in animo intendunt. Falx quidem etiam in eorum manibus, sed involuta divitiis, floribus, voluptatibus, eoq; magis suspecta & periculosior. Neq; vero illis nubes candida pro throno, sed aliquid coloratum mille fucis & dolis illitum, nihil candidum.

Unde expende cuinam honestius, delectabilius, utiliùs adhærere, Christone an mundo, carni &c. Illine qui tuâ salutem sincere, sine fuce quærit, ac toto corde diligit, an illi qui tuam perniciem sempiternam? Illine cui servire regnare est, an illi, cui dum servis, æternum sis mancipium necesse est. Illine apud quem pro stipendio peccati, mors, infernus: an illi, apud quem pro præmio thesauri gratiarum, cælum, vita æterna? Quibus expensis utrumlibet elige.

Colloquium. Imaginare tibi Christum à te exquirentem. quod olim à D. Thoma Aquinate. Pro tuo servitio, proq; tuis laboribus, quam à me mercedem requiris? Tum responde cum eodem affectuosissimè: **Nolo Domine quidquam nisi te ipsum: hoc est intimam cognitionem & amo-**
rem

149
rem tui. Nolo consolationes, nolo commoditates, nolo
terrenum quidquam. Te solum mihi da & sufficit. De-
testor servitium mundi, carnis &c. O Domine ego servus tuus
& filius ancilla tua.

MEDITATIO XL.

De duobus vexillis.

Fundamentum : Visio Joannis Apoc : 19. Ubi vidit ca-
lum apertum : & ecce equus albus, & qui sedebat super eum
vocabatur fidelis & verax. Oculi ejus sicut flamma ignis : &
in capite ejus diademata multa. Vestitus erat veste aspersa san-
guine, & exercitus qui sunt in calo sequebantur eum in equis albis,
vestiti byssino albo & mundo, & de ore ejus procedit gladius ex utra-
q; parte acutus. Et habet in vestimento & in femore suo scriptum:
Rex Regum & Dominus Dominantium. Et vidi bestiam, & reges
terre & exercitus eorum congregatos ad faciendum praelium cum illo,
qui sedebat in equo & cum exercitu ejus.

Prelud : 1. Imaginatio ejusdem visionis.

*Prelud : 2. Ex exercitiis S. Patris sit historica quæ-
dam consideratio Christi ex una parte, & ex altera Lu-
ciferi. Quorum uterq; homines ad se convocat sub vexil-
lo suo congregandos. Ad constructionem autem loci re-
presenta tibi campum amplissimum circa Jerosolymam in
quo Christus tanquam bonorum omnium summus Impera-
tor consistat. Rursus alterum campum in Babilonia ubi se
Lucifer malorum & adversariorum Christi, Dux exhibeat.*

*Prelud : 3. Pete gratiam habendi exploratas mali Du-
cis fraudes, easq; evitandi. Tum etiam gratiam agnoscen-
di bonitatem Imperatoris Christi, eamque sequendi ac
imitandi.*

PUN:

PUNCTUM I.

*Descriptio
scelerati Du-
cis Luciferi
ejusq; adjun-
ctorum.*

Considera imò ac intuere Luciferum Ducem malorum in specie bestiae coccineae plenae nominibus blasphemiae, cum capitibus septem, cornibus decem à S. Joanne cap: 17. Apoc: descriptae, singulasq; ejus descriptiones & adjuncta expende.

Atq; imprimis cur imaginem bestiae assumpsit? Nèpe quod Lucifer in bestiam per peccatum transformatus, adeoq; pariter homines etiam in similes bestias transformet, persuadendo illis, ut obediant, non Deo, non lumini rationis, sanoq; intellectui, non parti rationali, sed totaliter sese parti animali addicant & subdant, appetitus sensuales bestialesq; sequantur in omnibus. Tum quod etiam plusquam belluina ira & odio humani generis, laboret.

Secundo cur induatur concino? Nimirum id esse signum arrogatae sibi Regiae potestatis. Purpura enim & coccinū sunt praecipua indumenta Regum. Præterea eandem vestem coccineā esse signum in hac bestia hypocrisis, superbiae, ambitionis &c.

Tertiò expende plenum esse nominibus blasphemiae, hoc est diris, convitijs, improprijs, contumelijs in Deum, in Christum Ducem, in ejus assecclas, in virtutem, caelumq; totum.

Quartò. Cur habeat capita septem? Nempe per hæc intelligi septem capitalia peccata, tum etiam tot capitum partus, scilicet immensas ejus artes, fraudes, dolos, quibus in subjugandis sibi hominibus uti consuevit.

Quintò. Cur præterea præferat cornua decem? Nimirum per hæc significari ejus potentiam, variosq; modos, conatus, ac insultus, quibus Christi assecclas infestat & invadit: aut etiā decem dogmata sceleratissima opposita decem Dei præceptis.

Quibus expensis detestare ipsam tam deformem hujus ducis improbiissimi speciem.

Atq;

Atq; intueri 2dò : Per imaginationem, locum, in quo suum Labarum defixerit, cum suisq; confederit sequacibus? Nempe campum Babiloniæ id est campum confusionis & disordinis. Cathedram igneam & fumosam, id est ignibus concupiscentiæ iræ, vindictæ ardentem, fumis vanitatum plenam?

Intueri 3tiò. Illius asseclas : ingentia scilicet ac numerosissima agmina ex variis statibus & conditionibus hominum congregata, ex Regibus, Principibus, populis, gentibus. Detestare illorum insaniam.

Intueri 4tò. Et audi per imaginationem, quæ præcepta & imperia suis asseclis inculcet, ad quid illos adhortetur? Nempe ad amorem mundi, vanitatis, ad ambitionem honorum, gloriæ, fortunæ, ad sectandas voluptates, ad delicias carnis, ad omne genus peccati, iræ, vindictæ injuriæ, avaritiæ gulæ &c. Execrare tam scelestas peruersiones & imperia.

PUNCTUM II.

Considera primò ac intueri Ducem optimum Christum ab eodem S. Joanne descriptum.

Atq; imprimis expende. Cur equo albo infideat? Nempe id esse signum felicitatis, lætitiæ, triumphi, puritatis, & immunitatis à peccato, candoris, sinceritatis.

Secundò expende vocari eum fidelem & veracem, hoc est ab omni dolo, fraude, mendacio alienum, stantem promissis, fidelemq; in illis exsolvendis. Non ita sicut Lucifer, qui cum multa suis asseclis promittat, eosdem fallat.

Tertiò quod oculi ejus sicut flamma ignis, id est irâ & vindicta contra Luciferum tot animarum seductorem insensu.

Quarto quod in capite ejus diademata multa. Nempe hæc in premium suorum asseclarum fidelium parata.

*Descriptio
Ducis Christi
& adjuncto-
rum ejus.*

Quinto. Quod vestitus erat veste aspersa sanguine? Nempe hoc illius esse speciale ornamentum, præcipuum insignes, ferre pro nobis vulnera, suoq; sanguine pro nobis tulo, velut purpura indui.

Sexto. Quod de ore ejus gladius utraq; parte acutus exibat. Nempe hunc gladium esse sive Christi potestatem & Imperium in totum orbem, sive prædicationem Evangelii.

Septimo quod in femore & vestimento scriptum erat: Rex Regum & Dominus dominantium. Nempe ex eo quod Christus omnes titulos, honores, tanti æstimet, ut illos non fronti, non pectori, sed infra inscribat. Unde etiam ad illos non magni æstimandos exemplo sit.

Quibus expensis jam intueretur 2do per imaginationem locum, in quo Christus cum suis sequacibus consistat? Nempe non locum aliquem excelsum, non elatum montem, sed amœnam planitiem, juxta Jerosolymam; hoc est pacis visionem. Idq; ut ostendat ab omni se inquietudine abhorre, ab omni elatione ac superbia, ita ut etiam illius Symbolum & umbram fugiat: visionem pacis, Babilonicæ confusioni, valles aut planities montibus præferat: suosq; affectas eidem humilitati & paci addictos esse specialiter velit.

Intueretur 3tio tanti Imperatoris affectas juxta S. Joannem equis albis insidentes byssino albo & mundo vestitos, idq; in signum puritatis, simplicitatis, immunitatisq; ab omni labe & furo. eosq; tamen admodum paucos sub ejus vexillo congregatos. Condole infelicitati tanti Ducis, desse amentiam & cæcitatem mundi.

Intueretur 4to & audi quæ etiam ille suis præcepta & imperia instillet? Nimirum omnia ad amorem Dei, proximi, inimicorum, virtutis, paupertatis, abnegationis, crucis, æternæ salutis propriæ & alienæ, ad contemptum mundi, terrenorum, voluptatis, fugam peccati &c. spectare. Complace tibi tam in eo Duce, quàm in ejus imperiis & moribus.

PUNCTUM III.

Considera & audi quæ uterq; Ducum præmia ac stipendia suis decernat & promittat?

Quæ inprimis Dux sceleratissimus? Nempe honores, divitias, fortunas, & successus omnes, delicias, voluptates, famam, gloriam, vitam ac incolumitatem diuturnam &c.

Jam Christus è contra in hac vita ærumnas, dolores, cruces &c. Post mortem tamen beatitudinem æternam, visionem beatificam &c.

Confer hic utriusq; Ducis stipendia: & decerne potius sub vexillo Christi Ducis militare.

Colloquium & affectus ad Christum Ducem: Supplicando eidem, ut te suæ militiæ velit adscribere. Spondendoq; illi omnem ex tua parte subjectionem ac promptitudinem. Insuperq; resolvendo te ad omnia adversa & ardua, ad omnia incommoda, ærumnas, cruces, vulnera, mortem. Tum supplicando & Beatissimæ Parenti, ut te tanti Ducis gratiæ & favori insinuet nec non contra insultus Luciferi suo patrocinio protegat.

Stipendia ad utroq; Ducem suis commilitonibus promulgata.

MEDITATIO XLI.

De præceptis Christi Evangelicis.

Fundam: Visio S. Joannis Apoc: 14. Et vidi (inquit) Angelum volantem per medium cæli, habentem Evangelium æternum, ut evangelizaret sedentibus super terram & super omnem gentem & tribum & linguam & populum.

Prelud: 1. Imaginatio visionis necnon Apprehensio hoc Evangelium, æternum esse præcepta evangelica, de quibus præsens meditatio.

Prelud: 2. Pete gratiam percipiendi eadem præcepta Christi evangelica. eaq; adimplendi.

V2

PUN.

PUNCTUM I.

*Excellentia
præceptorum
Evangelicorum
quàm fuerint
veteris testa-
menti.*

CONsidera per hunc Angelum Apocalypticum adferentẽ mundo Evangelium æternum intelligi Christum Evangelizantem eidem mundo nova præcepta. Proinde eundem Malach : 3. appellari *Angelum testamenti*.

Atq; hinc expende differentiam ac discrimen præceptorum Evangelicorum à præceptis testamenti veteris.

Idq; primò quod illa per Moysen simplicem hominem populo Israelitico tradita, hæc per ipsum Christum filium Dei unigenitum.

2dò. Quod illa magis onerosa fuerint, hæc svaviora, efficaciora tamen longè, ad perfectionem Christianam & salutem æternam.

Tertiò quod hæc longè, excellentiora perfectiora, illa non item; sicut enim novum testamentum excellentius veteri, ita etiam hujus longè excellentior lex quàm illius.

Quarto quod ex illis multa ad certum tempus erant duratura, vg. de circumcissione, de sacrificiis, hæc autem in sempiternum. Unde per expressum dicitur ille Angelus tulisse evangelium æternum.

Quibus expensis gratias age Christo Domino pro tam efficacibus ad perfectionem Christianam & salutem æternam obtinendam mediis. Quanquam reflecte te inprimis, quomodo saltem hæc præcepta decalogi impleveris, præsertim de amore Dei & proximi?

PUNCTUM II.

Præcepta Evangelica per ordinem ad Deum proximum & te ipsum.

CONsidera quænam sint hæc præcepta Evangelica à Christo allata? Nempe alia per ordinem ad Deum, alia per ordinem ad proximum, alia per ordinem ad te ipsum.

Qualia sunt.

Quæ

Quarite primo regnum Dei & iustitiam ejus. Non potestis Deo servire & mammona. Cum oraveris, intra cubiculum tuum & clauso ostio ora ad Patrem &c.

Relinque munus tuum ad altare, & vade reconciliari fratri tuo. Diligite inimicos vestros, & benefacite his qui oderunt vos. Qui irascitur fratri suo, reus erit iudicio. Attendite ne iustitiam vestram faciatis coram hominibus, ut videamini ab eis. Nolite iudicare & non iudicabimini. Si peccaverit frater tuus vade & corripe eum.

Si oculus tuus scandalizat te &c. Nisi conversi fueritis & efficiamini sicut parvuli non intrabitis in regnum calorum. Ne solliciti sitis anima vestra, quid manducetis, neq; corpori vestro quid induamini &c.

Quorum singulis expensis reflecte te, quæ illorum apud te observatio.

PUNCTUM III.

Considera hæc præcepta sæcularibus & Religiosis æquè communia, ita tamen ut longè exactius religiosi teneantur ea adimplere quàm sæculares: Nempe ex eo, quod religiosis maior sit opportunitas, plura efficaciora media & auxilia, plures gratiæ à Deo, ad hæc adimplenda. Nec etiam tot impedimenta & occasiones ab illis habeantur, quot ab istis.

Hic erubescere, quod te hac in parte a tot sæcularibus superari permiseris: licet habita ut dixi, majori longè opportunitate & efficacioribus adjumentis, quàm sæculares habere possint.

Colloquium & affectus ad Christum offerendo te & subijcendo illi tanquam supremo Domino ac Legislatori tuo. Tum petendo ab eodem, ut sicut tibi tam efficacia ad salutem, Evangelica præcepta contulit, ita etiam gratiam tribuat ad ea implenda.

Quoad Deum

Quoad proximum.

Quoad ipsum.

Obbligatio ad illa adimplenda major in religiosis.

MEDITATIO XLII.

De Consiliis Christi Evangelicis

Fundam: Visio S. Joannis Apoc: 5. Vidi (inquit) in dextera sedentis librum scriptum intus & foris, signatum sigillis septem. Et nemo poterat, neq; in celo, neq; in terra, neq; sub-
tus terram aperire librum. Et vidi agnum stantem & venit & ac-
cepit de dextera sedentis librum, & cum aperuisset librum, Quatuor
animalia & viginti quatuor seniores cantabant canticum novum di-
gentes: Dignus es Domine accipere librum & aperire signacula ejus.

Prælod: 1. Imaginationi visionis impende: simulque
apprehende consilia Evangelica per eam denotari.

Prælod: 2. Pete gratiam expendendi eadem salu-
berissima Evangelii consilia eaq; exequendi.

PUNCTUM I.

*Excellentia
consiliorum
Evangelicorum.*

Considera per agnum Apocalypiticum, intelligi Christum,
per librum ei porrectum, Evangelica consilia, per sigil-
la, ætates mundi. Neminem verò tot ætatibus &
seculis dignum inventum, qui hunc librum consiliorum E-
vangelicorum aperiret, ac orbi promulgaret. Non Abra-
ham, non Moysen, non David, non Eliam, non ullum ex
Prophetis: ita ut per tot annos, non tantum populum illum
& Deo electum, nempe populum Israeliticum, cui ipse De-
us tot præcepta & leges arcanaq; sua communicaverat, sed
etiam tot singularissimos Dei servos hic liber lateret. Uni
Christo huius libri aperiendi facultas concessa, nobisq; non-
nisi, ad quos fines seculorum devenerunt, ea fors & notitia reli-
cta, tam utilis, tam efficax ad perfectionem Christianam,
eamq; sublimem, & salutem æternam,

Quibus

147

Quibus expensis gratias age bonitati divinæ pro ea
dignatione: quod te ipsum hujus dignationis & conscium &
participem fecerit. Exclama cum animalibus & senioribus
apocalypticis: *Dignus es Domine accipere librum & aperire si-
gnacula ejus.*

PUNCTUM II.

Considera inprimis Librum consiliorum Evangelicorum
dici scriptum intus & foris: nec simile quid pronuntiari
de libro præceptorum. Nempe Dei bonitatem ac di-
cretionem esse, & non exoticum imperium: quod plura cō-
sulat quam præcipiat. Æstima hunc ipsum tam dilectum
imperandi modum.

Jamquæ expende quænam sint hæc consilia à Christo
promulgata? nempe estote perfecti, sicut & Pater vester celestis
perfectus est. Oportet semper orare, & nunquam deficere: Sequere
me, & dimitte mortuos sepelire mortuos suos. Si vis perfectus esse,
vade, & vende omnia, & da pauperibus. Si quis te percusserit in
dextram maxillam præbe illi & alteram. Mutuum date, ut hi
inde sperantes. Benefacite his qui oderunt vos, & orate pro persequentibus
vos. Abnega temetipsum & tolle crucem tuam. Nisi quis re-
nuntiaverit omnibus, non potest meus esse discipulus. Qui plus di-
ligit Patrem, non est me dignus. Beati pauperes, Beati mites,
qui persecutionem patiuntur, beati mundo corde, &c. si quis
venit ad me & non odit Patrem suum, & Matrem, & uxorem, ad-
huc autem & animam suam, non potest meus esse discipulus.

His expensis reflecte te, quomodo hæc ipsa, hactenus
adimpleveris, aut saltem deinceps adimplere debeas.

PUNCTUM III.

Considera motiva quæ te ad prædicta Evangelica con-
silia adimplenda permoveant.

Ac inprimis excellentia eorundem consiliorum, ita
ut illi

*Consilia Evā-
gelica per or-
dinem ad De-
um, ad pro-
ximum, ad te
ipsum.*

MOTIVA

ut illi, ipsi cælestes, ac Cherubici spiritus per novum canticum applauserint. Et quod de dextera ipsius Dei accepta, illoq; auctore edita.

Inter alia verò motiva præcipuum esto exemplum Christi, ita ut nihil ex his omnibus Christus faciendum hominibus proposuerit, quod ipse primus non fecerit. Unde dicitur primus aperuisse librum consiliorum, aperuisse inquam non manu, sed vita, moribus & exemplo. Unde hic non in aliqua alia specie sed in Specie agni & quidem tanquam occisi apparuit, ut hac ipsa exprimeret, quod totum id ipse egit, quod aliis agendum consuluit.

Expende hoc ipsum in singulis præfatis consiliis Evangelicis, Christiq; exemplo ad similia te accende.

Colloquium ad Christum offerendo eidem memoriam, intellectum, omnes potentias & vires ad implenda consilia Evangelica. Tum ad Beatissimam Matrem, cui hic liber consiliorum primæ post Christum patuit, ab illaq; adimpletus perfectissimè, petendo scilicet ab eadem, ut tibi apud Filium gratiam efficacem, eadem consilia adimplendi impetrare dignetur.

MEDITATIO XLIII.

De vocatione ad religionem.

Fundā: Apparitio Angelica facta Lotho gen: 19. Venerunt duo Angeli Sodomam vespere: dixerunt autem ad Loth: habes hic quempiam tuorum? educ de urbe hac, delebitur enim locum istum. Egressus itaq; Loth locutus est ad generos suos & dixit: surgite, egredimini de loco isto, quia delebit Dominus civitatem hanc: Et visus est eis quasi ludens loqui. Cumq; esset mane, cocebant eum Angeli dicentes: surge tolle uxorem tuam, & duas filias quas habes, ne & tu pariter pereas in scelere Civitatis. Dissimulante illo, apprehenderunt manum ejus, & manum uxoris, ac duarum filiarum

139
ejus. Eduxeruntq; eum & posuerunt extra civitatem, ibiq; locuti
sunt ad eum dicentes: salva animam tuam noli respicere post ter-
gum, nec stes in omni circa regione, sed in monte saluum te fac, ne
& tu simul pereas.

Prelud: 1. Consuetum

Prelud: 2. Petitio gratiæ agnoscendi donum voca-
tionis, amoremq; ejus concipiendi.

PUNCTUM I.

Considera hac visione & historia adumbrari vocatio-
nem nostram ad religionem.

Atq; hic expende in primis terminum à quo. Nem-
pe unde vocatus es? scilicet è Sodoma tot sceleribus &
ultimo exitio obnoxia. E mundo utiq; totq; periculis cor-
poris & animæ, tot occasionibus peccandi, amittendiq; æ-
ternam salutem, ex tot improborum consortio: Ac insu-
per tot sollicitudinibus, turbis, molestiis, amaritudinibus,
incommodis, nullo aut modico merito tolerandis, plenissimo.
Gratias age Deo quod te hinc eripuerit.

Simulq; expende ad terminum ad quem te Deus vo-
cavit ac è Sodoma mundi eduxit. Nempe ad montem
perfectionis religiosæ, ad montem omnis securitatis salu-
tisq; æternæ: ad montem vicinum cælo, remotum ab
omni Sodomitici incendii atq; exitii, periculo, ad Religio-
nem utiq; hoc est statum admodum sublimem planèq; cæ-
lestem. Ad eum statum in quo longè es securior salutis æ-
ternæ quàm in seculo: cui centuplum in hac vitâ, & post
illam possessio vitæ perennis annexa. Ubi tot adjumen-
ta tot auxilia tot opportunitates, ad consequendam perfe-
ctionem ac beatitudinem æternam: ubi nullus graviori-
bus saltem peccatis aditus patet. Ubi juxta S. Bernar-
dum Homo vivit purius, cadit rarius, surgit velocius, incedit cau-
tius, moritur securius. Vide an hæc in te verificentur?

Terminus à
quo & ter-
minus ad
quem vocati-
onis.

PUNCTUM II.

Modus voca-
tionis.

CONSIDERA imprimis quomodo Loth è Sodoma educus,
in montem.

Tum etiam considera modum quo quisq; vocatur ad
Religionem educiturq; è seculo.

Peculiariter autem tui ipsius vocationem expende.
Quomodo imprimis ab æterno Deus præviderit æternam
cum tot aliis tui perditionem, ni te è Sodoma mundi edu-
ceret. Quomodo postea tot internos instinctus ac deside-
ria vitæ religiosæ capessenda tibi injecerit, quam svavi-
ter, quamve efficaciter hæc eadem desideria in te prom-
verit, toties tibi velut alteri Lothi inculcando: *Salva ani-
mam tuam. In monte saluum te fac, ne & tu simul pereas.* Quæ
ad hæc in te fuerit tergiversatio sive cunctatio, & interna
quædam lucta. Quomodo interim idem DEUS hos vel illos
tibi velut Angelos tutelares tibi providerit: qui te in hi-
sce tuis juvère desideriis, erexerunt dubitantem, cunctan-
tem stimularunt, & fortassis dissimulantem, velut appre-
hensa manu in Montem hunc securitatis religiosæ deduxe-
runt, præcèq; coegerunt nolentem. Neq; dixeris non fuisse
propterea veram tuam à Deo vocationem: an non enim
Loth verè à Deo ex Sodoma vocatus, educus, ex eo quod
eum Angeli apprehensis manibus coegerint? an etiam ideo
idem Loth educoribus sui Angelis vitio postea veterit quod
eum è Sodoma in montem educu in securo collocaverint?

Expende has vel alias tuæ vocationis ac ingressus ad
Religionem, circumstantias, præsertim tot alios te me-
liores in Sodoma sæculi ad perditionem reliquos, te vero è
numero illorum assumptum, amotis omnibus impe-
dimentis, & obstaculis, suppeditatis omnimodis auxiliis.
Ac proinde adverte, quantum pro his omnibus D E O
tuo debeas pro tota æternitate?

PUN-

PUNCTUM III.

Considera imprimis ideo Loth è Sodoma ereptum, ideo in montem deductum, ut se ibi animamq; suam salvaret.

Atq; hinc expende, non alio quoq; fine ac beneficio te ad Religionem vocatum, quam ut salves animam tuam: vide igitur, ne hanc potius perdas: idq; tibi aut simile quid eveniat, quod ipsi Loth, & filiabus ipsius, quæ in medio Sodome integræ intactæq; manserunt, extra Sodomam autem in monte præfato turpi ardere incendio.

Considera addò non malè religionem assimilari huic monti, ad quem Loth ab Angelis deductus. Non malè inquam Tum ob excellentiam & sublimitatem religiosi status. Tum propter obligationem status ejusdem tendendi ad sublime perfectionis, idq; per exercitium virtutum huic statui debitum, nempe paupertatis castitatis &c.

Hinc expende mala quæ incurrat religiosus non satisfaciens huic obligationi. Atq; imprimis quod eo ipso peccet mortaliter si negligat perfectionem. Jam si nec media adhibeat, si se negotiis profanis implicet, si passim regulas transgrediatur, Silentium frangat, affectus animi non reprimat, sensus corporis non moderetur, passiones & habitus malos non mortificet, venialia saltem graviora & deliberata non caveat, nihil studii ac diligentie in rerum Spiritualium usu ac meditatione ponat, quod periculo se gravi peccati exponat, Insuper talium religiosorum non satis facientium obligationi suæ penam esse: quod illis post neglectam tot gratiarum sibi toties à Deo submissarum faraginem iustitia divina gratias efficaces subtrahat ad vincendas tentationes, in quas se ultro ingerunt, ita ut in peccata gravia irremediabiliter prolabantur nec exurgant ad penitentiam, sed in profundum corruant, ipsis secularibus deteriores. Quibus expensis agnosce tuam obligationem, & quo casu ei non satisfeceris, ad prædicta mala & penas exhorresce.

Finis & obligationis vocacionis, tum pena deferentium eandem.

Tandemq; considera 3tio ex una parte pñam uxoris Loth respicientis retro. Ex altera pñam deserentium vocationē ad religionē, siue etiā religionē ipsā. Imo illorum quoq; qui etsi defacto religionem non deserant, tamen vel deserere cogitant licet inefficaciter, vel dolent se illam ingressos, vel ad ea quæ deseruerunt amore eorundem & affectu respiciunt &c. Vide an ē numero talium non sis? Colloquium & affectus ad Christum clavis cruci affixum, gratias agendo pro gratia vocationis, ac petendo simul, ut dignos hac vocatione fructus afferas, nec te à Cruce Christi, cui te per vocationem affixisti, unquam sejungas.

MEDITATIO XLIV.

De Excellentia status Religiosi.

Fundam: Visio per Somnium facta Iosepho Patriarchæ Gen: 37. Audire Somnium meum quod vidi. Putabam nos ligare manipulos in agro, & quasi consurgere manipulum meum, & stare, vestrosq; manipulos circumstantes adorare manipulum meum. Responderunt, fratres ejus: Numquid Rex noster eris, aut subiciemur ditioni tue?

Prelud: 1. Imum consuetum.

Prelud: 2. Pete gratiam expendendi excellentiam status religiosi, cumq; ut par est æstimandi.

PUNCTUM I.

Mundus hic
campus messis
spiritualis.

Considera per campum in quo Ioseph videbatur sibi ligare manipulos cum suis fratribus, intelligi hunc mundum, per manipulos messem meritorum, quam quisq; nostrum in hac vita colligere debet, & in illud cæleste horreum importare juxta illud Psalmi: Euntes ibant & stabant mittentes semina sua, venientes autem venient cum exultatione, portantes manipulos suos.

Et

Et certè non frustra hæc comparatio & assimilatio
meritorum nostrorum cum messe & manipulis instituta.

Sicut enim in primis messis non à sola fecunditate ter-
ræ, non à solo rore Cæli, non à solis siderum influxibus,
sed simul à nostro studio, manibus, labore, sudore, depen-
det: ita ut nec sine Deo, nec sine nobis esse possit: ita
etiam merita nostra non sola gratiâ Dei & auxiliis super-
naturalibus constant, sed etiam nostrum studium, manus,
applicationem, laborem exigunt nec vulgarem.

Secundo sicut messis frumentaria non est opus
ac negotium subitaneum unoq; tempore absolvendum; cum
in primis debeat præcedere agri expurgatio, cultura, semi-
natio, post hæc ortus cujuscunq; frumenti: quod primo
crescit in gramen, exinde crescit in spicam, ultra adolescit
in granum, tandem maturefcit in messem. Succiditur, li-
gatur in manipulum. Ita se pariter messis meritorum virtu-
tisq; habet. Non est omnino quid repetitum: Præcedat in-
primis necesse expurgatio animi à vitiis, passionibus, habiti-
bus pravis, sequantur tot alia quæ ab alicetis præscribun-
tur. Tandem sensim radicentur virtutes, augeantur meri-
ta, magisq; semper adolefcant. Ut enim nemo repente malus
ita nemo repente bonus.

Tertio sicut messis ne dissipetur, sed imo conservetur
securius, colligenda, ligandaq; est in manipulos. Ita et-
tiam virtutes ac merita, quo plenius tutiusq; permaneant,
ligamentis strictioribus, mortificationis scilicet tam inter-
næ quam externæ, circumspicionis, custodiæ sensuum fir-
miorum propositorum indigent. Et quia manipuli in sphæ-
ram ac circulum ligantur: planè ita cum omnibus nostris
actionibus ut sint meritoria agendum est, ut scilicet nun-
quam extra sphæram honesti & boni extra Deum qui cir-
culus est exeant & procedant, intra circulum eternitatis
versentur, seq; contineant.

Vide quod in te hujus messis studium? quis circa illam
labor, quis procedendi eamq; augendi modus?

X, PUN-

PUNCTUM II.

Discrimen
status religi-
osi à statu
seculari.

CONsidera ex una parte discrimen inter manipulos Joseph : & manipulos fratrum. Nempe quod etsi omnes in eodem agro progeniti, in eodem creverint, adoleverint, maturuerint : uno imbri rigati, illustrati Sole, unus tamen illorum nobilius excellentius incrementum, sortem & palmam præ aliis retulit, reliqui minore sorte donati mansere.

Ex altera parte expende discrimen status religiosi à statu secularium.

Inprimis enim per Josephi Patriarchæ manipulum intellige statum religiosum quo ad merita. Per manipulos fratrum merita status secularis. Proinde sicut manipulus Joseph, in multis præstitit manipulis fratrum, ita & status Religionis longe præstat quo ad merita statui seculari.

Sicut enim primo manipulus Josephi fuit major præ aliis, auctior altiorq; ita & merita status religiosi, longè plura, maiora, auctiora, quàm secularium.

Secundo sicut manipulus dicti Patriarchæ non solum sursum assurgebat crescebatq; sed etiam firmiter stabat, aliis manipulis relabentibus : ita status religiosus in suis virtutibus & meritis firmior persistit : quàm status secularium juxta illud S. Bernar : *Cadit varius, surgit velocius.*

Tertio sicut frumentum in manipulo Josephi licet plenissime maturum, licet post absolutam adultam messem, licet à terra recisum, tamen adhuc magis magisq; crevit : ita plane religiosorum hominum est semper ad ultimam senectam & mortem ipsam in meritis crescere & quo videntur plenius maturuisse, adhuc semper illos habere, quo crescant & assurgant. Tunc vero eosdem assurgere sublimius cæloq; ipsi propius, dum à terra terrenisq; quasi recissi, ab illis sese alienant ac retrahunt.

Vive quem circa prædicta sensum habeas, quantumve virtute ac merito seculares antecellas ?

PUN-

PUNCTUM III.

165

Considera quomodo manipulus Iosephi non tantum crevit supra manipulos fratrum, sed simul eo ipso præsignabât fortunam Iosephi dignitatem fortunam & excellentiam quâ fratres suos longè antecedere debuerat. Idemq; de statu religiosorum expendes quorum merita sicut in hac vita præstant meritis secularium, ita simul futuram eorum in cælo gloriam præsignant. Vide quem tibi tua merita in gloria cælesti gradum pollicentur? an non plurimi secularium tibi antecellent?

Colloquium. Gratias age Deo, quod te ad tam excellentem statum nullo tuo merito vocaverit. Pete gratiam ut illi excellentiâ operum & messorum respondeas ac dignè tua vocatione ambules.

MEDITATIO XLV.

De vocatione ad Societatem.

Fundam: Locus Jeremiæ cap: 1. Factum est (inquit) Verbum Domini ad me dicens: Priusquam te formarem in utero novi te, & antequam exires de vulva, sanctificavi te & prophetam in gentibus dedi te, & dixi: aâ Domine Deus, ecce nescio loqui, quia puer ego sum. Et misit Dominus manum suam & tetigit os meum, & dixit ad me: ecce dedi verba mea in ore tuo, ecce constitui te hodie super gentes & super regna, ut evellas & destruas, & disperdas & dissipes, & ædifices & plantes. Ne timeas à facie eorum quia tecum ego sum.

Prelud: 1. Conivetur in quo simul apprehende similiter te ad Societatem vocatum.

Prelud: 2. Pete gratiam agnoscendi donum vocationis ad Societatem, illiusq; amorem concipiendi.

PUN-

PUNCTUM I.

*Comparatio
vocationis
Prophetice
cum vocatio-
ne tui ad So-
cietatem.*

Considera similem tui vocationem ad Societatem huic prophetice.

In primis enim antequam & tu formareris in utero, elegit te Deus ad hanc suam Religionem. Tum postea providit tibi corpus, vires, talenta, naturam, capacitatem huic statui idoneam. Jam cum nescires nisi alia loqui, in scholis proficere, aptusq; ad Societatem judicareris: mirabiliter & suaviter te ad illam vocando, ac materno pene affectu manu ducendo, removendo impedimenta, providendo tales qui tibi sua manu ductione assisterent, teq; in tuis desideriis juvarent, inclinando ad tui admissionem superiores, aliis pluribus postpositis, te autem assumpto.

Cum vero ad religionem susceptus esses, ac vestem religiosam assumpsisses; quomodo idem Deus manum suam apposuit ad os, ad caput, ad cor tuum; ut te tam in Spiritu quam doctrina aptum suæ gloriæ instrumentum efficeret, aptum ad conciones, Rhetorica, speculativa, ascetica aliq; ministeria.

Expende ista & alia quæcunq; occurrent, Deoq; gratias exhibe, pro tam mirabili suavi & efficaci tui ad Societatem vocatione, nec non conservatione in eadem.

PUNCTUM II.

*Finis vocatio-
nis ad Socie-
tatem.*

Considera ad quid te, ad quod munus, ad quem finem in Societatem vocavit? Nempe ad id ipsum quod prædictum per Prophetam: Ut inquit evellas, destruas &c. Id est extirpes in hominibus vitia, destruas in iis regnū diaboli, disperdas, dissipes illius fraudes, tentationes, artes &c. ædifices verbo exemplo, plantes virtutem, amorem Dei & honesti &c. Adeoq; vocavit te Deus, non ad otium, non ad commoditates, sed ad labores incommoda ærumnas, per se;

persecutiones cruces ab externalis domesticis notis & ignotis
 perfereadas, fustigationes mormurationes irrisiones iudi-
 bria, contemptus depreffiones, putrefactiones tuorum la-
 borum, derelictionem tui ob omnibus post omnes labo-
 res toleratos, sine ullo solatio, appreciatione tui præ-
 teritorumq; tuorum laborum sine jubilatione &c. Quibus
 expensis reflecte te, quo sis animo & aff. Qu ad ista?

PUNCTUM III.

Considera primo felicitatem eorum, qui vocati sunt ad
 Societatem ut pote imprimis ad religionem non diffi-
 millem statui & dignitati prophetarum uti quoq; sunt
 & aliæ Religiones. Plane enim in illa Spiritus & munia
 elucet prophetica. Præterea ad religionem, cujus curæ
 laboribus tot gentes & regna in ordine ad sui spirituales
 in fide ac virtutibus Christianis culturam demandata ac
 subiecta: *Ecce constitui te super gentes & super regna.* Ad Religio-
 nem Deo ac Christo dilectam, ad Religionem sub speciali B. M.
 Virginis protectione (ut vidit P. Guttierrez) existentem :
 ad Societatem & statum pene prædestinatorum: Nemo
 enim in Societate moritur nisi prædestinatus : ut revela-
 tum non ual. Ad talem Religionem, in qua est specialis
 campus, ad plura patranda & perferenda pro Dei gloria,
 pro tua & proximorum salute pro insigni præmio in cælis
 comparando. *Æt*ima hinc quantum potes tuam voca-
 tionem.

*Felicitas eorum
 qui vocantur
 ad Societatem
 ac infelicitas
 deferentium
 eandem.*

Considera adò infelicitatem deferentium Societatem.
 Quid enim aliud est illam deferere, quam deferere ipsum
 cor JESU: deferere protectionem B. M. Virginis: deferere
 statum prædestinatorum, & forte transire ad statum dam-
 nandorum, aut saltem securitate salutis abjecta, incidere
 in periculum damnationis. Præterea deferere Societa-
 tem, est privari tot talentis, Scientiâ, doctrinâ, in penam
 contemptæ vocationis, ut videre est in plerisq; desertoribus.

Y

Dece-

Detestare hunc tam miserum desertorum statum & sortem. Et si quæ sunt, quæ te in Societate angunt & discruciant, siue hæc procedant à superioribus, siue ab æqualibus, siue à domesticis siue ab externis.

Considera 3tio id ipsum quod eodem loco ad Prophetam: *No timeas, quia tecum ego sum ut etiam te dicit Dominus.* Atq; hinc cape solatia tuorum timorum, anxietatum, afflictionum.

Colloquium & affectus: Imprimis ad Deum Patrem petendo ab eodem, ut sicut ille S. Ignatium, & in illo Societatem filio suo Christo Domino olim commendaverat, ita te quoq; eidem commendare dignetur. Tum ad ipsum Christum ut idem etiam, sicut olim Sancto Patri sponderat, se illi futurum propitium, ita tibi quoq; sua propitiatione in omnibus adversis non desit. Tandemq; ad Beatissimam Parentem specialem Societatis Patronam & fautricem, ut eo affectu quo totam Societatem complectitur & protegit, te etiam complecti & protegere velit.

Hæc quoq; meditatio cuicunq; Religioso expellatibus considerationum applicationibus serviet.

MEDITATIO XLVI.

De gestis Christi in genere per triennium Prædicationis ac de Imitatione ejusdem Christi in Societate, ac in quacunq; Religione.

Fundam: Visio Joannis Apoc: 14. *Vidi & ecce agnus stabat supra montem sion & cum eo centum quadraginta quatuor millia habentis nomen ejus, & nomen Patris ejus scriptum in frontibus suis. Hi sequentur agnum quocunq; jerit.*

Prelud: 1. Imaginatio visionis cum impressione apprehensionis gesta Christi per triennium prædicationis eadem visione representari.

Prelud: 2. Pete gratiam expendendi eadem gesta Christi eaq; imitandi.

FUN-

PUNCTUM I.

Considera per centum quadraginta quatuor millia posse intelligi Societatem, utpote nomine Jesu insignitam.

Tam quod ea specialiter obligetur, ut sequatur agnum quocunq; ierit, idq; per imitationem Christi.

Obligetur inquam primo ratione nominis JESU quod gerit: multum enim probri esset: si nomini mores & actiones minime corresponderent.

addo. Quod Socii Jesu simus: ipse autem Dux ac Imperator noster. Quid autem magis pertinet ad militem, quam sui Ducis exempla sequi, ejusq; vestigiis insistere?

Tertio Ratione instituti nostri quod à S. Patre nostro, planè ad normam vitæ & actionum Christi est contextum.

Quartò. Quod id à nobis sanctus Pater enixe velit. Hinc in exercitiis præsertim 4. hebdomadarum ac in quotidianis meditationibus, vitam Christi nobis considerandam proposuit, eamq; semper in oculis habere suavit & jussit. Ac tandem non alium finem nostræ Societati præfixit, quam post privatæ salutis curam, curam quoq; salutis animarum. Tum etiam gloriæ divinæ propagationem. Idem vero planè fuit scopus vitæ & laborum Christi.

Quintò. Quia alioquin si nobis imitatio Christi cordi non esset, planè essemus otiosa idola, vana nomina, pici Jesu Socii, opprobria tanti nominis, transgressores instituti voluntatisq; ac intentionis sancti Patris capitales.

Expende tam justam obligationem, quâ teneris ad imitationem Christi.

Pariter vero quisq; Religiosus consideret eadem se obligatione teneri, expendendo motiva peculiariora, ex vi suæ Religionis ac instituti.

PUNCTUM II.

Considera in quonam sequi & in quonam imitari agnum nostrum hoc est Christum debeamus? Nempe in omnibus

Y 2

bus

Obligatio Societatis & cujuscunque Religionis imitandi Christum.

Gesta Christi per triennium predicationis

bus, sequendo ipsum non pedibus sed imitatione quocumq; fueris, hoc est quicquid egeris, aut passus fueris?

Atq; imprimis expende vitam & gesta Christi per respectum ad Deum Patrem. Nempe primo quomodo erat orationi addictus: scilicet ita ut esset *permeatus in oratione Dei* ad Deum. Quomodo in Dei Patris voluntatem resignatus, ut *cibus ejus esset facere voluntatem ejus*. Tertio Quomodo in iis quæ Patris erant sedulus, ut etiam reliquis Parentibus adhuc puer remansisset Ierosolymis. Quarto quomodo de gloria & clarificatione Patris erat sollicitus ut diceret: *Ego non quero gloriam meam sed ejus qui misit me*. Quinto quomodo præceptorum Patris erat observans: Ego (inquit) *Patris mei præcepta servavi, & maneo in ejus dilectione*. Sexto quomodo eidem obediens: *Factus est obediens usq; ad mortem*.

Jam vitæ Christi & opera, per respectum ad proximum qualia, quanti labores, sollicitudines, incommoda? Quot prædicationes, conciones, sermones instituit? Quot itinera terræ marisq; suscepit? Quanta beneficia, obsequia, gratiæ, favores, proximis impendit: *Petræ sibi bene faciendo*. Quanta miseratione erga homines, compatiens illorum necessitatibus indigentibus: *Misereor super urbem, quia nescit quid faciat illi*. Quanta suavitas in agendo, ut omnes ad se pertraheret? Quanta ad omnes æquanimis demissio sine ullo supercilio, sine despicientia ullius. Quanta affabilitas, sine ulla amaritudine, quanta ad ipsos peccatores propensio? Quanta interim in omni conversatione circumspexio: ut tot Zoili & observatores, non invenissent, quod justè obicerent, & carperent.

Tandem vitæ & opera Christi per respectum ad seipsum qualia? Quanta humilitas, quanta paupertas, abnegatio, verecundia? Quanta temperantia & jejunia. Inter tot miracula, plausum humanorum fuga, ut illa propalare non juberet &c. Expende singula, ad illorumq; imitationem per efficaciam proposita te accinge.

PUN-

PUNCTUM III.

176

Assume regulam Summarii iuram: *Diligenter animal-
vertant oportet &c. eamq; accuratè expende.*

*Regula sum-
marii 11.*

Pariter vero quisq; Religiosus peculiare suas Regulas
Imitationem Christi præcipientes expendat.

Colloquium ad Christum Dominum, agendo illi impi-
mis gratias, quod dignatus sit esse exemplar omnium virtu-
tum, idq; ideo ut tu haberes præ oculis manifesta vestigia
quibus insisteres. Tum petendo gratiam iisdem vestigiis
efficaciter insistendi, exclamando cum sponsa: *Trahè me post
te, curremus in odorem unguentorum tuorum.*

MEDITATIO XLVII.

*De Injuriis & persecutionibus per triennium
prædicationis Christo irrogatis ac de imi-
tatione ejusdem in iis tolerandis.*

Fundam: Visio Joannis Apoc: cap: 5. *Et vidi (inquit)
& ecce in medio throni agnum stantem tanquam occisum.*

Prelud: 1. Confuetum.

*Prelud: 2. Pete gratiam recogitandi injurias & per-
secutiones Christo irrogatas per triennium prædicationis,
similesq; pro ejus amore & gloria perferendi.*

PUNCTUM I.

Considera per hunc agnum significari Christum. Dici-
tur autem non occisus absolute & simpliciter, sed tan-
quam occisus ob tot injurias, persecutiones, ærumnas to-
leratas, quæ quidem mortem ac necem non intulerunt
Christo. Veruntamen morti, ac nescio quibus suppliciis
æquiparari poterant.

*Injuria Cri-
sto illata co-
gitationibus,
verbis operi-
bus.*

Y 3

Unde

Unde expende, quæ & quanta Christus per triennium suæ prædicationis perpessus est?

Atq; imprimis illas contra se, sibi conscias, cogitationes malitiosas, detractorias, judicativas, dolosas, blasphemias, ad internecionem sui ac depressionem extremam ordinatas, ac distillatas.

Tum linguas pariter mordaces, perfrictivas, contumeliosas, calumniantes, criminatrices, accusatrices, censorias. Dum Christum per contemptum vocabant: *filium Fabri, Potatorem vini, seductorem, violatorem sabbathi, legumq; divinarum & humanarum, efficiens, in Beelzebub dæmonia.*

Jam quæ in illum sceleratè acta? quot modi adhibiti ut illum supplantarent, publicis propinarent odiis, ignominis, infamiae? Quoties lapides ad illum lapidandum de terra sublati? Quot molimina ad illum interficiendum, ut illum etiam precipitare de vertice montis valuerint? Quot ingrattitudines pro ejus doctrina, sanationibus, miraculis. Quanta persecutio discipulorum ipsius? Quam malitiosa resolutio consciscendi necè Lazaro à Christo resuscitato &c. Et per hæc omnia quantum ex vi & intentione malitiæ Judæorum, Christus non semel sed toties velut occisus,

Quibus expensis compatere Christo, & ad similia te resolve.

PUNCTUM II

*Quomodo hæc
ab illo tolerata?*

Considera quomodo hæc omnia à Christo tolerata? Nempe tanquam ab agno qui coram torquente se obmutuit.

Hoc est cum omni dissimulatione, mansuetudine, taciturnitate, sine ullo impatientiæ aut perturbationis signo, sine ullo vindictæ studio, imo retribuendo bona pro malis.

Considera 2dò dici hunc agnum tanquam occisum & tamen stantem, nempe etiam inter probra, vulnera, necem, non animo concidit, sed inter hæc omnia erectus stetit ac invictus. Ideoq; amplius considera: nihil horum, quæ ipsi interrogata, illum permovisse, ut ab opere salutis desisteret, nequa-

nequaquam in his omnibus animo dejectum; quo minus se
constanter illorum charitati impenderet, quo sua beneficia
in illos tam ingratos conferret.

Expende ista, modumq; persecutiones tolerandi ex his
ipsi edisce.

PUNCTUM III.

Considera id quod de eodem agno ibidem in Apocalypsi
additur. Scilicet quod *visus sit in medio throni*, hoc
ipsum expendendo quid agno & quidem occiso cum
throno adeoq; cum regno? Tandemq; intra te concludere
persecutiones usq; ad intercessionem toleratas, cō illum
extulisse. Tum idem quoq; ipsum de Societate & quavis
Religione cogita: nimirum quod illas non aliud toto orbe
propagaverit, regnatrices virtute, sapientia, & fama effecerit,
quam persecutiones, linguæ, probra illata &c.

Quo premis

Hinc ulterius expendere motiva & obligationem Socie-
tatis hac in parte Christum Dominum imitandi: Nempe
præter illa quæ in recens præterita meditatione sunt allata,
scilicet præter nomen Jesu quo insignimur, exemplum Du-
cis quod sequi tenemur, rationem Instituti quo ad id non
unâ regulâ obligamur, voluntatem Sancti Patris nostri Igna-
tij expressam; qui nobis utpote legitimis filiis, tanquam
successionem testamento legavit, persecutiones, linguas, cru-
ces, ingritudines &c. Præter hæc inquam esse potissi-
mum motivum, rationem status nostri ac conservationem
Societatis quæ tamdiu in suo vigore duratura est, quamdiu
persecutiones, in illam defruerint. Quamq; & alii cuius
religioni, imo & cuiusq; statui convenientia sibi, in ordi-
ne ad imitandum hac in parte Christum, motiva occurrere
possunt.

Quibus expensis: ad imitationem ejusdem Christi in
tolerandis omnibus adversis quantum potes, per reflexio-
nes & resolutiones practicas, nec non efficacia proposita re
accinge.

Collo-

Colloquium & affectus ad Christum, gratias ipsi agendo pro ea erga tuam Religionem dignatione: quod illam in partem & consortium tam laboris quàm persecutionum suarum admiserit, petendo ab eodem, ut iisdem persecutionibus illam propagare & conservare non desistat.

MEDITATIO XLVIII.

*De prædicatione Verbi Divini & munere
Concionatoris.*

Fundam: Visio Proph: Isaiæ 60. Et dixi ya mihi quia tacui, quia vir pallatus labiis ego sum, & in medio populi polluta labia habentis, ego habito. Et volavit ad me unus de Seraphim & in manu ejus calculus, quem forcipe tulit, de altari. Et tetigit os meum, & dixit: Ecce hic tetigit labia tua, & auferetur iniquitas tua & peccatum tuum mundabitur. Et audiui vocem Domini dicentis: quem mittam & quis ibit nobis? Et dixi: ecce ego mitte me: & dixit: vade & dices populo &c.

Prelud: 1. Consuetum.

Prelud: 2. Pete gratiam, dignitatem, & obligationem ejus muneris agnoscendi, illudq; digne ad gloriam Dei obeundi.

PUNCTUM I.

Considera hac visione designari munus prædicationis Verbi divini, ad quod assumitur Propheta.

Ubi imprimis adverte dignitatem ejus muneris. Nempe esse commune cum Prophetico munere imo cum Angelico: Sicut enim Angelus idem est quod missus & hoc vocabulum habet à mittendo: ita prædicator verbi Divini, ex quo eo officio ex Dei missione fungitur, non dissimili dignitate resplendet.

*Excellentia
hujus mune-
ris accessusq;
ad illud.*

Adver:

Adverte secundo pretium hujus ejusdem officii vel ex hoc ipso desumi & elucere, quod sit ex immediata Dei ipsius missione ac delegatione, ita ut prædicator verbi divini sit quidam Dei delegatus.

Hinc tertio adverte, quam promptè ad hoc munus & laborem se quisq; Deo offerre debeat, cum Propheta exclamando: *Ecce ego, mitte me; & quidem ita offerre uti idem Propheta, qui non prius exquisit de loco ad quem mittendus esset, non de populo, non de stipendio, non de laboribus ac incommodis, non de victu & amictu ratione, sed absq; ulla disquisitione se illico obtulit.*

Adverte ramen quarto, non temerariè sed ex Dei vocatione, electione, missione, quemq; ad id muneris debere accedere.

Adverte tandem suavissimâ ejusdem Dei ad hoc idem munus vocationem. Nempe non habentem se per modum despotici imperii, sed per modum invitationis politicæ & discretæ, expiscantis & exquirentis spontaneam sui oblationem & assensum. Dicit enim: *quem mittam: & quis ibit nobis?*

Quibus expensis reflecte te, quo animo sis ad hoc officium obsequendum, quave promptitudine & alacritate illud obeas? Tum in orbem totum oculos conjice, ubi postquam videris, tot animas sive in profunda barbarie ac ignorantia veri Numinis, sive in turpi peccatorum limo existentes, nec habentes qui easdem inde sublevent: Quam primum te cum Propheta offer & exclama. *Ecce ego mitte me.*

PUNCTUM II.

CONsidera adjuncta muneris concionatorii ac ipsius concionatoris prædicatorisq; Verbi Divini.

Nempe primo debere illum esse emundatum ab omni nævo peccati, juxta id quod Prophetæ dictum: *Auferetur iniquitas tua, & peccatum tuum mundabitur.* Quis enim in aliena

*Adjuncta ejus
muneris.*

aliena inveheretur scelera, si ipse iisdem obnoxius esset.

Secundo Prædicatorem maximè debere esse mundissimis labiis & lingua. Quid enim illa lingua in emundandis à peccato alienis conscientiis valeret, si ipsa omni scateret immunditia? Insuperq; quomodo Verbi divini dignè bajula esset quæ simul tot se spurcitiis deturpari permetteret?

Tertio ex quo non Cherubim id est scientia, sed Seraphim, amore Dei incensus ad erudiendum Prophetam deputatur, adverte prædicatorem verbi divini non tam scientia quam igneo amore Numinis debere pollere.

Quarto. Ex quo labia Prophetæ perpoliri jubentur calculo seu carbone ignito non aliunde sed de altari sumpto: Adverte prædicatorem eundem non aliunde scilicet non de prophanis auctoribus arisq; materiam debere sumere, sed de Dei altari, scilicet ex scriptura, Evangelio & Patrum testimoniis, exemplis &c.

His vero expensis vide quæ horum eorundem adjutorum apud te observatio?

PUNCTUM III.

Pena hoc munus negligētium, aut illi ut par est nō respondentium.

Considera culpam eorum ac pœnam qui prædicationi Verbi divini cum possint insistere, tamen tam præclarum ac salutiferum munus intermittunt. Hinc sibi Propheta intonat: *Vae mihi quia taciui.*

Considera 2dò. eo majorem culpam ac pœnam in eos derivari, qui cum in medio populi (ut ait Propheta) *polluta labia habentis*, ac sceleribus contaminati, versantur, non tantum alios prædicatione verbi divini à pravis operibus & habitibus non emundant, sed imò se ipsos per contagionem coinquinant, eandemq; labiorum & conscientiarum pollutionem & labem contrahunt.

Vide an non te quoq; ea culpa teneat, maneatq; similiis pœna?

Colloquium & affectus Verba illa, quæ sacerdos ante recitationem Evangelii profert: *Munda cor meum ac labia mea omnipotens Deus, qui labia Isaia Propheta calculo mundasti ignito, ita me tua grata miseratione dignare mundare; ut Sanctum Evangelium tuum digne valeam nuntiare Per Christum Dominum nostrum. Jube Domine benedicere: Dominus sit in corde meo & in labiis meis, ut dignè & competenter annuntiem Evangelium suum.*

MEDITATIO XLIX.

De Christo Prototypo vitæ, & morum Societatis & cujuscunq; Religiosi.

Fundam: Visio Joannis Apoc: 1. Et conversus vidi 7. candelabra aurea, & in medio 7. candelabrorum aureorum similem filio hominis vestitum podere, & præcinctum ad mamillas zonâ aureâ. Caput autem ejus & capilli erant candidi tanquam lana alba, & tanquam nix. Et oculi ejus tanquam flamma ignis, & pedes ejus similes Aurichalco sicut in camino ardenti, & vox illius tanquam vox aquarum multarum, & habebat in dextera sua stellæ 7. Et de ore ejus gladius utraq; parte acutus exibat, & facies ejus sicut Sol lucet in virtute sua: & posuit dexteram suam dicens: Noli timere: Ego sum primus & novissimus.

Prælud: 1. Idem.

Prælud: 2. Pete gratiam agnoscendi tuum Prototypon, illiq; te conformandi.

PUNCTUM I.

Considera in hac visione expressum esse, Prototypon, juxta quod, religiosus quilibet Societatis, & quiscunq; alius se formare debeat, eiq; vitam suam & mores conformare in omnibus. Intelligiq; eo loco ipsum Christum Ducem ac Regem nostrum.

Effigies Christi.

Inprimis itaq; expende ipsam hujus viri Apocaliptici scilicet Christi effigiem.

Caput (inquit) ejus & capilli erant candidi tanquam lana alba & tanquam nix Nimirum sapientia eximia, prudentia cana, matura, defecata, sine omni dolo, fraude & suco.

Oculi tanquam flamma ignis, id est contra mundum carnem, diabolum incensi, illecebrarum mundi impatientes; humanis respectibus sese non ducentes: quid enim magis abiq; respectu, quam ignis?

Facies ejus sicut Sol, hoc est semper serena in adversis & prosperis, oriens super justos & injustos, super nobiles æque ac ignobiles, eosq; illuminans.

Pedes similes aurichalco, id est speciosi, nitidi Evangelii prædicatione, impressisq; orbi vestigiis: juxta illud: *quam speciosi pedes evangelizantium*

Vox illius tanquam vox aquarum multarum, id est vox scripturarum divinarum, aut etiam vox magno impetu in aures & corda peccatorum influens.

Vide an tua etiam externa effigies hæc eadem aut saltem similia lineamenta retineat.

PUNCTUM II

*Vestitus ac
insignia Chri-
sti.*

Considera amicum & insignia ejusdem viri apocaliptici Christum representantis.

Inprimisq; dicitur *vestitus podere* hoc est veste sacerdotali in qua erat orbis terrarum effictus. Nimirum eo significari, non unius anguli, sed mundi totius Salutem Christo cordi fuisse.

2dò. Dicitur *præcinctus zona aurea ad mamillas*, id est excellenti charitate Dei & proximi, tum materna plane generis humani dilectione, māsuetudine & clementia

3tiò. *Habebat in dextera sua stellas septem*, hoc est septem dona S. Spiritus, quibus obcuras ac cæcutientes hominum mentes & corda illuminabat.

4to. De ore ejus gladius utraq; parte acutus exibat :
hoc est gladius Prædicationis verbi Dei , veritatis neutri
parti faventis, parcentiq; , verum se æqualiter habentis
ad omnes, per modum gladii ex utraq; parte acuti, ac in
partem utramq; versatilis.

Vide an apud te quoq; similium indumentorum insi-
gniumq; usus?

PUNCTUM III.

Considera reliqua adjuncta & proprietates Christi in per-
sona prædicti viri apocaliptici, representati.

Inprimisq; expende eum inter candelabra deambulan-
tem, id est juxta Interpretes obambulantem Ecclesias per
hæc candelabra significatas, promovendo in eis gloriam &
cultum Dei Patris, necnon curam agendo salutis anima-
rum.

*Reliqua Chri-
sti adjuncta.*

Secundo. expende id ipsum quod de se profitetur.
Ego (inquit) sum primus & novissimus id est inter tot ex-
cellencias humilitati apprimè addictus, novissimo loco me
reponens. Primus, ad oppetenda probra, ludibria, vul-
nera, mortem. Primus ad impertienda hominibus benefi-
cia : novissimus ad honorifica, ad commoda &c.

Tertio quod dicitur: *similis filio hominis*. Nimirum quod
tot & tanta faciens, nihil supra homines habere vilus, in
omnibus plane, ad similitudinem hominum factus, & habitu in-
ventus ut homo.

Quæ pariter accuratius expensa, tibi met accom-
moda.

Colloquium ad Christum, petendo suppliciter, ut si-
cut olim imagini ad Abagarum mittendæ, suam impressit
effigiem, ita etiam se totum tibi, tuæ memoriæ, intellectu, qui,
voluntati ac cordi imprimere dignetur : ut sic tibi impres-
sum vitæ & moribus exprimas, semperq; tecum circum-
feras.

MEDITATIO L.

De zelo Religiosis, ac Societatis etiam hominibus convenienti.

Fundam: Visio S. Petri Act. 10. Vidit celum apertum, & descendens vas quoddam velut linteum magnum quatuor iniis submitti de celo in terram, in quo erant omnia quadrupedia & serpentina terre & volatilia cali: & facta est vox ad eum: surge Petre occide & manduca.

Prelud: 1. Consuetum.

Prelud: 2. Pete gratiam veram zeli Religiosi in hac Petri visione agnoscendi effigiem, eamq; in te ipso effigendi.

PUNCTUM I.

*Amplitudo
zeli quo ad
locum.*

Considera hac visione adumbratam fuisse zeli Apostolici amplitudinem.

Ac imprimis per linteum 4. initis de celo submitsum intelligi totum hunc mundum in quatuor partes divisum, Europam, Asiam, Affricam, Americam. Ubi adverte zeli apostolici campum debere esse non unam urbem, nec unam Provinciam imo nec unam orbis partem, sed orbem totum: in quo desudandum circa animarum salutem.

Vide an ea in te quo ad locum, zeli Religiosi amplitudo? an aliquod pergendi, etiam in Anglias, Indias, Chinas &c animarum causa desiderium?

PUNCTUM II.

*Amplitudo
zeli quo ad
personas.*

Considera per varia animalia ac reptilia prefato linteo inclusa intelligi amplitudinem zeli religiosi quo ad personas circa quarum salutem laborandum, scilicet non debere eas esse alicujus generis, conditionis & status, v.g. Personas nonnisi Nobilium, magnatum, quæ hic per volatilia

tilia cæli, aut excellentiora animalia designantur Præterea non debere esse personas nonnisi amicorum, Benefactorum, consanguineorum & quorumvis aliorum mutuo affectu correspondentium, velut cicura ac familiaria animalcula: sed imo debere esse sine exceptione, absq; delectu absq; discrimine omnes, sive plebeias ac ultimæ sortis, sive inimicas ac ingratas, à quibus non tantum nihil mutue benevolentia & gratitudinis speres, sed imo velut à serpentibus & viperis, venenatos morsus & aculeos atq; mortes ipsas.

Vide quid in te animi ad talem zelum & mortem ipsam in eo oppetendam?

PUNCTUM III.

Considera reliquas hujus visionis circumstantias easq; zelo religioso applica.

Ac inprimis quod hic jubetur Petrus surgere: Nempe ut alium è cæno peccatorum erigas ac sursum eleves, ipse prius assurgas necesse est. Quis enim jacentem eriget si ipse jacuerit. Præterea admoneri hic religiosum, non debere illum esse otio & quieti deditum. Surgat potius, agatq; agenda non quiescat, si illi lucrum animarum cordi est. Nec vero terræ terrenisq; inhæreat, sed toto se assurgat, sursumq; se elevet totusq; sit in cælum ac Deum erectus.

Secundo jubetur Petrus illa tot animalia occidere interficere, non mulcere, fovere, alere, nec percutere tantum vulnerare, mutilare. Nempe viri vere zelosi est, non blandiri peccatis, non illa demulcere nec quomocunq; etiam scelera, iniquitates, aggredi: sed imo penitus mactare, eradicare, tollere, ad internecionem delere.

Tertio jubetur eadem ipsa animalia manducare: nimirum virorum zelosorum alimentum esse animarum salutem, mortem vitiorum, labores pro gloria Dei & anima-

*Reliqua ad-
juncta zeli
Religiosi.*

bus

bus susceptos: quali alimento Christus usus est, dum diceret: *Cibus meus est facere voluntatem Patris mei.*

Quarto linteum cum prænominato epulo de cælo submissum: nempe cæleste id epulum esse, ad quod viros Apostolicos Deus invitat, illosq; eodem tractat ac saginat: inter innumera alia solatia & delicias.

Quibus omnibus expensis, vide quis in te quo ad prædicta singula sensus, dispositio & praxis?

Colloquium. Gratias refer Deo, quod te ad eam Religionem vocaverit, in qua tam amplum campum habes zeli Apostolici exercendi circa animarum salutem. Confundere & dole, quod ea amplitudine non satis hactenus usus fueris. Offer te ex tua parte Deo si ita divinæ ejus voluntati ac superioribus videbitur ad remotissimas mundi plagas ad disseminandum Evangelium, Offer vitam tuam & sanguinem. Petendo ab eodem Deo: ut tuâ opera & obsequio utatur ad animarum salutem, tum ut tibi ad hoc ministerium impertiatur Spiritum Apostolicum, Spiritum S. Petri Pauli & aliorum: tum Spiritum S. Patris Ignatii, S. Francisci Xaverii & tot aliorum tum aliunde tum è Societate virorum Apostolicorum.

MEDITATIO LI.

De electione status in Religione juxta Regulas electionis S. Patris & tres gradus humilitatis.

Fundam: Jerem: 18. Ubi Dominus ad Prophetam: Surge & descende in domum figuli & ibi audies verba mea. Et descendi in domum figuli & ecce ipse faciebat opus super rotam: & dissipatum est vas, quod ipse faciebat è luto manibus suis. Convertensq; fecit illud vas alterum sicut placuerat in oculis ejus ut faceret. Et factum est Verbum Domini ad me dicens: Numquid sicut figulus iste

182
Iste non potero vobis facere domus Israel ait Dominus. Ecce firmatum in manu figuli, sic vos in manu mea.

Praeud: 1. Imaginatio ejusdem ipsius.

Praeud: 2. Apprehende eadem visione representari tibi electionem tui status in religione.

Praeud: 3. Pete gratiam, opportunum animae tuae, & imprimis gloriae Dei statum in religione agnoscendi, eligendiq; eundem.

PUNCTUM I.

Considera in hac visione Prophetica ac descensione in domum figuli varia vasa pro suo arbitrio effingentis, alia in honorē alia in contumeliam, adumbrari divinam dispositionem circa homines totius mundi ac praecipuē homines religiosos, ac etiam Societatis, apud quos praetens electio veritatur. Electio inquam status in religione: quae ut rite fiat.

Expende primo duplicem interim posse cogitari classem hominum religiosorum, ac etiam hominum Societatis nostrae

Prima classis eorum, quos Deus ducit per humilia, per abjecta, per adversa in Religione: etsi sint plerumq; magnis talentis, doctrinā, virtute, & donis Dei instructi. Interim tamen nulla illorum aut modica apud superiores aestimatio, nullus respectus, vix aliqua apud aequales atque inferiores reverentia: non applicantur ad honoratiora munia, non attolluntur, nullus eorum usus, ita ut intra angulum religiosum delitescere ac panē in extrema postpositione & depretiatione sui, inter fugillationes reprehensiones, divexationes, despectus, contabescere cogantur, facti opprobrium & abjectio plebis. Quidquid etiam tales aggre-diuntur, quod posset illos apud homines in aestimatione, auctoritate, fama elevare, successum, plausum, in nulla re, in nulla actione & functione obtinent, arcano Dei consilio & dispositione, quod nolit illos habere vasa in hono-

Duplex classis religiosorum ac etiam Societatis circa quam versatur praetens electio.

rem sed in contumeliam, ita ut continuis humiliationibus, & adversitatibus, ad mortem usq; exagitentur, immorantur iisdem.

Secunda classis eorum est: quos Deus vult habere vasa in honorem, ac proinde eos ducit per honorifica plausibilia, prospera, æstimationes, plausus, successus, &c. etsi illi non raro videantur mediocres doctrina, talentis, virtute, religioſitate. Interim tamen gratias habent apud superiores, æquales, non interrupta serie promoventur, applicantur officiis. Licetve sæpius in illis exerrent ac delinquant: id ipsis parum omnino aut nihil nocet, minimè hoc à superioribus videtur apprehendi, excusantur &c. Quidquid agunt plausibus resonat.

Ex his igitur duplicem pariter posse assignari statum in Religione, ac etiam in Societate: unum humiliationis, deſpressionis, & adveſorum. Alterum statum honoratum, excellentem, statum honoris, præminentia, prosperitatis religioſæ.

Circa hos igitur status in præſens tua verſabitur electio.

Atq; ita propone tibi ante oculos statum utrumque: & antequam ad alterutrum te resolves, offer te indifferenter ſive ad hunc, ſive ad illum divinae voluntati, ut tecum diſponat ſicut placuerit oculis ejus ut faciat, non aliter quam figulus cum luto vel vaſe ſuo quod effingit: ſive te facere velit vas in honorem, ſive vas in contumeliam.

PUNCTUM II.

*Accessus ad
electionem.*

JAm hic considera quidnam tibi expediat eligere? Atq; inprimis adverte ſicut Propheta veniente in domum figuli: ecce ipſe id eſt figulus faciebat opus ſuper rotam. Ita tibi aggredienti opus ac negotium electionis, qua evadas vas alterutrū ſive in honorem, ſive in contumeliam, non ad aliud proſpectandum quam ad rotam æternitatis:

nitatis: hoc est non ad temporales, sed ad æternas rationes.

Proinde hic assume tibi expendendam illam regulam electionis. Nempe in electione spectandam esse DEI gloriam, meritum tuum, securitatem animæ salutisq; æternæ. Et si utrumq; sit non sine Dei gloria, non sine merito, illud tamen eligendum, quod sit cum majori Dei gloria, cum majori merito, æternoq; præmio, cum majori securitate animæ tuæ.

Vide hic igitur unde major Dei gloria unde majus tuum meritum, unde major securitas animæ? an ex promotionibus tuis, successibus, plaussibus, &c. an ex humiliationibus, deprecationibus, adversis? Atq; hinc collige quem statum in Societate eligas? Statum ne illum excellentem honoratum: an humiliationis, deprecationis, usq; ad mortem?

PUNCTUM III.

AD concludendam electionem tuam considera primo. Quod sicut vas permittit se fingi formariq; à figulo ad placitum illius, nec reluctatur quidquam manui se versanti & fingenti. Et si reluctaretur, eo ipso mereretur projici & dissipari. Imo defacto si haberet usum rationis, certe se omnino accommodaret manui & nutui sese fingentis artificis, ipsumq; se se fingeret, formaret, versaretq; ad mentem illius. Ita ut tibi quoq; recte præsens calat electio: voluntati divinæ, & placito conformes te quantum potes, necesse est. Hanc autem voluntatem perspectam habere poteris, ex voluntate ac dispositione superiorum.

*Conclusio
lectionis.*

Considera 2dò illud quod in tertio humilitatis modo, in Exercitiis Sancti Patris expressè insinuat. Nempe quod etiam si laus Dei par foret, par meritum, par securitas vitæ æternæ ex tui exaltatione, atq; etiam humiliatione: illud tamen deberes eligere, in quo eluceret major imitatio Christi: unde etiam ad majorem ejusdem Christi imitationem expediret tibi eligere, potius cum eo paupere, spreto, illuso, pauperiem, humiliationem, de-

pressionem, contemptum, irrisum; ita ut etiam pro inutili, pro inepto, pro stulto judicari velles, quàm nescio quæ honorata obire, æstimationes, promotiones, plaususq; obtinere.

Quibus expensis iuxta regulas electionis S. Patris Ignatii, tecum ratiocinare: imo si quis te hac in parte consuleret, quid illi suaderes? Nonne diceres eligendam viam humiliationis, crucis, quam ipse Christus unice elegit, hacq; viâ perrexit. Ado si nunc mors ingrueret, quid tunc eligeres aut velles te eligisse. Pariter in iudicio Dei constitutus quid sentires? In purgatorio etiam, quis foret de his in anima tua sensus?

Jam quam frivola sunt, quæ nos ad honorata, & plausibilia sectanda incendant. Nempe illi humani respectus, breve hinc delectamentum, amor proprius. Quam inanità, quæ nos à via humilitatis & crucis avocant, & deterrent.

Colloquium & affectus ad Christum humiliatum, contemptum, pro stulto reputatum, ad mortem ignominiosissimâ cõdemnatum: Offerendo te illi ad omnia probra, confusiones, humiliationes, illaq; præligendo honoribus, æstimationibus, plausibus. Atq; simul petendo ab eodem, ut sicut ad id præligendum te inclinare dignatus est, ita etiam gratiam largiri dignetur ad implendum ac sustinendum. Conclude aspiratione: *Eccè sicut lutum in manu figuli, sic ego in manu tua.*

MEDITATIO LII.

De Humilitate religiosa.

Fundam: Visio illa Pueri Eliæ 3. Regum: 18. *Eccè nubecula parva quasi vestigium hominis ascendebat de mari: et facta est pluvia grandis.*

Prelud: 1. Imaginatio hujus ipsius, apprehendendo symbolū tibi in ea nubecula representari, veræ humilitatis

Prelud

186

Prelud : 2. Pete gratiam agnoscendi essentiam, & bona humilitatis, eamq; sectandi.

PUNCTUM I.

Considera in hac nubecula Eliæ adumbrari humilitatem : Non enim habuit speciem & figuram, Leonis, Elephantis, in sublimē evolantis Aquilæ Non capitis, non manus, sed infimæ partis, scilicet vestigii hominis.

Obligatio religiosi ad humilitatem.

Ac proinde expende humilitatem, planè esse virtutem hominum religiosorum. Tum quod ad illos pertineat, fabricam virtutis, ac perfectionis erigere : fundamentum autem illius est humilitas. Tum quod religiosa vita sit imitatio vitæ Christi. In vita autem Christi præcipuè eluxit humilitas, ut totam vitam singulaq; ejus puncta, ac mysteria consideranti patebit : ita ut hæc ædem tota Christi vita continua humiliatio, continuum humilitatis exercitium videretur. Proinde cuivis religioso incumbere, ut hanc humilitatis Christi imitationem cordi habeat : ita ut pariter tota vita hominis religiosi, sit ipsa pæne humilitas, perpetuumq; ejus exercitium, atq; sic in omnibus religionis actionibus, functionibus, moribus, ac ipsis etiam gestibus & verbis eluceat. Tum quod etiam S. Pater hanc virtutem nobis specialiter commendaverit, regulisq; suis iniunxerit, imo quisvis Religionis fundator.

Vide quis in te humilitatis amor & pretium, quod exercitium & praxis ? Exeute mores tuos, actiones quotidianas, functiones, conversationes, colloquia, quidnam in illis eluceat magis, humilitas ne an elatio, præsumptio, superbia ?

PUNCTUM II.

Considera ex illa nubecula pluviam grandem effluxisse, terram tot annis aridam fecundatam, ut in herbas, flores, fructusq; uberrimos sese propagarit.

A a 3

Atq;

Bona & perfectus humilitatis & contra mala exordia ejusdem.

Atq; hinc expende non minores nec pauciores humilitatis, proprietates effectus, utilitates fructusq; Spirituales. Ideoq; imprimis ex humilitate omnes pæne virtutes religiosas promanare: Patientiam, obedientiam, paupertatem, charitatem mutuam, ut consideranti singulas virtutes patere poterit Jam quæta hinc dona Dei supernaturalia, quæ Deus humilibus communicat. Quantum meritum, quantum præmium, & gloria in cælo humilium. Juxta illud: *qui se humiliat exaltabitur*. Quod in eadem nubecula ascendente in sublime videre est: ut non memorem quantos fructus in animabus hominum producat, quam insignia pro gloria Dei efficiat humilitas.

E contra verò expende, qui effectus, quæ mala, defectu humilitatis sequantur? Quæ si in te ipso animadvertis, præsertim parvos, in rebus pro animarum salute & gloria Dei agendis successus, eidem defectui humilitatis religiosæ adscribe & eundem corrige.

PUNCTUM III.

*Aus & gra-
tus humilit.*

CONSIDERA in quonam vera humilitas consistat, qui ejus gradus, qui actus?

Ac imprimis id expressum esse in præfata nubecula, quasi vestigio hominis. Quid enim est vestigium esse hominis? nisi omnibus sese partibus hominis submittere & subdi, capiti, manui, imò pedi etiam: in loco se infimo infra pedes ipsos ponere: ad cujusvis partis indigentiam & nutum præsto esse, eo ferri, quocunq; nutus capitis aut necessitas partis cujuscunq; postulaverit, ad terram usq; humiliari, illiq; se imprimere, luto etiam imperio capitis, demergi, commaculati, in sentes in saxa, in offendicula in vulnera, incurrere &c. Nec vero alios esse humilitatis actus.

Tum quod hæc nubecula è mari processerit, atque ita humoribus marinis iisq; salis, amarisq; saginata, dulcem

cem pro his pluviam reddiderit. Eamq; planè humilitatis proprietatem esse, amara quæq; perferre & dulcia reponere.

Insuper adverte unde hæc nubecula genus & originem duxerit, nempe non e rivulo, non e lacu sed ex oceano. Interim tamè quasi suæ originis generisq; oblita, ad formam se fingit unius vestigiū. Et hic ipse insignis actus humilitatis?

Jam vero alii actus ejusdem humilitatis, aliæq; humilitationes quam multæ? scilicet in cogitatione, in verbo, in opere.

Tandem ille etiam triplex gradus humilitatis: scilicet indifferrentem esse, sive ad honorifica sive ad humilia: atq; hinc ferre æquanimiter eadem humilia & abjecta, omnes humiliationes &c. 2do. gaudere de illis obvenientibus: 3. Desiderare easdem ardenti animo.

Quibus expensis, vide an tua humilitas ita sit exacta?

Colloquium & affectus ad Christum & Beatissimam Parentem præcipuos humilitatis cultores, petendo ab illis, ut te ejus virtutis, plenissime participem efficiant.

MEDITATIO LIII.

De vita Religiosa, votis, & regulis conformi.

Fundam: Visio Ezech: cap: 40. In visionibus (inquit) Dei adduxit me in terram Israel, & dimisit me super montem excelsum nimis, super quem erat quasi ædificium Civitatis. Et ecce vir, funiculus lineus in manu ejus, & calamus mensurae in manu ejus.

Prelud: 1. Hujus ipsius imaginatio cum apprehensione, ead in visione, vitam tibi religiosam, votis, & regulis conformem exhiberi.

Prelud:

Praef. 2. Pete gratiam agnoscendi commoda, & fructus, ex adimplentione votorum ac regularum provenientes, eademq; vota ac regulas, de facto adimplendi.

PUNCTUM II

Fructus observantiae regularum & votorum.

Considera per hanc visionem Propheticam adumbrari vitam Religiosam, votis & regulis conformem. Per montem scilicet excelsum ipsam religionem. Per aedificium Civitatis, aedificium & structuram Spiritualem, structuram Sanctimoniae ac perfectionis religiosae, cuius fundamentum diximus humilitatem, alias autem virtutes, aliarum aedificii partium, vices agere. Jam vota habere se per modum funiculi fabrilis seu architectonici: cum & votis quasi funiculo triplici adstringamur. Regulas per modum calami, mensuræ.

Tum mala defectu ejusdem.

Unde expende inprimis utilitates & emolumenta funiculi & calami mensorii. Nempe illis deberi omnem rectitudinem, proportionem, venustatem, symmetriam, firmitatem, stabilitatem structuræ cujusvis: ita ut nihil curvum, nihil distortum, nihil improporcionatum, nihil deforme, applicatione ac beneficio funiculi & calami, in aedificio inveniri possit.

Jam è contra, neglectu eorundem, quot mala, manca, quot deformitates, quot improporcionem, quam nihil firmum, nihil stabile, omnia casui & ruinæ proxima.

Atq; hinc simile quid devotis ac regulis cogita. Nempe quænam bona, commoda, emolumenta illorum observatione, & quæ mala, damna, ac ipsæ ruinæ eorum neglectu sequantur.

PUNCTUM II.

In quo consistit observantia votorum.

Considera sicut funiculū & calamum mensorium, ut sit utilitati & commodo, debere esse exactum, in nullo deficientem: ita etiam votorum ac regularum non diffi-

disimilem observantiam: ut per illa non humilis in nobis virtutis ac perfectionis provehatur fabrica.

Atq; hinc expende in particulari, in quoniam consistat hæc eadem votorum inprimis observatio exacta? sumendo initium à voto paupertatis; atq; expendendo: Quid sit verè & exactè esse pauperem? Nimirum non tantum nihil habere proprii & sine facultate, sed etiam defecto experiri paupertatem, indigentiam & defectum in victu, amictu, aliisq; rebus ad vitam necessariis. Jam qui defectus possint esse contra paupertatem religiosam? Tum etiam qui defectus in petenda & obtinenda facultate?

Post quorum accuratam considerationem. Expende adò expendenda circa castitatem. Nempe quid sit castitas religiosa, quanta illius excellentia, meritum & præmium? Quam à nobis religiosis quivis Fundator ac etiam S. Pater Ignatius castitatem requirit? Nimirum Angelicam. Qui defectus contra eandem evenire possint cogitatione, verbo, & opere?

Tandem expende expendenda circa obedientiam. Inquo pariter illa consistat? Quæ illius, excellentia? Quæ utilitates & fructus? Quam à nobis obedientiam, regulæ & Fundatores exigunt? Nempe juxta S. Patrem nostrum Ignatium, obedientiam non tantum voluntatis sed etiam intellectus. Præterea ut simus in obediendo tanquam cadaver, aut senis baculus, Tandem qui defectus contra eandem esse possint, & defecto à te committi soleant?

PUNCTUM III.

Considera excellentiam instituti ac regularum Societatis.

Ac inprimis per virum, funiculum & calamum mensorium in manu tenentem intellige S. Patrem Ignatium inventorem & exactissimum artificem, prædicti funiculi & calami, tum peritissimum architectum fabricæ spiritualis.

B b

Atq;

Præstata instituti Societatis nec non ejus Religionis, & obligatio implendi illud.

Atq; vel hinc æstima hoc ipsum institutum & regulas ejusdem Societatis nostræ, calamo mentorio denotatas: quarum nempe idem S. Pater ex omnibus religionibus deletum fecit, ita ut quidquid in aliis institutis invenisset singularissimum, hoc totum assumpserit, instituto interserit, insuperq; addiderit.

Adverte præterea circa hunc calamum mentorium scilicet institutum, singulari diligentia & illuminatione divina laborasse, ac proinde quoad omnia exactissimum esse nec in quoquam deficere. Imo summam in eo perfectionis Religiosæ includi, ita ut Gregorius 13. pronuntiaverit, se illum Sanctorum catalogo, sine ullis aliis inquisitionibus & allegatis, annumeraturum illico, de quo constaret, Regulas easdem exactè ad amissum implevisse.

Considera adò non obligari nos quidem ad observantiam regularum ex mente S. Patris sub peccato etiam veniali. Interim tamen ex multis circumstantiis, illarum transgressionem raro esse sine peccato. Quamvis enim nullum foret peccatum in earum ipsarum transgressionibus ex eo tamen, quod per illarum neglectum, multis sponte privemur bonis, meritis, gratiis & donis supernaturalibus, ac præcipuè tam efficacibus mediis ad perfectionem, Id ipsum sat mali esse. Et defactò si quis extruendo aliquam fabricam, negligeret usum calami mentorii certè multum exerraret, multaq; vitiosa committeret, nec minus reatitudini ædificii obesset, ruinæq; potius quam penitentia ædificaret. Nec vero aliter de neglectu instituti ac regularum quo ad ædificium spirituale intelligendum. Vide quis in te in hac parte, defectus?

Quoad autem instituta aliarum Religionum? ad hæc facile prædicta applicari poterunt ex vi adjunctorum cuiuscunq; Religionis, ut consideranti patebit.

Colloquium & affectus gratiarum actionis pro tam efficacibus ad virtutem & perfectionem subsidiis ac mediis. Tum affectus doloris de tot votorum ac regularum transgressio-

192
100
gressionibus. Tandem concludere supplicatione ad S. Patrem, & ad triumphantem Societatem, aut etiam ad quemvis Fundatorem, ut tibi, totiq; religioni militanti, impetret exactam eorundem votorum ac regularum observantiam.

MEDITATIO LIV.

De conjungenda doctrina cum Spiritu & Religiositate.

Fundam: Zachar: 4. Vidi & ecce candelabrum aureum totum, & lampas ejus super caput ipsius.

Prelud: 1. Hoc ipsum imaginare, & applica doctrinam, ac religiositati.

Prelud: 2. Pete gratiam conjungendi doctrinam cum Spiritu & religiositate, expensis hujus conjunctionis emolumentis.

PUNCTUM I.

Considera per hanc visionem, adumbrari conjunctionem doctrinae cum Spiritu. Per candelabrum autem aureum intelligi virtutem & sanctimoniam, Charitatem DEI & proximi, Per lampadem supra caput ejus expositam, doctrinam ac scientiam.

Exigentia & obligatio hujus conjunctionis.

Hanc autem ipsam conjunctionem exigere, à nobis Sanctum Patrem nostrum Ignatium, qui ad utriusq; hoc est doctrinae ac religiositatis possessionem, tot nobis media & opportunitates providit, nec providere per suam religionem, ejusq; superiores desistit. Exigere rationem instituti nostri, quo nobis id specialissime non semel commendatur. Exigere vocationem nostram; quo enim nostra vocatio à secularibus, tantopere in studia incumbentibus, imo ab Ethnicis illis sapientibus differret? Exigere finem instituti nostri: Nimirum procurationem salutis

Bb 2

nostra

nostræ & alienæ, tum majoris gloriæ Dei: quid autem soli doctrinæ absq; Spiritu ad ista? Exigere essentiam ac substantiam Religiositatis, quæ in virtutis & sanctimonie studio consistit, in tribus votis religiosi, in observatione Regularum &c. Exigere rationem meriti & præmii æterni. Quod enim meritum & præmium solius scientiæ? Exigere tandem securitatem salutis animæ nostræ ac rationem conscientie. Cujus enim periculosior status quàm eorum qui soli doctrinæ vacant, neglecto Spiritu ac virtute?

Expende vero similes quoq; in aliis Religionibus reperiri exigentias prædictæ conjunctionis, uti facile considerando advertes.

Vide ut his exigentiis ac tibi ipsi inprimis hæc in parte satisfacias.

PUNCTUM II.

*Emolumenta
ex conjunctione utriusq;
usq; & detrimenta ex
neglectu ejusdem.*

Considera primo emolumenta ex conjunctione utriusq; scilicet doctrinæ cum Spiritui.

Nimirum in primis sicut tam candelabro à lampade, non exiguum splendoris & lucis quam lampadi à candelabro præsertim aureo non parum æstimationis accedit ac pretii: ita ut candelabrum sine lampade non luceat, & lampas absq; candelabro non tanti æstimetur: nec bene ac solide subsistat. Ita etiam eodem planè modo se habet doctrina ad spiritum, & spiritus ad doctrinam: Nempe quod virtutem ac spiritum doctrinâ illustriorem, virtus doctrinam coram Deo & Angelis æstimabiliorem, solidioremq; reddat.

Præterea ista vicissim se juvant in omni actione & functione Religiosa plurimumq; utraq; profunt ad finem nostrum, nempe ad promovendam Dei gloriam, conversionem animarum, hæreticorum, Ethnicorum. Quoniam enim alio hi convertuntur efficacius, quam scientiâ & sanctitate nostrâ.

Insg.

194

Insuper quod Deus benedicit specialius nostris functionibus, laboribusq; pro sua gloria susceptis, si in illis doctrinae Spiritus adjungatur.

Tandemq; sicut candelabrum lampadem sustentat, ita virtus doctrinam, ne in runiam & baratrum praesumptionis elationis &c. labatur.

Jam considera 2dō damna ex defectu conjunctionis istius.

1mō quod scientia absq; virtute, non tantum non prodest sed obest homini Religioso, quia inflat: erigendo multos in superbiam, praesumptionem, despicentiam & oppositionem aliorum.

2dō. Quod etiam obest fini nostro, nempe conversioni animarum. Quid enim esset, homines convertere doctrinis argumentis, & pervertere malo exemplo.

Tertio quia Deus ob defectum virtutis, etiam Scientiam subtrahit: nempe in malevolam animam non introibit Spiritus sapientiae.

Quarto. Quia doctrina sine spiritu est proximum ruinae extremae principium. Hinc novimus quam multos doctrina absq; virtute, in multa scelera, Apostasias, infernum praecipitaverit.

Quinto. Quia nostris functionibus, & actionibus Religiosis, concionibus praesertim, parum Deus benedicit, mon dico lucro animarum sequente: si in illis solius doctrinae scientiae fumos, & vanitates capramus. Hinc ex talibus nostris functionibus exantlatisq; laboribus, meriti & praemii loco, tot demerita, tot remorsus conscientiae in morte, post mortem autem poena purgatorii gravior & productior.

PUNCTUM III.

CONSIDERA sicut candelabrum (uti ordinariē) hic praecelluit, magnitudine, & pretio ut pote aureum lampadi: ita quoq; sanctitas debet plus esse, quam doctrina.

B b 3

Plus Spiritus
ac Religio-
sitae quā do-
ctrina est
mandata.

na,

na, debetq; magis abundare quàm scientia, ideoq; de illa potius quam de hac laborandum, sicut cuidam omnium se ad studia applicanti S. Pater Ignatius inculcabat. : *Plus* (inquit) *de Spiritu* : unde præligendam potius iacturam doctrinæ, quam vel minimum detrimentum in Spiritu. Hinc P. Franciscus Suarez dicebat se malle, omnis scientiæ suæ iacturamperpeti, quam horam meditationis negligere. Novimus præterea non paucos, qui etiam minus de doctrina habuerint, quia tamen Religiositate præcelluerunt, ideo plurima pro Dei gloria eos egisse, plus longè quam illos, quos magna doctrina fecit conspicuos.

Considera hac ipsa de re Regulam summaril 16.

Colloquium & affectus ad Incarnatam sapientiam, eandem summam Sanctimoniæ præcellentem, habendo eidem gratias, quod tuam Religionem utroq; exornaverit. Tum petendo ut eandem in utroq; conservet.

MEDITATIO LV.

De vita pacata in Religione.

FUndam : Apoc: 7. Vidi quatuor Angelos stantes super quatuor angulos terræ, tenentes quatuor ventos terræ ne flarent super terram, neq; super mare- neq; in ullam arborem.

Prelud : 1. Hujus ipsius imaginatio, cum applicatione illius ad pacem vitæ Religiosæ.

Prelud : 2. Pete gratiam agnoscendi bona & emolumenta vitæ pacatæ in Religione, tum adinveniendi media ejusdem obtinendæ & conservandæ.

PUNCTUM I.

*Religio Locus
pæcis.*

Considera in hac visione adumbrari vitam pacatam in Religione.

Atq; imprimis expende Religionem sicut debere esse conti-

continuam militiam & luctum, cum mundo, carne, diabolo, ita è contra, debere esse pacem & tranquillitatem profundam hominis religiosi, in anima & conscientia. Hinc è mundi tumultibus, ideo nos ad statum Religiosum pedem transferre; ut pacem inibi inveniamus ac possideamus, Ideoq; B. Aloysius Gonzaga, portam prætergressus Religiosam, illud affectuolè protulit: *Hic requies mea.*

Expende autem 2dò, duplicem hanc pacem debere esse, externam & internam: Internam cum semetipso: externam cum aliis: eamq; esse omnium bonorum in Religione fontem, ita ut Religiosos Angelos, Religiones cælum efficiat, omnia aspera & adversa dulcoret. E contra defectum utriusq; pacis, omnium malorum esse principium & causam, ac etiam egressus è Religione, aut etiam extremi fastidii ac desperationis.

Complace tibi in hac utraq; pace religiosa.

PUNCTUM II.

CONSIDERA per quatuor ventos intelligi, indomitas passionum præsertim iræ: Appetitus immoderatos, ambitiones vanitatis mundanæ, præminentie, honorificationum functionum, æstimationis, inanis gloriolæ, effusoris conversationis, gratiarum apud externos & domesticos. Itemq; ventos superbiæ, elationis, præsumptionis, loquacitatis. Utiq; enim tumente bucca, ventus depingitur. Hasq; esse præcipuas causas inquietudinis ac perturbationis Religiosæ, tam externæ quam internæ. Quod enim venti in terra, in arboribus, in mari etiam tranquillissimo efficiunt: hoc prædicti appetitus & passionum in homine ac in tota Religiosa communitate.

Causa inquietudinis.

Vide an non etiã in te similes inquietudinum causæ?

PUNCTUM III.

CONSIDERA imò. Quænam sint media ad obtinendam & conservandam pacem hanc Religiosam? Nimirum non alia

Media pacis.

alia efficaciora, quam si exemplo Angelorum Apocalipticorum nosmet conformemus.

Ac primo sicut illi erant stantes super quatuor angulos terræ, ita & nos elevemur animo super omnia terrena.

Secundo sicut illierant tenentes quatuor ventos ne flarent, ita si nos quoque hos eisdem ventos effrenes, id est passionēs, appetitus, ambitiones, loquacitates immoderatas, &c. manu teneamus: aut extirpemus penitus, in manus Dei, ac superiorum voluntatem totaliter resignati. Tum humilitati, silentio &c. sincerè addicti, non minus verò solitudini religiosæ sedendo in angello cum libello, uti quoque prædicti Angeli dicuntur super angulos stantes.

Imò si ipsimet fuerimus Angeli, si Angelica vitæ & moribus vixerimus: Certe enim in Angelos nulla turbatio & inquietudo cadere potest.

Atque hinc considera 2dò sicut Angelicum esse ventos ac tempestates manu tenere, hoc est pacem in omnibus fovēre religiosam tum intra se tum intra alios: huic eidem paci contraria impedire, omnes inquietudinum causas ac incentiva prohibere: ita diabolicum hisce ventis frenas laxare, ora illorum diducere, eisdem commovere? Certe enim ultimæ farinæ & sortis demon ex quopiam prorumpens angulo, ad unius vetulæ præstigiatrix autum, nescio quas tempestates concitare potest, totum pæne conturbare mundum. Jam Angelorum est orbem pacatum reddere, omnia componere ac serenare. Unde Apoc: 6. non bonus ille Angelus ab Auctoribus fuisse dicitur: de quo ibidem: *Exivit alius equus rufus, & qui sedebat super illum, datum est ei ut sumeret pacem de terra, & ut invicem se interficiant: & datus est gladius magnus.*

Vide an ex numero talium Angelorum existas? an Angelus pacis dici merearis?

Colloquium & affectus ad Christum qui Joannis 14. dixit: *Pacem relinquo vobis, pacem meam do vobis, non quomodo mundus dat, ego do vobis.* Petendo ab eodem Christo, ut planè non alterius, non mundanæ, sed suæ pacis, te efficiat participem.

MEDI-

MEDITATIO LVI.

De vita circumspēcta in Religione.

Fundam: Visio Joannis Apoc: 4. ubi vidit quatuor animalia plena oculis, ante & retro, & in circuitu & intus.

Prælud: 1. Idem quod ordinariè.

Prælud: 2. Pete gratiam agnoscendi necessitatem vite circumspēctæ eamq; sequendi.

PUNCTUM I.

Considera per hanc visionem adumbrari vitam circumspēctam. Quid enim aliud tot oculi in animalibus denotant, quam eximiam circumspēctionem in omnibus.

Atque hinc expende nulli magis hac eadem circumspēctione opus esse, quàm hominibus Religiosis, ac etiam nostræ Societatis: in quos tanquam in specula constitutos, versi sunt oculi totius mundi: ita ut specialis sit animadversio in omnes eorum actiones, mores, gestus, compositionem externam. Hinc illæ cryses, censuræ, apprehensiones, exaggerationes, evulgationes minimorum quandoq; defectuum. In aliis trabalia dissimulantur, occultantur, non apprehenduntur, latent: Religiosorum lapsus orbi propalantur illico, in publicis confessibus proferuntur, excutiuntur, exaggerantur. Ita ut verba etiam nostra, cum vento non effugiant, sed quam primum in considerationem veniant, annotentur pugillaribus, Regibus etiam deferantur.

Jam intra nosmetipsos, intra domum, quanta in singulos animadversio tot superiorum, officialium, æqualium, inferiorum. Hinc regula delationis, hinc illæ tam exactæ tam frequentes circa unumquemq; informationes, literæ

Necessitas circumspēctionis in Religione.

superiorum, officialium ad altiores superiores. Hinc illi ex instituto deputandi in singulis domibus, qui defectus aliorum consulto observent, ac superiori deferant. Hinc in Religione nostra modestiæ Regulæ, corporis totius exactam compositionem spectantes.

Vide & apprehende ex his omnibus necessitatem circumspicionis: Et si hæc fuit in illis quatuor animalibus, hoc est Angelicis & Cherubicis Spiritibus nulli errori ac nayo obnoxiiis, præterea ante thronum DEI, ubi nulli zoili & crises: Quanta in nobis ejusdem circumspicionis necessitas? inter tot Catones & errores quibus obnoxii ex natura sumus.

PUNCTUM II.

Qualis circumspicio necessaria.

CONsidera qualisnam debeat esse hæc circumspicio? nempe quam maxima: ita ac si toti pleni oculis ante & retro, & incircuito & intus essemus.

Hinc adverte duplicem nos debere habere circumspicionem. Nimirum circumspicionem ad extra, & ad intus. Ad extra inquam, hoc est quo ad nostras extrinsecas actiones, functiones, mores externos, gestus, motus, alloquia, conversationes cum nostris cum secularibus. Præterea quo ad usum sensuum exteriorum visus auditus gustus &c. Hinc prædicta animalia dicuntur habuisse oculos in toto corpore, hoc est in capite, fronte, vultu toto, manibus, pectore, pedibus &c. Ac sic nos etiam, quo ad omnia membra necesse est, circumspicios esse. Jam ad intus, idest quo ad nostras passionem & inclinationes intimas, quo ad appetitus sensus motusq; internos, imo cogitationes etiam.

Rursus hos oculos circumspicionis debere esse ante & retro: hoc est non tantum habendo nos circumspiciendos & cautè ad ista, quæ præ oculis sunt, quæ aguntur, sed etiam ad ista, quæ retro sunt, quæ sequuntur; ipsas etiam

respicendo sequelas & consequentias, quas post se hoc vel illud, quod interim agimus trahere, aut aliquis alius de nobis & de tota Religione easdem subinferre potest.

Item ex eo debere nos habere oculos ante in circuitu & post: Scilicet eam circumspeditionem & cautelam servando non tantum initio actionum nostrarum, sed etiam in progressu, in medio, in decursu, in fine, ne in illas quocunq; modo error ac defectus quispiam irrepat.

Tandem debere esse ideo hos oculos in circuitu, hoc est observandas circumspiciendas omnes circumstantias, in quibus aliquid agimus, loquimur: Circumstantias inquam loci temporis, officii, personæ nostræ alienæ &c.

Vide an hæc & talis hæcenus apud te fuerit in omnibus circumspectio?

PUNCTUM III.

Considera bona & effectus vitæ circumspectæ: Tum etiam mala defectu ejusdem circumspeditionis. Bona inquam & mala nobis & Religioni provenientia.

*Bona vitæ
circumspectæ
mala defectu
ejusdem.*

Quo ad primum nempe quo ad bona & fructus? Hæc in ipsis quatuor animalibus patuere: nam illa apud Ezechielem currui gloriæ DEI admota, postquam ibi se insigniter ad plausum cæli gessere, ut ibidem à Propheta describitur, postea Apoc: 4. usque ad thronum DEI velut in præmium admissa.

Jam ex parte nostra, circumspeditionis fructus esse: Vitam in omnium oculis exemplarem, pacatam, laudabilem, alienam à censuris, linguis, erroribus, defectibus, scandalis, infamiâ. Inde bonum cujusq; nomen, fama integerrima ac pretium totius Religionis, major DEI gloria, proximorum ædificatio, uberiores animarum proventus.

Jam defectu illius quot mala? Nempe tot errores defectuositates in verbis operibus actionibus, tot inordinationes, materiæ censurarum, scandali, infamiæ, linguarum:

offensiones domesticorum, externorum, Principum Magnatum, persecutiones Religionis, perturbationes domus, vita inquieta cum superioribus æqualibus, cum semetipso.

Quibus expensis: reflecte te an non similia mala in te & per te defectu circumspectionis tibi & Religioni evenerint?

Colloquium ad Christum, petendo ab eodem per velatos ejus oculos donum circumspectionis in omnibus. Tum ad Angelos custodes, pariter ab iisdem petendo: ut te in omnibus ita dirigere dignentur, ne verbo etiam ad lapidem scandali vel infamiae, alicujusve justae censurae offendas.

MEDITATIO LVII.

De Intaminata vita activa, seu conversatione hominis Religiosi inter externos.

Fundam: Visio Moyſis Exod: 3. Ubi apparuit ei Dominus in flamma ignis de medio rubi, & videbat quod rubus arderet & non combureretur: Dixit ergo Moyſes: Vadam & videbo visionem hanc magnam, quare non comburatur rubus? Cernens autem Dominus, quod pergeret ad videndum, vocavit eum de medio rubi & ait: Moyſes: Moyſes: Qui respondit adsum: At ille: Ne appropies inquit huc: Solve calceamenta de pedibus tuis: Locus enim in quo ſtas terra Sancta est.

Prælud: 1. consuetum.

Prælud: 2. Pete gratiam agnoscendi pericula vitæ & moris, eaque evadendi.

PUNCTUM I.

*Vita activa
obnoxia pe-
riculis.*

Considera ex una parte rubum illum Moſaycum totum igne & flamma circumdatum: Ex altera hominem Re-

Religiosum vitæ activæ deditum, tot occasionibus, tot periculis animæ velut flammis circumseptum. O quot religiosi his ignibus arserunt! O quam non una religiositas inter hos ignes in cineres & favillas abiit, aut saltem fumo hujus mundanæ flammæ infuscata!

Vide an non & tu aliquid saltem contagionis ex hac vita activa contraxeris?

PUNCTUM II.

Considera ex una parte illum rubum inter ignem & flammam constitutum & tamen incombustum integerrimum, ac proinde inter magnas visiones relatum. Ex altera parte hominem religiosum vitæ activæ deditum, totum inter conversationes ac pericula ejus vitæ existentem, nec tamen ullius noxæ conscium, integra conscientia ac religiositate pollentem, atque sic magni ad instar spectaculi ac prodigii habendam. Quid enim ultra hoc singularius, quid cælesti etiam spectaculo dignius? Si cuiquam fuerat acclamatum: *vicisti, vicisti! quia in flammis fuisti & non ardisti!* tanto solennius homini Religioso in vita activa extra ullam jacturam & noxam versanti acclamandum.

Vide an & tu inter similes visiones dignus es referri?

PUNCTUM III.

Considera ex una parte quonam modo rubus ille inter flammam conservatus? Nempe id fuisse non sine prodigio non sine speciali DEI concursu. Insuper quod ibi DEUS ipse rubo præsens adstiterit.

Atque ita etiam ex altera parte hominem Religiosum vitæ activæ deditum non alia ratione conservari posse, quam speciali gratia DEI. Unde in tali casu non sibi fiden-

*Par prodigio
vita activa
intaminata
transacta.*

*Media ad-
versus vita
activa disci-
mina.*

dendum, quia talis fiducia multo periculosior, sed soli DEI gratia.

In primis vero curandum homini Religioso, ut DEUM semper præsentem habeat, nunquam illum ab oculis & mente excludat, semper eum cogitet.

Ac demum in omnibus conversationibus non mollis flos, non delicatum lilium, sed rubus sit spinis armatus ac instructus adversus omnem quamcunque mollitiem, severiori modo agendi utens, non delicato, non molli, non nimis affabili & leni.

Adverte etiam quod Moyses ad hunc rubum accedere non permissus: *Ne appropies.* Item præmonitus ut accessurus deponeret calceamenta. Insuper intimatum ei, quod terra sancta illa fuerit, in qua rubus ille steterat. Et hinc primo discere non nimis appropinquandum secularibus, nec semper permittendum ut nobis illi appropinquent. Secedendum ab illis quandoque. 2dò - Ut longe simus ab illis, qui habent calceamenta, id est affectus & parvos habitus non depositos. Tandem apprehendendum, quod in terra sancta simus constituti, hoc est Religiosi, DEO dicati.

Ut non omitam, quod rubus ille non in Civitate, non in concursu hominum, sed extra homines in solitudine fuit constitutus. Sic Religiosus ad solitudinem sæpius se referat.

Præterea rubus significat mortificationem, penitentiam: & hæc summo opere hominibus vitæ activæ deditis necessaria.

Præterea erat humilis rubus, non elata Cedrus, pinus, abies: Scilicet talibus declinanda superbia, secunda humilitas.

Expende ista & vide ut in te exprimas & observes.

In colloquio despera de tua omni circumspeditione & cautela. Implora divinam gratiam & auxilium, sine quo nulla est omnis circumspectio. Implora SS. Angelorum tute-

Tutelarium custodiam, ut ipsi in manibus suis portent te, ne forte offendas ad lapidem. Conclude oratione Ecclesiastica: Custodi nos quesumus Domine propitiatione perpetua: & quia sine te labitur humana mortalitas: tuis semper auxiliis, & abstractatur à noxiis, & ad salutaria dirigatur.

MEDITATIO LVIII.

De Cura minimorum.

FUNDAM: Apoc: 6. Ecce equus niger, & qui sedebat super illum habebat scelerem in manu sua: Et audiui tanquam vocem: Bilibris tritici denario &c.

Prælud: 1. consuetum.

Prælud: 2. Pete gratiam agnoscendi pondus minimorum tam ex parte virtutis, quam ex parte offensæ DEI.

PUNCTUM I.

CONSIDERA in hac visione adumbrari posse curam minimorum: nimirum per sessorem equi Apocaliptici tenentem scelerem, intelligendo Angelum ponderantem hæc minima. Per bilibrem tritici denario æstimatum, pretium minimorum eorundem.

Hinc tamen expende: aliud esse pondus & pretium minimorum apud nos homines, aliud apud DEUM & Angelos.

In primis enim minima ex parte virtutis se tenentia, apud nos levis ponderis, parvi pretii meriti & præmil. Unde tantæ illorum omissiones, neglectus, vili æstimationes, modicæ aut nullæ super illa reflexiones.

Jam apud DEUM è contra magni illa esse pretii, meriti & præmil; cum ad ea ponderanda Angelico etiam ministerio utatur: accedente præsertim intentione, eadem

Parva æstimatio minimorum apud homines.

mini-

minima sublimante. Uti id ipsum patet ex bilibre tritici, ejus modica quantitas, & tamen denario, magno utique pretio aestimata, prout explicatur apud Commentatores.

Quod autem ad minima tenentia se ex parte vitii? Hæc pariter apud nos levis ponderis, modici aut nullius demeriti: Hinc tam frequentes tamque faciles illorum commissiones, tam prompti in eadem lapsus.

Aliter vero in divina statera illa ponderari, aliter apud DEUM de illis judicari ac decerni. Rationem vero hujus ipsius expende. Quia scilicet alia statera est apud nos, alia apud DEUM. Apud nos multum erronea: nimirum ipsemet intellectus errori obnoxius, secundum intuitum oculorum judicans. Præterea statera eadem à passione depravata: deceptioni subjecta. Ita ut plane hic locum habeat, quod Psaltes ait: *Mendaces, inquit, filii hominum in stateris.* Secus statera apud DEUM, à quo procul omnis error, passio, deceptio, judicium ab intuitu oculorum dependens.

Iusuper DEUS est ponderator non tantum rerum & actionum externarum, sed etiam intentionum, affectuum, desideriorum, spirituum, respiciendo ac ponderando non tam quantum, quam potius ex quanto: quanto, inquam spiritu, affectu, intentione? *Spirituum* (inquit Scriptura) *Ponderator est Dominus.*

Quibus expensis vide qualis stateræ apud te usus? circa utraque minima?

PUNCTUM II.

*Bona ex cura
minimorum
ex parte vir-
tutis se tenen-
tium, mala
ex neglectu
eorundem,*

CONSIDERA minima ex parte virtutis sese tenentia, habere se non per modum alicujus ignobilioris sementis, ut avenæ, hordei &c. Sed per modum tritici. Uade sicut ex una parte in tritico etiam hoc modicis granis constet, si tamen hæc accumulenter magnam copiam & abundantiam efficiunt. Ex altera parte: Si ista accumulatio modico-
rum

rum granorum negligatur, ita si quis sæpius sæpiusque ea sibi abripi in modica licet quantitate, interire, dissipari patiat, profecto magni hæc ei jactura constabit. Et certe quisnam dum metit triticum, singulas etiam spicas sæpius consulto omittat? Ita proinde de minimis ex parte virtutis se tenentibus sentiendum.

Unde hic expende bona in primis, & emolumenta, ex cura eorundem minimorum, ex parte virtutis se tenentium, Tum etiam mala & damna ex neglectu eorundem.

Quo ad Primum? Tot nempe ex hac cura, lucra spiritualia, tot merita, tot gradus gratiæ, tot incrementa sanctitatis, adeoque tantam gloriæ æternæ accessionem sequi. Præsertim quod tam frequens & pæne continua illorum sit occasio & opportunitas, adeoque frequens admodum lucrum spirituale, quæ frequentia lucri, magnitudinem ejus efficit notabilem: præcipue si (ut dixi) accedat intentio, hæc minima sublimans. Præter hæc quod DEUS per talia hominem disponat, ad insignia pro sua gloria & salute animarum facinora, adeoque lucra ac merita, sua; que dona eximia. Insuper vero quod etiam in minimis non postremi ætus heroici exerceri possint.

Quo ad Secundum? hoc est quo ad mala & damna ex neglectu minimorum talium provenientia? hæc nimirum nec pauca, nec levia esse; Scilicet tot in primis jacturæ meritorum, gratiarum, adeoque & præmii æterni. Hinc grave DEI judicium ob intermissas tot occasiones augendi meriti, gratiæ, & gloriæ celestis. Præter hoc quod se talis negligens privet, ac indignum faciat magnis DEI donis, ob curam minimorum talium exactam, à DEO dari solitis.

Vide quod in te quoque sive bonorum, sive malorum, ex cura vel neglectu minimorum eorundem experimentum?

Dd

PUN-

PUNCTUM III.

Bona ex fuga minimorum ex parte vitii se tenentium, mala ex neglectu ejusdem.

Considera minima ex parte vitii se tenentia habere se per modum zizaniorum. Unde sicut ex una parte quis id levi æstimet? Si zizania sæpius sæpiusque admisceantur tritico: Quæ etsi quoque grani minoris sint: si tamen multiplicentur grande nocumentum afferunt: Ex altera parte si ab illis omnino depreetur triticum, multum illi pretii ac æstimationis, tum Patrifamilias emolumenti accrescet. Ita pariter de minimis ex parte vitii se tenentibus reputandum.

Unde hic expende Bona inprimis & emolumenta, ex fuga eorundem minimorum, ex parte vitii se tenentium. Tum etiam mala & damna ex eorum admissione & lapsibus in eadem.

Quoad Primum? Scilicet quo ad bona ex fuga eorundem minimorum? Hæc inter alia esse: Puritatem conscientiæ & nitorem specialem, DEO tantopere gratum, & magnis DEI donis, in hac vita remunerari solitum. Tum difficultatem prolabendi in graviora: Immunitatem à pœnis purgatorii, felicitatem & tranquillitatem mortis affuturæ sine ullo remorsu conscientiæ non raro ob hæc minima perturbari solitæ.

Jam ex eorum commissione quot mala? Nempe puritatis conscientiæ non levis ex multitudine horum levium commaculatio. Facilitas prolabendi in graviores defectus inde contracta. Obstructio fontis gratiarum & donorum DEI. In morte perturbatio. Post mortem pœnarum purgatorii accessio non modica, quia per tam frequentes levium commissiones: Hinc illud: *Cur timebo in die mala? Iniquitas calcanei circumdabit me.*

Examina hic tuos hac in parte neglectus, præsertim transgressiones minorum Regularum, ac inprimis modestiæ aliarumque.

Simulque adverte ponderatorem horum minimorum in

in tritico representatorum equo infedisse. Nempe sicut ex æqua & recta eorundem ponderatione, æstimatione, & usu, celer est cursus ad perfectionem virtutis, ad magnam congeriem meritorum, ad nobile præmium & gloriam insignem in cælo, ita ex iniquo pretio & negligente ipsorum cura, cursus non minus celer ad ruinam & demeritum & exitium. Proinde vide in quonam & tu cursu & statu versaris?

Colloquium & affectus doloris de intermissis ex neglectu minimorum tot occasionibus meriti & præmii. Tum petitionis gratiæ, ad minima ex parte vitii fugienda.

MEDITATIO LIX.

De Provisione annonæ spiritualis in futuram vitam.

FUadam: Visio Pharaonis Gen: 41. Simulque interpretatio ejusdem. Somnium Regis unum est. *Que acturus est DEUS ostendit Pharaoni. Septem boves pulchre & septem spica plena, septem ubertatis anni sunt. Septem quoque boves tennes atque macilentæ, quæ ascenderunt post eas, & septem spica tennes & vento urente percussæ, septem anni venturæ sunt fami. Qui hoc ordine complebuntur. Ecce septem anni venient fertilitatis magna in universa terra Egypti, quos sequentur septem anni alii tanta sterilitatis, ut oblivioni tradatur cuncta retro abundantia: consumptura est enim fames omnem terram, & ubertatis magnitudinem, perditura est inopia magnitudo. Nunc ergo provideat Rex virum sapientem & industrium & præficiat eum terre Egypti: qui constituat præpositos per cunctas Regiones, & quintam partem fructuum per septem annos fertilitatis congreget in horrea; & omne frumentum sub potestate Pharaonis condatur, serveturque in urbibus. Et præparetur futura septem annorum fami, quæ oppressura est Egyptum, & non consumetur terra inopiâ.*

Prælud. 1. Ordinarium cum apprehensione, supra dicta visione representari annos vitæ Religiosæ, annis illis Ægypti non dissimiles.

Prælud. 2. Pete gratiam succurrendi maturâ provisione annorū spiritualis, in annos vitæ religiosæ sequentes.

PUNCTUM I.

Anni fertilitatis, & anni sterilitatis in vita religiosa.

Considera primò somnium Pharaonis de bobus & spiciis supra descriptis. Tum quidam hæc visio significaverit? Nempe juxta interpretationem Josephi Patriarchæ annos inprimis ubertatis. Deinde annos sterilitatis.

Considera secundo non tantum in Ægypto sæculi, sed etiam in terra promissionis scilicet in Religione reperiri annos similes: annos scilicet fertilitatis, ac deinde sterilitatis annos.

Primi anni Religiosi in tyrocinio præsertim, anni fertiles pleni, formosi, pingues? Pleni inquam fervore spiritus, pleni magnis desideriis, resolutionibus, pleni habilitate ad omnia; pleni omni commoditate ad conseminandam spiritualem segetem & colligendam messem, ad plantandas virtutes, eradicandas passiones & vitia. Idem de annis tertie probationis cogita. Quanquam præter hos, sunt aliqua in Religione tempora, in quibus id ipsum, quod annis prædictis intermissum & neglectum est, refarciri utcumque possit. Qualia tempora recollectionum annuarum, Renovationis. Imo tempora quotidianarum meditationum, examinum, confessionum, communionum. Insuper illi anni qui functionibus, laboribus ac negotiis Religiosis non ita sunt occupati, onerosi, & distracti. Vide quomodo his temporibus & annis hætenus usus sis?

Atque simul expende annos sterilitatis in Religione: esse annos provectionis ætatis: & hos sicut ad alia omnia, ita præcipue ad eliminandos pravos habitus inhabiles, adeo, ut qui illos tempestive eliminare neglexerit, in his

conferenscat & emoriatur, ut experientia docemur. Præterea tales annos illos esse, quibus ad publicas functiones, negotia, labores, curam animarum, docendas scholas, conversationes exponimur: ubi expromenda in usum sui & aliorum, non colligenda annonæ spiritualis, tempus est.

Vide si ad hos annos devenisti, quomodo te in his invenisti provisum? Quodsi adhuc ab illis abes: adverte quæ inte cura & studium hujus provisionis?

PUNCTUM II.

CONSIDERA cujusnam rei prædicta visio admonuerit Pharaonem? Nempe provisionis parandæ sub tempus annorum fertilium pro annis ingruentibus sterilitatis.

Atque hinc expende simile quid viris religiosis agendum esse. Et quidem si adhuc illi in annis fertilioribus versantur, id ipsum eisdem omni cura & studio laborandum, ut se quam maximè & abundantissimè quo ad omnia comparent, toties sibi ingeminando: *Tempus non erit amplius.* Quodsi verò ex his annis excesserunt, nec se pro futura vita compararunt debitè, studeant id ipsum pro posse resarcire, saltèm per accuratum quotidianarum meditationum, examinum, & aliorum exercitiorum usum.

Et quoniam præ omnibus aliis tempus mortis est sterilissimum, & extremæ miseriæ & famis: hinc ad illud quam diligentissimè te compara, eaque quæ illi servient provide.

PUNCTUM III.

CONSIDERA primo quantum ex una parte emolumentum perceperit Pharo, quod se huic provisioni tempestivè impenderit? nempe quod & se suumque regnum, imò totum pæne orbem sub tempus famis aluerit, nec fame permiserit interire, tot homines à morte salvando. Ex altera parte quantum damni incurrisset, si ab ea provisto-

D d 3

Paranda annona spiritalis sub tempus annorum fertilium.

Bona & emolumenta ex provisione tempestiva hujus annonæ mala ex defectu provisionis.

ne abstinuisset. Quomodo & se & suum regnum ac orbem ipsum extrema interemisisset fame.

Ac proinde considera secundò simile emolumentum capere viros Religiosos ex tempestiva provisione annonæ spiritualis. Nempe quod hæc ipsa, & ad sui, & ad tot animarum conservationem utantur suo tempore. Et si id omiserint, ô quam ingens damnum & miseriam eos subire, ita ut cum Prodigio exclamare cogantur: *Quanti mercenarii in domo Patris mei abundant panibus, ego autem fame pereor.* Insuperque quot animas eorum causa & negligentia interire extremè. Viderint quantam non tantum pro se, sed pro aliis etiam, DEO sint reddituri rationem? Et si tempus & commoditas refarciendorum tantorum damnorum elapsum: Saltem hæc damna suamque negligentiam, dolentissimè deplorent.

Colloquium & affectus ad DEUM: eidem supplicando; ut cujus omnipotentia, bonitate, providentia, omnia crescant, propagantur, foveantur, sustentantur, implentur, ex cujus manibus omnis temporalis annona in omnes promanat, is quoque sua te gratia fovere, sustentare, annonam tibi spiritualem, pro te & aliis necessariam suppeditare, suis efficacibus auxiliis, tuos defectus & indigentias supplere dignetur.

MEDITATIO LX.

De Memoriali Passionis Christi, hoc est Sanctissimo Eucharistiæ Sacramento in ultima cena instituto.

FUNDAM: Apoc: 22. Ostendit mihi fluvium aqua vitæ splendens tanquam crystallum, procedentem de sede DEI & Agni. In medio platea ejus, & ex utraque parte fluminis lignum vitæ, offerens fructus duodecim, & folia ligni ad sanitatem gentium.

PRE-

Prælud: 1. confuetum.

Prælud: 2. Pete gratiam agnoscendi tantum beneficium Institutionis Sacramenti Eucharistiæ, eoque digne fruendi.

PUNCTUM I.

Considera hac visione adumbrari Sacramentum Eucharistiæ. Idque imprimis per lignum vitæ illud ipsum intelligi. Quod enim efficacius remedium aduersus omnes animæ morbos ac venena, idque siue præservans siue sanans? Enumera quas potes ægritudines spirituales, præsertim passionēs & habitus vitiosos. Tum gravissimas quascunque tentationes ac insultus dæmonis, mundi, carnis: Contra hæc omnia efficacissimum antidotum in una Eucharistia inuenies.

Quid per lignum vitæ intelligendum?

Quanta vero huius ligni excellentia? ita ut nullæ illi arbores, nullæ mundi deliciæ ac thesauri æquiparari possint. Expende & recense intra te, ejus excellentias & dotes.

Compara hoc sacrum convivium cum nescio quibus epulis & conviviis veteris & novi testamenti, aut quæ Sacra Biblia recensent: Cum Manna, cum Agno Paschali, cum convivio Assveri &c.

Jamque per fructus huius ligni Apocaliptici, intellige virtutes, quæ in nobis gratiâ huius Sacramenti progignuntur. Expende autem hos fructus percipi juxta dispositionem cuiusque. Per folia ad sanitatem gentium, intellige gratias, dona supernaturalia, consolationes & delicias spirituales, pariter secundum dispositionem accedentis ad hoc Sacramentum communicari solitas. Hinc expende, quàm non pauci Sancti evaserint, qui non cuiquam alteri, sed huic ipsi Sacramento suam sanctitatem debuerunt ac debebunt pro æternitate.

Vide quæ in te etiam horum omnium experientia? & quæ ad Eucharistiæ sumptionem adhiberi solita dispositio?

PUN-

PUNCTUM II.

Quid per fluvium?

CONSIDERA per fluvium aquæ vitæ crystallinum, hoc lignum alluentem intelligi, aut puritatem conscientie, aut pœnitentiæ Sacramentum, per quod ad Eucharistiam disponimur, sedatamque per peccata, eandem conscientie puritatem recuperamus.

Atque hic expende, non alium ad hoc lignum vitæ accessum esse quàm per fluvium crystallinum, hoc est (ut dixi) per emundatam, per pœnitentiæ dolores & lacrymas, ab omni nævo conscientiam. Expende consequenter, ausum & pœnas eorum, qui immundo corde, nec expiato per pœnitentiam, ad illud accedunt.

Vide quis apud te quoque tunc conscientie pitor, quis Sacramenti pœnitentiæ, ante sumptionem Eucharistie usus?

Adverte vero fluvium illum aquæ vitæ de sede DEI & agni processisse: Quia scilicet ut pœnitentia nostra sit nobis ad vitam & salutem, debet habere dolorem supernaturalem: qui dolor non aliunde procedit quàm à sede DEI, hoc est non à viribus naturalibus, sed ab auxilio DEI supernaturali.

Vide an ad hunc talem dolorem habendum, te quantum vales applies, & disponas?

PUNCTUM III.

Quid per collocationem ligni vitæ in medio plateæ?

CONSIDERA illud lignum plantatum fuisse, non in horto aliquo concluso, sed in medio plateæ, hoc est in loco obvio; Scilicet ita fuisse accessibile, ut cuiusvis aditus ad illud pateret. Eandemque accessibilitatem ad Eucharistiam, adverte, sine ullo hominum delectu, ita ut cuiusvis, quicunque conditioni, nobili æquè ac ignobili, sancto & peccatori ad illam accessus pateat.

Hinc ulterius expende Bonitatem Christi ineffabilem in

214

in institutione hujus Sacramenti, præsertim ex prævisis
tot ingratitudebus, tot illius abusibus, irreverentiis, con-
temptibus ab Ethnicis, hæreticis, Catholicis, veneficis.
Vide, quanta à te ipso Christus pati consueverit?

Colloquium & affectus admirationis supra hanc Bo-
nitatem, gratiarum actionis pro eo beneficio: condolentiz
eidem Christo tot injuriis affici solito. Tum desse ingra-
titudines mundi & tuas. Offer in satisfactionem devotos
aliorum erga hoc Sacramentum affectus.

MEDITATIO LXI.

*De Institutione Sacramenti Eucharistiæ pro-
xime ante Passionem & mortem
Christi.*

Fundam: Visio Eliz 3. Reg: 19. Qui fugiens Iezabel cum
obdormisset in umbra Imperii: Ecce Angelus Domini tetigit
eum & dixit illi: Surge & comede, grandis enim tibi restat via.
Respexit: & ecce ad caput suum subtruncatus panis.

Prælud: 1. consuetum.

Prælud: 2. Pete gratiam expendendi causas instituti
in his circumstantiis Sacramenti Eucharistiæ, piosque ex-
ga illud concipiendi affectus.

PUNCTUM I.

Considera per hanc visionem figuratum fuisse Sanctissi-
mum Eucharistiæ Sacramentum. Nempe hoc etiam
epulum fuisse institutum à Christo immediate aggressuro
viam grandem & acerbam suæ passionis & mortis.

Idque ex eo, quod hoc fuerit ultimum complemen-
tum & terminus amoris Christi erga nos, juxta illud E-
vangelii: Cum dilexisset suos, in finem dilexit eos. Vide quo
amore,

*Causa insti-
tutionis hu-
jus Sacramen-
ti proximè
ante passa-
nem & mor-
tem Christi.*

amore, tanto amori respondeas? Præterea ideo in hac circumstantia Christum, idem Sacramentum instituisse, quod hoc sit memoriale Passionis & mortis Christi. In illo enim inprimis esse superexcellentem plusquam in aliis Sacramentis efficaciam Passionis & mortis Christi. Nam in aliis Sacramentis signa tantum ab eo instituta operantur gratiam: in hoc autem ipse Sanguis Christi, qui pro nobis effusus est, ipsum corpus Domini gratiam operatur in nobis.

Secundò. Quia ea omnia & quidem gravius sustinet Christus in hoc Sacramento ab indignè suscipientibus, quæ sustinuit in passione. Venditur, captivatur, otulo traditur, conspuitur, colaphisatur &c. Vide an non id ipsum à te quoque Christus sustinuerit ac sustineat?

PUNCTUM II.

Causa ejusdem quo ad nos?

CONSIDERA causas in his circumstantiis constituti hujus Sacramenti. Causas inquam quo ad nos.

Nempe id Sacramentum esse singulare præsidium, ac solatium contra omnia adversa, ærumnas, afflictiones, crucces ac præcipuè mortem ipsam, esseque optimum comectum & viaticum in viam illam grandem æternitatis.

Secundò. Ideo hoc Sacramentum institutum ante mortem. Nempe ita illud nos debere sumere, ita ad illud accedere, ac si nobis illico post illius sumptionem moriendum esset, quod ipsum in plerisque non raro evenit. Adeoque eo sensu pietatis, ea devotione ac reverentia; ea præparatione, ea munditie cordis, quolibet communio, quodlibet sacrum absolvendum, quo sensu ultimum viaticum sumeremus.

Expende hic, & reflecte te: Si nunc deberes mori, qua devotione & affectu, inter quos actus velles Eucharistiam sumere? Idque ipsum quod tuac faceres, singulis facis te facturum propone.

PUN-

PUNCTUM III.

Considera adhuc eo sensu & reflexione nos debere ad Eucharistiam accedere. Quod si illam indignè sumperimus, non dubiè existimemus loco vitæ & gratiæ DEI, iram illius mortemque corporis & animæ nosmet incursumos: postquam grandis illa via æternitatis infelicitissimæ sequatur. Reflecte te supra tuas communionem & sacra, an illis simile quid non merueris?

Pena indignè Christum sumentium.

Expende præterea, qui indevote, perfunctoriè, indignè Eucharistiam in hac vita sumere consueverunt, eos eâ gratiâ ante mortem privari, ita ut sine sumptione Eucharistiæ absque viatico decedant. Time ne tuis quoque negligentis & repidis communionibus sacrisque id ipsum contingat. Proindeque sicut panis ille subcinericius priusquam ori admoveatur, ad caput Eliæ visus jacuisse: *Ecce ad caput subcinericius panis.* Ita quoque tibi eum Pane Eucharistico procedendum: Scilicet ut antequam ad illum sumendum accedas, orique tuo ipsum admoveas, prius ad caput tuum eundem loces, mente & cogitatione serio id versando, quidnam indignam ejus sumptionem consequatur.

Colloquium & affectus ad Beatissimam & Sanctos ad hoc Sacramentum olim devotos, ejusque insigniores cultores, ideoque ad illud etiam singulari pietate accedentes, ut similem tibi ejusdem cultum ac devotionem impetrent: tum & illud: ne absque hoc Sacramento ex hac vita decedas.

MEDITATIO LXII.

De dignitate & obligatione Sacerdotii.

Fundam: Visio Joannis Apoc: II. Et datus est mihi (Cin-
quit) calamus similis virgæ, & dictum est mihi: Surge &

E e 2

matire

intrare Templum DEI, & altare, & adorantes in eo. Atrium autem quod est foris templum, egredere foras, & ne metiaris illud.

Prælud: 1. Idem quod ordinariè.

Prælud: 2. Pete gratiam agnoscendi dignitatem & obligationem Sacerdotii, eamque adimplendi.

PUNCTUM I.

Dignitas Sacerdotii.

CONSIDERA per hanc visionem, ut templi & altaris, ita etiam adorantium in eo, hoc est Sacerdotum, mensuram dignitatis & excellentiæ Sacerdotii exprimi.

Atque ita expende hic excellentiam hujus status: comparando imò præferendo Sacerdotium novi testamenti, Sacerdotio testamenti veteris, idque non ex uno capite. Vide quomodo hæc hanc tuam dignitatem æstimaveris?

PUNCTUM II.

Obligatio ejusdem.

CONSIDERA per eandem visionem adumbratam esse obligationem Sacerdotii. Idque in eo quod eadem mensura esset, & templi, & altaris, & adorantium in eo. Nempe adorantes seu Sacerdotes parem omnino, commensuratam adæquatè Sanctimoniam habere debere, parem inquam Sanctimoniam templi & altaris.

Expende qualisnam erat, Sanctimonia illius templi Salomonici, tanto vero magis altaris ipsius? Ibi erant Sancta Sanctorum, ad quæ nulli fuit aditus permissus ex laicis: Ibi propitiatorium, ibi Arca Testamenti, ibi continua assistentia DEI, ibi incensa, ibi holocausta, ibi victimæ &c. Jam ex qua materia fabricatum erat altare, nempe ex lignis impurribilibus, ex lignis Setim, auroque insuper purissimo circumdaturum. Præterea quam levi negotio contaminabantur ista.

Tum etiam expende quanta Sanctimonia, quanta mun-

mundities & puritas etiam externa in ipsis Sacerdotibus veteris testamenti requirebatur, quam rebus medicis & levibus contaminabantur iidem, & ob id prohibebantur accessu ad altare.

Hinc conclude quanta Sanctimonia templorum & altarium novi testamenti: quanta sanctimonia Sacramentorum, mysteriorum, præsertim Sacramenti Eucharistiæ, Sacrificii incruenti: Adeoque quantam hæc ipsa requirant sanctimoniam in iis, qui ea administrant: Scilicet in Sacerdotibus, ita ut hæc commensurari debeat sanctimoniarum templorum, altarium, Sacramentorum.

Expende vero atrium, quod erat foris templum non fuisse tantæ curæ DEO: nec illud Iohannes metiri iussus. Sed imo reliquum contaminationi gentium: ideoque hinc adverte, non ita DEUM sollicitum esse de sanctimonia & peccatis hominum laicorum, sicut de sanctimonia Sacerdotum. Vide quomodo huic obligationi satisfeceris?

PUNCTUM III.

CONSIDERA primo calamus hunc mensorium, quo templum & adorantes in eo mensurabantur, dici similem virgæ, nempe instrumento pænæ ac supplicii. Idque forsitan hoc ipso intimari, quæ pænæ quodve supplicium maneat Sacerdotes non satisfacientes suæ obligationi.

Quamquam hæc etiam mensura dicitur calamus per Analogiam cum calamo Scriptorio, quo exarantur Judicia, decreta, sententiæ, contra fontes.

Unde expendi primo bona, merita & præmia bonorum & sanctorum Sacerdotum, merita inquam & gratiarum augmentum ingens, ex tam frequenti sacrorum celebratione aliisque Sacerdotalibus ministeriis.

Jam considera secundo mala, demerita & pænas Sacerdotum suæ obligationi non satisfacientium, nec correspondentium tantæ suæ dignitati, abutentium tanta dignatione

Premia & supplicia Sacerdotum.

tionem DEI : penas inquam tum temporales, tum æternas : ad illarumque recordationem salutariter contremisce, meritis vero & præmiis ad meliora te accende.

Colloquium & affectus ad Christum supremum Sacerdotem, Affectus inquam gratiarum actionis, quod te ad hoc ministerium elegerit. Doloris : quod illud tam indignè toties tractaveris : Petendo ab eodem ut te sua gratia ad Sacrosancta altaris mysteria dignè faciat accedere. Tum ad Beatissimam, ut tibi impetret gratiam sic tractandi Christum ad altare, ut illa maternis suis manibus & obsequiis tractavit eundem. Tandem ad SS. Apostolos primos novi Testamenti sacerdotes, pariter ab iis petendo, ut eam tibi gratiam obtineant, ita huius ministerii Sacerdotalis obeundi, quemadmodum & ipsi illud obivèrunt.

Potest concludi Oratione, quæ est in missali, pro se ipso Sacerdote.

Omnipotens & misericors DEUS, ad humilitatis mee preces benignus intende, & me famulum tuum, quem nulli suffragantibus meritis, sed immensa clementie tue largitate cælestibus mysteriis servire tribuisti, dignum sacris altaribus fac ministrum, ut quod mea voce depromitur, tua sanctificatione firmetur.

MEDITATIO LXIII.

De Consilio Judæorum de Christo occidendo.

FUNDAM: Prophetia Psalmi 2di, quo David in spiritu vidit consultantes de nece Christo inferenda Principes Judæorum. Principes, inquit, convenerunt in unum adversus Dominum & adversum Christum ejus. Deinde Sapient: cap:2. Circumveniamus justum, quia contrarius est operibus nostris, & impropere nobis peccata legis. Promittit se scientiam DEI habere, & filium DEI se nominat. Dissimilis est aliis vita illius, & abstinet se à viis nostris, & præfert novissima justorum, & gloriatur se Pa-

triam

rem habere DEUM. Contumeliâ & tormento interrogemus eum,
& probemus patientiam illius, morte turpissima condemnemus eum.

Prælud: 1. Imaginare te videre illos congressus Judæorum adversus Christum, tum audire verba, consilia, sententias &c.

Prælud: 2. Pete gratiam hæc eadem expendendi, tum agnitam Judæorum malitiam detestandi.

PUNCTUM I.

CONSIDERA primo initia consilii & machinationis adversus Christum susceptæ.

Principes, inquit Psaltes, convenerunt in unum &c. Ubi adverte non alios contra Christum conspirasse, sed Principes; eos inquam, qui aliis bono exemplo præluxisse debuerant, & qui potius pro partibus Christi debuerant stetitisse. Ita scilicet ab illis plerumque omnes malorum origines, initia, & progressus in alios promanant, à quibus omne bonum suum deberet ducere exordium & exemplum.

Adverte item tam facilem concordiam, & unitatem impiorum, dum agitur de patrando scelere, dum conspiratur contra DEUM, contra Christum, contra proximum. Quanta vero raritas ac difficultas similis unionis, dum operandum est bonum: dum agendum pro DEO, pro Christo &c.

Vide an non tales tui congressus, conventicula, discursus, alloquia contra DEUM, proximum, cum DEI ac religionis offensæ, aliena noxa.

Considera secundo verba ipsa & consilia horum impiorum consultorum: Circumveniamus justum, contumeliâ & tormento interrogemus eum, probemus patientiam illius, morte turpissima condemnemus eum.

Ubi expendes primo malitiam deliberatissimam & exaggeratissimam illorum, qua in Christum, habendo compertam illius justitiam & innocentiam conspirant. Ipsi enim

Initia & progressus consilii Judæi adversus Christum.

enim eum justum ore suo appellant, dum dicunt : *Circumveniamus justum*, ac proinde seipso eodem ore suo convincunt & condemnant. Ad quid enim circumveniant, morte afficiant, si justum agnoscunt & pronuntiant ?

Secundo expende gradationem, qua ad id sceleris & extremæ malitiæ devenierint ? Nempe à minoribus aut mediocribus incipiendo & procedendo ad majora : Scilicet incipiendo à circumventionibus justis, contumeliis, divexationibus. Prævivere forte prius ante hæc suspensiones intestinæ, murmuraciones, fugillationes : & tandem morte turpissima & sicariatu terminatum scelus.

Expende tertio Pseudopolitiam Judæorum : *Circumveniamus*, inquit, &c. Scilicet simulatis amicitiiis, fraudibus, dolis, fucatis affectibus, verbis promissis, contestationibus speciosis : tum contumeliis, cavillationibus apud alios labefaciendo famam, æstimationem, bonos affectus. Hinc tales nunquam recto tramite incedunt, omnem rectitudinem odio habendo ; Sed nescio quos amant circuitus : *Circumveniamus* &c. |

Expende quarto, ad vivum hic expressum modum procedendi impiorum adversus justos, ut consideranti patebit : præcipue vero quomodo ipsa virtus & sanctitas justorum, in improbis bilem movet ?

Expende quinto, ut impiis innatam fraudulentiam, qua aliis noceant, ita justis & bonis agnatam simplicitatem, circumventionibus obnoxiam, quæ præligant decipi potius quàm decipere.

Expende sexto conditionem justorum eam esse, ut dum studium virtutis strenuè arripiunt, illico se ad similes insultus, & persecutiones resolvant necesse est.

His expensis detestare inprimis malitiam impietatis ; detestare gradationem præfatam in scelere : detestare pseudopolitiam, hypocrisim : amplectere, justitiam, simplicitatem. Offer te propter studium virtutis ad persecutiones quascunque, ac simul vide, an ipse etiam similibus impiorum adjunctis non sis obnoxius ?

PUN-

PUNCTUM II.

Considera allegata Judæorum contra Christum : *Contrarius est, inquiunt, operibus nostris, impropere nobis peccata legis, dissimilis est aliis vita illius, abstinet se à viis nostris, tanquam ab immunditiis, præfert novissima justorum, Filium DEI se nominat : gloriatur Patrem se habere DEUM.* *Allegata Judæorum adversus Christum.*

Ubi expende primo cæcitatem impiorum, insignes virtutes pro trabalibus sceleribus allegantium. Expende inquam, quantam impietas obcæcationem in mortales inducat, ut virtutem eximiam à crimine non discernat : crimenque pro virtute, virtutem pro scelere reputet.

Expende secundo sigillatim eas ipsas tam insignes in Christo virtutes, illasque in te ipso scrutare.

Expende tertio oculatissimam Christi circumspectionem in omnibus, nec non intaminatissimam innocentiam, ita ut jurati hostes & centoculi Zoili, cum nihil vitiosi ac vituperio digni in illo invenire potuissent, ipsas virtutes pro crimine allegare ausi.

Quibus expensis admirare inprimis, & deplora malitiam & cæcitatem horum impiorum. Deinde stude imitari Christum in tam insigni sanctimonia, ac præcipue in circumspectione tam oculata, atque innocentia tam illimi.

PUNCTUM III.

Considera eventus hujus consilii adversus Christum.

Nempe ex parte Judæorum fuit error, peccatum, confusio, pœna temporalis & æterna, excidium gentis Judææ. Ex parte Christi : captivitas, passio, impropria, mors, glorificatio, salus & redemptio mundi.

Hinc expende primo plus sibi hos impios nocuisse, quam Christo. Imo plus eidem profuisse quam nocuisse.

Expende secundo : Impiorum latus ac prosperos fuisse, ab initio successus, sed exitum tristem ac infelicem :

F f

Secus

Exitus consilii Judæi adversus Christum.

Secus deplorandam in exordio Christi conditionem : sed nimis prosperam , & gloriosam coronidem.

Expende tertio ad eum finem devenire ex una parte consilia & persecutiones impiorum adversus justos : ex altera parte justorum innocentiam : ita ut illi confundantur ac pereant , isti post tot adversa & opprobria salventur & glorificentur.

Expende quarto potissimum Pseudopolitiam non succedere , deperdere seipsam , sibi magis nocere quam alteri , suis se fraudibus irretire. Detestare consilia impiorum & similes exitus pertimesce.

Colloquium ad Christum tot iniquis consiliis , fraudibus , insidiis impetitur : Eligendo cum illo innoceate adversa quæque & persecutiones pati , & in illis etiam mori , quam alium quemvis , vel minimâ fraude & calumniâ impetere. Cum aspiratione : *Non veniat in consilium impiorum anima mea !*

MEDITATIO LXIV.

De Tractatu & contractu Judæ Iscariotæ cum Judæis circa prodicionem Christi.

FUndam: Prophetia Zach; xi. Ubi Propheta in persona pastoris de mercede paciscens : *Apprehenderunt, inquit, mercedem meam triginta argenteos. Et dixit Dominus ad me : Projice illud ad statuarium , decorum pretium , quo appretiatus sum ab eis.*

Prælud: 1. Imaginare Judam cum Judæis de Christi prodicione tractantem , ab illisque triginta argenteos accipientem.

Prælud: 2. Pete gratiam expendendi malitiam , ac stultitiam Judæ eamque detestandi.

PUN-

PUNCTUM I.

Considera Judam tanti sceleris meditationem ac deliberationem assumpsisse non alibi, quam in cœnaculo illo tot mysteriorum sacrario.

Ubi inprimis contemplare in lotionem pedum Apostolicorum jacentem Christum ad pedes Judæ, illosque abluentem.

Secundò: contemplare Judam de manu Christi corpus & sanguinem ejus sumentem, sed simul post buccellam intrante in illum Satanâ.

Tertio audi Christum dicentem: *Unus vestrum me traditurus est! Qui intingit mecum manum in paropside, hic me tradet: Va autem homini, per quem filius hominû tradetur: bonum erat si natus non fuisset homo ille.* Audi & Judam cum aliis dicentem: *Numquid ego sum Rabbi? cui Christus: Tu dixisti: ac tandem: Quod facis, fac citius.*

Hinc expende primo, & admirare Christi bonitatem ad proditoris pedes procumbentis, suoque eum Corpore & Sanguine reficientis. Tum humilitatem, mansuetudinem, affabilitatem ejusdem, etiam erga capitalem sui hostem, quem non increpuit, non crudius admonuit, sed tam amicè allocutus est.

Jam è contra expende malitiam Judæ obstinatam ad tot intimationes Christi: Hypocrisim audentis interrogare: *Numquid ego?* Sacrilegam Eucharistiæ sumptionem, ejusque sacrilegii exitum, nempe possessionem sui à diabolo.

Expende præterea infelicissimam proditoris sortem omni malo deteriorem, expressam illis verbis: *Va homini illi, melius si natus non fuisset.* Expende hic: qualenam vè Judæ intimationum: & cur melius illi fuisset: Si non fuisset natus?

Expende insuper sortem pessimam & statum hominum DEI obsequio addidorum ex eo; quod cum se sce-

Initium sceleris Judæ in cœnaculo.

leri addixerint, fiant in illo supra modum & omnes quoscunque seculares obstinatissimi.

Expende tandem deterrimam improborum conditionem, dum permittuntur ire secundum desideria cordis sui. O pœnam ipso inferno graviozem, his verbis expressam! *Quod facis, fac citius.*

His expensis disce à Christo humilitatem, disce mansuetudinem, disce affabilitatem erga adversarios quoscunque. Detestare malitiam, obstinationem, hypocrisim, sacrilegium Judæ: ejusque sacrilegii exitum, ac tuas etiam vix non sacrilegas Eucharistiæ sumptiones extimesce.

PUNCTUM II.

*Progressus
sceleris &
conventio
conclusa.*

Contemplant Judam proripientem se à medio discipulorum, properantem ad Principes Sacerdotum, cum illis tractantem de prodicione Christi, accipientem ab iisdem triginta argenteos.

Atque hinc expende cæcitatem & amentiam Judæ tam vili pretio Christum æstimantis: præligentis argenteos triginta ipso Christo, cælo, æternitate. Quis pastor tam vile pretium pro unica vel altera ove susciperet? Hic ipse Pastor tam vili pretio æstimatur, venditur ab ove ingrata Juda Iscariote.

Expende item Bonitatem Christi, tam levi pretio se vendi permittentis: ut ostenderet facile se & modicis admodum impensis comparari posse: Non esse opus montibus aureis in ejus comparisonem elocandis: velis Christum habere & habebis.

Expende tamen ut Christum facile comparari posse, ita & amitti: ut certe amisit Judas, scilicet pro triginta argenteis.

Expende etiam hac in parte humilitatem Christi, tam viliter volentis se æstimari. Erubescere tuam præsumptionem & superbiam, qui tanti te ipsum ætimas, &

vis æstimari ab aliis, cùmque æstimari minus, nec ad mensuram tuæ de te opinionis, præ dolore vix non contabescis.

Imo expende amorem Christi erga te: id ipsum tam vile, tam modicum pretium, decorum admodum & egregium reputantis, ex quo ex amore tui pro salute mundi susceptum, & admissum. Sic igitur decorum Christo pro te, & propter te viliter æstimari: Tibi vero indecorum propter Christum, & pro Christo, indignius reputari postponi?

Adverte insuper, quod hic non Judæ, sed suam mercedem nominet: *Appenderunt, inquit, mercedem meam, nempe tam sibi gratam, cordique suo jucundam, ex suo scilicet beneplacito factam & impensam. Præterea hæc merces, planè est Christi propria, scilicet pro ejus beneficiis & gratiis, quibus nos accumulatur. O quanta nostra pro tantis in Christum parsimonia! O qualis merces!*

PUNCTUM III.

Considera fontem tanti sceleris in Juda, nempe non alium, quàm avaritiam & amorem pecuniolæ. Hinc initia à modicis furtis: *Fur, inquit, erat, & loculos habebat. Hinc murmuraciones adversus Magdalenam pretiosum unguentum in pedes Christi effundentem. Hinc illa hypocrisis ac simulatio pietatis: Poterat venundari, & dari pauperibus. Vide à quibus, & ad quæ deveniatur?*

Causa sceleris.

Simulque adverte primo apud avaros homines, æstimatores terrenorum, lucri, pecuniæ, potissimum in vilissimo pretio; ac æstimatione Christum esse. Nimis vili æstimat DEUM, quisquis præter illum aliquid æstimat.

Adverte secundo, cur hic illa pecunia ad statuarium deferri jubetur? Num ad similes vel Christo tam viliter se suæque in nos beneficia æstimanti, vel Judæ tam viliter

ter Christum vendenti statuas exstruendas ? Dispice proinde cujus statua esse velles ? Christine an Judæ similis ?

Colloquium & affectus ad Christum triginta argenteis à Juda venditum : Condolendo eidem Christo, tam in vili æstimatione apud Judam, illique similes existentem. Tum interrogando Beatissimam Matrem, Cælum, Angelos, terram, Creaturas omnes, quanti Christum æstiment ? ac tandem ex tua parte protestando : quod illum pluries æstimes, quàm mundum, totum cælum, creaturas omnes, te ipsum, vitam & animam tuam : adeoque præeligendo potius omnes alias jacturas, quàm Christi unius jacturam pati.

MEDITATIO LXV.

De angoribus, sudore sanguineo, & oratione Christi in horto.

Fundam: Prophetia Psal: 21. Sicut aqua effusus sum, & dispersa sunt omnia ossa mea : Factum est cor meum, tanquam cera liquecens : aruit tanquam testa virtus mea, & lingua mea adhesit faucibus meis, & in pulverem mortis deduxisti me. Item Isai: cap: 53. Verè languores nostros ipse tulit, & dolores nostros ipse portavit. Item Psal: 54. Cor meum conturbatum est in me, & formido mortis cecidit super me : timor & tremor venerunt super me, & contexerunt me tenebræ.

Prælud. 1. Statue tibi ante oculos mentis Christum in horto tædio affectum, pavidum, mæstum, sanguine sudantem.

Prælud. 2. Pete gratiam recolendi hoc mysterium, ex eoque fructus spirituales percipiendi.

PUN:

PUNCTUM I.

Considera quomodo in horto Getsemani, hic locus Psalmi, & Isaïæ expletus in Christo?

Nempe inprimis: quod *sicut aqua effusus est*, in illos scilicet omnes angores, tristitias, tædia, pavores, sudores, in quos tunc ob vivam imminentis passionis & mortis apprehensionem & imaginationem diffluerat: Et quidem ea inprimis sui ipsius profusione in omnes tolerantias: qua in usus humanos simplex aqua se profundit: eâ violentiâ, qua eadem aqua, ruptis aggeribus & alveis sese diffundit in omnia, tam vili æstimatione sui, qua vilis unda in quoscunque usus dispensatur.

Aqua præterea duo adjuncta habet: Primo quod *vices speculi gerat*: Deinde quod in illa inverso modo omnia repræsentantur. Quod utrumque in Christo tunc videri poterat. Certe enim tunc vivum se inprimis humanæ imbecillitatis exhibuit speculum. Tum profecto omnia inversa in illo spectata: Dum terror inferni pavebat, fortitudo mundi languebat, lætitia & gaudium Angelorum merebat, vita agonizabat.

Dispersæque sunt omnia ossa illius, videlicet præ nimia adeo debilitate, & languore virium, ut tota corporis ossumque compago, dissoluta videretur, nec ossa sibi ac membra invicem adherere.

Factum est insuper cor ejus tanquam cera liquecens: non tantum ideo, quod totum visum fuerit in sanguineum illum sudorem velut cera liquefacta diffluisse; Sed quod etiam, cum aliàs semper inter omnia adversa, plusquam adamantinum extitisset, ita tandem ingruentis passionis, mortisque pavore compressum sit, ut instar cæræ fuerit mollesfactum.

Cera ad hæc omnis impressionis, omnis sigilli, omnis figuræ capax, sic plane tunc cor Christi, cui se quævis passio

Anger & sudor Christi in horto.

passio & affectus facile impressit : *tædium* , pavor , tristitia.

Hinc aruit tanquam testa virtus illius, exhausto nimirum per effusionem sanguinei sudoris, omni vigore & humido, ac proinde omni etiam robore virium, adurente præsertim ac depascente omnia intima & extima ardentiore febre, quæ se tam gravi immiscuerat paroxismo, ita ut cum toto corpore linguam etiam arefecerit, & exusserit eo redactam, ut suo officio fungi impotens faucibus adhærere cogeretur.

Eoque demum ventum est ut in pulverem mortis, hoc est in ipsam agoniam fuisset deductus : *Factum*, inquit Evangelium, in *agonia*.

Compara hic tuos mærores, afflictiones, angustias, num eo usque deveniant? scilicet ad sanguineum sudorem, ad agoniam, ad mortem: & quidem non ex vana apprehensione ac imaginatione. Sed ex vera omnino representatione ac sensu gravissimi mali.

Considera secundo locum hic pariter Isaïæ Prophetæ expletum, Nempè, si ubi hic certe Christum se hominem ostendisse, humanaque passum, illos nimirum languores, dolores, tædia, tristitias, ac ipsum agonem.

Ubi adverte expresse positum, quod *nostros languores*, & *nostros dolores*, non suos, tulit. Hæc utique omnia ipsi erant indebita & impropria, nobis autem propria ac debita: hæc tamen ipse tulit, ac in se transtulit admirabili metaphorâ.

Adverte quoque expressisse illum vivum in se hominis morientis exemplar, nempe iisdem ipsis suis tædiis, pavoribus &c.

Contemplare Christum in horto agonizantem, teque supra tuam mortem reflecte, illamque tibi præ oculis pone. Et si Christo tam gravis hæc agonía, quanto tibi gravior futura est. Quæ protunc tua tædia, qui pavores, quæ trepidatio?

Pete

Pete per hanc agoniam Christi, ut sit tuæ agonizæ propitius.

Jamque considera tertio, quæ Christum protunc contexerant tenebræ?

Primo scilicet tenebræ nocturnæ, quarum tempore, hæc & tanta cum Christo acta.

Tum deinde tenebræ mentis, quæ omnem diem ac lucem, omne serenum animi, omne solatium, omnem tranquillitatem, omne quodam modo (humano modo loquendo) saltem ad speciem in tanto passu consilium Christo eripuerant.

Tenebræ insuper ex parte DEI & cœli, vel minimum solatii ac levaminis radium in eo passu denegantis ac subtrahentis.

Tenebræ tandem ex parte mundi & hominum, ac præcipuè discipulorum, qui somno profundo obruti, ad ea quæ Christus pro eorum salute & amore tulerat, prorsus caligaverant, nimium cæci ac ingrati; ut non memorem tenebras peccatorum, quæ Christum undique contexerant: ex quo ea in se transtulit, ac suscepit suo Sanguine eluenda.

Vide, quæ teipsum quoque in tua morte & agonizæ tenebræ maneant? Utinam non illæ, quæ tibi diem bonæ æternitatis eripiant.

PUNCTUM II.

CONsidera causas tantæ in Christum perturbationis. Atque expende primo causam hujus fuisse, ingruentem passionem acerbissimam & mortem, juxta id quod Psal: 54 *Cor meum conturbatum est in me, & formido mortis cecidit super me, timor & tremor venerunt super me.*

*Cause angō-
rū & sudō-
rū.*

Vide, si in Christo innocente & securo paternæ gratiæ & suæ gloriæ tantus mortis metus: quomodo te quotidie peccantem & non pœnitentem timor mortis ejusdem non conturbet?

¶

Secundo ut nobis hac tantā, & tali sua agoniā felicem ac tolerabilem, nec non omni perturbatione vacuum agonem impetraret, faciliteretque eundem.

Tertio causam ejusdem perturbationis ac tristitiæ fuisse nostras in lætitiā effusiones, & in ea nimietates, quæstaque ex rebus creatis solatiola. Causam pavoris, nostras præsumptiones, præidentias, parvique pensiones Judiciorum DEI, mortis, inferni, æternitatis. Causam tædii, nostra in Christi obsequio, ac rebus spiritualibus tædia, tepiditates.

Præterea *capit Christus* in horto Gethsemani contristari. & *propterea* esse: ne nos contristant quæcunque nobis in causa Christi, in causa virtutis religiositatisque acciderint: Seu ut nos quoque salubriter pro peccatis nostris contristemur ad penitentiam, DEOque hilariter serviamus. *Capit pavere*: ut & nos cum timore & tremore operemur salutem nostram. *Capit tædere*: ne nos tædeat in ærumnis, in adversitatibus, in crucibus Religiosis.

Agnosce vero hic, justas admodum & graves omnino in Christo fuisse causas tantæ perturbationis ac tristitiæ: Secus in te: quam leves, frivolas, imaginarias, ex solis suspicionibus ortas.

Jam causam effusi sanguinei sudoris fuisse luctum in Christo partis sensitivæ cum rationali, ita permittente Divinitate. Vide quæ apud te quoque partis superioris cum inferiori lucta? quisnam prævaleat spiritusne an caro? O miseram hac in parte tuam luctum, miseram luctum cum passionibus appetitibus &c. Etsi est aliqua, *nondum ad sanguinem restitisti*. Pete per hanc luctum Christi, ut nunquam prævaleat tibi, tuæque rationi, spiritui, parti inferiori, caro, nunquam prævaleat inimicus, præsertim in agone extremo.

PUN-

PUNCTUM III.

Considera quo antidoto Christus in his omnibus usus?
 nempe oratione & recurso ad DEUM Patrem: Ora-
 tione inquam longâ prolixâ, humili, ita ut in faciem suam
 procideret. Præterea Resignatione in voluntatem DEI
 Patris: *Verumtamen non mea, sed tua voluntas fiat.* Tandem
 resolutione heroica ad bibendum calicem passionis pro sa-
 lute generis humani: oblationeque ac immolatione sui ho-
 locaustifica ad omnes passiones, vulnera, dolores, opprobria,
 mortem ipsam, mortem autem crucis. Tum etiam per
 hoc ipsum glorificatione DEI Patris & sui ipsius.

*Antidotum
 Christi in
 pradiis.*

Apprehende hoc antidotum, tuoque illud usui & pra-
 xi accomoda.

Colloquium & affectus ad Christum, gratias ipsi agen-
 do pro tam copioso sanguineo sudore in animam tuam li-
 beralissimè effuso. Offer eidem Christo omnes labores
 sudoresque tuos præsertim causa animarum effusos. Of-
 fer omnes tuos angores, afflictiones, tristitias in Religionem
 ac tandem extremum agonem tuum.

MEDITATIO LXVI.

De captivitate Christi & osculo Judæ.

Fundam: Prophetia Psalmo 21. *Circumdederunt me vituli
 multi, tauri pingues obsederunt me: aperuerunt super me os
 suum, sicut leo rapiens & rugiens.* Item Psal: 40. *Etenim homo
 pacis mea, qui edebat panes meos magnificavis super me supplantationem.*
 Item Isai: 51. *Posuisti ut terram corpus tuum, & quasi
 viam transeuntibus.* Item Jerem: Thren. 4. *Spiritus oris nostri
 Christus Dominus captus est in peccatis nostris.* Item Zachar: 13.
Percute pastorem, & dispergentur oves. Tandem Psal: 37.
Amici mei & proximi adversum me appropinquaverunt & steterunt:

& qui juxta me erant de longè steterunt, & vim faciebant, qui querebant animam meam.

Prælud: 1. Imaginare Christum in horto Gethsemani Judæ osculo proditum, ab insolente caterva, funibus, catenis vinctum, à discipulis relictum.

Prælud: 2. Pete gratiam expendendi captivitatem Christi, illàque te ad svave jugum religiosum æquanimiter sustinendum animandi.

PUNCTUM I.

Historia captivitatis Christi.

CONSIDERA quomodo locus Psalmi 21. in Christo expletus sit? Nempe quomodo circumdederunt eum vituli multi, & tauri pingues obsederunt eum? Illi scilicet collecta cohorte in hortum Gethsemani, cum Juda proditore convenientes milites, ad instar taurorum & vitulorum præpingu-um, beneficiis DEI & Christi saginati, insolentes, feroces, corumpetæ, non se ductu rationis virtutisque regentes, sed frena bestiali insolentiæ ac ferociæ laxantes, omni exutâ humanitate, humanâque compassione & affectu.

Quomodo super Christum aperuerunt os suum tanquam leo rapiens & rugiens. Nimirum leonina feritate in Christum irruentes, grassantes, diripientes, concutientes, infestis eum clamoribus, opprobriis, convitiis, blasphemâis velut rugitibus obruerunt.

Contemplate hic Spiritum oris nostri Christum Dominum captum in peccatis nostris. Contemplate funibus, catenis vinctum, toties terræ allisum, manibus, pedibus concussum barbaris, sacro vultui velut objectæ telluri impressis vestigiis: ita ut hic etiam illud Isaïæ impletum esset: *Posuisti ut terram corpus tuum &c.*

Id autem longè gravissimum Christo accidisse; non quod illum vincirent, sed quod vincirent, tanquam mori reluctantem, tanquam fugâ sibi consulturum, tanquam non sponte,

sponte, sed iavitè & coacte euntem in vincula, Passionem, & mortem : Cum tamen ille, *oblatus est quia voluit.*

Disce à Christo in Religione, spontè, libenter, alacriter, non invitè, non metu disciplinæ & rigoris religiosi omnia agere & pati.

Atque expende causas tantæ Christi in horto Gethsemani servitutis & vinculorum. Nempe impatientias illas suavis jugi & servitii Christi, illas coactas obedientiæ, dispositionum, regularum impletiones, illas religiosorum vinculorum, hoc est votorum transgressionem, illos funes peccatorum nostrorum, malorum habituum, amores nescio cuius libertatis &c.

Expende præterea nova nos per prædictas prævaricationes Christo vincula injicere, novæ illum addicere servituti. Vide ut ab hac aliquando in Christum servituti desistas, hisque vinculis illum exsolvas.

PUNCTUM II.

Considera quomodo locus Psalmi 40. in Christo & Juda impletus? Etenim *homo pacis meæ*, qui edebat panes meos, scilicet Judas ille pacificus discipulus, ille tranquillitatis domesticæ inquilinus, ille pacis & amicitie simulator, non tantum pane quotidiano, sed etiam corpore meo & sanguine pastus: ille inquam, mei insignis supplantator ac impostor effectus est, pacis & affectus tesserâ, osculo videlicet in mei proditorem assumptâ.

*Actio Christi
cum Juda.*

Expende hic, & enumera beneficia Christi in Judam proditorem collata, & ulterius (si non proditor evasisset) conferenda, v. g. Electionem in Apostolum, donum miraculorum, tot gratias, affectus &c. Adeoque admirare ejus ingratitudinem.

Expende præterea longe gravius fuisse osculum Judæ Christo impressum, quam funes, catenas, concussionem à militibus toleratas: ita ut Christus cum intimo doloris sen-

Iu ac speciali energia illi exprobraverit : *Amice ad quid venisti ? osculo filium hominis tradis.* Atque hinc concludere longè graviolem esse , longè nocentiolem , fraudulentam , astutam , dolosam , simulatam , malitiam , quam fraudis expectem , quam rudem & simplicem.

Apprehende insuper hanc allocutionem Christi , quæ Judam proditorem amicum compellat : ejusque ineffabilem bonitatem & suavitatem admirare : quod non increpet , non vultum avertat , non dolum dolo , fraudem fraudi , fucum fucio reponat , non inimicum , non proditorem nominet , sed amicum. Agnosce Christi bonitatem , eamque imitari stude : execrare malitiam , fraudulentiam , hypocrisim Judæ : aliasque omnes , non simplices , nec rudes malitias.

Simulque adverte , vel ex eo capite longè gravius Christo accidisse osculum Judæ , quàm nescio quæ ab aliis irrogata tormenta. Nimirum quod hic idem Judas fuerit Christi discipulus , fuerit Apostolus , fuerit persona DEO initiata. Adeoque hinc conjice Religiosorum peccata , etiam communi æstimatione leviora , longè excedere malitiâ , & gravitate secularium peccata , atque sic profundius cordi Divino vulnus infligere. Tandemque cum stupore recogita , quoniam scelus hic Judas devenerit , hinc ediscendo , homines DEO initiatos , dum depravantur extreme ac irremediabiliter malos evadere. Et hoc demum esse , quod & tu extimescas.

PUNCTUM III.

Fuga Discipulorum.

CONSIDERA quomodo locus Zachariæ impletus : *Percute pastorem , & dispergentur oves.* Tum & illud Psalmi : *Amici mei & proximi &c.* Nimirum totum hoc impletum in prodicione Judæ , in captivitate Christi , in fuga discipulorum , qui vix Christum videre in vinculis , illico velut oves dispersi , relicto eo fugerunt & iterumque à longè.

Ex.

Expende illorum pusillanimitatem, expende inconstantiam. Causasque illius non alias fuisse adverte, quam non satis bene fundatam & firmam virtutem, tum simul presumptionem ac praesidentiam nimiam: ex qua illa vox Petri: *Esi omnes in te scandalizati fuerint &c* Disce hinc tibi met non praesidere: Disce solidae beneque fundatae virtuti studere.

Colloquium & affectus ad Christum; plantis ejus sanctissimis, pro Judae proditorio osculo, vera & sincera oscula infigendo, teque ipsum aeternae Christi mancipando servituti, memoriam, intellectum, voluntatem, cor & animam tuam in ejus obsequium captivando, ita ut nunquam Christum nunquam ejus servitium velis deserere.

MEDITATIO LXVII.

*De Injuriis in domo Caipha Christo
illatis.*

Fundam: Prophetia Psal: cap: 21. *Circumdederunt me canes multi, concilium malignantium obsedit me.* Item Isaie cap: 50. *Corpus meum dedi percutientibus, & genas meas villentibus, faciem meam non averri ab increpantibus & conspuentibus in me.* Item Psal: 105. *Pro nihilo habuerunt (alii legunt) despuerunt terram desiderabilem.* Item Isaie 53. *Quasi absconditus vultus ejus despectus, unde nec reputavimus eum.*

Prælud: 1. Statue tibi in domo Caiphae Christum colaphis affectum, consputum, velatis oculis.

Prælud: 2. Pete gratiam expendendi despectionem & injurias Christi, teque ad similia pro eodem Christo resolvendi.

PUN-

PUNCTUM I.

Colaphisatio
faciei Christi.

Considera, quomodo locus Psalmi in domo Caiphæ de Christo impletus? Quomodo, inquam, circumdederunt eum canes multi, & consilium malignantium obsedit eum. Nempe illos Principes Sacerdotum in domum Caiphæ congregatos, & canina rabie in Christum ad Caiphæ adductum instigantes, illius allatantes innocentiam, maligna & falsa testimonia contra illum accumulantes, canum superasse malitiam & rabiem, nec sacerdotali conscientia, sed bestiali feritate contra illum instituisse.

Ubi condole Christo, quod illos infensissimos sibi hostes reperisset, quos amicos à corde patronosque suæ innocentiae habere debuerat. Adeoque hinc collige eos non raro inveniri improbissimos, qui aliis exemplo deberent præluce ad virtutem: ita ut peiores Sacerdotes ac Religiosi evadant quandoque quam plerique seculares, nec tanta & talia contra Christum scelera in domo secularium, qualia in domibus Sacerdotum ac Religiosorum aliquando patrari consueverint: ut hic defacto in domo Caiphæ actum est. Uade adverte hosce spirituales Christi insectatores, non leones, non bestias, ac feras sylvestres, non lupos appellari, sed canes, id est animalia domestica, ad custodiam & defensionem domorum ac gregum, ad fures, latrones, invasores arcendos deputata, quorum etiam lingua dicitur virtutem medicinalem habere. Ut vel hinc concludas de Sacerdotio ac religione initiatis hominibus verèque domesticis ipsius Christi: Si depraventur, deteriores evadere, magisque sua improbitate Christo, Ecclesiæ, Religioni noxios, quàm pessimos quoscunque seculares.

Considera secundo, quomodo pariter, & ille locus Isaïæ ibidem expletus: *Corpus meum dedi percutientibus, & genas meas vellentibus?*

Ubi imprimis ex una parte expende impietatem sacrilegam Christum colaphizantem, tum ex altera parte prom-

promptitudinem Christi offerentis spontaneè faciem suam ad toleranda pro nobis opprobria: *Corpus meum*, inquit, *dedit percutientibus*. Vide an similis apud te patiendi propter Christum promptitudo? Dedisti te Religioni, dedisti corpus. Num commoditatibus, num orio & quieti? num saginæ & esui? num blandientibus tantum, mulcentibus, applaudentibus? an non potius incommodis, laboribus, inediis, vigiliis, imo percutientibus etiam lingua, calamo?

Expende secundo causas, ob quas faciem suam sanctissimam Christus Salvator tot colaphis violari permiserit. Nimirum primo, ut nos faciem DEI Patris, & illius per eternitatem valeamus aspicere, hos ille, & tantos in facie sua impetus sustinere voluit. Secundo, ne nos Angelus Satanæ colaphiset, ille faciem suam colaphis opposuit. Tertio fuisse causam harum faciei Christi illatarum injuriarum, peccata oris ac linguæ nostræ, pro quibus ille in sua Sacratissima facie voluit satisfacere.

Expende tertio, nos quoque similia contra Christum audere, eandem impietatem, & colaphisationem innovare in faciem Christi: per illas nempe famæ alienæ colaphisationes, diffamationes, detractiones, censurationes morum alienorum, tum per alia oris ac linguæ peccata. Vide an non etiam te, ejusdem reum criminis accusat conscientia?

PUNCTUM II.

Considera, quomodo & illud in eadem domo Caiphæ de Christo expletum: *Pro nihilo habuerunt*, id est, *despuerunt terram desiderabilem*. Item: *Faciem meam non averti ab increpantibus & conspuentibus in me*.

Atque hic contemplare Christi vultum undique spuitis spurcissimis oppletum, oppletum os, oppletas genas, oppletos oculos, &c.

*Conspectus
faciei Christi.*

H h

Tum

Tum expende primo ingratitude[m] Judaicæ gentis; quæ pro tradita sibi terra promissionis lacte & melle fluente: terram illam desiderabilem, in quam desiderant Angeli prospicere, id est, vultum Christi mille osculis dignum, ita despexit, tot affecit spurcitiis, sputa pro melle & lacte rependit. Expende secundo cæcitatem & stultitiam ejusdem: quod vilem & deformem terræ glebam, terræ illi, in qua thesauri sapientiæ & scientiæ absconditi, in cujus comparatione vilescunt omnia, & cæli non sunt mundi, in conspectu ejus; Ipsique etiam terreni montes, argento divites auroque, nihili sunt, stultè prætulærit; Eandemque stultitiam in illis improba, qui terrena quæcunque præcipuè formosa, huic deturpatæ pulchritudini præponunt, vel præponere audent.

Expende tertio bonitatem Christi, à tam sordidis & sceleratis satellitibus faciem suam minimè avertentis: Disce hic à tuis inimicis, à tuæ famæ, talentorum, honesti deturpatoribus faciem non avertere.

Expende quarto causas: cur idem Christus sic faciem suam, sanctissimam & dignissimam, tam enormiter sordare permiserit? Nempe, ut nobis per hoc mereretur intaminatam conscientiam ejusque illimem puritatem. 2. Ut sic nostræ animæ sorditates, ac deformitates abstergeret. 3. Ne pigeat nos esse propter Christum sic propter nos sordatum, omnium contumeliarum scopum. 4. Ut patienter feramus omnes per linguas, calamos, titulo informationum nostri, deformationes. 5. Ut nihil nobis pulchri, formosi, ac speciosi in mundo arideat. 6. Ut in facie Christi sputis deformata, velut in speculo nostræ conscientiæ ævos, peccati sorditatem, deformitatem peccatricis animæ agnoscamus, illamque penitentia eluamus lacrymis.

Expende quinto, similem nos quoque sorditatem in Christum inducere: commaculando scilicet innocentiam baptismalem, & puritatem conscientia, tot sorditatibus,

tot peccatis. Tum etiam alienam famam, honestum. Præterea gentes DEUM ac Christum ignorantes, dum peccant, eundem DEUM, quasi extra faciem offendere ac lædere. Jam Catholicos, Religiosos, planè in faciem ipsam delinquere. Vide an non similis in te contra eandem Christi faciem ausus?

PUNCTUM III.

Intuere faciem Christi, & præcipuè oculos velatos, illudque tunc planè impletum considera: *Quasi absconditus vultus ejus & despectus: Unde nec reputavimus eum.* *Velati oculi.*

Ubi expende primo, ex una parte pulchritudinem oculorum Christi, stellas ipsas cælestes superantem, ex altera parte, sæditatem velaminis illius, quo nescio quis ignobilis gregarius eosdem oculos obligaverat. Condole hac in parte speciosissimis, lucidioribus ipso sole luminibus Christi.

Simulque expende secundo, causas suscepti istius à Christo velamenti? Nempe primo Christum oculos sibi velare permisisse, ne nos à visione beatifica excluderemur in æternum. 2. Ut satisfaceret pro iis, in quibus per visum & oculos delinquimus. 3. Ut sic velamen & obcæcationem mentis nostræ in peccatis à nobis auferret. 4. Ut nos semper in cælum ad DEUM intentos fixosque oculos, à terrenis autem aversos haberemus.

Expende 3tio, nos quoque velamen simile in oculos Christi inducere: per occulta videlicet peccata: per sacrilegas confessiones: per stultam persuasionem, quod nos DEUS peccantes non videat: per neglectum præsentis Divinæ: per curiosos aspectus: per negligentem oculorum custodiam: per hypocrises, simulationes: per transgressionem Regularum modestiæ: per curam respectuum humanorum: per aversionem oculorum à Cælo ac DEO, tum à proximo, ab inimicis; conversionem autem eorum-

dem ad creaturas, ad terrena. Vide an tu quoque non es complex ejusdem adversus Christi oculos delicti?

Adverte vero non dici à Propheta simpliciter absconditum Christi vultum, sed *quasi absconditum*. Nempe tunc non ita velati erant Christi oculi, ut penitus idem Christus, suos percussores non videret. Vidit illos scilicet, & quod viderit, in die iudicii patebit: Unde discite DEUM suos oculos ad speciem nonnisi claudere, velare, avertere: cum semper revera intentissimos in peccatores eosdem oculos habeat.

Adverte secundò. Ex quo dicitur vultus Christi absconditus, ex eo inferri, quod fuerit *despectus nec reputatus*: Ita scilicet hoc ipsum nos in despectum, ac postpositionem DEI, ac Christi in Venerabili Sacramento adducit, quod eum absconditum, velatum, & quasi incognito degentem nobiscum videamus. Reflece te, quis apud te in hac parte de Christo sensus?

Colloquium & affectus ad Christum colaphisatum, consputum, oculis velatum, estimando, ac præferendo faciem Christi ita sordidatam, omnibus pulchritudinibus ac speciositatibus mundi: sputa ex actu ejusdem faciei velut dignificata præferendo gemmis, velamen sericis auro textis. Tum petendo per eandem, ut nihil tibi quid quid terrenum est abhinc arsideat. Tandemque in te excita desiderium visionis beatificæ, utque ab illa non excludaris, faciem Christi velatam, consputam, colaphisatam, interpone cum aspiratione: Pater æterne

aspice in faciem Christi, & faciem tuam ne avertas à me.



ME.

MEDITATIO LXVIII.

De Christo illuso apud Herodem.

Fundam: Prophetia Psal: 21. *Omnes videntes me, deriserunt me, locuti sunt labiis, & moverunt caput. Item Psal: 37. Ego autem tanquam surdus non audiebam, & sicut mutus non aperiens os suum.*

Prælud: 1. Statue te cum Christo apud Herodem, & numerosam ejus aulam.

Prælud: 2. Pete gratiam expendendi constantiam Christi in illusionibus ab Herode sustinendis, eandemque imitandi.

PUNCTUM I.

Considera, quomodo locus Psalmi 21. apud Herodem in Christo impletus est? *Omnes, inquit, videntes me, deriserunt me.*

Ac imprimis contemplare, quomodo ad adventum Christi Herodes lætum se humanumque præstiterit, illumque exceperit cum gaudio. Verum postquam non juxta mentem Herodis, nec juxta morem & politiam aulicam se Christus gessit, neque illius curiositati indulgit, minime votis ejus sese accommodans, continuo illum spernens, veste scurrili jussit indui, ac ludibrio quasi insanum ac stultum haberi.

Ubi expende primò eum esse genium aulæ & seculi, ut se illi quisque accommodet & conformet, in omnibus ei conniveat, abblandiatur, indulgeat: Quod si quis id ipsum neglexerit, illico sit contemptui & odio.

Expende hinc secundo inconstantiam aulæ mundanæque genii, qui eos, quibus ab initio favores, affectus & plausus exhibuit, postea ludibrio & contemptui habere, omni

Hi 3

honesto

*Aula & mū-
di politia at-
que genius
adversus
Christum de-
certans.*

honesto ac æstimatione spoliatus, veste infamiæ induere consuevit. Vide quomodo tibi abhinc affectibus, plausibusque mundanis fidendum est, quibus rarus admodum constanter cum integritate nominis sui & honesti usus est.

Expende tertio pseudopolitiam Herodis, candida veste Christum induentis, ut tunc illum maximè denigraret, nempe sic stultum & amentem exhibendo: & hanc esse plane eandemque politiam mundi, tum sædissimè suos affectus denigrantis, dum illos exhibet laudibus, encomiis, æstimationibus conspicuos, ementiti candoris ac sinceritatis pallio, suas ironias, fraudes, dolosque obtegens. Vide ne tantopere laudes, encomia, plausus mundi venari assuescas.

Expende quarto, Herodem ideo Christum alba veste induisse, ut stultum exhiberet. Quid vero candori ad stultitiam? Ita scilicet apud aulicos, apud mundanos, candor, sinceritas, pro stultitia reputatur, *deridesurque Justa simplicitas.*

Expende quinto, hic planè Christum suis sequacibus reliquisse exemplum, quomodo non ad normam politiae mundanae & aulicae se gerere, non secularium indulgere curiositatibus & votis, non ad genium illorum vivere, non ad morem eorundem sese componere debeant: & si nescio quæ odia, ludibria, irrisiones cogerentur subire.

Vide, quis in te hac in parte sensus, quis animus? Christone an mundo te conformandi, ad Christine genium, an ad mundi gustum, te componendi? Vide præterea, quæ apud te resolutio, ut pro Christo, & cum Christo ludibrio ac irrisioni habearis, pro etiam stulto ac insano reputeris? Reflecte te quomodo hæc genus tui tuorumque talentorum depretiationes sustinueris.

PUNCTUM II.

Considera quomodo se Christus in his apud Herodem ludibriis gesserit? Atque adverte planè hic illum implevisse illud Psalmi: *Ego autem tanquam surdus non audiebam.*

Ubi expende primo, magnum in hoc ipso vitæ & industris religiosæ ad omnes vincendas ac triumphandas persecutiones, ludibria, depretiationes, censuras, obtreccationes, detractiones, respectus humanos, præcipuè illud: *Quid dicent?* latere arcanum. Nempe ad omnia aures occludere, tanquam surdum esse, obsurdescere. Idque etiam ipsum ad comparandam & retinendam pacem religiosam valere plurimum. Vide quantum hac in parte exemplo Christi profeceris?

Insuperque expende secundo, non minori stratagemate, & politiæ spiritualis arcano, ibidem in aula Herodis Christum in hoc quoq; fuisse usum: quod *sicut mutus non aperuerit os suum.* Quod ipsum quantum in vita religiosa, in omnibus adversitatibus, depressionibus, crysibus, oblocutionibus, infamationibus, convitiis valeat, experientiâ multorum probatum est. Aliam hac in parte mundi methodum esse, nempe verba verbis, probra opprobriis regerere, ac velut linguâ digladiari. At vitæ religiosæ efficacissimum ad quævis superanda vitamq; pacatam habendam dogma esse: ad omnia obmutescere, omnia silentio præterire.

Vide quanta tibi in hac politiâ spirituali praxis, & quis illius in prædiciis occasionibus usus? Reflede quoque te, ad tuas in Religione inquietudines, perturbationes, tecum & cum aliis molestias: illasque neglectui hujus arcani spiritualis adscribe. Nempe quod nondum exemplo Christi, surdus & mutus evaseris.

*Duo spiri-
tualis politiæ
arcana ad-
versus geni-
um mundi.*

PUN-

PUNCTUM III.

*Christus ab
Herode spre-
tus ac eun-
dem spernens*

CONSIDERA Christum quidem ab Herode, & ab aula Herodis spretum: Sed simul expende, quomodo Christus ipsius Herodis gratiam, estimationem, respectus, aulae totius plausus, conversationes, acceptationes, prius apud se spreverit, imo spreverit etiam ipsomet sui contemptus ac ludibria.

Disce hinc mundana omnia ipsasque tui postpositiones spernere similiter: ad solius DEI gustum vivere, DEI de te deque tuis talentis, ac virtutibus, utpote exquisitissimi rerum omnium Iudicis & estimatoris iudicio contentum esse.

Colloquium & affectus ad Christum exaltando illius sapientiam etsi pro stultitia reputatam: offer & trade te illi in discipulum, ut discas omnia mundana, sive tibi plausibilia, sive depretiatiua & contemptiua tui, heroico animo contemnere. Offer te insuper ad quævis ludibria &c.

MEDITATIO LXIX.

De Christo flagellato.

ELIANDAM: Prophetia Psal: 37. Ego in flagella paratus sum, & dolor meus in conspectu meo semper. Item Psal: 12. Fui flagellatus tota die: & castigatio mea in matutinis. Item Ps: 128. supra dorsum meum fabricaverunt peccatores (alii legunt) atque verunt peccatores.

Prælud: 1. Statue tibi Christum denudatum, alligatum columnæ, totum flagellis cæsum, sanguine persutum.

Prælud: 2. Pete gratiam compatiendi Christo, & ad omnia flagella pro eodem te resolvendi.

PUN-

PUNCTUM I.

Considera primo, quomodo locus Psal: 37. in Christo impletus sit: Ego, inquit, ad flagella paratus sum. Quomodo inquam Christus paratior fuit ad subeundam tam sævam flagellationem, quam ejus adversarii ad inferendam. Vide quæ apud te quoque ad adversa pro Christo sustinenda promptitudo ac resolutio?

Considera præterea quomodo & illud impletum? Dolor meus in conspectu meo semper: Nimirum Christum prævisa habuisse omnia tormenta passionis suæ, præcipue flagellationem, ad illa se præparasse anticipato, & quidem ita ac si illi essent præsentia. In oculis enim & conspectu nihil potest esse nisi præsens. Vide an tu quoque habeas consuetudinem prævidendi ea, quæ tibi ingruere possunt adversa?

Tum jam contemplare Christum, sive in Prætorio, sive in foro consistentem modestissimis oculis, verecundissimo vultu: circa illum, cohortem licitorum, detrahentem, diripientem vestes, denudentem collum Christi, brachia, dorsum, ita ut totus penè nudus in oculis tot hominum constiterit.

Expende hic primo, ingentem in hac denudatione plusquam Virgineæ Christi verecundiæ ruborem, ac sensum, ut hic omnibus torturis gravior exstiterit. Si sponsa tantopere quæsta, quod pallium illi sublatum fuerit: *Tulerunt, inquit, pallium meum.* Quis in tanta sui denudatione Christi sensus? Hic ille planè candidus & rubicundus apparuit. Candidus ob eximium candorem corporis sui. Rubicundus ob insignem verecundiam.

Expende secundo, hujus denudationis causas: Nempe nostras inverecundias, vestis innocentie vilipensiones, commaculationes, jacturas, alienorum factorum secretorumve denudationes. Præsertim vero Christum se nudari

Promptitudo
Christi ad subeunda flagella, ad eaq̃ præparatus animus: tum denudatio ejusdem.

permisisse : ut nobis per hoc vestem innocentiae , & stollam gloriæ mereretur.

Expende tertio quod testatur S. Brigitta : *Nimirum Christum ad columnam constitutum , eandem ambabus manibus amplexatum esse , sponteque sibi vestes exuisse.* Ex quo disce , te quoque favore ac beneficentiâ Christi alligatum esse columnæ vocationis & religiosi instituti , adeoque tibi eundem Christum præluxisse exemplo , quomodo te ad hanc columnam gerere debeas : Nimirum ut illam æstimes , ac tenerrimè complectaris , quia per eam ascensurus es in cælum. 2dò , ut ad eandem nudus persistas , nihil de rebus terrenis ac desideriis etiam tibiimet adhærere permittas. *Quid enim sunt terrena omnia (juxta S. Gregorium Papam) nisi quadam corporis indumenta.* 3tio , ut te non pudeat paupertatis & nuditatis tuæ Religiosæ. 4to , ut paratus sis juxta hanc columnam ad flagella immittenda à DEO , per diabolum , domesticos , externos , superiores , æquales.

PUNCTUM II.

*Alligatio
Christi ad co-
lumnam.*

Contemplant Christum columnæ alligatum , contempla-
re sæva illa vincula , quæ nihil valuissent , si vincula
charitatis (ut ait S. Laurentius Justinianus) defuissent.

Expende causas : ob quas se Christus tam diris vin-
culis alligari permiserit ? Nempe illas nostras liberas con-
scientias , liberas & laxas resolutiones , liberas conversatio-
nes , libertates sensuum , actionum , dissolutos mores , disso-
lutam religiositatem , vacillantes votorum Religiosorum
nexus , debilia nimis vocationis vincula , impatientiam ju-
gi Christi : Punes peccatorum nostrorum : quos ut dissol-
veret , seipsum alligari vinciri permisit. Arciores etiam
cum peccato , aut saltem cum discrimine peccandi , cum
personis sexus utriusque amicitias. Amove quampri-
mum hæc omnia , ut Christum tantis vinculis ac servitu-
te eximas.

At-

Atque hinc simul normam persistendi ac perseverandi ad columnam religiosam assume. Nempe ad hanc etiam alligari te, & quidem per firma & solida vincula necesse est. Quæ vero illa? Si non vincula charitatis DEI, si non vota Religiosa? Vide, si non laxa, si non debilia ac infirma hæc vincula: alioquin ad hanc columnam ad finem non persistes. Cura igitur, ut hos eosdem nexus con- solides, confirmes, adstringas.

Insuperque alia ligamenta his nexibus addas, scilicet amorem Christi, & crucis amorem, ac æstimationem vocationis, voluntatem DEI circa te disponentis, satisfactio- nem pro tuis delictis, usum mortificationis externæ, firma proposita, arctam custodiam sensuum, &c.

PUNCTUM III.

Contemplare jam Christum inter flagella, inter tot li- ctores, inter plagas mille, inter vulnera & san- guinem.

*Flagellatio
Christi.*

Expende multitudinem ac ferociam lictorum, nu- merum flagrorum, gravitatem absque numero plagarum, ita ut expletum sit illud Psalmi: *Fui, inquit, flagellatus tota die, & castigatio mea in matutinis.*

Ubi adverte fieri hic mentionem expressam non meri- dianæ, non vespertinæ, sed matutinæ castigationis: quia hæc scilicet fuit gravissima, tum ex recenti plagarum to- lerantia, tum ex recenti nondum defatigato lictorum robore.

Adverte quoque flagellationem totius diei, dici casti- gationem in matutinis; idque ex eo, quod novi semper ac novi ad flagellandum accederent, seque toties permuta- rent satellites, nova ac nova flagra assumerent, eaque du- giora semper, aliis atque aliis Christi membris, & Sanctis- simi Corporis partibus ictus incuterent, ac proinde matu- tinam toties castigationem innovarent. An quod etiam

tantus Christo pro nobis patiendi inesset ardor & amor, ut si usque ad meridiem, ad vespem, ad noctem usque profundam, sævissime castigaretur, videretur sibi tunc ipsum mane, quo castigatio exorta.

Audi præterea Christum in Psalmo conquerentem: *Su-
pra dorsum meum fabricaverunt peccatores (alii legunt) ara-
verunt.*

Ex quo intellige inprimis, quàm crudelis illa fuerit flagellatio, qua Christi dorso, velut agro sulci ab aratro impressi, seu velut atria, aut vestibula domus ferro fabri-
excisa ac fabricata.

Tum collige: cur sibi hos eodẽm sulcos exarari; hæc quasi habitacula fabricari permiserit? Nimirum ut inde tibi amplissima meritorum, gratiarum, & gloriæ æternæ messis exsurgat, ut habeas quo in tuis adversitatibus, in vita & morte confugas.

Expende secundo alias causas, tam diræ castigatio-
nis; Nempe illas nostras commoditates, indulgentias corporis, ac præcipuè peccata carnis. Tum etiam neglectus mortificationis externæ. Velim accederent huc illi commoditatum omnium studiosi, illi delicatuli corporis sui mollesque fautores: Illi carnales, voluptatibus suis profunde immersi, ac viderent, quàm fabricam in dorso Christi sanctissimo extruxerint.

Expende tandem hic tibi normam & exemplum à Christo relictum, quali animo & quali vultu ad columnam Religiosam infligendi tibi ictus, à te suscipiendi atque sustinendi? Atque hic ibidem contemplare Christum inter tot flagella nulli irasci, nulli vel minimum offensionis signum, seu indignationis exhibere, de nullo conqueri, ut desistant à flagellando, vel mitius castigent, non supplicare, non se vinculis eximere, non se à columna expedire: Singulos ictus de manu DEI Patris, cum desiderio longè plura patiendi acceptare, pro suis flagellatoribus orare, ipsa
fla-

flagellationis suæ tormenta, pro salute eorum offere. Vi-
de ut hanc ideam patiendi ad amicum imiteris.

Colloquium ad Christum per innovationem vinculo-
rum, seu votorum Religiosorum aliorumque privatorum :
tum protestationum ac resolutionum heroicarum.

MEDITATIO LXX.

De Coronatione Christi.

Fundam: Prophetia Psal: 68. *Quem tu percussisti persecuti
sunt, & super dolorem vulnerum meorum addiderunt. Item
Ezechiel: 24. Pelagus operuit caput meum (alii legunt) Junci
operuerunt &c. scilicet junci marini, ex quibus dicitur fuisse co-
rona Christi? Item Isai: 9. Factus est principatus ipius super hu-
merum ejus. Hebræa versio legit: Factum est imperium ejus
in spina*

Prælud: 1. Statue tibi Christum spinis coronatum,
arundinem manu præferentem.

Prælud: 2. Pete gratiam expendendi dolores capitis
Christi, ex corona spinea sibi imposita, fructusque spiritua-
les ex ea decerpenti.

PUNCTUM I.

Considera, quomodo in coronatione Christi cruenta, ex-
pletus sit locus ille Psal: 68. *Quem tu percussisti &c.*
Nempe sævos illos milites, instinctu Judæorum nequaquam
commiseratione Christi satis per flagella excoarnificati
commotos, novum à diabolo exogitatum inventum ad
eundem Christum exeruciandum, coronam scilicet spineam
assumpsisse, atque sic ultra decretum iudicis super dolo-
rem vulnerum, ex cruentissima flagellatione nondum pers-
natorum addidisse, idque ad ludibrium.

Nec vero aliter quam simili specie honoris mundum
hominibus illudere.

Coronatio
Christi spi-
nea & cau-
sa illius.

Contemplare hic Christum spinis coronatum ; contemplare tot aculeos ejus capiti innocentissimo , usque ad cerebrum infixos , frontem undique illis circumseptam : totum vultum sanguine ex capite deciduo mersum , ita ut hic illud etiam impletum sit : *Pelagus operuit caput meum*, videlicet pelagus sanguinis, ex tot cicatricibus per atroces juncos inflatis in faciem profluens. Pelagus tot dolorum , convitiarum , ignominiarum. Pelagus tot monstrorum , quæ tunc adversus Christum emersere , ut illuderent. Pelagus tot amaritudinum.

Atque hic expende causas tantæ carnificinæ in Caput Christi ? Nempe nostras superbias, elationes, cogitationis peccata : illos capitis nostri fraudulentos , ac versipelles conceptus, illa nescio quæ, ipso cerebro distillata in proximi depressionem, vindictam, in sui iniquam defensionem, ad querendas excusationes in peccatis, consilia, illa nostra tam laboriosa ob solius vanitatis aucupium studia, conciones, lucubrationes , labores scholasticos , actus quoscunque publicos, extremas cerebri fatigationes : illas circa terrena sollicitudines : illas nimias doctrinæ, eruditionis ostentationes.

Expende vero & alias causas , ob quas sibi Christus tot aculeis caput configi permiserit ? Nempe, ut nobis viam ad peccata his spinis obsepiret ac obstrueret : ut coronâ spinâ coronam gloriæ regni quæ cælestis , tum & aliis Principibus, Regibus , Imperatoribus , Pontificibus coronas terrestres mereretur. Mereretur præterea , tot Doctoribus sapientibus abundantiam , & excellentiam doctrinæ, scientiæ, laureas doctorales. Primario vero coronas Martyrii, Laureolas Virginitatis.

Gratias age Capiti Christi spinis confixo : & quoniam aliis coronis, indignum te reputas , saltem ne à coronâ gloriæ cælestis excludi merearis enixè supplica.

PUNCTUM II.

Contemplant adhuc eandem in Capite Christi coronam spineam, ex eaque fructus & doctrinas spirituales decerpe.

*Reflexiones
spirituales ex
occasione co-
ronationis
Christi.*

Primoque locum Prophetæ in memoriam revoca : *Factum est, inquit, imperium ejus ex spina.* Ex quo recogita : Christus Regnum sibi à turbis se querentibus coronamque Regiam oblatam repudiavit : illique & omnibus mundi honoribus coronam, ac imperium spineum juxta dictum Prophetam prætulit : & quomodo tibi terreni quicumque honores, dignitatulæ nescio quæ, etiam Religiosæ arridebunt ? En tibi velut olim S. Catharinæ Senensi Christus duplicem coronam auream & spineam offert : vide quam eligas ?

Secundo, Christus caput nostrum spinis coronatum : decetne sub hoc spinoso capite membrum esse delicatum ? decetne sibi indulgere, molliter ac indulgenter tractari velle, sine sensu alicujus aculei, absque spina, absque aliqua punctura vivere ?

Tertio, caput Christi, Patris æterni dispositioni ad spinas & tribulos subditum : & tu caput tuum, judicium ac intellectum Religiosæ obedientiæ ac dispositioni non subdes ?

Quarto, Christus post suos in vinea DEI, circa salutem animarum labores, loco amplioris solatii & præmii spinas retulit : Et te post labores Religiosos, rosas commodas, præminentias, exemptiones, respectus, gratitudines nescio quas tibi promittes ?

Quinto, Christus caput spinis perfossus, tot vulneribus saucius, non pulvinari, non molli culcitæ ad captandam quietem acclinari ac reponi voluit, sed duræ cruci : & tu vix aliquantulâ vigiliâ, curâ, labore, defatigato capiti mollia reclinatoria suavemque quietem quæres ?

Adverte vero, quod milites plectendo spineam Christi

sto

sto Coronam, non dubium quod semetipsos quoque spinosis aculeis non parum cruentarint, nec tamen destiterint eam plectere, ut eidem Christo tanto maiorem cruciatum afferrent. Proinde non dissimiles illis plerosque, qui nescio quæ, cum suo etiam cruciatu tormento incommodo iactura subeunt, modo proximo tanto gravius noceant, eumque discerpient, aut vindictam de illo sumant. Quamquam ordinariè, qui nocent alijs, sibi non minus nocent. Execrare talem malitiam, talemque improborum sortem.

PUNCTUM III.

Arundo manibus Christi inserta caput percussum.

Contemplare arundinem pro sceptro Regali manibus Christi insertam ad ludibrium: illaque Caput Christi repetitis toties vicibus percussam.

Expende causam hujus ipsius: Nempe illas nostras, quarum arundo à quovis vento agitari solita symbolum, in servitio DEI, in propositis inconstantias: illas in tentationibus, in adversis, quibus tam facile ad instar arundinum succumbimus, frangimur, debilitates, fragilitates, illas respectibus humanis nostri acclinationes, illas in actionibus, conversationibus, colloquiis arundineas levitates: illas facilitates ac flexibilitates ad omnia.

Vide, ut in manibus Christi arundo esse desinas.

Expende secundo, quidnam sunt omnia temporalia divitiarum, honores, voluptates, plausus, amicitiarum, gratiarum, favores, respectus humani, nisi arundines. Et hæc, ô quantum nostra capita curis, sollicitudinibus,urbationibus, molestiis, angoribus, incommodis, vigiliis, æmulationibus concutiant! Detestare tales arundines, caputque tuum Christi arundini omnibusque ab eo immittendis flagellis submitte.

Colloquium & affectus ad Christum spinis coronatum: exhibendo eidem sincerissimo corde & obsequio eas omnes adorationes, salutationes, genuflexiones, quas illi sævisi.

faxissimi lictores exhibuere per ludibrium: Tum agnoscent. do eundem pro vero ac legitimo Rege tuo, ac totius mundi: Subdendo illi omnes vires ac potentias, totum corpus & animam tuam: invitando ut in corde tuo solum figat, illud possideat, nec amplius quisquam alius in illo regnet.

MEDITATIO LXXI.

De Præsentatione Christi à Pilato.

Fundam: Prophetia Isai: cap: 53. *Non est species ei neque decor: Vidimus eum & non erat ei aspectus. Despectum & novissimum virorum, virum dolorum & scientem infirmitatem, Et nos putavimus eum, quasi leprosum & percussum à DEO & humiliatum. Item Psal: 21. Ego sum vermis & non homo, opprobrium hominum & abjectio plebis. Item Isai: 5. Expectavi ut faceret iudicium, & ecce iniquitas: & iustitiam, & ecce clamor.*

Prælud: 1. Statue tibi Christum ea specie, quâ fuit à Pilato populo præsentatus.

Prælud: 2. Pete gratiam ex hoc spectaculo intimæ Christo compassionis fructusque spiritualis percipiendi.

PUNCTUM I.

Considera quomodo hic locus Propheticus impletus in Christo: *Non est species ei, neque decor &c.*

Atque hic contemplare Christum à Pilato productum populo: Contemplare illius caput spinis coronatum, faciem totam lividam, oculos intumescences. Contemplare non tam Christum, quam potius totum vulnus, non tam hominem quam monstrum, nulla specie, nullo decore: ita ut Pilatus eum producens populo, eumque indigitans proclamare debuerit: *Ecce Homo!*

Adde hic epitheta appretiativa Christi: *Ecce, in-*
K k *quam,*

Præsentatio Christi & indigitatio: Ecce homo, cum variis additis epithetis.

quam, Homo, sed simul DEUS, Filius DEI, Rex Regum, & Dominus Dominantium, hæres cæli & terræ, homo ille tam bonus, tam amabilis, olim tam speciosissimâ formâ præ filiis hominum, tam bene de omnibus meritis. Homo quo nihil humanius, nihil beneficentius. Homo nec qualiscunque homo, sed inter tot dolores & opprobria, Vir plane dolorum, Heros omnibus heroibus major. Addito plus cælum, addite Angeli, adde Pater æternæ, adde terra.

Adde iterum epitheta, quasi deprecativa & exaggerantia miseriæ Christi: Ecce, inquam, homo, nec hominis vestigium habens, tam lividus, tam monstruosus, tam miser, tam despectus, quasi leprosus. Nec solum in oculis inimicorum, carnificum, malevolorum, sed etiam in oculis amicorum, Prophetarum, Angelorum: *Vidimus eum, inquit, & non erat ei aspectus.* Præterea adeo miser & miserabilis; ut non tantum ab hominibus, sed etiam à DEO ipso (quod extremæ miseriæ est) videretur derelictus, percussus, humiliatus. *Putavimus eum quasi leprosum & percussum à DEO &c.* Imo etiam homo, humano consortio indignus: ex quo leprosi ab eodem consortio arcebantur.

Adde adhuc exaggerativa malitiæ, ac ingratitudinis humanæ: Ecce, inquam homo pro tot beneficiis tam malè ab hominibus tractatus, tam iniqua passus, tam innocenter excruciat, tam injustis criminationibus obrutus.

Jam hæc eadem verba ad te ipsum obverte: Ecce tu quoque homo, sed qualis homo? vix homo, aut nimis homo. At non vir, inter adversa, inter dolores, inter luctas cum mundo, carne, diabolo. Applica tibi plura epitheta & prædicata, deprecatia te coram DEO & cælo, magnamque differentiam & dissimilitudinem tui ostendens cum Christo.

PUN-

PUNCTUM II.

256

Considera, quomodo hæc species populum ad commiserationem moverit?

Nempe hic primo expletum illud: *Ego sum vermis, & non homo.* Sicuti enim vermis (cum alia animalcula facile commiserationem sui concilient) non tantum ullius supra se commiserationis capax est, dum percutitur, dum calcatur, dum conteritur, sed imo quandam à se aversionem, indignationem & bilem movet. Ita plane ad eam sortem infelicissimam, ac miserrimam apud populum ingratiissimum redactus est Christus. Quæ enim major miseria, quam in extrema sorta commiseratione carere?

Expletum secundo & illud Isaïæ: *Expectavi ut facerent iudicium, & ecce iniquitas, & justitiam, & ecce clamor.*

Imaginare proinde te audire vociferationes populi in-
clamantis: *Crucifige, reus est mortis, secundum legem debet mori.* Imaginare dicentem Pilatum: *Regem vestrum crucifigam? nullam in eo mortis causam invenio: Quid enim mali fecit?* Tum populum respondentem: *Non habemus Regem, sed Cæsarem; Ac tandem: Sanguis ejus super nos & super filios nostros.*

Ubi expende singula tum ex parte & ore Pilati, tum ex parte & ore populi prolata: Reflexionesque practicas inde erue.

Nempe v. g. Dum in offensam DEI consensum præbiturus es, idem plane vociferari mundum, carnem, diabolum, voluptatem, suggestionem: *Crucifige, reus est mortis.* Reponere rectam rationem: *nullam in eo mortis causam invenio: quid enim mali fecit?* Illos etiam pro sua parte frivolis rationibus, prætensionibus & allegatis urgere: *Secundum legem debet mori.* Secundum legem, inquam membrorum, legem peccati, corruptæ naturæ, depravatæ rationis. Tum instare conscientiam: *Regem, inquit, vestrum crucifigam?* Respondere ad hæc au-

K k 2

daGer

*Quis motus
in populo ad
eam presen-
tationem?*

daſter libertatem humanam, turbam effœnatarum paſſionum, habitum, reſpondere appetitum ſenſualem : *Non habemus Regem.* Tandemque concludere obſtinatam ad peccandum voluntatem : *Sanguis ejus ſuper nos.*

Vide quœnam ad hæc ex tua parte pro Chriſto, pro conſcientia & anima tua reponas ?

PUNCTUM III.

*Postpositio
Chriſti Barabba, & ad-
judicatio vo-
luntati Ju-
daeorum ad
crucifigendũ.*

CONſidera quo devenerit inſania & malitia Judæorum ? Imaginare te audire dicentem Pilatum : *Quem vultis vobis dimitti, JESUM an Barabbam ?* Populum autem reſpondentem : *Non hunc, ſed Barabbam.* Si hunc dimittis, non es amicus Caſaris. Tum intueri Pilatum lavantem manus, ac dicentem : *Mundus ſum ego à Sanguine juſti hujus :* atque ſic Chriſtum tradentem voluntati Judæorum.

Expende hic primo : verè hic (juxta Prophetam) Chriſtum deſpectum, vere noviſſimum virorum, qui ſic deſpici, qui etiam Barabbæ poſtponi meruit. Vere abjectionem plebis, ex quo ſic à tota plebe nullo reclamante rejeſtus : verè absque ſpecie ac decore, in quo quidnam arrideret non fuit ; ita ut plus in deformiſſimo vita & ſcelere Barabba plebi arriferit, quam in Chriſto : vere percuſum, & humiliatum à DEO, qui infra Barabbam poſitus. Vere vermem : cui Barabbas, qui nihil erat præterquam naturâ homo, moribus bellua, antelatus.

Expende ſecundo, tam iniquam Chriſti cum eodem Barabba comparationem.

Expende tertio, quantum reſpectus humani valeant, reſpectus amicitiarum, gratiarum &c. Atque adverſus illos te obſirma.

Expende quarto, quam crudeli tyranno Chriſtum Pilatus tradidit, dum tradidit voluntati Judæorum. O ſi intellectui, rationi, conſcientiæ !

Expende tandem eâdem plane ſerie rem agi ; dum
itur

itur in offensam DEI. Lumen ac diſtamen rationis proponere ex una parte Dignitatem DEI offendi : ex altera parte evanidam voluptatem , turpitudinem peccati , velut alterum Barabbam , & dicere : *Quem vultis ?* Reponere obſcæcatos delectatione corporeos ſenſus : non hunc , ſed Barabbam : *Chriſtus crucifigatur* : Barabbas , hoc eſt , brevis voluptas ſit in integro , Chriſto præferatur. Huc etiam ſeſe inſinuare laborantem pro Chriſto eliberando Pilati uxorem , hoc eſt vigilem ſemper gratiam DEI , ſeu animam ipſam hominis. Verum exclamare reſpectus humanos , reſpectus amicitiarum , gratiarum ! *ſi hunc dimittis , non es amicus Cæſaris.* Tandemque rectum alioquin Judicem , nempe intellectum conquiſitis favorabilibus , & coloratis reſolutionibus inſcarnatum , ac ſeſe quaſi lotis aquâ manibus emundantem , nec non tot vociferationibus reſpectibus depravatam , totum negotium in voluntatem devolvere , illi Chriſtum crucifigendum tradere.

Detestare talem Judicii proceſſum.

Colloquium & affectus ad Chriſtum , condolendo illi de tanta ingratitude & obſtinatione plebis Judaicæ , ac præcipuè de tam iniqua comparatione cum Barabba. Tum deſcendendo comparationes apud te ſimiles. Præferendo abhinc Chriſtum ex tua parte omnibus rebus creatis , omnibus gratiis , amicitiiis , reſpectibus : agnoſcendo in illo non tantum quidquam mali , non tantum ullam in eo mortis cauſam , ſed imo omnia optima , omnia ſupremâ ejus æſtimatione digniſſima , cum exclamatione oppoſita : *Vivat JESUS , vivat in cælo & in terra , vivat in ore , vivat in corde , vivat & regnet in æternum* : Non habemus niſi Regem JESUM , & hunc crucifixum : ſi hunc toto corde non diligis , non es amicus æterni Patris , ſed imo anathema. *Sanguis ejus ſuper nos* : ſed Sanguis ad ſalutem æternam.

ME-

MEDITATIO LXXII.

De Christo crucem bajulante.

Fundam: Prophetia Psal: 98. Dominus regnavit à ligno.

Item Isai: 9. Factus est Principatus ejus super humerum ejus.

Item apud eundem 22. Dabo clavem David super humerum ejus. Tandem Isai: 53. Sicut ovis ad occisionem ducetur, & quasi agnus coram tondente se obmutescet. Posuit in eo Dominus iniquitatem omnium nostrum.

Prælud: 1. Constitue te in ea turba hominum, quæ Christum crucem bajulantem fuerat comitatata.

Prælud: 2. Pete gratiam expendendi hujus mysterii, nec fatiscendi sub cruce Christi.

PUNCTUM I.

Quo animo
Christus de-
cretum Pila-
ti, ac onus
crucis suscep-
erit, illud æ-
stimaverit,
cum illo pro-
cesserit?

Considera, quomodo hæ Prophetiæ in Christo impletae?

Nimirum: Dominus regnavit à ligno. Factus es Principatus &c. Dabo clavem David. Quæ, inquam, erat illa clavis? quis Principatus? quod lignum? nisi lignum crucis humeris Christi impositum.

Atque hic expende, Christo crucem fuisse insigne Regni, fuisse Principatum, fuisse clavem, qua nobis cælum aperuit: Vide quanti & tu crucem æstimes: an illam pro Regio insigni, pro Principatu, pro clavi ad cælum reputes?

Tum contemplare imprimis Christum ante Tribunal Pilati præstolantem ultimam de se sententiam. Audi Pilatum pronuntiantem mortis decretum, ut crucifigatur. Expende, quam illud æquanimiter, quam libenter cum profunda capitis inclinatione Christus acceptaverit: ut hinc ediscas molestissimas licet superiorum dispositiones ac decreta gratanter acceptare.

Con

Contemplare jam Christum post latam sententiam subito à Tribonali tractum, raptatum violentè, trabalem crucem ejus humeris impositum: è Civitate, magna populi tum condolentis, tum illudentis, & improperantis cetera, non tam educum quam extrusum: Admirare Christi mansuetudinem: Qui sicut ovis ad occisionem ductus, & quasi agnus coram tondente se obmutuit: Non judicem, non accusatores, non lictores, non manifestam injustitiam, ac nefas inculpavit, non se innocentem condemnari, ac perire questus est. Ut hinc etiam discas, illud non allegare toties, scilicet innocenter te pati, innocenter deprimi, humiliari, puniri.

Audi eundem Christum ad plorantes mulieres dicentem: *Filiæ Sion nolite flere super me, sed super filios vestros: Si hec in viridi ligno, quid fiet in arido?* Atque hic erubescite illas in suis levibus religiosis ærumnis ab aliis emendicationes compassionum, condolentiarum, consolationum: cum eas Christus in extremo suo supplicio non admisit: simulque metum salutarem Divinæ super te animadversio- nis concipe, ex quo lignum aridum, lignum instructuolum absque omni religiosæ virtutis virore inveniris.

PUNCTUM II.

Contemplare Christum non tam sub crucis immani onere fatiscentem, quam pondere iniquitatum nostrarum, usque ad terram depressum. Nempe juxta Prophetam: *Posuit in eo Dominus iniquitates omnium nostrum.*

Atque expende: quæ, quanta, qualia, quorum, quotve hominum ibi fuerint peccata super Christum imposita? Nimirum peccata totius humani generis, à primo Adam usque ad consummationem seculi. Nec desuisse tuâ, hæc & illa. Expende vero quznam inibi Christo gravissima fuisse, ac onerosissima peccata, quæ illum maxime depressere ad terram?

Lapsus Christi sub cruce, ac Cyrenæi substitutio.

Tum

Tum contemplare Simonem Cyrenæum ad Crucem Christi ferendam angariatum. Sed quo merito, quo præmio? cum non legatur Christus hoc illi obsequium compensasse. Agnosce hic Religiose tui ad vivum expressam in hoc Cyrenæo imaginem. Tui inquam Religiose, qui crucem Domini non libenter, non spontè, sed invitè & coactè sustines, qui ad omnia religiosa munia angariari & compelli debes: ad omnia superiorum imperia ac dispositiones, ad quotidianas designationes exequendas, ad ordinarias etiam actiones ac exercitia, ad meditationes, examina &c. velut ad furcam traheris, nihil alacri, nihil æquo animo subeundo. Jam experimenta paupertatis, obedientiæ, patientiæ Religiosæ, quàm ingratè, quàm acerbè, quàm reluctanter suscipis. Vide quod tuum inde emolumentum, quod meritum, quod præmium?

PUNCTUM III.

Veronica occursus.

Contemplare Veronicam Christo occurrentem: illumque linteo ad detergendam faciem sibi porrecto, vivam vultus sui imprimentem imaginem.

Expende eam Christi Veronicæ præstitam dignationem: Tuque etiam quantum potes eam Christi effigiem in te exprimere stude, tam exterius in corpore, in corde, in vultu, in ore, in fronte, in oculis, in sensibus externis &c. quam interius in anima, memoria, intellectu, voluntate. In memoria, ut passionis ejus illiusque ipsius semper memineris. In intellectu, ut idem cum Christo cogites, intelligas, judices, æstimes. In voluntate, ut idem velis quod ipse: ut illum semper ames, illum spires &c.

Colloquium & affectus ad Christum: Offerendo te illi ad subeundas omnes cruces, etiam gravissimas in Religione: Simulque petendo gratiam & auxilium illas heroicè subeundi ac perferendi. Cum aspiratione: auge

auge dolores, auge cruces, sed simul auge patientiam,
ac robur.

MEDITATIO LXXIII.

*De Christo Domino inter duos la-
trones crucifixo.*

Fundam: Prophetia Psal: 21. Ipsi vero consideraverunt, & inspexerunt me, diviserunt sibi vestimenta mea, & super vestem meam miserunt sortem. Item locus ejusdem Psal: Foderunt manus meas, & pedes meos, dinumeraverunt omnia ossa mea. Item locus Zachar: 13. Quid sunt plagæ istæ in medio manuum tuarum? Item Jerem: 11. Mittamus lignum in panem ejus & eradamus eum de terra viventium. Item Isai: 53. Tradidit in mortem animam suam, & cum sceleratis reputatus est.

Prælud: 1. Constitue te in monte Calvariæ, spectantem totam crucifixionis Christi Tragædiam.

Prælud: 2. Pere gratiam cordialiter compatiendi Christo crucifixo, ejusque cruci cum Apostolo spiritualiter teipsum configendi.

PUNCTUM I.

Considera, quomodo locus Psalmi in Christo impletus sit: Ipsi vero consideraverunt & inspexerunt me, diviserunt sibi vestimenta mea, & super vestem meam miserunt sortem.

*Denudatio
ac inspectio
Christi.*

Atque contemplare Christum in monte Calvariæ, inter lictores consistentem, imperio satellitum exuentem se vestibus, ita ut plane nudus in conspectu congregatæ multitudinis comparuerit, quod quam grave Christo acciderit: hoc ipsum inter suas querelas primaque sua in monte Calvariæ tormenta, ommissa aliis posuit, quod sic denudatus, oculis ac inspectioni populi paruerit.

L. A.

Con-

Contemplare liqores eadem Christi vestimenta in
ter se dividentes, super vestem inconsutilem mittentes
sortes.

Atque expende primo. Quznam tunc erat conside-
ratio & inspectio nudati in monte Calvarie Christi: *Con-
sideraverunt me, inquit, & inspexerunt.* Habuere imprimis,
quod inspicerent, quod considerarent ipsi liqores, ac ille
totus populi spectatoris concursus: Si quid salutiferum
seclusa vana curiositate inspicere ac considerare voluisset.
Illam præsertim virgineam verecundiam, illam in patien-
do æquanimitatem, infraeam constantiam, heroicam ad
obeundam mortem promptitudinem. Habuerunt, quod
inspicerent considerarentve discipuli. Nempe tam lucu-
lentum in magistro omnium virtutum, ac præcipue patien-
tiæ invictæ exemplum. Habuit, quod inspiceret, nec non
consideraret Sanctissima Mater. Si oculi tam doloriferum
contemplari ac sustinere potuissent spectaculum: Nempe
corpus illud, olim tam delicate à se in domo Nazarethana
tractatum, jam tot cicatricibus per violentam vestium de-
tractionem innovatis, jam sædo livore omni ex parte de-
formatum. Habuit, quod inspiceret & consideraret Pater
æternus, ejus Filius tam dilectus, in quo illi tantopere
complacuit, tam crudeliter, tam malitiosè tractatus. Ha-
buerunt, quod inspicerent Angeli: illorum hoc utique ocu-
lis gratissimum objectum, in quod desiderant prospicere.
Sed heu pro deliciis ac solatiis amaras nimis lacrymas ex
eorum oculis elicit. *Angeli pacis amare sibi.* Ha-
buit, quod inspiceret attentaque consideratione versaret
cælum, ac terra, quod illud tot planetis ac stellis distin-
ctum & exornatum, illa tot floribus & herbis convestita:
Illorum autem Creator & Dominus non nudus tantum,
sed & simul vulneribus toto corpore sædatus. Habet de-
nique, quod inspiciat totum genus humanum, ac præcipue
peccatores tanti auctores spectaculi.

Inspice tu quoque cum attenta consideratione hæc
ipsa

ipsa : Simulque expendē secundo , quantus inter hæc fuerit amor paupertatis in Christo : quantus à Nativitate , ut sibi pauperem Matrem , vile stabulum ac præsepe , in quo natus deponeretur , elegerit . Quantus deinceps ejusdem amor , dum vitam privatam ageret in Nazareth . Quantus per triennium prædicationis Evangelii , ita ut de se diceret *Vulpes foveas habent , & volucres nidos : Filius hominis non habet ubi caput reclinet .* Tandem quantus in mortē , ita ut pauperissimus ne obolo quidem habito , ac nudus etiam mori voluerit . Percurre totam vitam Christi , omni ex parte pauperissimam Tuamque illi paupertatem confer : religiosam tibi ad usum concessam supellibilem excute : itaque te ad exemplum Christi compone , ut quantum potes pauperissimus vivas , & nudus moriaris .

Expende tertio , quomodo non aliter Christum crucis receperit nisi nudum : ut vel inde conicias : te quoque non aliter in cruce Christi , in cruce Religiosa persistere posse ac debere , quàm ut te omnibus exspolies ac denudes .

Expende quarto , quomodo Christus ægrè tulerit , quod ejus vestes sanctissimæ indignis ac sceleratis militibus obtigerint ; ita ut apud Psalterem de hoc ipso fuerit conquestus : *Diviserunt sibi , inquit , vestimenta mea .* Atque hinc conjice : quanta illius ipsius indignatio adversus eos , qui sub veste Christi , sub veste Religiosa indigni ac scelerati latitant . Vide ne in te quoque ea cadat indignatio .

PUNCTUM II.

Considera , quomodo locus ille Psalmi : *Eoderunt manus meas , & pedes meos , dinumeraverant omnia ossa mea .* Item locus Jeremi : *Mittamus lignum in panem ejus .* Item locus Zachariæ : *Quid sunt plage ista in medio manuum tuarum :* quomodo , inquam , in Christo impletus est .

Confixio manuum , pedum ac crucifixio Christi .

Ubi jam contemplare crucem illam trabalem , con-

L 1 2

templare

templare clavos prægrandes obtusos, malleos, funes, cæteraque instrumenta ad Christum crucifigendum præparata.

Contemplare ipsum Christum supinum in cruce sterni, brachia extendere, manus clavis figendas porrigere. Jam hæc eadem brachia summâ vi à latoribus extendi ac distrahi, usque ad dinumerationem ossium : manus, pedes transverberari immanissime.

Tum erigi crucem, toto violenter commoto corpore, diduci corporis prægravantis pondere, manuum, pedumque cicatrices, & quatuor fontibus copiosum sanguinem effundi.

Funde lacrymas ad hoc spectaculum, admirare ineffabilem in Christo charitatem erga genus humanum. Admirare amorem crucis & patientiæ, quam tantopere Christus coluit, ita ut à nativitate, usque ad mortem, nullum interstitium, quo à patiando, à cruce vacaret, habuerit, ac tandem in cruce voluerit mori : hinc ille de se apud Psalterem : *Ego in laboribus à juventute mea*, alii legunt : *Exspirans à juventute mea*.

Quo expenso : expende amplius supradictos locos Propheticos :

Ac imprimis, cur de transfixione manuum ac pedum Christi, hæc phrasi usus Psalter : *Foderunt manus & pedes* ? Terra ordinariè foditur, vel ad effodiendum, vel infodiendum aliquid, v. g. thesaurum. O verè quot thesauri in manibus ac pedibus Christi, latitant fodiunturque. Itaque ut inde hos tibi thesauros depromas : Sed simul thesaurum animæ tuæ, thesaurum cordis, ac omnia tua pretiosissima & charissima, ac te ipsum infodias, allabora.

Secundo : *Dinumeraverunt omnia ossa mea*. O si potius vulnera, cicatrices, livores, nostræ salutis causa suo Sanctissimo Corpori impressos dinumerassent. Dinumerassent inquam, velut pretiosam redemptioni nostræ impensam monctam.

Ter-

Tertio : quisnam hic panis ? in quem lignum, (id est crux) dicitur immisum ? *Mittamus*, inquit, *lignum in panem ejus* ? Non alius certè, quàm voluntas Patris æterni, quàm passio ex voluntate ejusdem suscepta : *Cibus*, inquit, *meus est*, ut faciam voluntatem Patris mei. O vere quisquis hoc cibo, hoc pane vescitur, ac delectatur, ad crucem sese omnino resolvat necesse est : panis hic absque cruce esse non potest, & crux absque illo desipit.

Jam quærenti Prophetæ : *Quid sunt plaga istæ in medio manuum tuarum* ? Responde : sunt pignora redemptionis & salutis nostræ : sunt symbola Divinæ erga nos charitatis : sunt humanæ testimonia ingratitude : sunt sanctarum habitacula animarum : sunt Pixides cælestium adversus omnes ægritudines medicaminum : sunt repositoria omnium gratiarum, omnium cordium : sunt pretiosissima monilia & adamantes : sunt refugia in omnibus adversis, &c. &c.

PUNCTUM III.

Considera, quomodo locus Isaïæ in Christo impletus ? *Tradidit in mortem animam suam, & cum sceleratis reputatus est* ?

Appensio Christi inter latrones.

Contemplare hic Christum inter duos latrones infamissimos medium pendentem. Atque admirare, quo illa Christi Sanctimonia, quo publica de illius Sanctitate opinio, quo fama integerrima devenerit ? Vide, quid in te animi ad sustinendas Christi exemplo tuæ qualiscunque virtutis obtredationes, bonæ opinionis, famæ diminutiones, jacturas, infamias : Si v. g. innocenter adnumeratus fueris indiscipulatis, factiosis, Regularum violatoribus, irreligiosis &c.

Atque hic contemplare secundo : unum ex his latronibus Christo impropèrantem, blasphemantem : alium Christi innocentiae vindicem : unum pœnitentem, & salutis æternæ factum participem, alium impœnitentem, damnatum,

tum, ex cruce temporali ad crucem æternam translatum. Admirare DEI judicia, atque expende: utrumque in cruce pependisse, utrumque Christo æque proximum, utrumque in cruce mortuum. Uni crucem fuisse scalam ad Paradisum, alteri scalam ad infernum. Vide & time, ne te quoque crux religiosa invitè, coactè, impatienter, irreligiousè tolerata, eò, scilicet ad aliam, post hanc vitam, crucem, transmittat.

Expende quoque verba Prophetica: *Tradidit, inquit, in mortem animam suam.* Postquam, scilicet pro salute nostra, tradidisset corpus ad tot opprobria & tormenta, faciem ad colaphos & sputa, caput ad spinas, dorsum ad flagella, pectus ad concussiones, oculos ad spurcissimum velamen, ac sævos livores &c. manus & pedes ad clavos, famam & honestum ad tot ignominias, ludibria, criminationes, infamias, ita ut cum sceleratis, & pro scelere reputatus esset: Tandem cum jam non haberet, quod daret, tradidit animam, adeoque se totum.

Vide, quantum debeas pro tanto?

Colloquium & affectus ex verbis Apostoli: *Mibi autem absit gloriari, nisi in Cruce Domini nostri JESU Christi, per quem mihi mundus crucifixus est, & ego mundo.* Amplexando ardentissimo amplexu Crucem Sanctissimam, verbis & affectu S. Andreæ Apostoli: *O bona Crux! que decorem ex membris Domini suscepisti &c.* Tum concludendo tenerissimo cordialis affectus sensu: *Amor meus JESUS crucifixus!*



MEDITATIO LXXIV.

*De Potatione Christi felle & aceto : Oratione
pro crucifixoribus ad Patrem : Recom-
mendatione Beatissimæ Joanni ,
& viceversa.*

Fundam: Prophetia Psal: 68. *Dederunt in escam meam fel,
& in siti mea, potaverunt me aceto.* Item Isai: 53. *Ipse
peccata multorum tulit, & pro transgressoribus rogavit.* Item
Thr: 3. v. 5. *Edificavit in gyro meo, circumdedit me felle & la-
bore :* vers: 8. *Sed & cum clamavero & rogavero, exclusit ora-
tionem meam.*

Prælud: 1. Statue tibi ante oculos mentis Christū Do-
minum in cruce pendentem, felle & aceto potatum, oran-
tem pro crucifixoribus, Matrem Joanni commendantem.

Prælud: 2. Pete gratiam ex his mysteriis fructum spi-
ritualem decerpenti ac percipiendi, scilicet gustum in ama-
ritudinibus religiosæ vitæ, gustum amoris inimicorum, æsti-
mationem Patrocinii, & affectus Beatissimæ Parentis.

PUNCTUM I.

Considera, quomodo locus Psalmi impletus sit in Chri-
sto: *Dederunt in escam meam fel.*

Ubi imprimis audi Christum clamantem: *Sitio.* Tum
contemplare impios satellites fel & acetum illi pro-
pinantes.

Et hinc intellige sensum verborum illorum: *Edifica-
vit in gyro meo.* Quod inquam edificaverit DEUS extre-
mam Christi derelictionem ab omnibus amicis & solatiis,
ut nullus circum circa esset, qui in siti etiam illa ei subve-
nire,

*Degustatio
felli & aceti*

nire, vel auderet, vel posset: Solis impiissimis satellitibus in divexationem ipsius relictis ac immisiss. Execrare illorum inhumanitatem & malitiam; atque te reflecte supra tuas sensualitates, nec non commoditates, in quocunque præsertim in cibo & potu: tum etiam super ulum mortificationis ac memoriæ fellis Christi, & acetū in iisdem. Præterea reflecte te supra amaritudines vitæ religiosæ, eas eodem ipso felle & aceto condiendo.

Jam expende in hoc verbo: *Sitio*, Christum non tam potum quàm aliquid aliud desiderasse: nempe salutem totius mundi, omnium hominum, etiam reproborum quantum in illo fuit. Admirare tantam in illo etiam puncto de hominum salute, Christi sollicitudinem: ita ut quasi suæ salutis sui que oblitus, humanæ meminerit, eique prospexerit. Vide, si Christi verus imitator es, non aliter te debere salutis animarum esse memorem, ita scilicet, ut tu ipsius tuorumque commodorum, ac penè animæ tuæ obliviscaris. Quamquam forte utriusque misere oblivisceris.

Expende præterea hanc Christi immediatam fuisse ad mortem præparationem, nempe sitim salutis animarum, tum etiam degustationem fellis & acetū. Atque hinc concludere: neque te posse melius disponere ad tuam mortem, quam per id ipsum utrumque, scilicet zelum animarum, & amaritudinum vitæ religiosæ tolerantiam, ut his duobus immoriaris.

PUNCTUM II.

Oratio pro
crucifixori-
bus.

CONSIDERA, quomodo locus Isaïæ in Christo impletus: *Pro transgressoribus rogavit.*

Ubi audiens ac perpendens Christum in hæc verba orantem pro suis crucifixoribus: *Pater dimitte illis, quia nesciunt quid faciunt.* Attende dignam Filio DEI virtutem, tantum scilicet amorem inimicorum: & quidem non quallumcunque, sed cruci & morti se addicentium: dum non solum

solum veniam tanti criminis adversum se perpetrati orat, sed etiam ipsum crimen excusat : *Quia nesciunt*, inquit, *quid faciunt*. Si vero revera nesciunt, cur dicit : *Dimitte* ? Ignorantia utique sicut culpam pœnamque non incurrit, ita dimissioni fortassis ac veniæ saltem apud DEUM vix subjacet ? Quid igitur Christus apud Patrem exorat tantopere ? nisi quod hoc ipsum super abundantem ejusdem Christi pro inimicis sollicitudinem exprimat, eo ipso obviantis cuicunque non apud se tantum, sed apud Patrem quoque cœlestem eorum culpabilitati : imo neque etiam adversum se aliquam eorundem ipsorum reputantis offensam & culpam. Vide, quomodo Salvatoris exemplo cum tuis inimicis tibi procedendum sit : ut non tantum illorum contra te perpetratis offensis simpliciter ignoscas : Sed etiam apud te, & apud alios, eosdem excuses, eorum in datis occasionibus patronus sis. Imo etiam uti Christus, offensas pro offensis non reputes. Eamque esse optimam ad mortem dispositionem : amorem scilicet, & quidem talem ut diximus, inimicorum : huncq; ipsum nescio, quàm sublimibus actibus, ac heroicis ad agonem præsertim præparatoriis æquivalere.

Illud tamen horrendum adverte, quod in supra posita Prophetia additum : *Cum clamavero & rogavero exclusit orationem meam*. An non vero hæc oratio & clamor pro inimicis? quibus nec ipsa passio Christi, & copiosa redemptio profuit ad salutem, sed imo evasit ad perditionem. Vide ne in horum numero inveniaris.

PUNCTUM III.

Contemplare sub Cruce Christi stantem MARIAM & Joannem, ipsumque Christum audi ad utrumque dicentem : *Ecce Filius tuus, ecce Mater tua*. Congratulare S. Joanni eam felicitatem.

Atque expende, quid Christo in illo complacuerit, ut

M m

illum

Recommen-
datio Matris
Joanni, &
Joannis Ma-
tri.

illum sui loco, Matri Sanctissimæ pro Filio commendare ac reliquerit? An non vero præter virginitatem aliaque etiam id, quod fideliter crucifixo ejusque cruci adstiterit? Atque ad similes eidem S. Joanni virtutes, nominatim ad constantiam, tum & sortem similem enitere.

Colloquium & affectus primo ad Christum petendo ab eadem, ut te omnes vitæ religiosæ amaritudines, læto & alacri animo perferre faciat, ad eas te offerendo ac resolvendo: tum etiam amorem inimicorum in te accumulare dignetur. Deinde ad Beatissimam per illam formulam congregationis: Sancta MARIA Mater DEI, & Virgo ego &c. vel per illam orationculam: O Domina mea Sancta MARIA.

MEDITATIO LXXV.

*De Triborio Christi agonizantis,
& ipsa morte.*

Fundamentum Prophetia Dan: cap: 9. Post hebdomades sexaginta duas occidetur Christus, & non erit ejus populus, qui eum negaturus est. Item Mai: 53. De angustia & de judicio sublatys est, abscissus est de terra viventium. Item Zachar: 3. Satan stabat à dextris ejus, ut adversaretur ei. Item Psal: 21. DEUS DEUS meus, respice in me, quare me dereliquisti. Item Psal: 30. In manus tuas commendo spiritum meum.

Prælud: 1. Statue tibi Christum per tres horas in Cruce agonizantem.

Prælud: 2. Pete gratiam comparandi te ad agonem extremum exemplo Christi agonizantis.

PUN-

PUNCTUM I.

Considera, quomodo Prophetia Danielis, ac Isaia, de morte Christi impleta? Scilicet *post hebdomades 62. &c. Item de angustia & judicio &c.* Ad enim defunctio evenisse palam est.

Ubi expendes primo, cur post narrationem de nece Christi, sequitur Prophetia de interitu Judæorum. Nempe non omnibus salutifera mors Christi fuerat: aliis salutem ac liberationem, aliis exitium paritura. Vide, ne tibi quoque damnationi sit.

Expende secundo, quid est, quod dicitur: *De angustia & judicio sublatum est?* nempe, quod illi per exquisitissima tormenta & iniquissima judicia vita fuerit erepta: vel quod ipsa mors de tantis tormentis & judiciis malevolorum fuerit ejus liberatrix. Ubi tu quoque desidera, non aliter quam per insignes quo ad omnia ac famam ipsam passiones, torturas & angustias, vitam pro Christo exigere.

Expende tertio id quod additur: *Abscissus est de terra viventium.* Advertendo in eo trabalem Judæorum expressam malitiam, ita erga Christum malevolorum, etsi nihil adversus eum causæ justæ & offensionis habuissent, ut nō illū tantum, sed nomen etiam ac memoriam ejus vellent de terra quodammodo exscindere ac eradere. Disce hic injustas quorumcunque adversum te malevolentias æquo animo ferre, & in illis solatium à Christo similia perpesso, petere. Nisi quod in prædictis Prophetæ verbis, insignis quoq; Christi erga terrigenas fuerit expressus amor, quo ita fuit illis conjunctus, ut quasi violenter ab eis abscindi debuerit: Proinde hunc quoque ejus amorem præsertim erga ingratos æstima.

Expende vero quarto circumstantias mortis, & agonizæ Christi.

Prima, quod Christus non brevi temporis spatio, sed per tres horas agonizare voluerit. Ita scilicet Christum

M m 2

patiendi

*Prophetia de
Christo, &
circumstan-
tia mortis &
& agonizæ
ipsum expen-
duntur.*

patiendi desiderio arsisse, ut tantis tormentis & passionibus minime exlatus fuerit, ita ut etiam tanto agonis intervallo, dolores crucis voluerit protrahere. Vide quam longe distet tuum pro Christo patiendi desiderium: quam tibi in animo sit non protrahendi, sed contrahendi tempora & occasiones patiendi.

Secunda circumstantia, quod juxta Prophetam: *Satan adfuerit à dextris ejus, ut adversaretur ei*, hoc est, tentaret Christum, diciturque ille fuisse Satan, qui eum tentaverat in deserto, & quidem ipse Lucifer. Vide si hæc in viridi, quid de te misero homuncione fiet in morte, quæ te tentationes manent, quomodo eis resistes? quibus in vita tam facile toties succumbis

Tertia circumstantia, illa de Patre querela: *Ut quid dereliquisti me?* Ubi expende, quomodo Christus in tanta desolatione mori voluit, ut ab omnibus derelictus, omnibus solatiis privatus, etiam à Patre suo æterno derelictionem sui in tanto articulo sustinuit. Vide, ut ad similem desolationem in vita & morte te resolves.

PUNCTUM II.

Alia circumstantie.

Considera alias mortis & agonie Christi circumstantias.

Scilicet illam, qua spiritum suum in manus DEI Patris commendavit. Et verè defuncto Pater æternus commendatum speciali affectu & dilectione excepit. Vide cui tu quoque tuum spiritum in morte commendes: quis tuam animam tot peccatis fœdatam suscepturus sit.

Quinta circumstantia, qua contestatus est Christus illa voce: *Consummatum est!* hoc est, quod ad amissam voluntatem Patris æterni, Prophetias, oracula, figuras impleverit: Vide Religiose ut simile quid in morte tua possis secure & audenter profiteri. Nempe, quod consummaveris, impleveris omnes regulas, vota, opus salutis humanæ, ad

ad quod vi instituti tenebaris, ac prorsus omnia vocationis ac Religionis tuæ.

Sexta circumstantia : *Quod clamans voce magna, & inclinate capite emisit spiritum.* Id ipsum contestans, quod tunc etiam ipsi animus, ac desiderium non desisset, clamorositissima orbem totum prædicatione alloquendi. Tum etiam, quod sicut in tota vita singulariter humilitati fuerat additus, id ipsum quoque in morte capitis inclinatione exercuit : aut certè ut ejusdem capitis submisso annutu Patris æterni voluntatem adoraret.

Vide, quis in te quoque ad prædicandum Christum sit animus? quis humilitatis amor? quæ divinæ voluntatis observantia?

PUNCTUM III.

CONSIDERA reliquas mortis Christi circumstantias.

Qualis fuit solis obscuratio, & tenebra facta. Nempe Christum ita non tantum suam vitam absconditam, sed etiam mortem obscuram non illustrem habere voluisse, ut sic Filius Patrem æternum clarificaret. Hinc tu quoque te resolve, ne mors tua extrinsecus quidpiam præclari habeat, sed solum ut intrinsecus morte Sanctorum moriaris : & in amore DEI actuali exspires. In vita quoque illud age, ne lucem ullam ac celebritatem tui affectes, sed in angulo religioso velut in tenebris obscurus vivas. Nisi quod ille solis occasus ac tenebræ, non in modicam lucem & gloriam Christi evaserint, multumque illustraverint eundem : ut vel hinc discas quantum DEUS illos in futura saltem vita clarificet, qui propter eum obscuri vivere volunt.

Circumstantia 8va : Scilicet, quod velum templi & petra scissa, animæque Sanctorum, seu aliqui redivivi è sepulchris egressi, multi pectora percutientes penituerint. Ubi expende prodigiosam mortis Christi efficaciam, quæ ut in tuo quoque cor-

Circumstantia reliqua.

de, petris, & adamantibus duriore locum habeat, utq; **DEO** per peccatum mortuus es, morte Christi reviviscas, dignosque fructus pœnitentiæ ante mortem agas: enixe supplica.

Nona circumstantia, scilicet, quod in præsentia Matris Beatissimæ Christus spiritum reddiderit. Implora tibi hanc felicitatem in morte tua, singulis præsertim Angelicis salutationibus, habita speciali reflexione ad illa verba: *Nunc & in hora mortis nostra.*

Colloquium & affectus ad Christum agonizantem concludatur illâ oratione Ecclesiæ: Domine JESU Christe, Fili DEI vivi, qui hora sexta pro redemptione mundi crucis patibulum ascendisti, & sanguinem tuum pretiosum in remissionem peccatorum nostrorum fudisti, te humiliter deprecamur, ut post obitum nostrum paradysi januas nos gaudenter introire concedas.

MEDITATIO LXXVI.

De Transfixione Lateris Christi.

Fundam: Locus Zachariæ Propheta cap: 12. à Sancto Joanne citatus in Evangelio: Facta sunt enim hæc, ut Scriptura impleretur: Videbunt in quem transfixerunt.

Prælud: 1. Constitue te in monte Calvaria, spectantem transfixionem lateris Christi.

Prælud: 2. Pete gratiam cordialiter compatiendi cordi Christi: illudque ex corde amandi.

PUNCTUM I.

*Transfixio
lateris Chri-
sti ejusque
causa.*

Considera, quomodo hic locus Propheticus in Christo impletus: Videbunt in quem transfixerunt.

Atque expende inprimis ingentem ausum hujus militis cor Christi transfigentis, Ac similes etiam ausus nostros.

stros in idem cor, per illa scilicet peccata extremæ malitiæ ac deliberationis, per peccata ingratitude, postpositionis DEI rebus creatis, contemptus gratiarum, per sacrilegas confessiones, communiones. Vide an hujus ausus tu quoque complex non fueris, vel non sis?

Jam expende causas, ob quas sibi Christus latus aperiri lanceâ permiserit.

Primoque, fuisse causas peccata cordis nostri, illos videlicet amores inordinatos, affectus ad terrena, concupiscentias, appetitus pravy &c. Vide an tu quoque per similia, causa transfixi cordis Christi non extiteris?

Secundo, ideo Christum voluisse sibi aperiri latus, ut in omnibus nostris adversitatibus & afflictionibus haberemus ad illud recursum. Vide, quo tu in tuis angustiis & ærumnis recurras?

Tertio, ut notissimum in omnibus tentationibus, ac insultibus diaboli, haberemus refugium ac propugnaculum. Vide quis in te ad hoc asylum in tentationibus recursus?

Quarto, ut præbens suum cor ad transfigendum pro nobis, nostrum cor sibi per hoc conciliaret, ac nancisceretur. Vide cuinam tuum cor toties in possessionem cedat, Christone? an mundo, diabolo? &c.

PUNCTUM II.

CONSIDERA è latere Christi sanguinem & aquam fluxisse. Atque hic etiam illam Prophetiam expletam, qua de cornu seu latere altaris, an Domus DEI aquæ manare debuerant.

Ubi expende causas hujus ipsius.

Primo, ut scilicet reliquum sanguinis, quod circa cor latebat profunderet ex amore nostri, nihil amplius, etiam humoris aquei, sanguine jam deficiente reservans. Exardesce in mutuum Christi Domini amorem, ac protestare, quod

*Sanguis &
aqua de la-
tere transfi-
xo manans,
& causa hu-
jus.*

quod nihil velis retinere, quod non sis paratus prodigere ex amore ejus: ac propterea reflecte te supra abnegationem mundi omniumque rerum terrenarum, ac tui etiam ipsius, an non sit adhuc aliquid, quod non abnegaveris & prodegeris propter Christum?

Secundo Ideo sanguinem fluxisse cum aqua: quia hic fuit lavans & dealbans. Confundere, quod in tuum cor & animam, toties hic sanguis fluxerit, interim tot scditibus scateas.

Tertio, fluxisse hunc sanguinem cum aqua in terram, nempe multos fore, esse, ac fuisse, quibus nihil sanguis hic, profuturus sit ad salutem: æque ac terræ illi in quam defluxit. Vide an non sis è numero salium?

PUNCTUM III.

*Reflexiones
ex occasione
Prophetiæ de
transfixo la-
tere Christi.*

Considera hæc ipsa verba Prophetiæ: *Videbunt in quem transfixerunt.*

Ubi expende primo, quid est, quod cum unus Christi latus transfixisset, id ipsum pluribus adstruitur? An non ideo, quod unius sæpe scelus ac infamia, in plures redundare consuevit: præsertim si de Clero vel Religione sit. Vide ne simile quid ex te quoque redundet.

Expende secundo, quod dicitur: *Videbunt*, & quidem postquam transfixerunt, ac si ante transfixionem, vel in transfixione non vidissent. Nempe sic non raro excæcare malitiam, ut non nisi post peccatum, & in pæna oculos aperiat. Quodsi hinc cum prævia adversione & visione facta hæc eadem transfixio, tanto hæc ex eo ipso exaggeratior malitia & scelus. Vide ne malitiæ similis in te locus sit.

Atque expende tertio prædictam Prophetiam in literali sensu de Longino intelligi: qui cum monoculus esset, in transfixione lateris Christi visum in oculo, quo excæcatus fuerat recepit, ac in Christum credidit. Vide hic ineffa-

effabilem cordis Christi bonitatem, quomodo pro vulneribus rependat beneficia.

Introspecte per apertum latus idem sanctissimum cor, cumque corde tuo compara: dispiciendo qualenam cor Christi, & tuum quale? Tum etiam dispice & confer injurias & vulnera cordis Salvatoris ab inimicis & peccatoribus illata, cum injuriis & doloribus cordis tui.

Pro colloquio Oratio: *Anima Christi sanctifica me &c. aqua lateris Christi lava me. &c.*

MEDITATIO LXXVII

De Exinanitione Christi in vita, passione & morte.

Fundam: Prophetia ex Psal: 68. *Veni in altitudinem mari, & tempestas demersit me.* Item Psal: eod: *Infixus sum in limo profundum, & non est substantia.* Item Isai: 53. *Ipsa vulneratus est propter iniquitates nostras, attritus est propter scelera nostra.* Item Psal: 21. *Ego sum vermis, & non homo, opprobrium hominum & abjectio plebi.* It: Ps: 38. *Substantia mea tanquam nihilum ante te.*

Prælud: 1. Statue tibi Christum, prædictas Prophetias de se proferentem, & ad similem exinanitionem temet invitantem.

Prælud: 2. Pete gratiam ediscendi ac imitandi eandem.

PUNCTUM I.

Considera, quomodo hi loci Prophetici in Christo adimpleri? nempe non aliter, quam per extremam exinanitionem sui in vita, passione & morte.

Certè enim cum ille assumptâ naturâ humanâ in altitudinem maris, id est hujus mundi & vitæ venisset, ita,

N a

ma-

*Exinanitio
Christi quo-
ad esse Divi-
num, seu di-
vinitatem.*

maxime per tempestatem passionis demersus est, ut nihil ex eo, quod ipse erat apparuerit.

Atque hic ulterius expende locum Psalmi : *Infixus sum in limo profundi, & non est substantia.* Ubi per limum profundum intellige corpus & naturam humanam, tum etiam passionem, & mortem Christi despicabilem : per amissionem substantiæ, intellige exinanitionem ejusdem Christi, exinanitionem inquam inprimis, quod ad esse Divinum seu Divinitatem illius, atque attributa ejusdem Divinitatis. Hæc enim tota substantia in limo prædicto corporis, & naturæ humanæ, tum passionis & mortis, ita exinanita est, ut nihil Divini apparuerit in Christo. Idque expressisse Apostolum his verbis : *Qui cum in forma DEI esset, non rapinam arbitratus est, se esse æqualem DEO, sed exinanivit semetipsum formam servi accipiens, in similitudinem hominum factus, & habitu inventus ut homo.* Atque hic expressa exinanitio Divinitatis, seu forma DEI usque ad formam servi, usque ad similitudinem hominum simplicium, usque ad habitum hominis, usque ad illas tot blasphemias Judæorum, qui illum non pro DEO, non pro DEI Filio, sed pro simplici homine, ac filio Fabri agnoscebant, ut talemque proclamabant, ut propter id etiam, quod se Filium DEI nominaret, morti & tot opprobriis eum addiderint.

Jam percurre omnia attributa Divinitatis : immensitatem, omnipotentiam, immortalitatem, impassibilitatem, omniscientiam, impeccabilitatem, sapientiam, bonitatem, justitiam &c. Atque expende, quomodo se Christus depreserit ac exinaniverit, quo ad hæc omnia tam in vita, quam in passione & morte. Ubi totam ejus vitam & passionem percurrere poteris, cum accommodata ad teipsum eundo per singula reflexione.

PUN-

PUNCTUM II.

Considera, quomodo se Christus exinanivit, quoad esse hominis.

Et inprimis quoad esse physicum seu naturale præsertim quoad bona corporis: hæc & tanta in suo corpore passus in capite, facie, oculis, manibus &c. ac omnibus membris, omnibus sensibus, ita per flagella, alapas, sputa, concussiones &c. *attritus propter scelera nostra*, ut nec vestigium hominis in illo apparet, uti de se ipsemet apud Psalmam: *Ego vermis & non homo*. Ac tandem etiam esse hominis per mortem amisit.

Jam quoad bona animi, & quoad esse morale, quanta Christi exinanitio, præcipue quoad debitum sibi honorem, famam, æstimationem, sapientiam, & prudentiam humanam, talenta &c. ut planè opprobrium hominum esset, & abjectio plebis, ac etiam pro stulto reputaretur.

Nec minus quo ad bona fortunæ, ita ut præter alia in vita perpeffa, nudus etiam in cruce mortuus sit. Unde dicitur non simpliciter, & quomodocunque corruptus, despoliatus, depretiatus, sed *attritus*. Dum enim aliqua res conteritur, non tantum ejus accidentia disparent, sed ipsa etiam substantia videtur annihilari: ita ut solus pulvis & cinis residuus appareat, sicuti illud ad hominem: *Memento homo quia pulvis es, & in pulverem reverteris*.

Expende hæc omnia, decurrendo pariter vitam & passionem Christi, cum debitis ad te ipsum reflexionibus.

PUNCTUM III.

Considera exinanitionem Christi, quoad esse supernaturale.

Præcipue quo ad sanctimoniam, cum non tantum pro sancto, & utcunque probò non haberetur, sed imò reputaretur pro sceleratissimo.

*Exinanitio
Christi, quo
ad esse homi-
nis physicum
seu naturale.*

*Exinanitio
Christi, quo
ad esse super-
naturale.*

N n 2

Jam

Jam quo ad miracula, quæ pro imposturis habebantur, & quod ea in Beelzebub patraret.

Tum quo ad alia innumera DEI dona & gratias, quæ in illo aut non agnoscebantur penitus, aut blasphemiiis & calumniis impetebantur.

Hinc idem Christus in persona Davidis ad DEUM Patrem: *Substantia mea tanquam nihilum ante te.* Id est non tantum exinanitus sum in donis naturalibus coram hominibus, sed etiam coram te, id est, in donis supernaturalibus, quæ DEO patent potissimum.

Vide, & audi hæc & tanta, simulque facta ad te reflexione, in multis erubescere.

Colloquium & affectus sit ex prædictis locis Prophetis, à te usurpatis, & ad te ipsum detortis cum oblatione tui, ac resolutione heroica ad extremam exinanitionem, quo ad omnia. Demergar Domine in profundo omnium amaritudinum, passionum, opprobriorum. Infigar in limbo omnium contemptuum, depretiationum. Atterar linguis, convitiis, contumeliis, dentibus. Conculcer, ut vermibus ab omnibus &c.

MEDITATIO LXXVIII.

De Virtute Patientiæ.

FUNDAM: Visio per somnium Pincernæ Regis Ægypti Pharaonis Gen:40. *Videbam coram me vitem, in qua erant tres propagines, crescere paulatim in gemmas & post flores uvæ maturescere, calicemque Pharaonis in manu mea: tuli ergo uvas & expressi in calicem quem tenebam, & tradidi poculum Pharaoni. Interpretatio hujus visionis: Tres adhuc dies sunt, post quos recordabitur Pharaon ministerii tui, & restituet te in gradum primum.*

Præludium primum ordinarium.

Præ-

Prælud: 2. Pete gratiam expendendi fructus patientiæ, eamque sectandi.

PUNCTUM I.

Considera in hac visione adumbrari virtutem patientiæ: cujus optimum symbolum vitis alligari, vinciri, circumcidi, atque ita crescere ac propagari solita.

Gradus patientiæ.

Atque hic per tres propagines, intelligi tres gradus patientiæ: primum pati quæcunque acciderint. 2dum: pati cum gaudio, tripudio, exultatione & satisfactione animi speciali. 3tium desiderare amplius ampliusque pati, & occasiones patiendi quærere, sineque illis tædio affici.

Vide ad quem gradum tua patientia evaserit?

PUNCTUM II.

Considera fructus & motiva virtutis patientiæ, adumbrata in gemmis, floribus, uvis hujus vitis: calice porrecto Pharaoni, restitutione in gradum pristinum.

Fructus & motiva patientiæ.

Inprimis enim, quot ex hac vite prodeunt gemmæ virtutum, præcipuè humilitatis, quæ maximè propagatur adversis, quot merita, quot dona supernaturalia & gratiæ: præsertim quod DEUS speciales gratias occasionibus patiendi alligare consueverit. Jam quantum præmium patientiæ in Cælo. Quantum solatium in morte ac æternitate. Quanta diminutio aut sublatio pænarum purgatorii, ita ut recta ad cælum tendere possis, si exactè omnia adversa sustinueris. Quam evidens signum amoris DEI erga te, quem enim DEUS castigat, diligit: signum prædestinationis, milleque alia solatia spiritualia. Restitutio hominis peccatoris in gradum pristinum, scilicet in gratiam DEI &c. Præter hoc, quod securissima via sit ad salutem, via patientiæ & crucis.

Considera & alia motiva virtutis patientiæ, nempe spe-

specialem gustum DEI in nostris adversitatibus; ita ut erga calicem nostrarum passionum, velut ex siccis uvis expressum singularissime afficiatur, illumque de nostris manibus tanquam singulare pignus accipiat. Jam exemplum Christi patientis, Beatissimæ Parentis: Exempla tot Sanctorum Martyrum, Confessorum, Jobi, Eustachii, Lidvinæ &c. Huc pertinet memoria novissimorum, mortis, inferni, Judicii, æternitatis utriusque, bonæ & malæ, quæ omnia maximè nos ad perferendum quævis adversa movere ac animare consueverunt. Quid? quod nullus in toto mundo sit, qui non patiatur aliquid, & quidem in omni statu, conditione hominum. Præterea, quod Religio sit status patientiæ, humiliationis. Quid illud? Ad quid venisti? Recordare tandem tot peccatorum tuorum, pro quibus aut in hac vita, aut in alia satisfaciendum est. Quæ autem compendiosior satisfaciendi via & modus, quam per patientiam adversorum quorumvis. Quanquam velis nolis, pati omnino debes: quamdiu vivis crucem non effugies: nonne igitur melius sponte, libenter, hilariter, cum merito, quàm invitè, serviliter, dejecto animo pati?

His expensis, anima te quantum potes his fructibus & motivis, ad patiendum pro DEO, & tua salute quævis etiam gravissima.

PUNCTUM III.

Fructus impatientiæ.

CONSIDERA primo fructus, seu damna impatientiæ: nempe jacturas meriti, præmii, tot gratiarum, & solationum spiritualium. Tot turbationes, anxietates, melancholias, amaritudines, augmentumque ærumnarum, crucisque ad cruces additamentum continuum. Inquietudines cum superioribus, æqualibus. Hinc vacillationes in vocatione, tædia vitæ Religiosæ &c.

Occasiones patientiæ.

CONSIDERA secundo occasionem patientiæ.

Et hæc sunt primo ex parte corporis: defectus in cibo, potu,

potu, amictu, habitatione: morbi, alterationes, defatigationes, incommoda.

Ex parte animæ: ariditates, inclinationes ad malum, tentationes, suggestiones, cogitationes importunæ, motus inordinati, scrupuli, &c.

Ex parte aliorum hominum: diffamationes, detractio- nes, odia, invidiæ, censuræ, murmuraciones, fugillationes, exagitationes &c.

Ex parte superiorum: dispositiones, imperia non ad mentem, animadversiones, admonitiones importunæ, malevolentia, suspensiones &c.

Ex parte calamitatum publicarum: mortes amicorum, consanguineorum, infortunia, bella.

Ex parte temporum: frigus, calor, æstus, gelu &c.

Ex parte aliarum rerum creatarum: muscæ, culices, pulices &c.

Vide, ut ex his omnibus meritum ac præmium insi- gne colligas.

Colloquium & affectus ad Christum patientem, ad Beatissimam Dolorosam, ad SS. Martyres, ad eos Sanctos quos insignior patientia exercuit, ut te ejusdem suæ pati- entia & præmii efficere dignentur participem.

MEDITATIO LXXIX.

De vita mortificata.

FUndam: Locus Zachariæ cap: ix. Ubi ex jussu DEI, dicit se assumpsisse duas virgas: unam inquit vocavi decorem: alteram funiculum.

Prælud: 1. ordinarium.

Prælud: 2. Pete gratiam expendendi fructus & emo- lumenta spiritualia vitæ mortificatæ, in illaque proficiendi.

PUN-

PUNCTUM I.

Duplex mortificatio.

CONSIDERA vitam Religiosam secundum Ascetas esse longum martirium : Ideoque expende , in quonam hoc martirium consistat ? Nempe in eadem vita Religiosa , omni ex parte mortificata . Hanc autem mortificationem adumbrari in his duabus virginis Prophetis.

Duplicem enim esse mortificationem , mortificationem videlicet externam , hoc est mortificationem corporis , sensuumque externorum , per disciplinas , jejunia , abstinentias aliasque afflictiones . Et mortificationem internam , hoc est mortificationem ipsius animæ , passionum videlicet , affectuum , inclinationum , habituum &c.

Hæc vero duplex virga seu mortificatio hominem Religiosum Martyri similem efficit , imò alterum Martyrem : si enim unius idu gladii , vel alterius instrumenti , si unius vel alterius momenti spatio , non unus Martyr egregius evasit . Quid de tot annorum mortificatione , disciplinis , jejuniis &c. dicendum est ?

Vide quis in te hujus Martyrii usus ?

PUNCTUM II.

Qualis hæc utraq; mortificatio requiritur.

CONSIDERA hominem Religiosum huic martyrio & mortificationi deditum , debere esse non quomodocunque mortificatum , non in parte , sed mortificatum in toto , & ex toto , quo ad omnia membra , omnes sensus , passiones , appetitus , affectus &c. Plane non aliter , quàm in ædificio & fabrica contingit , quod dum erigitur ; à fundamentis ad apicem usque applicatur ei funiculus , arundo , aut quodvis aliud instrumentum illius directivum : aliàs sicuti hæc applicatio arundinis vel funiculi abesset , absque dubio hoc ipsum in sua rectitudine & venustate deficeret , illa ipsa parte & loco intortum & defleciens . Talem igitur funiculum , talem virgam mensurariam , ac directivam mortificationem

nem cogita, totī corpori, toti homini Religioso, quo ad omnia ejus constitutiva interna & externa applicandam. Qualis defactio ipse caput Martyrum Christus, in quo à planta pedis usque ad verticem capitis non erat sanitas, qui plane totus & in omnibus passus, in toto corpore, anima, fama &c.

Vide, an tale apud te martyrium, nempe martyrium totius corporis & animæ: an vel unum membrum, una passio satis mortificata?

PUNCTUM III.

CONsidera motiva & fructus mortificationis utriusque.

Atque expende primam virgam dictam *funiculum*, per eamque adumbratam mortificationem externam intellige: quæ plane adinstar funiculi trahit nos ad amorem virtutis, ac omnis boni, fortius nos DEO ac Religiositati obligat & adstringit: rebellem partem inferiorem velut captivam mancipat in obsequium partis superioris, in eoque obsequio detinet.

Jam quoad virgam dictam *decorem*: intellige adumbrari mortificationem internam, quæ incredibili decore animas & conscientias hominum religiosorum exornat, illa puritate animi, immunitate ab omni nævo, tot virtutum splendoribus & ornamentis.

Hinc percurrere alia motiva, nempe quod mundus, dæmon habeat tot suos martyres, cur Christus non habeat, quos cælum pro stipendiis expectat?

2. Habes in desiderio martyrium propter fidem: cur te illo martyrio, quod in tua voluntate est, DEO non immolas?

3. Quo magis quis suum corpus hic in terra mortificat, acerbius & violentius tractat, eo majorem illius gloria

Motiva &
fructus mortificationis
utriusque.

nificationem in celo habiturus est : præcipue in illis partibus corporis, quas præ aliis mortificaverat.

4. Si mortificationis nullus apud te usus, scito de perfectione omnino tibi desperandum esse.

Præ omnibus autem motivis Christi exemplum, Beatissimæ Matris, tot Sanctorum, Confessorum, Ascetarum.

Ac denique expressa summarii de continua in omnibus mortificatione quærenda, Regula: quam accuratius expendes, videbisque quantum apud te hæc eadem motiva hæcenus valuerint, & valeant.

Colloquium simile, quod in immediata meditatione : Scilicet ad Christum patientem : ad Beatissimam Virginem Dolorosam : SS. Martyres, eosque Sanctos, qui insigniori mortificatione excelluerunt præ aliis: petendo, ut te in consortium ejus virtutis, mortificationis utique simulque sui præmii admittant.

MEDITATIO LXXX.

De vita heroica.

Fundam: Visio S. Joannis Apoc: 7. Ubi vidit stantes ante thronum, & in conspectu agni amictos stolis albis, & palmas in manibus eorum.

Prælud: 1. ordinarium.

Prælud: 2. Pete gratiam agnoscendi rationem vitæ heroicæ, eamque in te exprimendi.

PUNCTUM I.

*Vita heroica
in quo consistit?*

Considera in hac visione adumbrari vitam in Religione heroicam: quid enim aliud palmas, quam insignia virtutis & heroum esse.

Hinc expende primo. Quid sit & in quo consistat vita

vita in Religione heroica? Nempe in extraordinariis resolutionibus & victoriis sui ipsius.

Has autem resolutiones, ac victorias sui posse considerari dupliciter. Primo per ordinem ad peccata, ad passiones, inclinationes, habitus, tentationes superandas. Secundo per ordinem ad virtutes acquirendas, virtuosasque actiones exercendas.

Expende secundo actus heroicos rursus esse duplices, alios ex parte subiecti, alios ex parte objecti tales. Actus heroicos ex parte objecti esse resolutiones ad aliquid ex se arduum & difficile. Jam autem ex parte subiecti, esse resolutiones ad aliquid licet ex se nequaquam difficile & arduum, arduum tamen ex occasione alicujus repugnantiae, aut circumstantiae temporis, loci, personae.

Tandem alios esse actus heroicos solum in intentione, in desiderio ardenti, in resolutione intentionali; ad nescio quæ difficilia & ardua: alios in ipso actuali exercitio, & praxi consistere.

Reflecte te, quis apud te actuum heroicorum usus? an vel unum saltem, vere actum heroicum in vita religiosa elicueris?

PUNCTUM II.

CONsidera primo in hac visione adumbrata motiva, & fructus vitae heroicæ:

Nempe primo, quod per actus heroicos sit compendiosissima, tam ad extirpandas passiones & vitia, ad acquirendas virtutes, & consequenter perfectionem, quam ad meritum & præmium caeleste via, & quidem ad præmium sublime. Hinc illos heroes S. Joannes vidit ante thronum ipsum stantes. Hinc etiam illud axioma spirituale, unum actum intensum & heroicum æquivalere multis remissis & non heroicis. Unde sine actibus heroicis vix

*Motiva &
fructus vitae
heroicæ.*

possibile extirpatas plene habere passionēs, ad perfectiōnemque evadere.

Secundo, quod eos heroes S. Joannes viderit in conspectu Agni. Nimirum, quod Christus, Dux noster heroibus Religiosis, eorumque actibus heroicis, tanquam singulari delectetur spectaculo.

Tertio, quod hi iidem heroes speciale in cælo præferant insigne, ut advertit S. Joannes, *palmas*, scilicet, *in manibus eorum*. Non aliter, quàm Virgines laureolam Virginitatis, Martyres lauream martyrii. Adverte vero sicut palmam à radice, & ultra esse asperam & incultam, in fastigio vero dulcibus fructibus abundare: ita vitam heroicam in eo non dissimilem: Proinde heroum insigne esse.

Per *stolas etiam albas*, quibus erant amicti, intelligi præmium puritatis conscientiæ, quæ per actus heroicos acquiritur.

Considera secundo, & alia motiva hujus vitæ heroicæ, nempe ex vi vocationis religiosæ. Religiosus enim perpetua naturæ violentia. Præterea ex vi sui proprii instituti, quo toties injungitur victoria sui. Atque ex vi ipsius etiam nominis, quod geris. Quid enim est socium JESU, quam heroem Religiosum. Quomodo audeas te JESU Socium, socium tanti Ducis jagare, si nihil heroicum conficeres. Quanquam simile quid de aliis Religiosis. Tandem *cælum vim patitur & violenti rapiunt illud*; hoc est Christi heroes.

Vide, quid in te hæc motiva proficiant? reflectendo te ad extirpationem passionum, defectuum, profectum in virtutibus. Et si in his te vacillare repereris, hoc ipsum defectui actuum heroicorum adscribe.

PUNCTUM III.

Actus heroici
in particula-
ri.

Considera in particulari aliquos in vita religiosa actus heroicos.

I. Nolle aucupari ullius gratiam ex superioribus, æqua-

qualibus, domesticis, externis; præcisè in solum bonum tuum.

2. Non quærere ullam commoditatem propriam, ul-
lum solatium & delectationem ex creaturis.

3. Peculiariter suis inimicis affici, pro illis orare, illis
prodesse, benefacere, opitulari, eos defendere, excusare, &c.

4. Cuivis Superiori subesse: Nullum locum ac nul-
lius regimen excusare, ad quodvis officium dispositionem-
que gravissimam se resolvere.

5. Non tantum omnes diffamationes, detractiones,
censurationes, delationes, informationes iniquas, falsas su-
spiciones, calumnias, attributiones sibi alienorum defectu-
um æquanimiter ferre, sed imo ad illas te libenter offerre,
illas desiderare, in illis non conqueri, excusationibus non
uti, non se defendere, non expurgare, non illas retunde-
re, diluere.

6. Velle esse centrum odiorum, linguarum, vilipensio-
num, postpositionum apud superiores, æquales, domesticos,
externos.

7. Nullum præmium, nullum solatium, nullum re-
spectum, nullam gratitudinem pro laboribus religiosis, nul-
lum plausum intendere, & acceptare, sed imo desiderare
vituperia, depretiationes, censuras &c. In reliquo quo ad
hoc punctum, vide Exercitia Patris Danielis Pawłowski,
simulque te reflecte quantum tibi animi insit ad prædicta?

Colloquium ad Christum petendo ab eodem, ut sicut
te inter suos socios & commilitones adlegit, ita etiam tibi
heroicos spiritus & animos inspirare
dignetur.



ME.

MEDITATIO LXXXII

De constantia, magnanimitate & fortitudine animi Religiosi.

Fundam: Visio S. Joannis Apoc: 10. Et vidi alium Angelum fortem, descendentem de celo amictum nube, & iris in capite ejus, & facies ejus erat ut sol, & pedes ejus tanquam columnæ ignis, & posuit pedem suum dextrum super mare, sinistrum autem super terram.

Prælud: 1. consuetum.

Prælud: 2. Pete gratiam agnoscendæ veræ ac solidæ magnanimitatis, constantiæ, ac fortitudinis religiosæ, ejusque assequendæ.

PUNCTUM I.

Facies & pedes Angeli Apocalyplici.

Considera non frustra hunc Angelum Apocalypiticum dici fortem. Certè enim in illo egregiè adumbrari veram ac solidam magnanimitatem constantiam & fortitudinem religiosam.

Intende inprimis oculos in ejus vultum ac pedes. *Facies ejus, inquit, erat ut sol: pedes ejus tanquam columnæ ignis.*

Quo ad faciem sole resplendentem? Hæc planè est verè ac solide magnanimi, fortis, ac constantis hominis. Quid enim ipso sole pulchrius magisque ad vivum, fortem magnanimum & constantem virum exprimit? Videre est solem ab ortu, arduo nisu elucentem, fugantem tenebras, præpotens noctis dominium triumphantem, adversas superantem nebulas, tot monstra ferarum, sive in Zodiaco, sive extra Zodiacum, innoxie ac intrepidè transeuntem, omnia mundi inferioris speciosa, splendide, magnificè, ab alto

alto despicientem, tot spatia infatigabiliter & absque errore permeantem, ac tandem ad ipsum meridiem sese constantissimo passu efferentem. Jam à meridie, quasi contemptu & tædio summæ altitudinis infra demittentem sese, ac eodem tenore, quo ad summa ascenderat, descendente ad occasum, demumque intrepido pergentem gressu, nec mutato vultu (ut ait Zeno Veronen:) ad mortis cognatæ sepulchrum. De illo Plakes: *Exultavit ut Gigas ad currendam viam à summo calo egressus ejus, & occursum ejus usque ad summum ejus.* Et hæc plane talisque esse debet viri verè fortis magnanimi & constantis facies.

Applica ea ipsa ad eundem, simulque vide, quid in te ipso similis fortitudinis magnanimitatis & constantiæ?

Jamque ad pedes Angeli, qui dicuntur fuisse *tangens columnæ ignis* procede: ibidemque adverte non minus notorium prædictarum virtutum symbolum in illis exhibitum: Quid enim firmitus, robustius, stabilius, magisque infractum pedibus instar columnæ.

Quodsi attributa quoque ignis expenderis? in his etiam fortitudo, magnanimitas, constantia religiosa elucebit. Quis enim nesciat quantæ in hoc elemento ad agendum & sustinendum vires: quanta in eo ipso constantia: quanta naturæ igneæ sese ad cælum ferentis spernentisque terrena omnia sublimitas.

Quæ dum consideraveris, simul in te ipso similia requires.

PUNCTUM II.

Contemplare ornatum hujus Apocalyptici Angeli, de quo dicitur: *quod fuerit amictus nube: Iris in capite ejus.* Ubi etiam expressam fortis magnanimi & constantis viri effigiem agnosces.

Quid enim aliud est, nube imbrium, nivium, grandinum, tonitruum, fulminum bajulâ vestiri, & tamen Iride tot

Ornatu
ipsum.

coloribus conspicua, pacis & tranquillitatis symbolo fulgere?

Hæc autem iris præferebatur in capite: nempe illud caput non fuisse inquietum, turbulentum, sed potius pacificum, tranquillum, nec alios inquietans, perturbans, nec se turbari, inquietari ullis vicissitudinibus sinens: quod ipsum fortitudinis & constantiæ est.

Vide, an in te quoque hic ornatus eluceat?

PUNCTUM III.

*Reliqua ad-
juncta,*

Contemplare reliqua hujus Angeli adjuncta.

Scilicet, quod posuerit pedem dextrum super mare, sinistrum super terram.

Ubi in primis adverte, quam magni animi hic Angelus fuerit, qui supra mare etiam pedem ponere non formidavit: quantæ constantiæ, qui non tantum supra terram, sed etiam supra instabile elementum, tam solidè tam stabiliter constiterit: Imo etiam utrumque nempe totum mundum terraqueum aut subjugaverit, aut magnanimo contemptu infra pedes posuerit & conculcarit. Illud etiam positione pedis dextri, qui fortunam & prosperitatem significat, super mare: sinistri autem super terram, qui adversitatem denotat, innuendo: fortunam & prosperitatem mundanam nimis in lubrico inque instabili loco, proximam naufragio, inter fluctus & procellas consistere: terram autem adversis subjectam esse.

Adverte secundo, quod non mirum fuisset, si hic Angelus tam solido & stabili gradu in cælo, ubi omnia stabilia, constitisset: Si ibi, ubi cuncta pacis ac serenitatis plena, iride ac sole radiaffet: sed quia extra cælum, ex quo descendit, quia in terra, ubi omnia instabilia, transitoria, inquietudinibus & tumultibus plenissima, imo in mari etiam, ubi tot pericula, tot procellæ, tot naufragia: illud planè fortis magnanimi & constantis animi esse, quis non judicet?

Vide

Vide igitur, ut te quoque ad normam tanti Angeli in
omnibus effingas.

Colloquium & affectus ex verbis S. Apostoli : *Quis
me separabit à charitate Christi, &c.*

MEDITATIO LXXXII

De Christo Domino Resurgente.

Fundam: Visio Zachariæ cap: 3. Ubi vidit JESUM Sacer-
dotem magnum sordidis vestibus, stantem ante faciem Angeli.
Qui respondit, & ait ad eum, qui stabant coram se, dicens : *Auferte
vestimenta sordida ab eo. Et dixit : Ponite Cydarim mundam su-
per caput ejus. Et posuerunt cydarim mundam super caput ejus,
& induerunt vestibus.*

Prælud: 1. Imaginare tibi hunc JESUM Sacerdotem,
juxta visionem Propheticam.

Prælud: 2. Statue tibi Christum è sepulchro resur-
gentem.

Prælud: 3. Pete gratiam resurgendi cum eodem
Christo.

PUNCTUM I.

Considera in hac visione adumbratam speciem Christi
resurgentis.

Inprimisque contemplare corpus Christi in sepulchro
depositum, totum lividum, vulneribus, plagis, cicatrici-
bus undique sordidatum. Hinc imaginare DEUM Patrem
cum stupore & admiratione, tam lugubrem scænam, tam
miseram Christi sui faciem, tam vilia ac sordida filioque
suo indigna, corporis ejus indumenta contemplantem, ac
tandem simile quid dicentem ad circumstantes Angelos :
*Auferte vestimenta sordida ab eo : Ponite cydarim mundam super
caput ejus. Ecce hic illico sua Angelos accelerare obse-*

P p

quia

*Hipotyposis
Christi Re-
surgentis.*

quia, Corpori Sanctissimo ab omnibus nævis emundando sese impendere. Itaque illos omnes livores, illas omnes cicatrices, omnia plagarum, alaparum, sputorum, spinarum, vestigia evanescere, subitoque totum corpus fulgore resplendescere. Hic animam Christi, repentinum lumen, & metamorphosim admirari, Patri æterno gratias reddere, in corpus illud, & manibus & sinu ejusdem æterni Patris, sese alacriter demittere, in illud immigrare informareque illud, ut ante: atque sic Christum in conspectu & præsentia Angelicæ militiæ redivivum consistere: totum candidiorem nive, splendidiorem sole, in capite coronâ gloriæ redimitum apparere, Patri æterno pro tanta sui glorificatione reverentiam, gratiamque referre. Huc ad gratulandum certatim convolare Angelos, Adsterni resurgentis pedibus, imprimere oscula. Huc educos è limbo Patres similibus certare obsequiis.

Quibus omnibus expensis ad similem Christo congratulationem te accinge. Pro opere redemptionis consummato, & pretio sanguinis liberalissime impento gratias exhibe, singulis Christi membris glorificatis oscula imprime.

PUNCTUM II.

*Comparatio
Christi in Resurrectione
cum Christo
in Passione.*

Contemplant tu quoque Christum redivivum.

Atque imprimis intueze redivivi corpus gloriosum, faciem, caput, oculos, pectus &c. comparaque illius omnes dotes & adjuncta, cum illis omnibus in passione deformatibus, defædationibus, sputis, livoribus, cicatricibus: nec non expende quantum hæc illi omnia in resurrectione abunde compensata.

Intuere secundo Christi animam gloriosam, eamque compara, cum illa ipsa in passione existentē. Compara illos in horro Gethsemani affectus illius & passiones tristitiae, pavoris & tædii, illos contemptus, ignominias, opprobria, injurias, cum dotibus præsentibus, cum exaltatione & glo-

& gloria presenti, cum affectibus gaudii, exultationis, laudis; & agnosce: quam pulchra, quam eximia vestimenta sordidis ac despectis substituta.

Jamque vide qualis cydaris pro spinea corona, nempe diadema Regi Regum, laurea victorum, victoriosissimo ac triumphalissimo reposita Imperatori.

Hæcque ipsa comparatione absoluta, anima te ipsum exemplo Christi, ad gravissima quæque in corpore & anima subeunda, idque spe similis recompensationis, tam in eodem ipso corpore tuo, quam in anima, imo non alio motivo, quàm motivo amoris & gratitudinis erga Christum resurgentem.

PUNCTUM III.

Considera Christum redivivum esse Typum nostræ Resurrectionis, tam spiritualis, quàm etiam corporalis in fine mundi.

Expende hinc omnes circumstantias Resurrectionis Christi, illasque utrique nostræ resurrectioni accommoda.

Colloquium & affectus ad Christum Resurgentem, petendo ab eodem, ut det tibi gratiam ad normam suæ Resurrectionis in anima tua, & conscientia à pravis actibus & habitibus resurgendi, nec postea unquam relabendi in eosdem.

*Christus Redivivus est
Typus nostræ
Resurrectionis.*

MEDITATIO LXXXIII.

De Imitatione Christi Resurgentis.

Quoad dotes Corporis gloriosi.

Fundamentum Visio ex Isaia Propheta cap. 63. quæ applicatur Christo Resurgenti: *Quis est iste qui venit de*

Edom tinctis vestibus de Bosra : iste formosus in stola sua, gradens in multitudine fortitudinis sue, &c.

Prælud: 1. Imaginare tibi in ea specie Prophetæ exhibita Christum Resurgentem.

Prælud: 2. Pete gratiam imitandi & exprimendi eundem in te, quo ad dotes Corporis gloriosi.

PUNCTUM I.

*Forma &
pulchritudo
Christi Resur-
gentis post
Passionem.*

CONsidera eluxisse ea omnia in Christo Resurgente, quæ in prædicta visione exponuntur.

Primo enim per Edom & Bosra intelligunt SS. Patres apud Cornelium à Lap: Judæam incredulam, in qua passus & resurrexit. Bosra etiam interpretatur *munitio*. Proinde non incongruè per illam potest intelligi sepulchrum Christi, quod Judæi *muniuerunt* (ut ait S. Mathæus) *signantes lapidem* appositâ militari custodiâ. Secundo per tinctas vestes intelligunt iidem Humanitatem ejusdem Christi à Judæis in passione cruentatam, ac remanentibus etiam post Passionem ac Resurrectionem cruentis cicatricibus notatam. Tertio dicitur Christus: *Formosus in stola sua*: non enim deformavit illum Passio, sed imo formosiorrem ac longe pulchriorem reddidit. Quarto dicitur: *gradens in multitudine fortitudinis sue*. Certe enim sicubi, profectò in Passione ac etiam in Resurrectione eluxit eximia ipsius fortitudo, qua & tot tormenta toleravit, & debellata morte, & inferno seipsum suscitavit à mortuis. Hinc de illo S. Augustinus serm: 178. de tempore: *Ascendebat crucis rubore persusus, à trophæis victricibus laureatus. Viderunt cæcites cuncti speciosum Vulneribus Christum, admirantes fulgentia Divina virtutis vexilla. Hic est ille candidus & roseus compunctus à multitudine. Hic est ille, qui non habuit speciem neque decorem, infirmus in laqueo, fortis in spolio: Vilis in corpusculo, armatus in prælio: fædus in morte, pulcher in resurrectione.*

Unde hic expende primo, quod nos quoque ad exemplum

plum Christi, non deturpent, non deforment quæcunque ignominie, tribulationes, tormenta & mortes ipsæ: Sed imo in oculis DEI & Cæli formosiores & pulchriores efficiant.

Expende secundo, quod etiam fortitudo Religiosa maximè in adversis heroice toleratis eluceat.

Vide quæ apud te Christi Resurgentis, quoad ista expressio?

PUNCTUM II.

Considera primo quidnam ultra, Christum Resurgentem adeo formosum effecit? Nempe præter alia, quatuor dotes Corporis gloriosi: Claritas scilicet, impassibilitas, subtilitas, agilitas.

Claritas vero consistit in admirabili lumine, quod per & circa corpora gloriosa diffunditur: ac si nihil de opacitate & caligine quacunque haberent.

Impassibilitas consistit in eo, quod Corpus gloriosum nulli adversitati, passioni, vulnere, morbo ac morti sit obnoxium.

Subtilitas: quod ita Corpus subtile reddat; ut, ac si ossibus, carne, cute trinaque dimensione careret, quæcunque obstantia murata & clausa facile penetrare & transire possit.

Agilitas: quod per illam idem Corpus in minimo etiam temporis spatio, nescio quæ loci spatia, sive super terram, sive per aerem, ad Cælum usque Empyreum, nihilo illud gravante, emetiri possit.

Hinc considera secundo, quod quilibet verus Religiosus isque verus pariter Christi Resurgentis imitator has easdem quatuor dotes, mysticè illas intelligendo, in se exprimere debeat.

Claritatem videlicet per puritatem Corporis animæ, conscientie, intentionis, per candorem Religiosum, per manifestationem sui sinceram superioribus, per specialem

Quatuor dotes Corporis gloriosi in Christo Resurgente eorumque imitatio.

in-

intellectus, præsertim in Divinis & Spiritualibus illustrationem, perspicaciam & peritiam: per prælucentiam aliis exemplo, vita, moribus, sanctitate: per illuminationem & instructionem aliorum, doctrinis, scientiis, & iis quæ ad salutem æternam pertinent; adeoque per exercitium zeli Apostolici circa animas hominum quorumcunque. Hinc illud Dan: 12. *Qui docti fuerint, fulgebunt quasi splendor firmamenti: & qui ad justitiam erudiunt multos quasi stelle.*

Jam Impassibilitatem, per tolerantiam quorumcunque laborum, incommodorum, adversorum, tormentorum, æsummarum, injuriarum, calumniarum, infamiarum, morborum &c. heroicam & invictam.

Tum Subtilitatem, per extenuationem sui extremam idque per omnia genera mortificationum, macerationum, & abstinendarum.

Tandem Agilitatem, per obedientiam exactissimam & promptitudinem omnimodam ad quosvis nutus DEI & superiorum in rebus etiam arduissimis.

Vide, quænam apud te, & in te horum omnium expressio ac imitatio?

PUNCTUM III.

*Opposita
quatuor præ-
satis dotibus.*

Considera opposita his quatuor dotibus, eaque in te ipso speculari, ac eliminare stude: ut sic ad veram Christi Resurgentis, præsertim quo ad dotes easdem, imitationem pervenias.

Colloquium & affectus ad Christum Resurgentem: gratulando ipsi tot & tantas dotes & glorificationes, quibus in sua Resurrectione refulsit: tum petendo, ut dotes easdem quas per imitationem ejusdem Christi, juvante ipsius gratia & auxilio in te exprimere conaris in hac vita mortali, postea in Resurrectione mortuorum in gloria Cælesti tibi concedere dignetur: ut tunc in similitudinem plenitudinis, ipsius cum aliis beatis appareas.

ME:

MEDITATIO LXXXV.

De Christo ascendente in cælum.

Fundam: Visio Davidis Prophetica Psal: 23. quæ vidit in spiritu Christum ascendentem in cælum. Audivitque illas voces in ejus ingressu: *Attollite portas Principes vestras, & elevamini portæ æternales & introibit Rex gloria. Quis est iste Rex gloria? Dominus fortis & potens, Dominus potens in prælio. Attollite portas Principes vestras & elevamini portæ æternales & introibit Rex gloria: Quis est iste Rex gloria? Dominus virtutum ipse est Rex gloria.*

Prælud: 1. Apprehensio & imaginatio istius visionis.

Prælud: 2. Pete gratiam expendendi mysterium ascensionis Christi in Cælum, eoque toto corde & conatu aspirandi.

PUNCTUM I.

Considera hoc loco Psalmi expressam ascendentis Christi in cælum pompam.

Atque imprimis contemplare Christum valedicentem **Matri Beatissimæ**, Apostolis, discipulis, salutaria monita illis relinquentem, benedictionem suam impertientem, eisdem **Matri Beatissimæ**, Apostolis, & universam suam protunc Ecclesiam commendantem.

Jam impressis in monte pedum suorum vestigiis, nube infra pedes suos demissa, ad cælum sese ferentem, obviam venientes Angelos magno Christum ascendentem deducen-tes comitatu & plausu. Tandemque ipsum Christum oculis Apostolorum disparentem.

Ubi expende quinā tunc affectus fuerint in **Beatissima Matre**, in Apostolis, aliisque Christi discipulis.

Tum oculos in reliquiis ejusdem Salvatoris vestigiis desige,

*Christus terra valedicens
& à terra
sublatus.*

defige, causam impressionis eorum expende : te ipsum ad sequenda hæc eadem Christi vestigia excita ac resolve. Ac tandem etiam exemplo Christi elevati a terra, te quoque tuosque omnes affectus, appetitus, sensus, à terra, rerumque terrenarum amore eleva, ut non nisi quæ sursum sunt quæras, quæ sursum sunt sapias, non quæ super terram.

PUNCTUM II.

*Christus ad
portas cele-
stes.*

Contemplare Christum post tot emensa à terra ad cælum usque spatia, tandem portis cælestibus appropinquantem. Imaginareque te audire voces illas Psalmi : *Astollite portas Principes vestras &c.*

Ubi expende primo his vocibus exprimi pompam & numerosissimum ingressum Christi in cælum tot secum Patriarchas, Prophetas &c. ab Adamo usque deducens, ita ut cum illum portæ cælestes capere posse haud viderentur, attolli, elevari, distendi jussæ. Vide ne tuus quoque solitarius sit in cælum ingressus, sed potius exemplo Christi tui Ducis, amplo animarum à te conversarum comitatu stipatus.

Expende secundo Christum hic vocari Regem gloriæ, ideoque adverte, quo illa opprobria, contemptus, ignominia, infamia Christi evaserint : nempe hæc omnia illi cessisse in gloriam, ut post ista Rex gloriæ salutaretur. Vide quis terrenarum postpositionum & humiliationum exitus ? Quod autem hic iterum iterumque repetatur : *Quis est iste Rex gloriæ* quasi à cælestibus incolis Christus ascendens non fuerit agnitus, cum tamen agnosci debuerit, alias eandem crysim cælum quam mundus retulisset : *Mundus* (inquit Evang.) *eum non cognovit, & sui eum non receperunt.* Hoc plane inprimis, non tam interrogationis aut ignorantia, sed potius admirationis fuit, quæ cælestes incolæ obstupere ad tantam gloriam, in quam illæ Christi deprecationes ac vilitates evasere : aut certe quod cælum in
nobis

nobis ea non agnoscat, ex quibus nos agnoscit & æstimat mundus: aut denique, quod nullus hactenus à terra ad cælum visus est unquam ascendisse, primus ex omnibus Christus hac sorte potitur: ideo hæc tanta novitas, quandam expectationem ac dubitationem ipsis cælestibus incolis potuit movisse ac ingenerasse.

Expende tertio, de Christo hic proclamari, quod sit *Dominus fortis & potens, Dominus potens in prælio*: Ubi pariter adverte quibus cælum pateat, nempe non imbellibus, non effeminatis, non desidiis & ignavis, sed victoribus mundi, carnis, diaboli, adversorum quorumvis, ac sui ipsius gloriosis. Vide, quæ in te fortitudo in adversis? quæ resistentia temptationibus ac illecebris quibuscunque? quæ victoria sui?

Expende quarto: de eodem Christo promulgari, quod non de pace, non de quiete, sed de prælio venerit. Nempe in hoc mundo, non ea quæ sunt pacis ac quietis, sed imo quæ sunt continui prælii, laboris, defatigationis, sudoris ac sanguinis cogitanda, in solaque cælesti beatitudine, tranquillam pacem sine omni perturbatione, securamque quietem expectandam.

Expende quinto: non frustra repeti: *Dominus potens, & iterum Dominus potens in prælio*. Nempe non qualitercunque fortes ac potentes, sed cum repetitione, reduplicativè, id est eximie heroicè, nec unius prælii experimento contentos nos esse debere, si cælestis gloriæ compotes esse volumus: ut scilicet illud verificetur, quod Christus in Evangelio: *Cælum vim patitur, & violenti rapiunt illud*.

Expende sexto: nec hac ipsa de Christo proclamatione cælum visum fuisse contentum, ita ut aperire portas suas distulerit, donec additus fuisset, non solum esse *Dominum fortem, Dominum potentem in prælio*. Sed etiam *Dominum virtutum adesse*. Ubi adverte non dotes eximias, non talenta, non alia, sed solam hic allegari virtutem: nec Christum unius hic & alterius virtutis Dominum ap-

pellari, sed virtutum, non dubium quod omnium. Ideoq;
vide, non talentis, non qualicunque virtute ad cælum opus
esse: reflectendo te præterea an tu quoque adultas calo
virtutes habeas?

Expende septimo, ordinem appellationis Christi: nempe prius illum appellari *fortem in prælio*, postea *Dominum virtutum*, idque ideo, quia scilicet hic ordo est tendentia, tum ad perfectionem, tum ad gloriam. Propterea videlicet debere esse prælia, id est prius edomandas passiones, debellanda vitia, acquirendum dominium omnium ætæ ætæ, cum plena victoria sui, tum demum procedendum ad conquirendas virtutes, ad quarum possessionem non aliter devenitur, quam per dicta prælia, victorias, heroicilmos.

Expende octavo, non gratis poni: *Dominum virtutum*. Cur enim non potius virtutes dominas. Etsi namque non deceat regere ac dominari in nobis peccatum: virtutes tamen quis à Domino arceat? Nempe verè virtuosos ac perfectos non debere esse, si ut servos peccati: ita nec servos virtutis, sed imo debere esse dominos, in usu scilicet earundem virtutum, quo ad circumstantias omnes & adjuncta temporis, loci, personarum, quoad dictamen prudentia, & imperium rationis. Vide an hoc etiam dominio ac prudentia polleas?

Expende nono, Christum ut *Dominum virtutum*, ita *Regem gloriæ* proclamari? Nempe eo ipso ut plebeiam sanctimoniam ita & plebeiam gloriam ab eo excludi, ideo quoque à nobis etiam excludendam, contendendumque omnino, sicuti ad sanctitatem, ita & gloriam Regalem: ut non plebeji sancti, sed Reges sanctimonie & gloriæ simus. Vide quidnam in hoc apud te conatus? quis genius?

Proindeque ex dictis adverte: ob quam causam prædictæ portæ cælestes jubentur non solum distendi, sed etiam attolli, elevari? Nempe quod illuc non tantum numerosa pompa, sed etiam sublimis elevata sanctitas erat ingressu.

gressura, non plebeja, non humilis. Quod autem Christus
in Evangelio pronuntiaverit : *Contendite per angustam por-
tam*, illud plane non dubium est magnas esse angustias por-
tæ cælestis : has tamen dilatari, elevari, attolli ad men-
suram & proportionem sanctimonie ac virtutis : ita ut
plebeja angusta virtus per angustam, excellentior ac subli-
mior, per late patentem & elevatam portam ad cælum in-
grediatur. Expende ista, quæve ipse portâ ad vitam in-
gredi velis ? cogita.

PUNCTUM III.

Contemplare jam Christum patentibus portis cælum in-
trantem, obvios omnes Angelorum choros, obvium
DEUM Patrem. Adeoque tibi imaginare, quæ tunc erat
cæli totius facies, quod spectaculum, qui ex omni parte
affectus, quæ salutationes, invitationes, qui plausus, quæ
Humanitatis Christi glorificatio ? Ubi expende Christum
ascendentem fuisse typum nostræ DEO dante ascensionis.
Plum scilicet tanquam Regem & Ducem prævenisse, ut
nos sequamur, premamusque ejus vestigia.

*Christi in
cælum in-
gressus.*

Hic proinde breviter percore, quibus viis Christus
ad eam sublimitatem pervenerit, ut tu quoque iisdem pas-
sibus progrediaris, eidemque viæ insistas : & cum nondum
corpore cælum inhabitare liceat, mente, cogitatione, desi-
derio, animo illud inhabita, ita ut (docente S. Gregorio
homilia 20. in Evang.) *terrena fugias, nihilque jam te de-
lectet in infinis, qui Patrem habes in calis.*

Colloquium & affectus ad Christum ascendentem in
cælum, petendo ab eodem, ut te suæ efficacis gratiæ a ter-
renis avulsam, secum trahat ad Cælestia, juxta id, quod
promisit in Evangelio : *Cum exaltatus fuero à terra, omnia
traham ad me.* Adde orationem Ecclesiæ in festo Ascensio-
nis : *Concede quæsumus Omnipotens DEUS, ut qui unigenitum
filium*

suam Redemptorem nostrum ad Cælum ascendisse credimus, ipsi quoque mente in caelestibus habitemus.

MEDITATIO LXXXV.

De exaltata Christi humilitate, juxta mensuram & proportionem humiliationum ac depressionum ejusdem Christi.

Fundam: Visio S. Joannis Apoc: 5. Et vidi, inquit, & ecce in medio throni, & 4. animalium, & in medio Seniorum Agnum stantem. Et venit & accepit de dextera sedentis librum. Et vidi & audiui vocem Angelorum multorum in circuitu throni, & animalium & seniorum dicentium voce magna: Dignus est Agnus, qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem.

Prælud: 1. ordinarium.

Prælud: 2. Petè gratiam expendendi exaltationem humilitatis Christi, atque te eo ipso ad quascunque humiliationes ac depretiationes animandi.

PUNCTUM I.

*Prima pars
exaltationis
Christi.*

Considera in hac visione expressam esse exaltationem humilitatis Christi, & quidem juxta mensuram & proportionem humiliationum & depressionum ejus: ita ut quantum Christus in hac vita per passionem & mortem humiliatus ac depressus fuit, ita in cælo post suam ascensionem exaltatus & glorificatus extiterit.

Atque inprimis contemplare illum, juxta visionem S. Joannis: in medio throni & 4. animalium, & in medio Seniorum & venisse & accepisse de dextera sedentis librum.

Ubi expende, quanta hic Christi humilitatis exaltatio,
& o-

& omnium depressionum recompensatio? Nempe pro vili Bethleemitico stabulo, pro domuncula Nazarethana, pro voluntario per triennium prædicationis exilio, ita ut nullam certam domum, stabilemque habitationem, in qua caput reclinaaret habuerit, Dominium cæli & terræ: pro præsepi, pro cruce, Thronus æterni Patris, pro bove & asino inter quos natus, pro latronibus inter quos crucifixus, quatuor animalium hoc est Cherubinorum, Seniorum hoc est Regum cælestium assistentia. Pro eo, quod hominibus Patri & Matri subditus esset, imo quod se in passione potestati & iudicio tot iniquorum iudicum Caiphæ, Pilato, ac ipsorum etiam potestati satellitum licitorum &c. totque impiis accusationibus, criminationibus subdiderit: Potestas & iudicium totius mundi libro de manu sedentis accepto denotatum.

Disce hinc à vilissimis quibusque officiis, experimentis paupertatis in victu, amictu, habitatione, non abhorrere: disce vilium pauperum conversationem, & ad te recursum propter DEUM non refugere. Disce cuicumque subdi: Disce cruces patienter ferre: & similis te recompensatio manebit.

PUNCTUM II.

CONSIDERA ulteriorem Christi humilitatis exaltationem. Imaginareque te cum D. Joanne audire vocem Angelorum multorum in circuitu throni, & animalium, & Seniorum dicentium voce magna: *Dignus est Agnus &c.*

*Secunda pars
exaltationis.*

Ubi pariter expende, quantum hinc abundè illæ Christi humiliations ac depressiones recompensatæ: Illæ sugillationes, detractiones, contumeliæ, blasphemæ, mille probra, à linguis malevolis tolerata, illæ præsertim clamorose voces: *Crucifige, reus est mortis, &c.* Hæc inquam omnia compensata, tot Angelorum & Archangelorum, totiusque Cæli appretiatione, æstimatione, laudibus, glorificationibus,

bus, plausibus, fama, idque non temporali aliqua non evanida, sed perenni; ita ut nihil jactura, imo plurimum lucri Christus ex illis omnibus depressionibus retulerit.

Disce hinc non turbari sinistris de te tuisque talentis, hominum judiciis, opinionibus, oblocutionibus, linguis: illud in tuis hac in parte apprehensionibus solatii capiens; abundè tibi omnia post hanc vitam refarcienda, nec te fugaci transitoria, sed perenni fama, æstimatione in facie celi fruiturum.

PUNCTUM III.

*Tertia pars
exaltationis.*

Imaginare te cum Joanne audire Incolas illos celestes vocalissimè occinentes: *Dignus est agnus accipere virtutem, divinitatem, sapientiam, fortunam, honorem, gloriam, benedictionem.*

Ubi expende: Quàm Christo humiliato ac depresso in omnibus abundantissima facta restitutio in cunctis iisdem. Et sic in particulari: proscripta erat imprimis à Christo, ablata & deturpata per tot imposturas, calumnias, insimulationes, criminationes impactas, virtus & sanctorum, dum appellaretur seductor, potator, malefactor: *si, inquit, non malefactor esset, utique cum non tradidissimus tibi.* Proscripta Divinitas per tot incredulitates, blasphemias, quas in eum jaciebant, non tantum denegando ei Divinitatem, sed etiam hoc ipsum allegando pro scelere, quod se DEI Filium nominaret. Proscripta sapientia, per tot irrisiones, ludibria, stultitiæ extremæ imputationes præsertim apud Herodem. Proscripta fortitudo, per passionem, cruciatus, tormenta quasi infirmo ac debili nec potenti resistere irrogata, nec tantum proscripta, sed morte etiam ipsa conspulta: proscriptus & ademptus honor & gloria, per tot postponitiones, contemptus, infamias, ac mortem ipsam crucis infamissam. Proscripta & surrepta benedictio per tot maledictiones, imprecationes in Christum jactas.

308
Gas. Proscripta denique omnia; ita ut nec species homi-
nis relicta esset.

Ecce igitur horum omnium sigillatim facta restitutio,
& recompensatio liberalissima. Facta restitutio virtutis,
dum dicitur: *Dignus est accipere virtutem*. Facta restitutio
Divinitatis per recognitionem ejusdem. Restitutio sapien-
tia, honoris, gloria, fortitudinis, benedictionis, per tam vocales
horum omnium proclamationes. Facta denique restitutio
quarumvis in vita, passione, morte, jacturarum.

Disce hinc omnes jacturas, præsertim famæ ac bonæ
opinionis de tua virtute, talentis æquanimiter ferre, non
ignorans secururam post hæc horum omnium refertissimam
restitutionem. Ita ut quantum hic humiliatus, depressus,
infamatus, depretiatus fueris, ad eam tibi mensuram & pro-
portionem exaltatio & glorificatio speranda, cum refusione
temporalium damnorum.

Adverte vero, quod hic inter præcipua imo pro præ-
cipuo de Christo allegatur illud: *Quod dignus est*; ac si mi-
nus sit quævis accipere & habere honorem scilicet glori-
am &c. minusque potiri etiam maximis: nisi quis his ta-
libus dignus esse judicetur. Proindeque sufficiat in omni-
bus, & post omnes depretiationes, dignum inveniri æstima-
tione, sanæ, gloriæ. Hinc disce non turbari, si quid tibi
tuisque talentis debitum, fuerit denegatum, modo revera
omni pretio tui & acceptatione dignus sis, talisque saltem
apud DEUM inveniaris: itaque tibi existima satisfactum.

Colloquium & affectus ad Christum humiliatum & ex-
altatum desiderando ob amorem ac assimilationem ipsius,
ut hic in terra humiliari te ac deprimi, etiam in omnibus
& ab omnibus faciat, exaltatione & glorificatione tui post
hanc vitam reservata ad cælum pro
æternitate.

ME-

MEDITATIO LXXXVII

De pugnis, victoriis, ac triumphis hominis Religiosi.

FUNDAM: Visio Jacobi Patriarchæ Gen: 32. Ubi apparuit ei vir: qui luctabatur cum eo usque mane. Qui cum videret, quod eum superare non posset, tetigit nervum femoris, & statim emarcuit; Dixitque ad eum: Dimitte me, jam enim ascendit aurora. Respondit (scilicet Jacob) non dimittam te, nisi benedixeris mihi. Ait ergo: quod nomen est tibi? Respondit: Jacob. At ille nequaquam inquit Jacob appellabitur nomen tuum, sed Israel: quoniam si contra DEUM fortis fuisti, quanto magis contra homines prevalebis: Vocavitque Jacob nomen loci illius: Phanael, dicens: Vidi DEUM facie ad faciem, & salva facta est anima mea.

Prælud: 1. consuetum.

Prælud: 2. Imaginare te in medio hostium telorumque omnis generis, qui te ex omni parte impetunt, simulque imaginare tibi, animantes te ad certamen Angelos, cum impendentibus desuper coronis, ac præmiis juxta illud S. Bernardi: Expectant Angeli certaminis tui exitum, coronas tenentes in manibus, quas perseveranti largiantur.

Prælud: 3. Pete gratiam ut discernendi hostes tuos quoscunque, ita iisdem heroicè resistendi.

PUNCTUM I.

Lucta & pugna hominis Religiosi.

CONSIDERA ex una parte luctam & conflictum Jacobi Patriarchæ, cum viro quiscunque ille fuerit.

Ex altera parte luctam hominis Religiosi: ô quot luctæ, & cum quot Athletis Religioso homini! Non memoro luctas cum visibilibus adversariis, inimicis manifestis, salvis fratribus. Item cum hostibus invisibilibus demonibus,

bus, ac toto inferno, qui homines seculares ne duello quidem aggreditur. Jam religiosos toto nisu, totis legionibus, omnibus viribus & artibus. Nec ad tempus tantum sed tota vita, ad ultimum usque agonem: absque ullo interstitio, quiete, induciis.

Præcipua vero lucta cum se ipso, cum suis passionibus, pravis habitibus, appetitibus, inclinationibus, cum ipsamet sua tota quanta est natura. Eaque lucta pariter continua. Nunquam enim hæc edomantur, ut non iterum reviviscant ac rebellent. Hinc illud de Religioso: quod sit perpetua naturæ violentia.

Quid dico luctam esse Religioso cum natura? Imo quodammodo cum DEO ipso immittente, sive extrinsecas adversitates, sive intrinsecas, molestias, ariditates spirituales, scrupulos, angores, denegante spiritualia solatia, auxilia, gratias, & quodammodo se homini eripiente, elongante se ab homine.

Quibus expensis, vide quodnam in te ipso simile experimentum?

PUNCTUM II.

Considera ex una parte adjuncta pugna & victoria Jacobæ.

Adjuncta pugna Jacobæ & Religiosæ.

Primò, illam luctam fuisse de nocte. 2dò, finitam ad exortum auroræ. 3tio. Perfectam magna virtute & constantia.

Atque ita per noctem intellige, mentis tenebras, defectum illuminantis gratiæ: aut viam purgativam. Per auroram: gratiam illuminantem, adjuvantem, aut viam illuminativam.

Ubi adverte, quanta lucta homini Religioso in via purgativa in expurgandis vitiis, pravis habitibus &c. Nec aliter quonquam posse evadere ad viam illuminativam, nisi præviâ hæc lucta.

Item per noctem intellige vitam præsentem, per auroram

ioram exortum vitæ sequentis : Unde adverte quamdiu vivis non posse te ab hac eadem luctuâ immunem esse.

Jam eandem ipsam non aliter posse confici, quàm virtute & constantia : ita ut etiam si videretur hostis illam deprecari, manumissionem petere, inducias exorare : *Dimittis me*, inquit : nequaquam esse quiescendum.

Vide quænam in te talis militiæ praxis ?

PUNCTUM III.

Premia & fructus ejusdem pugne.

Considera fructus & præmia pugne Jacobæ ac simul victoriæ.

Nempe primo in hoc : *Si contra DEUM fortis fuisti, quanto magis contra homines prevalebis.* Namque tali homini, qui vel cum uno hoste heroice depugnavit, nihil amplius grave, nihil invincibile esse, omnia ad pervincendum facilia & expedita.

Jam quantum benedictionis in hac & altera vita : *Non dimittam te*, inquit, *donec benedixeris mihi.*

Tum acquisitio insignis nominis ac celeberrimi : *Nequaquam vocabitur nomen tuum Jacob, sed Israel.*

Præterea exortus auroræ idest gratiæ specialis : Perpetuæque diei pulsas tenebris, & serenitatis illimis in anima & conscientia.

Insuper atrefactio nervi in pede : nempe juxta Hugonem : *Ut vix uno pede terram contingeret.* Id est elevatio hominis super omnia terrena.

Tandem possessio & manutentio DEI specialis : *Non dimittam te*, inquit. Nec non visio ejusdem DEI, ac salus animæ : *Vidi*, inquit, *DEUM facie ad faciem, & salva facta est anima mea.*

Quibus expensis, fac, ut similes fructus & præmia ex tuis pugnis quotidianis percipias.

Colloquium. Confitere tuam infirmitatem. Implo-
ra auxiliatricem DEI dexteram. Conclude oratione de
S. Pa-

S. Patre : DEUS , qui ad maiorem nominis tui gloriam propagandam &c.

MEDITATIO LXXXVIII

De missione & adventu Spiritus Sancti.

Fundam: Visio Ezech: cap: 37. Facta est super me manus Domini, & eduxit me in Spiritu Domini, & dimisit me in medio campi, qui erat plenus ossibus mortuorum. Et dixit ad me: Vaticinare de ossibus istis, & dices eis: Ossa arida audite Verbum Domini: Factus est autem sonitus prophetante me, & erit commotio, & accesserant ossa ad ossa, unumquodque ad juncturam suam. Et vidi, & ecce super ea nervi & carnes ascenderunt, & extensa est in eis cutis desuper: Et dixit ad me: Vaticinare ad Spiritum: Hac dicit Dominus DEUS à quatuor ventis veni Spiritus, & insuffla super interfectos istos, & reviviscant. Et prophetavi, & ingressus est in ea Spiritus & vixerunt: Steteruntque super pedes suos exercitus grandis nimis valde. Et dixit ad me: Fili hominum: ossa hec universa Domus Israel est &c. Et scieris, quia ego Dominus cum eduxero vos de tumulis vestris, & dederò Spiritum meum in vobis & vixeritis.

Prælud: 1. Eadem visio.

Prælud: 2. Statue tibi ante oculos mentis S. Spiritum in discipulos, in linguis igneis descendantem

Prælud: 3. Pete à S. Spiritu, ut te repleat donis suis, præsertim vero maximè tibi necessariis.

PUNCTUM I.

Considera in hac visione Prophetica adumbrari missionem S. Spiritus in hunc mundum.

Atque imprimis expende ante adventum ejusdem Spiritus Sancti, discipulos Christi, atque omnes pro tunc fi-

*Necessitas
adventus &
gratia sancti
spiritus.*

deles fuisse ad instar aridorum ossium : post Christi ascensionem timore ac trepidatione exanimatos, excordes, imbellis, ac velut emortuos sine nervis. carne, cute, hoc est fortitudine animi, consilio, amore DEI & proximi, ardenti zelo animarum, & tot aliis virtutibus, donisque & habitibus supernaturalibus vacuos : ac prorsus sine ulla compage, sine ullo vigore ac simmetria spiritali existentes, velut ossa à suo capite divulsos ac dispersos.

Quibus expensis teipsum introspecte : Similesque in te defectus, ac indigentias agnosce : illas scilicet ariditates animi, pusillanimitates Spiritus, defectum fervoris, fortitudinis, in tentationibus, adversis &c.

PUNCTUM II.

*Dispositio
ad adventum
& gratiam
Spiritus S.*

Considera circumstantias & dispositiones in illis ossibus, ante ingressum in ea Spiritus

Nempe illa cepisse se è loco, è terra movere, elevare sursum, sonitum edere, ad invicem jungi, nervis constringi, carne & cute vestiri.

Ubi expende similes fuisse in Apostolis, ac in nobis debere esse dispositiones ad adventum S. Spiritus. Nempe sonitum penitentiae, orationis, precum &c. sejunctionem & elevationem nostri à terra, terrenisque cupiditatibus, concordiam & unionem mentium, nervosum ac firmum desiderium, nec non propositum, spem, fidem, tractabilitatem caraeam, seclusa omni duritia cordis. Idque plane in Apostolis videre fuit in unum congregatis, & conjunctis ad invicem, tum sejunctis à terrenis curis & sollicitudinibus, à conversatione mundana avulsis, precibus & orationi continuo vacantibus. Constanti ac firmo proposito, ardenti desiderio, fide, spe, Spiritum Sanctum praestolantibus.

Quibus expensis : vide an similiter sis ad dona Sancti Spiritus capeffenda dispositus? Quodsi quidpiam dis-

spo-

positionis in te desideratur, amplius te ampliusque
dispone.

PUNCTUM III.

CONsidera primo ingressum Spiritus, tam in illa ossa,
quam in Apostolos. Eumque in Apostolos descendisse
in linguis igneis: nempe ut lucerent & arderent simul
velut ignis, imo ut accenderent etiam alios quoscunque ad
amorem DEI & proximi. Tum quod maxime lingua sit
iudicium inhabitantis Spiritus Sancti. Vide an hoc iudi-
cium tua lingua præferat?

*Adventus &
ingressus Spi-
ritus S. in nos
eff. etiamq. ac
signa illius.*

Atque considera, secundo effectus ac signa ingressus
Spiritus, tam in illa ossa Prophetica, quam in Apostolos.
Nempe ad ingressum illius assurrexisse, stetitque supra pe-
des suos exercitum grandem, fortem, imperterritum, vi-
torias ac triumphos spirantem, in gradu hoc est constantia
obfirmatum ac stabilitum, nec amplius facile casurum: ste-
teruntq. super pedes suos &c. Et idem plane in Apostolis vi-
sum fuisse: dum repleti Spiritu Sancto illico revixerunt,
assumpserunt animos; ex illo quo tenebantur erga stulo in
fora, in plateas sese extulerunt, Christum audenter prædi-
caverunt, nec erubescere Evangelium ejus, ac paupertatem;
nullis iniuriis, nullis tormentis perterriti, nullis laboribus,
incommodis, ærumnis fracti, nullis mundi, carnis illecebris,
ac respectibus expugnati, in omnibus non se, nec sua qua-
rentes, sed Christum & hunc crucifixum.

Vide quænam tui ad hos ipsos similitudo? forte verò ne
umbra quidem.

Colloquium & affectus ad S. Spiritum: *Veni Sancte
Spiritus, & emitte calicis lucis tue radium &c.*

ME-

MEDITATIO LXXXVIII.

De Genuino Religioso Spiritu.

Fundam: Visio S. Joannis Baptistæ: Vidi (inquit ille Joann: 1.) Spiritum descendentem, quasi columbam de celo, & mansit super eum. (id est super Christum)

Prælud: 1. Statue tibi Christum baptisantem se baptismo Joannis, & Spiritum Sanctum descendentem super illum in specie columbæ.

Prælud: 2. Pete gratiam cognoscendi genuinum Christi, & consequenter Religiosum Spiritum, eoque Spiritu vivendi.

PUNCTUM I.

*Genuinus
spiritus Christi
& Religiosus.*

Considera in hac visione adumbrari genuinum Religiosum Spiritum, quia Spiritum Christi: Spiritum enim Religiosum non debere esse diversum à Christi Spiritu, sed plane eundem, ut nobis tot regulis summarii intimatur.

Atque hic imprimis expende S. Spiritum in Christum descendisse in specie columbæ, quæ est symbolum simplicitatis: nempe Spiritum Christi, & pariter Religiosum debere esse ab omni politicismo, hypocrysi simulatione; ab omni fraude & furo alienum: debere esse Spiritum simplicitatis religiosæ, sinceritatis, candoris, idque quoad superiores, æquales, inferiores, domesticos & externos: juxta Christi effatum: *Estote simplices sicut columbæ.* Vide, quo hac in parte Spiritu vivas?

Expende secundo, columbam esse symbolum puritatis: hinc illam columbam Noë, cum non haberet ubi requiesceret pes ejus, ob totum mundum cadaveribus & cæno infectum rediisse ad arcam, utpote munditiei amantem.

Esse

Esse præterea symbolum pacis, hinc eandem Nòë columbam & non aliam volucrem cum pacis nuntio portasse, in ore suo ramum Oliva virentibus foliis. Esse symbolum mansuetudinis: Symbolum taciturnitatis: hinc illi potius gemere, quàm garrirè convenit. Et hic plane Spiritus Christi: Spiritus scilicet puritatis, pacis, mansuetudinis, silentii. Vide an in te quoque similis Spiritus, Spiritus inquam columbinus?

Expende tertio, columbam esse (ut dicitur) sine felle: atque planè eundem esse Spiritum Christi, eundem debere esse Spiritum quoque hominum Religiosorum: ut sit quisque velut sine felle, sine cholera, sine impetu, sine amarulentia in omni actione, colloquio, adversitate, experimentis paupertatis, obedientiæ: ut prorsus non habeat amaritudinem vita & conversatio nostra, idque quoad domesticos & externos.

PUNCTUM II.

Considera, cur non in alia specie Spiritus Sanctus in Christum descenderit?

Idque v. g. non illum descendisse in specie Aquilæ: Aquila enim est symbolum elationis, symbolum singularitatis: solitariè enim non gregatim volant & sedificant Aquilæ. Hic autem talis non est Spiritus Christi, neque Religiosus, qui ut omni elationi ita singularitati inimicus: Communitatis amator & promotor præcipuus. Præterea non descendisse in specie pavonis, quia hæc volucris symbolum vanitatis à Spiritu Christi & Religioso proscriptæ: non in specie cygni, utpote symbolo hypocrysis, ex quo cum pelle candida niteat, intus carne nigrescit, juxta Poëtam: *Introrsum turpis speciosa pelle decora.* Multo magis non in specie Psittaci, utpote symbolo garrulitatis, obtrusionis, quia talis Spiritus à Spiritu Religioso longe degener. Non etiam in specie fulguris: quia fulgur est symbolum inpri-

Diversus spiritus à Spiritu Christi & Religioso.

In primis mali Spiritus: *Vidi*, inquit Christus, *Satanam tanquam fulgur cadentem*: præterea symbolum tempestatis, ætæ inquietudinis.

Vide an his devils Spiritibus à Spiritu Religioso non sis obnoxius?

PUNCTUM III.

*Adjuncta spiritum Christi,
& Religiosi.*

CONSIDERA adhuc quisnam sit genuinus Spiritus Religiosus, & quæ ejus adjuncta?

Quod facile colliges, si expenderis qualis fuerit Spiritus Christi, hic in mundo inter homines conversantis.

Nempe Spiritus amoris ardentis, salutis animarum ac propagandæ gloriæ Patris æterni, Spiritus laborum, ærumnarum, incommodorum, passionum avidissimus & tolerantissimus, omnis otii expertus & inimicus, Spiritus mundo, carni, diabolo oppositus. Hinc de illo: *Contrarius est operibus nostris*: Spiritus nullis respectibus, obnoxius? hinc de illo: *non respicit personam*. Spiritus veritatis, humilitatis, mansuetudinis. Spiritus nullius mercedis, præmii que temporalis indigus.

Quod autem Spiritus Sanctus in specie columbæ super caput Christi apparuerit? & hoc ipsum tum ejusdem Christi, tum ipsius Religiosi proprii Spiritus adjunctum est, cum capite, id est cum sede rationis, intellectus ac prudentiæ, correspondentiam habere, non cum lingua, non cum palato, non cum ventre. Legibus religiosæ prudentiæ ac rectæ rationis regi, juxta easdem in omnibus procedere, omnia accommodare, moderari; juxta illud Christi: *Estote prudentes sicut serpentes, & simplices sicut columbæ*.

Tandem considera Spiritum Religiosum esse, Spiritum Apostolorum, Spiritum Fundatorum, S. Benedicci, S. Dominici, S. Patris Ignatii, &c. Spiritum antiquorum Patrum nostrorum, præsertim primorum, Spiritum Regulæ, instituto secundum omnia conformem.

Vide

Vide an idem omnino tuus Spiritus?

Colloquium & affectus ad Christum petendo ab eodem, ut sicut Sanctis Fundatoribus, ac etiam S. Patri Ignatio, aliisque à Religione tua SS. Patribus suum Spiritum infundere dignatus est, ita etiam tibi quoque licet undequaque indignissimo, eundem largiri non dedignetur: cum aspiratione: *Emitte Spiritum tuum, & creabuntur &c. Ne projicias me à facie tua, & Spiritum Sanctum tuum ne exferas à me.*

MEDITATIO LXXXIX.

De Amore DEI.

Fundam: Visio Isaïæ Prophetæ cap: 6. *Vidi, inquit, Dominum sedentem super solium excelsum & elevatum: Seraphin stabant super illud: sex ala uni, & sex ala alteri, duabus velabant faciem ejus, & duabus velabant pedes ejus, & duabus volabant.*

Prælud: 1. ordinarium.

Prælud- 2. Pete gratiam percipiendi, quomodo sis à te amandus Dominus DEUS, & eum defacto amandi.

PUNCTUM I.

Considera in his Seraphin: adumbrari excellentem amorem DEI, quem illi ex parte nostra tenemur impendere.

*Amor DEI
Seraphicum
& ignis.*

Sicut enim Cherubin à scientia, ita Seraphin ab amore ignito denominati: Scilicet idem, quod ignei, ardentes, accendentes. Utpote toti amore DEI ignei: imo ipsemet ignis, juxta illud: *Qui facis Angelos tuos spiritus & ministros tuos ignem urentem.*

S

Ubi

Ubi imprimis expende : quales & nos in amore ejusdem DEI esse debere ? Nempe adinstar Seraphin totos igneos, totos hoc igne beato ardentes, totos in hunc ignem versos, id est totis nobis DEUM amantes, toto corde, toto corpore, omnibus viribus, omnibus sensibus, tota anima, omnibus potentiis, ita ut nihil in nobis sit, quo DEUM non amemus. Ita plane, sicut DEUS amat nos toto se, ac toto universo. Amat suā omnipotentiam creando te & conservando, amat essentiam ac immensitatem suā semper tibi præsens & ubique assistendo, amat sapientiam & providentiam gubernando te, amat bonitatem, benefaciendo, misericordiam miserendo, justitiam castigando temporaliter &c. Amat Æternus Pater dando tibi & pro te Filium, amat Filius Incarnatione, Redemptione, Passione & Morte, amat Spiritus tot auxiliis, donis, gratiis &c. Amat te DEUS toto universo, omnes creaturas, etiam Angelos deputando in ministerium tuum. Vide, an sic te toto, tuis omnibus ames DEUM?

Expende secundo, debere nos in amore DEI imitari naturam & proprietates ignis. Scilicet :

Primo, sicut ignis nunquam dicit sufficere, ita & amor DEI debere esse insatiabilem, nisi solo DEO, & quidem etiam DEO, non quomodocunque, sed continue & perfecte : quod quia in hac vita haberi non potest, ideo plane hic non satiatur.

Secundo. Quia sicut ignis omnia sibi opposita superat, absorbit : Ita Amor DEI, omnia peccata, omnia adversa, omnes difficultates facile vincit ac triumphat.

Tertio. Sicut ignis quocunque loco positus circumquaque materiam sibi objectam occupat, sive circum aurum, sive paleam, sive lignum, semper ad cælum fertur. Ita amans in omnibus rebus ad DEUM tendere, DEUM amare debet.

Quarto. Sicut ignis, si potens est, vento non tantum non extinguitur, nec sedatur, sed imo propagatur magis : Ita

Ita amor DEI non supprimitur, sed crescit adversitatibus.

Quinto. Sicut ignis non tantum ipse ardet & micat, sed etiam alios accendit & illuminat, ita plane hoc ipsum vere amantibus DEUM incumbit. Hinc Seraphim (ut diximus) interpretatur *ardens accendens*.

Vide, quomodo apud te in amore DEI naturam ignis præfatasque & alias illius proprietates, quoad te, & quoad alios expresseris exprimasque.

PUNCTUM II.

Quidnam per alas Seraphinorum significetur considera. Nempe celeritatem, promptitudinem ad omnem DEI nutum: quod ipsum est vere amantis: Unde illud: *Ite Angeli veloces &c.* Vide, quæ tua ad DEI nutus promptitudo?

*Alia adiun-
ta amoris
DEI.*

Secundo, intelligi sublimes intentiones & affectus. Vide quænam apud te horum sublimitas?

Tertio, per primas duas alas, intelligi puritatem tam intentionis, quam conscientie, & patientiam: Per secundas duas alas contemplationem & actionem, seu vitam activam & passivam: per reliquas duas, discretionem seu prudentiam & constantiam: hasque alas admove re nos ipsi throno DEI, sicut admovent Seraphinos: Vidi, inquit, Dominum sedentem super solium excelsum & elevatum: Seraphin stabant super illud.

Expende istas easdem alas singulas, & quis illarum apud te usus & copia agnosce.

PUNCTUM III.

Considera in eadem visione adumbrari: qualemnam debere esse nostrum erga DEUM amorem, scilicet minime otiosum.

*Amor DEI
non sit otio-
sus.*

Et hoc planè est, hos Seraphim throno DEI assistere, & simul volare: tum velare faciem, velare pedes. Per faciem gloriam DEI, per pedes humanum genus, animas hominum intelligi. Adeoque hæc velare: est sese gloria DEI, nec non obsequio salutique animarum devovere ac impendere. Et sane sicut amor DEI erga nos non est ullo momento otiosus, continuis nos afficiendo, seque in nos effundendo beneficiis, præter hoc, quod illius gratiâ vivimus, movemur & sumus. Ita pariter nostrum quoque erga DEUM amorem dedecere esse otiosum, imo maximorum quorumvis decet esse operativum, & quidem in promovenda ejus gloria & animarum salute, imo etiam tolerantivum gravissimorum quorumvis. Vide an in hac parte otium apud te locum non habeat?

Reflicte te an aliquid saltem hæcenus, utcumque non modicum propter amorem DEI, ejusque gloriam operatus es: tanto magis aliquid DEO dignum & aut etiam passus?

Colloquium & affectus S. Francisci Xaverii: O DEUS ego amo te, nec amo te ut salves me, aut quia non amantes te, æterno punis igne. Tu tu mi JESU totum me amplexus in cruce, tulisti clavos lanceam, multamque ignominiam, innumeros dolores, sudores & angores, ac mortem, & hæc propter me, ac pro me peccatore. Cur igitur non amem te, ô JESU amantissime, non ut in celo salves me, aut ne in æternum damnes me: nec præmii ullius spe, sed sicut tu amasti me, sic amo & amabo te solum, quia Rex meus es, & solum quia DEUS es.

MEDITATIO XC.

De amore & servitio DEI, sine intuitu ullius mercedis & præmii.

FUNDAM: Visio S. Joannis Apoc: 20. Vidi, inquit, thronum magnum, & sedentem super eum, à cujus conspectu fugit calum & terra, & locus non est inventus eis.

Prælad

Prelud: 1. ordinariū.

Prelud: 2. Pete gratiam amandi DEUM, eique serviendi purè propter illum solum, sine ullo ad præmium terrenum & cæleste respectu.

PUNCTUM I.

Considera in hac visione adumbrari amorem & servitium DEI sine intuitu ullius mercedis & præmii.

Quid enim aliud est fugisse cælum & terram à conspectu sedentis in throno, ita ut locus non esset eis? quàm per hoc ipsum exprimi, quomodo in amando DEO debeant cedere cælum & terra, ita ut nullus sit ad illa, hoc est, tam ad cælestem, quam ad terrenam ac temporalem retributionem, mercedem, præmium, respectus: adeoque nullum hæc locum in defecatissimo DEI amore & corde amantis habeant.

Quid est amor DEI sine intuitu ullius mercedis?

Atque hic expendè primo: quid sit amare DEUM sine intuitu mercedis & præmii cælestis? nempe non id esse ut sine spe illius DEUM ames, eique servias. Id enim nolle DEUM, ut illi sine cælesti mercede serviatur, siquidem ille ipsemet monet: *Gaudete & exultate, quia merces vestra multa est in calo.* Utique enim & hic ipse in throno sedens, etsi à conspectu ejus cælum & terra, id est intuitus cælestium ac terrenorum præmiorum quasi aufugiat: non tamen suum illum thronum utique sibi pro præmio collatum derelinquat, sed imo constanter infideat. Sed hoc esse gratis DEO servire, idque DEO summè placere, quod illi quamvis non sine spe, non tamen propter spem, & ex spe mercedis etiam æternæ serviatur.

Expende secundo: Quid sit amare DEUM, & illi servire sine intuitu mercedis & præmii terreni? Nempe in suis actionibus, functionibus, laboribus, crucibus, ærumnis, depressionibus, nullam laudem, nullum plausum, nullum commodum, nullum terrenum emolumentum, nullam gratiam

tiam, nullam gratitudinem velle. Non tantum apud alios; sed etiam apud semetipsum nullam in suis actionibus complacentiam, gustum, satisfactionem, nullum inde solatium, gaudium, ac oblationem habere: sed imo his omnia opposita desiderare: Scilicet displicentias, censuras, improbationes linguarum, obrektionem, ingratitude, persecutiones, afflictiones, calumnias, infamias &c.

Vide quomodo ad talem Amorem DEI & servitium sis animatus?

PUNCTUM II.

*Motiva sic
amandi DE-
UM.*

Considera motiva hujus gratuiti amoris & servitii. Ac imprimis intueri eum ipsum sedentem in throno; sive hic sit DEUS summus Creator & conservator noster, qui nos verè gratis amat, gratis benefacit nobis, ut nos creavit, ita & conservat gratis, cum tot beneficiorum & gratiarum affluentia, ultra illud: *Quod sic dilexerit mundum, ut ei unigenitum Filium suum daret*: Sive sit ille Christus Redemptor ac Salvator noster, qui quantum nos amaverit, manifestavit Incarnatione, vita, passione, morte: cujus vero ex parte nostra respectu præmii, mercedis, compensationis, gratitudinis, sive in cælo, sive in terra? Vidit hoc eadem terra, vidit cælum in Apocalypsi, vidit inquam se tantopere à DEO & Christo diligi: atque sic velut erubescens suâ tenuitatem, imo nullitatem gratitudinis, sine ullo prævio, vel consequente merito, præ rubore eodem fugit: aut certe in comparatione tanti Divini erga se amoris ac beneficii ita decrevit, ac si in rerum natura non esset. Et revera DEUS sic nos amans, tantum à cælo, tantum à terra, tantum à nobismetipsis emolumentum percipit, ac si defacto in rerum natura non essemus.

An non igitur idem DEUS simili à nobis ratione amandus?

Præsertim, quia primo id vult ac desiderat à nobis dicens: *Ego ero merces tua.*

Se-

Secundo. Quia tali amore ob infinitos titulos dignus est, ut illi scilicet gratis seruiatur.

Tertio. Quia hic modus amandi DEUM est excellentissimus, summèque DEO placens.

Quarto. Quia ad talem DEI amorem, ex vi instituti tui obligaris, præsertim Regula summarii 17. quam accuratius expendere velis.

Quinto. Quia ex vi ejusdem instituti, non alius finis vocationis ac Religionis tuæ, quam major DEI gloria & salus animarum, quàm sine ulla mercede & præmio promovere teneris: hinc rigor ille quo prohibetur, ne quidquam pro obsequio quocunque animabus præstito pro facris, confessionibus, concionibus à nostris accipiatur.

Sexto. Percurre exempla tot Sanctorum, tali amore ac servitio DEI memorabilium: atque te exspolia omni intuitu non tantum terrenæ consolationis ac mercedis, sed etiam celestis ac æternæ, ita ut sola tibi merces sit servire DEO, & amare eundem: & hoc ipsum non quia tibi bonum, sed quia DEO bonum est, quia DEO placet, quia tali amore ac servitio dignus est.

PUNCTUM III.

CONSIDERA primo: Quomodo nihil damat tales amatores ac servi DEI, ex tam gratuito servitio, & amore referant, sed imo magnum lucrum. Planè sicuti vir hic Apocalypticus, qui à se exclusit omnem intuitum cæli & terræ, & cujus conspectu (inquit S. Joannes) fugit cælum & terra. Dum enim se ab eodem intuitu longius removeret, non vulgari throno, sed magno & eximio, quæ cælo ipsi ac terræ præstabat honoratur: Vidi, inquit, thronum magnum, & sedentem super eum: quod non auditum de illo, qui apud Psalmistam cælo appropinquans seque inferens acclamari jussit: Attollite portas, & introibit Rex gloriæ. Nec tamen ad primam vocem admissus, ut iterum id ipsum excla-

Nillum damnum ex talis amore.

clamandum esset. Jam quidnam DEUS ipse talibus suis amatoribus ac servis appromittat? audiamus: Ego, inquit, ero merces tua magna nimis. Ea non quæcunque merces, sed nimis magna: & quidem non Cælum, non terra, sed ipse Cæli ac terræ Creator. Quantum igitur lucrum pro mercede creata finitaque, increatam infinitamque recipere.

*Infantique
eorum, qui
sic DEUM
non amant.*

Confidera secundo infantiam eorum, qui intuitu terreni, ac temporalis cujuscunque emolumenti ac præmii DEO serviunt. Hi enim in hac vita recipiunt mercedem suam, & hanc quidem quam vilem, quam miseram, quam evanidam: scilicet plerumque solos illos vanitatis fumos. Jam vero quantam incurrant jacturam? nempe tot meritorum, tot gratiarum tantæ gloriæ æternæ, propter quam etsi DEUM non amemus: DEUS tamen illam se amanti- bus non tantum, non subtrahit, sed imo cum sânore retri- buit. Expende vero hic, quidam illi sint, qui DEO gra- tis servire detreçant? Nempe ii, qui in suis actionibus, laboribus &c. terrenos successus, plausus, complacentias alienas & suas, gratitudines, gratias, favores, commodas, præmia, æstimationes, appretiationes, auctoritates, reve- rentias sui, solatiola intendunt & aucupantur. Etsi his fraudentur anguntur, deiciuntur animo, murmurant, lan- guescunt in studio virtutis, ab egregiis suis actibus desi- stunt. Invident, dolent, murmurant, censurant, exten- dent: Si aliis non illis hi successus, & solatiola terrena con- tingant: ita ut extremo mæore contabescant.

Detestare talium infantiam & exclama: *Quid mihi est in calo, & à te quid volui super terram DEUS cordis mei, & para- mea; DEUS in æternum.*

Pro colloquio utere illa Oratione S. Patris: *Suscipe Domine universam libertatem meam, accipe memoriam, intellectum atque voluntatem omnem. Quidquid habeo vel possideo, mihi largitus es: id tibi totum restituo, ac tua prorsus voluntati trado gu- bernandum. Amorem queso tui solum, cum gratia tua mihi do- nes, & dives sum satis, nec aliud quidquam ultra posco.*

ME.

MEDITATIO XCI.

De Amore & Timore DEI, præcipuis vitæ Religiosæ, principiis, ac fundamentis.

Fundam. Apparitio Domini Israëlitis, gressis ex Ægypto, in duplici columna Exod: 13. Dominus, inquit, præcedebat eos ad ostendendam viam per diem in columna nubis, & per noctem in columna ignis: ut dux esset itineris utroque tempore: Nunquam defuit columna nubis per diem, nec columna ignis per noctem coram populo.

Prælud: 1. Simile illi, quod supra ordinariè.

Prælud: 2. Pete gratiam, amorem DEI ardentem, & timorem ejusdem salutarem concipiendi.

PUNCTUM I.

Considera primo in hac apparitione adumbrari duo principia, ac præcipua auxilia vitæ Religiosæ: Amorem scilicet & Timorem DEI. Per columnam ignis significari DEI amorem: per columnam nubis Timorem ejusdem: ubi etiam expende proprietates nubis & ignis easque tam amoris DEI, quam timori applica.

*Comparatio
Amoris &
Timoris DEI,
cum columnis
Israheliticis*

Considera secundo per has duas columnas Israelitas ex Ægypto eductos, ac etiam toto itineris tractu easdem illis prævisse. Arque hic expende similes nobis fuisse prodromos è seculo Ægypto ad Religionem, scilicet amorem DEI & timorem: Quid enim aliud nos principaliter evocavit è seculo, quam hæc duo: Amor & Timor DEI, ut cuique reflectenti se patebit. Hinc etiam eosdem antambulones in vita Religiosa nobis habere necesse est: à quibus enim principiis res oriuntur, ab hisdem conservantur. Et sane nihil nos in vocatione & spiritu Religioso

It

effica-

efficacius conservare potest, quam id ipsum, unde eandem vocationem & spiritum hausimus: nempe amor & timor DEI.

Ubi considera tertio: columnam nobis fuisse Ducem Israëlitis die, jam columnam ignis de nocte. Idque ipsum de timore & amore DEI concludere. Nempe amorem DEI efficacissimum Ducem in adversis esse, ne illis scilicet frangamur. Timorem in prosperis, ne illis elevemur. Quid enim efficacius amore DEI ad omnia adversa, difficultates, arumnas superandas? scilicet *omnia vincit amor*. Nihil amanti difficile, nihil arduum, nihil grave. Et si his ipsis adversis frangeris: defectui amoris DEI adscribe. Quid efficacius timore ad omnia prospera sine noxa conscientie transigenda, ad omnes tentationes, suggestiones, illecebras diaboli, mundi, carnis vincendas? Et si in his omnibus te prolabi experiris, defectui timoris DEI attribue.

PUNCTUM II.

*Emolumenta
Amorū & Ti-
morū DEI ex
comparatio-
ne columna-
rum.*

CONsidera quantum boni, Israëlitis retulerint. & quantum mali effugerint, istis duabus columnis sibi prælucentibus. Nempe nullum illis in tanto itinere tedium, nulla difficultas, nullus error, nullus æstus, nullum à sole, ab imbre, ab aëre incommodum, nullum undecunque periculum, nulla de nocte trepidatio &c. His præducibus mare cessit, Israëlitis per ejus fundum inter medias undas feliciter transierunt, effugerunt Pharaonem, Pharaonem cum exercito merfos. Applica hæc & alia hinc expensa ad vitam Religiosam, simulque effectus ac emolumenta ignis & nubis cum effectibus amoris ac timoris DEI compara, cum simili applicatione.

PUNCTUM III.

*Mala ex de-
fectu Amorū*

CONsidera quantum mali incurrissent Israëlitis, & quantum amississent boni, si his ducibus caruissent. Atque simile

Simile quid expende de illis, qui in vita Religiosa his similibus prodromis carent, amore DEI scilicet & timore. Nempe illis omnia difficilia, omnia gravia, omnia improspera, faciles lapsus, difficilis tentationibus, ac omnibus mundi & carnis illecebris resistentia, nullus horror & fuga peccati &c.

Unde considera secundo: illas columnas semper quolibet tempore, tota die & nocte adfuisse Israëlitis, nulloque momento defuisse, sive comederent, sive biberent, sive aliquid aliud facerent: ita ut in illas iidem Israëlites semper habuerint oculos intentissimos. Idemque de timore DEI & amore cogita: Nempe hos etiam præduces, semper nos præsto ante oculos debere habere in omni actione, in omni difficultate, in omni suggestione, in omnibus prosperis & adversis, sive comedendo, sive bibendo, sive aliquid aliud faciendo, semper illud nobis intimando: Propter te DEUS meus, amore fui.

Considera tertio: quod DEUS duas has columnas Israëlitis præduces dederit, cum videretur una fuisse satis, eaque alterutra: Idque non dubita à DEO factum non sine mysterio, nec frustra: Proindeque idem ipsum de vitæ Religiosæ præcursoribus, amore inquam DEI, & Timore existima: quod scilicet ad rectè & innoxie percurrendum Religiositatis iter utroque opus sit omnino.

Considera quarto, quod in prædictis Israëlitarum columnis DEUS ipse affuerit: Dominus (inquit Scriptura) in columna nubis & in columna ignis. Unde adverte, quod nos quoque in nostris prodromis non aliud spectare debeamus: videlicet in amore DEI, non præmium ullum, non mercedem, non bonum aliquod & commodum nostrum, in timore quoque non damnum, & pœnam sive æternam, sive temporalem, sed solum non nisi DEUM: ut hic scilicet amor sit perfectus, & timor non servilis, sed filialis.

Colloquium. Oratio Dominicæ sextæ post Pentecostem: DEUS virtutum, cujus est totum, quod est optimum, insere pectoribus nostris

& Timoris
DEI per com-
parationem
proferam.

Nec non re-
liqua adjun-
ta tam co-
lumnarum,
quàm Amoris
& Timoris
DEI.

nostrum Amorem tui Nominis (adde) timoremque pariter, & presta
in nobis Religionis augmentum, ut quæ sunt bona nutritæ, ac pietatis
studio, quæ sunt nutritæ custodias.

MEDITATIO XCII.

De Resignatione sui in Voluntatem ac Providentiam DEI.

Fundam: Visio Zachar: 3. Ecce lapis, quem vidi coram JESU: super lapidem unum septem oculi sunt. Ecce ego celabo sculpturam ejus.

Prælud: 1. consuetum.

Prælud: 2. Pete gratiam complacendi tibi in Providentia ac Voluntate DEI, in eamque simul te plene resignandi.

PUNCTUM I.

*In quo hæc
hæc R. signi-
ficatio consistit*

Considera in hoc lapide Prophetico adumbratam plenam resignationem in Providentiam ac voluntatem DEI.

Quid enim est, resignatum esse in hæc ipsa? quam esse ad instar lapidis sine oculis, sine manibus, pedibusque, sine capite, sine corde, sine ore, sine sensibus: hoc est nullus in se oculos, nullos sui suarumque commoditatum, necessitatum, utilitatum &c. respectus habere, nihil in bonum suum fabricare, ne digitum quidem in suam partem & commodum admoveere, nihil de se cogitare: nec primam ut ita dicam apprehensionem formare, ad nihil affici, nihil sibi velle, appetere, desiderare, procurare, ne verbum pro se loqui: totam sui curam DEO, DEIque oculis, Providentiæ, Voluntati relinquere, totum se suæque omnia in DEI Providentiam ac Voluntatem resignare, ita ut quocumque

cunque te eadem providentia direxerit, quocunque verte-
rit, quo loco posuerit, quidquid tecum egerit, & agi per-
miserit, ad nihil commoveri, nullum sensum edere, nihil
improbare, in nullo oppositum prodere iudicium: sed imo
approbare omnia, in omnibus sibi complacere, ad omnia,
ad omnes dispositiones, abiectiones sui ad instar ejusdem
lapidis insensibilem esse: quocunque te DEI providentia
ac voluntas jecerit, ibidem pacatè quiescere. Quidquid
ex te formare, fabricare, celare voluerit, sive regnantem
Jovem, sive eloquentem Mercurium, sive ex superioribus,
vel inferioribus, ac infimis diis aliquem: sive etiam risui
ac ludibrio expositum ardelionem, id ipsum patienter fer-
re, Divinæ manui sese formandum ad quidvis permittere
& offerre.

Vide an ita sis in DEI Providentiam ac Volun-
tatem resignatus?

PUNCTUM II.

CONsidera motiva hujus Resignationis: & quidem ex
his ipsis in hunc lapidem propheticum defixis septem
oculis, ac etiam ex suscepta à DEO cura celaturæ ac
sculpturæ lapidis ejusdem: *Super lapidem, inquit, unum se-
ptem oculi. Ego celabo sculpturam ejus.*

*Motiva hu-
jus Resigna-
tionis.*

Ubi expende primo, neminem ita sibi suoque bono
posse esse providum, sicut DEI providentiam. Quis enim
melius novit nostras necessitates, utilitates ac indigentias,
sicut DEUS, quis tot habet supra se oculos, quot habet
DEUS super nos, proindeque quis poterit ita sibi in omni-
bus prospicere, sicut DEUS illi prospicere potens est?
Præterea quis habet tantum unde prospiciat sibi, quantum
habet DEUS, ut provideat nobis?

Jam expende secundo, neminem esse, qui ita sibi ve-
lit bene, sicut DEUS vult bene nobis: Cum enim sit bo-
nus supra omne bonum, quomodo nobis malè velle potest.

Econtra cum nos simus adeo mali, aut saltem ad omne malum proclives, quomodo saltem aliquando non possumus nobis velle male. Hinc idem DEUS antequam nos vellemus nobis aliquid bene, imo antequam possemus velle, jam nobis bene voluit imo optimè, prædestinando redimendo creando &c. Præsertim cum nos volendo nobis bene, sæpius ita decipiamur, ut tunc velimus nobis pessimè. Quis enim melius sciat & noscat aliquid esse bonum vel malum, quam qui est optimus, & simul omniscius: opposito modo hac in parte se habente malitia & cæcitate nostra:

Jam vero eam esse nostram indigentiam, ut etiam si nobis optimè velimus, non habeamus unde illi subveniamus, undeque hanc voluntatem expleamus: Neque id ipsum sit sæpe in nostris manibus, quod volumus. **E**contra voluntas Divina, quidquid vult, hoc totum intra se habet, ut expleat; nec est, qui resistat voluntati ejus.

Insuper quis se talem formare, celare, sculperè potest, qualem DEUS rerum omnium potentissimus, peritissimus ac scientissimus artifex, qui de nihilo creavit cælum & terram, qui de limo formavit hominem, potens est effigere.

Maximè, quod omnis boni, omnium virtutum ultimum sit resolutorium voluntas DEI, ita ut necessariò sit bonum, quod DEUS vult, necessariò malum, quod DEUS non vult.

Quanta vero ex hac resignatione, alia emanant bonæ, quanta merita, quanta præmia, quanta solaria, quanta quies in vita, morte, adversis, prosperis? Ut non omitram, quod sæpe DEUS impletioni voluntatis suæ, etiam in minimo ac resignationi in eandem, alligare consueverit seriem tot gratiarum ac ipsius seriem prædestinationis & perseverantiæ in gratia finalis.

Vide, quisnam in te hac in parte sensus, quod experimentum resignationis hujus ejusque effectuum? Quanta

vero simul hujus ipsius in te obligatio? Utrique enim lapis ille dicitur, lapis coram JESU, adeoque symbolum sociorum JESU: cujus igitur major obligatio, quam obligatio militis ad socii ejusdem JESU, ut faciat voluntatem Ducis sui, cum omni resignatione in eandem? Quanquam hoc ipsum est omnium Religiosorum Christo militantium.

PUNCTUM III.

CONsidera mala & incommoda eorum, qui se suaque suae providentiae & voluntati permittunt.

Mala ex defectu Resignationis.

Inprimis enim tales nolendo DEI voluntati se subdere similes sunt illi lapidi, qui se eriperet de manibus celatoris sculptorisque cujuscumque, nec vellent tractari secumque procedi juxta voluntatem artemque ipsius. Quod enim cum tali lapide fieret, idem sit omnino cum illis ipsis.

Secundo, eosdem tales refractarios voluntati Divinae, dum se illi subdere nolunt, eandem ipsam voluntatem facere & exequi. Nempe nolendo facere voluntatem DEI complacentiae approbativam svasivam, facere ipsos permissivam: ita ut dum nolunt facere, quod DEUS vult precipiendo suadendo; hoc ipso faciunt, quod DEUS vult permissive. Atque hunc esse impiorum circuitum idque sine ullo merito, imo magno demerito & pena. Juxta illud: *impii in circuitu ambulant.* Qui enim circulum aliquem & sphaeram obambulat, dum ab illo puncto à quo incepit cursum recedit, simul ad illud appropinquat ac redit.

Jam vero quot alia talium irresignatorum mala? Illae tristitiae, curae, sollicitudines, angores, perturbationes, inquietudines, absque ullo tam temporali, quam spirituali solatio: ad hoc pessimi successus; ita ut dum se illi volunt formare Joves, Deastros nescio quos: Faciant se ardeliones ludibrio expositos.

Ut non omittam, quod saepe interturbent ac abrum-
pant

pant seriem tot gratiarum, ac ipsius prædestinationis. Quibus omnibus expensis concludere & proponere, quod ab hinc id solum velis, quod DEUS vult, & quia vult.

Colloquium & affectus: Execrare voluntatem tuam: Amplectere & deoscula manum Divinam paternè te tractantem: Pete gratiam agnoscendæ in omnibus ac explendæ voluntatis Divinæ. Conclude illa oratione: DEUS cujus providentia in sui dispositione non fallitur, te suppliciter exoramus ut noxia cuncta submoveas, & omnia nobis pro futura concedas. Potest adjungi & illa, quæ est in Missa Sabbati post Dominicam I. Quadragesimæ post Commun: Fideles tuos DEUS benedictio desiderata confirmet, quæ eos & à tua voluntate nunquā faciat discrepare, & tuis semper indulgeat beneficiis gratulari. Per Dominum &c. Adde & illam Sancti-Francisci Xaverii ad S. Patrem Ignatium precatorem: Mā Pater in Christi visceribus unice, ego te positis humi genibus suppliciter oro, ut mihi à DEO impetres. &c.

MEDITATIO XCIII.

De Præsentia DEI ejusque usu.

Fundam: Visio S. Joan: Apoc: 4. Ecce sedes posita erat in calo, & supra sedem sedens, & in conspectu sedis tanquam mare vitreum simile crystallo. Cornel: à Lap: addit, id est: pellucidum, tranquillum.

Prælud: 1. Ejusdem visionis imaginatio, cum apprehensione in ea præsentia Divinæ usum representari.

Prælud: 2. Pete gratiam semper habendi in mente & animo præsentem DEUM.

PUNCTUM I.

Bona & effectus præsentia DEI.

Considera in hac visione adumbrari fructus præsentia Divinæ.

Unde

Unde enim hujus maris Apocalyptici tantus nitor, tanta puritas, vitrea crystallina perspicuitas, tranquillitas ad prodigium? Procedebant hic de throno fulgura, afflabant venti, nec interim minimum commoveri, sed admodum pacifice quiescere, imo magis magisque componi ad quietem: non hic ullæ maris ludentis inquietudines ac insolentiae, non elationes, non tumores, non ætus, non fluctus & procellæ, non simulatrices syrenes, non lasciviae symbola pisciculi, non gladioli, non femoræ, non ad rei cujusvis attractum & viciniam mutantem colorem polypti, non obvium quemque allatantes, lique prænuntii semperstatum molossi, non canceri retrogradi, non garrulæ obstrepentesque ranæ, non mille balenarum, Tritonum, & aliarum belluarum monstra, nisi forte solorum unionum sacratissima patria nidusque pretiosus. Unde inquam hujus ejusdem maris tanta commendatio? Nempe non aliunde quam à conspectu & præsentia DEI in sede illa Apocalypica sedentis: *In conspectu, inquit, sedis tanquam mare vitreum simile crystallo.*

Applica hæc omnia & singula ad Religiosos usum præsentiae Divinae habentes. Nimirum omnia hinc bona spiritualia fluere, atque etiam totam perfectionem religiosam: Secundum id, quod DEUS ad Abrahæm: *Abraha soram me, & esto perfectus*: Huc & illud: *Providebam DEUM in conspectu meo semper. Quoniam à dextris est mihi ne commovear.*

PUNCTUM II.

CONsidera affectus, & damna neglectus præsentiae Divinae, & quidem assumpto ex mari fundamento.

Scimus utique qualem sit, & quomodo se gerat ali-
bi mare. Quos lusus exerceat, quibus inquietudinibus laboret, in quas elationes, tumores, ætus sese exerat, in quos furores, fluctus, procellas, mediocri etiam ventorum afflatu abeat, quos onerarias jactet, exagitet, allidat, diffi-

Mala desolant illius.

per, in profundum mergat, quantâ hominum mercimoniorum eaque extremâ jaçurâ? Quot ibi Scopuli, Syrtes, Scyllæ, Charibdes? Quot monstra? quàm ipsa ibi malitia & tranquillitas suspecta? Quàm nihil ibi perspicui, nihil crystallini, omnia opaca, turbida, nihil dulce, nihil suave, amara omnia.

Applica hæc singula ad neglectum præsentis Divinæ, expendeque omnia hiac mala in vita Religiosa, & quacunque alia promanare, juxta illud Psaltis: *Non est DEUS in conspectu ejus, inquinata sunt via illius in omni tempore. Vide et similes effectus in te non experiaris?*

PUNCTUM III.

Modus effingenda præsentia DEI.

CONSIDERA modos effingendæ tibi præsentis Divinæ, ac etiam occasiones ejusdem usurpandæ.

Inter hos autem modos, idem ipse in visione prædicta Apocalyptica expressus, usui esse poterit. Ut scilicet tibi imagineris DEUM in sublimi sede Majestatis suæ sedentem, cujus oculi lucidiores sole, abditissima quæque intuitu suo penetrantes; te autem, ipsum, imo totum cum omnibus creaturis mundum velut vitreum & crystallinum in conspectu ejus; ita ut illius oculis nihil opacum esse, nihil eosdem latere, nihil coram eis ne pulvisculus quidem abscondi possit, omnia illis vitrea, pellucida, crystallina: non verba tantum & opera, sed intimi etiam cordium recessus, ac reconditissimæ cogitationes.

Vide, quis in te hujus vel similis imaginationis ac reflexionis usus?

Colloquium & affectus ad Christum crucifixum, petendo ab eodem, ut se ita cordi ac memoriæ tuæ in primat, ut nunquam illius meminisse non possis, ac simul doleodo, quod toties ejusdem non memineris cum aspiratione: *Væ tempori illi quo te non amavi: væ tempori, quo tui non memini.*

ME.

MEDITATIO XCIV.

*De Conjunctione per orationem & laudem DEI
continuum, cum eodem DEO.*

Fundamentum Apoc: 4. *Quatuor animalia: singula eorum
habebant alas senas, & in circuitu & intus plena sunt oculis,
& requiem non habebunt die ac nocte, dicentia sanctus &c.*

Prælud: 1. Imaginatio ejusdem visionis simulque
cum apprehensione per illam tibi proponi exemplar con-
junctionis cum DEO, per orationem & laudem ejusdem
DEI continuum.

Prælud: 2. Pete gratiam ejusdem ipsius cum DEO
conjunctionis.

PUNCTUM I.

Considera adjuncta prædictorum Apocalýpti-
corum animalium, simulque adverte in illis elucere speciale ex-
emplar conjunctionis cum DEO.

Inprimis enim dicuntur ibidem *in medio & in circuitu
sedis Divinae* constanter substituisse: quod ipsum specialem
illorum cum DEO conjunctionem denotabat. Dicuntur
ibidem *habuisse singula alas senas*. Per alas autem intelligimus
sublimes affectus eosque varii generis, v.g. adorationis,
gratiarum actionis, glorificationis, laudis, amoris DEI &c.
quibus in DEum prædicta animalia ferebantur, nosq; feri-
ri debemus in eundem. Præterea dicuntur fuisse *plena ocu-
lis & in circuitu & intus*: ex quo se totis per contemplatio-
nem ad eundem DEum vertebantur, in omnibusque sive
intra se, sive extra se, hunc ipsum, nunquam oclusis aut
alio versis ac intortis oculis, oculis inquam internis & ex-
ternis, hoc est interioribus & exterioribus operationibus
spectabant & speculabantur.

Uu 2

Vide

*Adjuncta 4.
animalium
experimentia
conjunctionis
cum DEO
præstam.*

Vide quid in te simile ?

PUNCTUM II.

*Alia adjun-
cta exprimē-
tia eandem
conjunctionē
per orationē
& laudem
DEI conti-
nuant.*

CONsidera, quod ulterius de iisdem animalibus dicitur : Nempe, quod *requiem non habebant die ac nocte dicentia sanctus, &c.* Requiem, inquam à laudando & glorificando DEO ; à qua laude & glorificatione, nunquam cessabant, nunquam quiescebant, cui non dies tantum integros mane, meridiem, vespere, sed noctes etiam totas impendebant, idque absque ulla interruptione. Hic labor eorum, hæc occupatio ante omnes præcipua erat, absque ulla requie & pausa.

Vide qualis nam in te quoque similis cum DEO conjunctionis usus ?

PUNCTUM III.

*Alia item
adjuncta ex-
primunt
conjunctionē
cum DEO in
omnibus re-
bus, ministe-
riis, actioni-
bus.*

CONsidera etiam hæc Apocalyptica animalia fuerant Cherubici Spiritus : uti habemus in Ezechiele : Dicuntur tamen tam hic, quam apud Prophetam animalia, idque ad exprimendas eorum functiones & ministeria, ad quæ à DEO deputata fuerant, eaque non in Cælo tantum, sed in terra etiam inter homines & terrena exercenda : uti de facto exercuerunt apud Ezechielem in devotendo gloria Divinæ curru. Unde etiam singulis appiā quadruplex *facies, hominis, aquila, leonis, bovis* ; in quibus elucet diversitas ministeriorum & actionum. In qua tamen diversitate, quantæ cum DEO conjunctio ! ita ut inter hæc & talia nunquam ab evolando ad illum, ab intuitu & contemplatione ipsius, à laude & glorificatione cessaverint.

Nec vero alia nostræ cum DEO conjunctionis inter quasvis occupationes, labores, obsequia debet esse ratio. Proinde sicut hisce animalibus non fuerant obsequio tam diversa singulorum, quæ ex DEI deputatione obibant. mi-
nistre

affertia, ita neque nobis quidquam ad idem, ullum impedimentum afferre deberet. Vide quid apud te quoque hac in parte hactenus praxis fuerit? & deinceps futurum sit? Et quia de prædictis animalibus supra dictum est, quod *die ac nocte* non cessabant decantare laudem DEI: per diem autem significatur prosperitas, per noctem adversitas. Hinc neque nobis etiam hoc utrumque deberet esse obstaculo ad prædictam conjunctionem cum DEO, & laudem ipsius, laudem inquam sive in prosperis, sive in adversis.

In Colloquio adijunge te & associa prædictis Cherubicis spiritibus, aliisque quibuscunque Cælestibus, cum illis decantando Trisagion *sanctus* &c. simulque supplicando eisdem, ut tibi à DEO eam impetrent gratiam, per quam dum vives, semper eidem DEO conjunctus, in continua ejus laude & cultu perseveres, post hanc vero vitam in numerum illorum admissus, idem cum illis Trisagion per totam æternitatem decantes, eundemq; DEum glorifices.

MEDITATIO XCV.

De Immolatione nostri DEO ex toto, seu holocaustifica.

Fundam: Gen: 22. ubi Dominus ad Abraham: Tolle Filium tuum unigenitum, quem diligis Isaac, & vade in terram visionis a: que tibi offeres eum in holocaustum super unum montium, quem monstravero tibi.

Prælud: 1. Hujus ipsius imaginatio cum ea apprehensione similem à te immolationem tui requiri.

Prælud: 2. Pete gratiam agnoscendi fructus hujus immolationis, illamque DEO exhibendi.

PUN-

PUNCTUM I.

In quo constat talis immolatio ?

CONSIDERA primo : Quidam Abraham DEO immolaturus erat in holocaustum ? Nimirum non boves, non arietes, non quidquam aliud, sed suum filium unigenitum Isaac, adeoque in illo omnia sua charissima, omnia pretiosissima, omnes spes, omnia solatia, imo totum id quidquid cogitari potest, juxta illud : quod de Tobia juniore mater ipsius : *Omnia in te uno habentes non debuimus dimittere te.*

Atque hinc agnosce similem debere esse tui immolationem DEO. Nempe inprimis quoad omnia tua, quoad bona corporis, animi, fortunæ, quoad omnia tibi unice charissima, præsertim famam, honestum, æstimationem, ipsos etiam affectus, amores, amicitias, quas sive alijs testaris, sive easdem experiris ab alijs, juxta id, quod DEUS ad Abraham : *Tolle unigenitum tuum quem diligis.*

CONSIDERA secundo, quod idem Abraham in hac immolatione Isaaci, etiam se ipsum immolare debuerit, ac defacto immolarit. Immolarit inquam inprimis memoriam, intellectum, voluntatem, memoriam, dum videretur oblivisci sui ipsius, suorum solatorum, promissorum divinorum, quæ illi DEUS præstiterat in Isaaco adimplenda: intellectum, subdendo eum totaliter cum suo judicio, imperio DEI, nec discutiendo ullatenus apud se idem imperium : voluntatem, omni promptitudine ad id propendendo quod DEUS voluit, ac sine ulla tergiversatione exequendo quod jussit. Obtulerit præterea vitam suam, qua erat posthumè in Isaaco victurus, obtulerit animam, qua erat in eodem Isaaco amore ac dilectione tenerrima, juxta illud : *Anima ibi magis est ubi amat, quam ubi animas.* Obtulerit corpus & sanguinem. Utrique enim quicumque consanguinei, multo magis filii sunt caro & sanguis noster. In his autem obtulerit consequenter pedes, manus, vires, quorum adminiculo ad adimplendum DEI mandatum & ad necem Isaaci ex eodem erat usus imperio.

348
rio. Obtulerit cor ipsum ad intimum cordolium, quod erat ex hac ipsa nece percepturus.

Atque hinc expende qualisnam tua etiam debeat esse immolatio: nimirum ut non tantum tua omnia, sed etiam te ipsum ex toto, DEO immoles.

PUNCTUM II.

CONSIDERA quibusnam modis hæc immolatio Isaaci peracta est? videlicet gladio & igne. Per gladium intelligi heroicam abnegationem rerum omnium, & sui ipsius. Per ignem intelligi Amorem DEI ardentissimum, quo religiosus velut igne quodam absumitur totusque DEO cedit in holocaustum nulla sui parte sibi, mundo, creaturis relicta.

*Modus hujus
immolationis*

Unde non sine mysterio, non alio hic verbo DEUS utitur ad Abraham, quam isto *tolle*. Non dicit *macta*, occide, trucidā, quia scilicet hæc non important omnimodam rei annihilationem & sublationem ex rerum natura, uti importat hoc idem verbum *Tolle*.

Vide an sic totus per abnegationem & amorem DEI te immolaveris eidem, & an aliquid sive tui ipsius, sive tuarum rerum tibi met, aut alicui creaturæ non reservaveris?

PUNCTUM III.

CONSIDERA obligationem & motiva hujus immolationis.

Ac inprimis expende Religionem plane esse illam terram visionis, illum montem Moria, in quo erat immolandus Isaac, unde de ratione vocationis ac instituti religiosi est, ut se Religiosus quilibet velut alter Isaac, taliter DEO immolet, juxta id quod nobis tot Regulis intimatur, nempe Reg: Summ: 8. & Reg: 9. & Regul. 12. tum aliis Regulis ac Epistolâ Sancti Patris de obedientia.

*Motiva &
fructus talis
immolationis*

Nec

Nec verò inde ulla nobis jactura vel damnum, sed imo ingens lucrum, ingens præmium, ut defacto in Isaac immolatione expertus Abraham. Et ut nobis Regulâ Summâ: 19. innuitur. Quanto aliquis se arctius DEO adstrinxerit, & liberaliorem erga summam Majestatem se præstiterit, tanto eum in se liberaliorem experietur. Hinc illud centuplum in hac vita, & post hanc, vita æterna in Evangelio appromissa.

Colloquium & affectus ad Christum crucifixum, qui velut alter Isaac pro nobis totum se immolavit, totum se nostræ saluti impendit, totus igne amoris sui erga nos arsit, similem nostræ immolationem ac holocaustum eidem exhibendo, per illam v. g. precationunculam: JESU & MARIA amores mei dulcissimi patiar ego, moriâr ego amore vestri, totus sim vester, nullus meus, &c.

MEDITATIO XCVI.

De Tendentia ad Perfectionem & modo tendendi ad eandem.

Fundamentum visio Mardochei per somnium Esth: 10.
Parvus Fons, qui crevit in fluvium, & in lucem solemque conversus est, & in aquas plurimas redundavit.

Prælud: 1. Imaginatio hujus visionis simulque apprehensio; quod per illam exprimatur tendentia prædicta.

Prælud: 2. Pete gratiam tendendi efficaciter ad perfectionem.

PUNCTUM I.

Unde in tendendo ad perfectionem incipiendum?

Considera-*rmo*, unde tendens ad perfectionem incipere debeat? Nempe unde fons incipit: Hic enim inprimis modico admodum & tenui rivulo decurrit, simulque sub-

subterraneos specus, in quibus latebat relinquens, in lucem prodit: nec raro ex montibus ad valles defluit. Proinde homini quoque Religioso similis intendendo ad perfectionem tenenda ratio: Incipiendum illi non à magnis, sed à parvis. Tum terreni habitus, appetitus, affectus relinquendi & exuendi. Non in magnis & mirabilibus ambulandum, sed in declivi humilitatis & humiliationum sui habitandum. Quæ tibi quoque vide ut applies.

PUNCTUM II.

Considera quo tendenti ad perfectionem progrediendum? Nempe quo prædictus fons fuit progressus? utique enim ex parvo admodum sensim non repente in fluvium crevit. Nec aliter tendentibus ad perfectionem procedendum. Scilicet ne subito velint perfectionis culmen tenere, aut subito in grandem perfectionem & omnigenas virtutes diffundi: sensim hoc peragendum est: ut fonti & fluvio sensim crescentibus contingit. Atque sic ad thesaurizandas sibi magnas virtutes progrediendum. Progrediendum inquam per modum nunquam stagnantis & subsistentis, sed semper currentis fluvii: progrediendum constanter absque cessatione & quiete. Et hoc est, quod tibi quoque observandum est.

Quo & quomodo inde procedendum?

PUNCTUM III.

Considera quo tendens ad perfectionem collimare debeat? Nempe eo quo fons præfatus: qui tandem in solem conversus: Eoque pariter nobis tendendum est; ut scilicet non in stellas, sed in ipsos soles perfectissimæ virtutis & sanctimonix excresecamus: & quidem in soles semper in cælo fixos, terram illustrantes, nec quidquam de terra trahentes, semper igne nativo inextingvibili ardentes, nec solum in se ipsis claros & illustres, sed in soles,

Quo collimandum?

alios quoque illustrantes, sive bonos, sive malos: in soles in DEI ipsius & solius habitaculum electos: & tandem in tales soles, ex quibus aquæ plurimæ promanarunt; id est plurima merita, plurima Ecclesiæ bona, commoda & incrementa, plurimorum ad DEUM, ad Fidem, & Ecclesiam conversio & salus. Quo ut tu quoque collimes vide & stude.

In Colloquio. Supplica Christo Domino, qui *via, veritas & vita* est, ut tibi tendenti ad perfectionem inprimis sit *via*, ne in tendendo à *via* virtutis devies: sit *veritas*, ne mundi, carnis, diaboli diſtaminibus & fallaciis decipiaris, atque sic à veritatibus æternis & rationibus aberres: Sit *vita*, ut soli DEO vivas, nec unquam per peccatum eidem moriaris. Conclude tandem: *Vias tuas Domine demonstra nobis & semitas tuas edoce nos. Utinam dirigantur via nostra ad custodiendas justificationes tuas.*

MEDITATIO XCVII.

De Calo, illique vitæ perfectæ Religiosæ assimilatione.

FUNDAM: Visio S. Joannis Apoc: 21. ubi descriptio celestis Jerusalem infra singulis punctis exponenda.

Prælud: 1. Imaginare tibi celestem Jerusalem à Sancto Joanne descriptam.

Prælud: 2. Pete gratiam eandem Jerusalem celestem vitæ religiosæ exprimendi, ut hic & nunc illam habendo velut in imagine expressam, postea re ipsa illius particeps efficiaris.

PUNCTUM I.

CONSIDERA primo in genere descriptam à S. Joanne celestem Jerusalem: Vidi, inquit, Sanctam Civitatem Jerusalem

Descriptio
celestis Jeru-
salem in ge-
nere.

Jerusalem novam, descendantem de Calo, paratam sicut sponsam ornataam viro suo.

Ubi expendere in primis, quanta Sanctitas hujus cælestis Jerusalem? tum quod nulli peccato, nulli suggestioni aditus pateat, tum quod ibi omnis cogitabilis sanctimonia resideat ac ipse Sanctus Sanctorum, cum tot multiplicibus Sanctis.

Expende secundo, quomodo sit nova cum à tot seculis ædificata? Nempe nihil ibi veterascere, nihil corrumpi, nihil primum suum nitorem amittere, ita ut semper omnia nova videantur.

Expende tertio, quid sit illam ad terram descendere: Vidi, inquit, *Civitatem Jerusalem descendantem* & nempe id accipiendum esse in eo sensu, in quo Christus dixit: *Appropinquavit in vos Regnum DEI*: vel ut Apostolus: *Regnum DEI intra vos est*: significans videlicet in promptu nobis cælum salutemque æternam esse, facili negotio à nobis comparandam, ac si ipsum cælum ad nos deflueret.

Expende quarto. Quantus ibi ornatus, quanta pulchritudo hujus cælestis Jerusalem, quam exquisita omnia: non aliter quam dum ornatur Neo-sponsa: quantum fieri potest, omnia tunc sicut nunquam alias exquisitissime fiunt.

Expende quinto, cælestem civitatem appellari hic Jerusalem, hoc est visionem pacis idque ob profundissimam ibidem & amœnissimam eamque continuam pacem, omnimodamque unionem animorum sine ullo bello, dissidio, violatione mutæ charitatis.

Quibus expensis applica singula ad vitam Religiosam, ad ejus sanctimoniam, ad novitatem Spiritus & fervoris, ad studium, & amorem salutis animarum, ad ornamenta spiritualia, scilicet dona & gratias supernaturales, nec non exquisitam Religiosi hominis circa animæ suæ ornatum curam & sollicitudinem. Tandemque ad profundissimam status Religiosi tranquillitatem unionemque & charitatem mutuam.

PUNCTUM II.

*Descriptio
Caeleſtiu Jeru-
ſalem in par-
ticulari.*

Conſidera in particulari à Sancto Joanne deſcriptam cae-
leſtem Jeruſalem.

Atque expende primo, Civitatem illam in quadro po-
ſitam, & quidem qua proportionem, qua venuſtate, ita ut
nihil ſimile in tota terra inveniri poſſit. Applica hoc ip-
ſum ad vitam Religioſam, ac per iſtud quadrum, quatuor
virtutes Cardinales intellige. Aut etiam virtutes Theo-
logicas, juxta id quod Haimo, Anſbertus & Pannonius de
hac eadem Civitate in quadro poſita myſti è intelligunt.
Intelligunt inquam Eccleſiam: Quia eſt robuſta per Fidem,
longanimis per Spem, ampla per Charitatem, efficaci per opera-
tionem.

Expende ſecundo, totam hanc Civitatem ac ipſas et-
iam plateas ex auro mundo, tanquam vitro pellucido
conſiſtere. Admirare tantam pulchritudinem & nitorem:
idque ipſum vitæ Religioſæ accommoda, per aurum illud
mundiſſimum, charitatem nullo inordinato affectu, nullo re-
ſpectu temporali, nulla devia intentione vitiatam, imo de-
puratiſſimam ab omni nẽvo intelligendo.

Expende tertio, eandem Jeruſalem habuiſſe circa ſe
murum magnum & altum, ſtructura ejus ex lapide Jaſpide
& fundamenta muri Civitatis omni lapide pretioſo ornata.
Ubi per hunc murum intellige ſublimitatem virtutis ac per-
fectionis Religioſæ.

Expende quarto hujus Civitatis fuiſſe duodecim por-
tas, duodecim margaritas, & in portis Angelos duodecim.
Per has autem portas intellige ſive ſpecialiores virtutes ab
omni defectu depuratas, ſive etiam ſenſus externos & in-
ternos, omni puritate perſpicuos ſingularemque Angelo-
rum cuſtodiam.

Expende quinto, de iſdem portis dici: Et porta ejus
non claudetur per diem: Scilicet quod ſemper lucis diurnæ
plena

plena, soli æterno & recipiendis ejus radiis ac lumini fiat patula

Expende tandem & alia, eademque ipsa vitæ & animæ Religiosæ per comparisonem appinge.

PUNCTUM III.

Considera hujus cælestis Jerusalem reliqua attributa.

Templum, inquit, non vidi in ea: Dominus enim DEUS Omnipotens templum illius est & Agnus. Ubi expende: Quanta ibi beatitudo ex præsentia DEI Christi, Beatissimæ Matris. Quanta beatitudo ex visione eorundem beatifica. Applica hoc ipsum ad vitam religiosi hominis, usum præsentis Divinæ, & unionis cum DEO continuæ habentis.

*Reliqua ad-
juncta Jeru-
salem cælestis*

Atque hinc ulterius expende, quod à Joanne dicitur: *Nempe, quod Civitas illa non eget sole, neque luna: nam claritas DEI illuminavit eam, & lucerna ejus est Agnus.* Idque ipsum Religiosæ vitæ affinila: Nimirum illam longè debere esse ab emendicatis à seculo pompis, splendoribus, vanitatibus, titulis &c. Sed pulchritudine, claritate, splendore virtutis, innocentis, gratiæ Divinæ, nec non ipso DEO suo ac Christo perpetuo cordis nostri inquilino, debere contentam.

Tandem vero concludit Joannes: *Quod in calo absterget DEUS omnem lacrymam, & mors ultra non eris, neque luctus, neque clamor, neque dolor, ac etiam nox non eris illis.* Ubi adverte in hac descriptione typum esse vitæ perfectæ omnibus numeris absolutæ, omni nocte & umbra peccati, omni obnubilatione, obtenebratione mentis & animæ, omni passionem, omni perturbatione, dolore &c. vacuæ.

Quibus omnibus expensis ad illud te accinge, ut juxta hanc ideam, tuam quoque vitam Religiosam efformes.

Colloquium & affectus ad Sanctissimam Triadem, ad Christum, ad Beatissimam Parentem, ad Sanctos Caeteros, petendo ab iisdem, ut te ad æterna tabernacula post hanc

vitam recipiant : Inprimis vero perseverantiam in Religione terrena ac militante, à qua transfeas ad Caelestem, largiantur. Hinc etiam affectus desiderii gloriae caelestis ac praesertim visionis Beatificae. Conclude aspiratione: *Quam dilecta tabernacula tua Domine, concupiscit & desicit anima mea in atria Domini.*

MEDITATIO XCVII.

De gloria & premio Caelesti.

Fundamentum Apoc: 21. Et qui loquebatur mecum, habebat mensuram arundineam auream : ut metiretur civitatem & portas ejus & murum. Et Civitas in quadro posita est, & longitudo ejus tanta est, quanta & latitudo. Et mensus Civitatem per stadia duodecim millia. Et longitudo, & altitudo, & latitudo ejus aequalia sunt. Et mensus est murum ejus mensura hominis, quae est Angeli. Et ambulabunt gentes in lumine ejus, & reges terra afferent gloriam suam & honorem in illam &c.

Praelud: 1. Imaginatio hujus ipsius cum apprehensione hac ipsa visione Apocalyptica, exprimi gloriam & premium Caeleste Sanctorum.

Praelud: 2. Petitio gratiae à DEO, per quam ad id gloriae & praemii pervenias.

PUNCTUM I.

*Gloria &
premium Cae-
leste beato-
rum.*

Considera praedicto loco gloriam & premium iustorum expressum.

Inprimis enim quoad *mensuram arundineam auream* : Hae juxta Cornelium à Lap: Caelestis gloriae mensuram & amplitudinem significat. Quoad Civitatem & locum Beatorum ejusque dimensionem : hujus tanta est magnitudo & vastitas, sive longitudinem, sive latitudinem spectes ut ju-

xta auctores, terræ totius globum non millies, nec centies
 millies, sed plus quam decies centies millies superet. Au-
 get vero hoc spatium in quadruplum Alcazar. Unde hic
 exclamandum cum Baruch cap: 3. *O Israël, quam magna est*
Domus DEI, & ingens locus possessionis ejus! Unde colligi potest
 quantum spatii singuli beati in Cælo occupaturi sunt. Nec
 oberit illis tanta unius ab alio distantia: ex quo ipsi in
 Cælo vim visivam habent acutissimam, ut ea quæ maximo
 spatio fiunt & distant, tam commode & clare videant,
 quàm nos videamus ea, quæ unius cubiti aguntur distantia.
 Præterea apud eundem Cornelium à Lap: per longitudi-
 nem intelligitur æternitas gaudiorum Cælestium; per lati-
 tudinem extensio eorundem ad omnia delectabilia, quibus
 Beati fruuntur, seu objecta de quibus iidem gaudent: per
 altitudinem tum sublimitas, tum intensio eorundem. Hæc
 autem æqualia dicuntur, quia æquo tenore semper, id est,
 in æternum durant. Nota ex Cornelio à Lap. quod sub
 altitudine contineatur, etiam profunditas quam addit S.
 Paulus Ephes: 3. uti infra citabitur. Altitudo enim qua
 altitudo significat sublimitatem felicitatis, & visionis bea-
 tificæ: qua vero altitudo profunditatem complectitur, si-
 gnificat intentionem, & immersionem Sanctorum in abyf-
 sum Divinorum bonorum, puta sapientiæ, beatitudinis, &
 gaudiorum Cælestium. Sic ferè & Viegas: *Longitudo*, in-
 quit, est æternitas, de qua Psal: 92. *Domum tuam decet sancti-
 tudo Domine in longitudinem dierum.* Huic æqualis est altitudo, id
 est visio beatifica, qua quasi profunditas & altitudo Divina Sapientie
 penetratur. *Æqualis* etiam est latitudo, id est fruitio, qua cum
 summa delectatione conjuncta est, per quam capacitas anima propter
 magnitudinem gaudii quasi dilatatur. *Æqualis* ergo est longitudo,
 latitudo, & altitudo: quia omnia hæc longitudinem æternitatis ad-
 æquabunt. Unde plane hic verificatur, quod S. Paulus Apo-
 stolus 1. Corinth: 2. *Nec oculus vidit, nec auris audivit, nec in-
 cor hominis ascendit, qua præparavit DEUS iis, qui diligunt illum.*

Hinc vide quodnam in te hujus & tantæ Cælestis glo-
 riæ

riæ & præmii desiderium ? & quis de eadem gloria sensus ?

PUNCTUM II.

Mensura gloria & præmii.

Considera 1. eam dimensionem, qua Angelus Civitatem Apocalypticam metiebatur, juxta Interpretes & Doctores apud Cornel: à Lap: citatos, non sumendam esse in physico & literali sensu, sed in mystico: scilicet quod gloria & præmium Cæleste commensuretur virtutibus & meritis justorum. Unde imprimis per *mensuram arundineam auream* intelligi potest Charitas DEI & proximi; quæ quæ major est in quocunque hominum, eo illi major gloria & præmium Cæleste correspondet. Et quia per quadrum diximus in præterita meditatione intelligi quatuor virtutes cardinales: hinc etiam, quo hæc in excellentiori gradu inveniuntur, eo majori gloria & præmio in Cælo donantur. Consequenter omnium virtutum ac meritorum sublimitati, longitudini, latitudini, profundo, æquiparatur gloriæ & præmii Cælestis altitudo. longitudo, latitudo, profundum: juxta illud Apostoli ad Ephesios: *Ut possitis comprehendere cum omnibus Sanctis, quæ sit latitudo, & longitudo, & sublimitas, & profundum.* Hinc illud: *Eadem mensurâ, qua mensi fuerit, remittetur vobis.* Item illud Apostoli: *Alia claritas solis, alia claritas lune, & alia claritas stellarum: stella enim à stella differt in claritate: sic & resurrectio mortuorum.* Ad hoc vero, quod Joannes enuntiat: scilicet quod Angelus *mensus est murum mensura hominis, quæ est Angeli*, ait Cornelius à Lap: *Eadem mensura metiendam esse tam hominis, quam Angeli beatitudinem & coronam, puta pro magnitudine gratiæ & bonorum actuum tam homini, quàm Angelo dandam esse majorem vel minorem gloriam.*

Proinde tu quoque vide quodnam tuis quoque virtutibus & meritis præmium debeatur? An non vero potius qualis tuis demeritis & sceleribus pœna & infernus?

PUN-

PUNCTUM III.

Considera ad quodnam nobis meritum in vita & præmii-
um post mortem in Cælo enitendum? quantumve pro
eodem præmio laborandum certandum & sustinendum?

Unde hic expende primo, quod de ea Civitate Divus
Joannes: *Et mensus Civitatem per stadia duodecim millia.* No-
men autem stadii (inquit Haymo) indicat cursum & certa-
men, quibus opus est currere & certare quotidie, ut in il-
lam Civitatem penetremus. Hinc S. Paulus 1. Corinth:
9. *Nescitis, quod ii, qui in stadio currunt, omnes quidem currunt,
sed unus accipit bravium.* Idemque de se ipso: *Certamen cer-
tavi, cursum consummavi, fidem servavi: In reliquo reposita est mihi
corona justitia.* Hinc etiam adverte, quid factio opus sit il-
lis, qui ad præmium & coronam Cælestem volunt elucra-
ri. Hinc non frustra huic eidem Civitati velut inexpu-
gnabili fortalitio & urbi murus apponitur, & quidem juxta
computationem Cornelii à Lap: altus 144 cubitos, id est
undequaque altissimus & firmissimus, consequenter non fa-
cile expugnabilis nisi ab eximiiis heroibus, juxta illud Chri-
sti in Evangelio: *Calum vim patitur, & violenti rapiunt illud.*

Expende secundo id, quod jam expensum secundo
puncto: scilicet, quod de hoc ipso muro additur à Joa-
ne: *Et mensus est murum ejus mensura hominis, quæ est Angelus.*
Per quod illud etiam potest intelligi: quod homo, ut oc-
cupet prædictum murum ac Civitatem Cælestem, debeat
esse non cujusunque sanctitatis, sed ejus omnino qua men-
suram sanctitatis Angelicæ exæquet: ad eamque civis
enitendum.

Expende tertio illa verba Apocalyptica: *Et ambula-
bunt gentes in lumine ejus, & Reges terra afferent gloriam suam &
honorem in illam.* Atque hinc adverte duplicem beatorum
in Cælo divisionem & differentiam. Alii enim sunt adin-
star gentis & vulgi simplicioris, id est mediocri & vulgari
virtute, ac etiam gloria & præmio pollentes. Alii veluti

Yy

Reges

*Ad quod me-
ritum & præ-
mium Cælesti
enitendum.*

Reges, scilicet uti excellentiori præ aliis sanctimoniâ ita & gloria Cælesti conspicui. Qualis ille de quo in Psalm: *Attollite portas principes vestras: & introibit Rex gloria. Quis est iste Rex gloria? Dominus fortis & potens in prælio, Dominus Virtutum.* Ad talemque sanctitatem & gloriam aspirandum cuique.

Adverte vero insuper dici de hisce regibus: quod in Cælum afferent gloriam suam & honorem, gloriam, inquam & honorem non terrenum, non à terrenis dignitatibus & titulis promanantem: hæ enim dignitates & tituli apud DEUM nihili sunt: sed ab excellenti virtute, meritis, sanctimoniâ, eaque propria non aliena, quam vera gloria & honor consequitur, juxta illud: *Opera illorum sequuntur illos.*

Potest autem dici, quod ipsa etiam gloria Cælestis sit Sanctorum quodammodo propria, ex quo Sanctis eorum actibus, laboribus, heroicis, meritis parta ac debita: Nisi quod *momentaneum & leve admodum tribulationis nostra genus, æternum gloria pondus operatur in nobis.*

Tandem hinc conclude, quo imprimis merito à te quoque comparanda eadem gloria & præmium? scilicet per heroica cum visibilibus & invisibilibus hostibus certamina, per insignes mundi, carnis, diaboli & quarumvis passionum tuique ipsius victorias, per illatam propriæ naturæ violentiam: per constantem in via mandatorum DEI & virtutum cursum, nec non eximium in ipsis profectum: per non qualemcumque sed omnino parem summis spiritibus sanctitatem. Jam ad quam tibi eluctandum gloriam? scilicet non ad aliquam vulgarem, gregariam & communem quibuscunque justis, sed præ aliis excellentem & insignem planeque regiam. Ut sis in Cælo non qualiscunque Sanctus, sed omnino Rex gloriæ.

Vide quisnam in te hac in parte conatus?

In colloquio pete à DEO ut eam gloriam quam per ejus misericordiam & bonitatem speras, per ipsius gratiam me-

merearis. Tum exclama cum Psalte : Beati, qui habitant in domo tua Domine in secula seculorum laudabunt te. Quemadmodum desiderat cervus ad fontes aquarum, ita desiderat anima mea ad te DEUS. Sitivit anima mea ad DEUM fontem vivum : quando veniam & apparebo ante faciem DEI ?

MEDITATIO XCIX.

De Amore & Cultu B. MARIE V.

FUndam: Visio S. Joannis Apoc: 12. Signum magnum apparuit in Celo : Mulier amicta sole, luna sub pedibus ejus, in capite ejus corona stellarum duodecim : & in utero habens clamabat parturiens, & cruciabatur ut pariat : & peperit Filium masculum, & raptus est Filius ejus ad DEUM, & ad thronum ejus.

Prælud: 1. ordinarium.

Prælud: 2. Pete gratiam tenerissimi erga Beatissimam Parentem affectus.

PUNCTUM I.

Considera in hac visione adumbrata esse motiva colendi Beatissimam Virginem.

Atque expende : Quid aliud esse, eam sole amictam, lunam sub pedibus ejus, in capite coronam stellarum duodecim: quam per hoc ipsum denotari : Dignitatem & excellentiam illius, supremum Dominum cæli & terræ, ex quo supremi planetæ ei famulantur. Denotari umbræ nesciam inter tot splendores puritatem. Designari Maternitatem DEI, omnium in illa donorum, gratiarum & excellentiarum fontem.

Designari innumera in nos Virginis Matris beneficia, & profusissimam liberalitatem. Sicut enim à sole, luna & stellis, tot & tantæ in mundum inferiorem derivantur in-

Motiva colendi B. mar. ex parte cælicæ.

fluentia, ut quicquid in terra boni & proficui oritur, hoc totum his planetis debeat. Ita etiam omnia in nos beneficiorum genera, omnium bonorum influxus à Materno Beatissimæ Virginis sibi promanant: siquidem juxta D. Bernardum: *Omnia nos DEUS habere voluit per MARIAM.* Percurre hæc eadem beneficia tibi & alijs abundanter præstita.

Simulque expende secundo. Per eandem Mulierem Apocalypticam parientem cum dolore & cruciatu, designari Beatissimæ Parentis prærogativam & privilegium, quo nostrum omnium Mater est, ideoque per istum masculum designari humanum genus, quod Beatissima Virgo multa curâ, multa sollicitudine, multo ut ita dicam dolore & cruciatu, DEO, Cælo, æternitati parurit.

Ubi adverte hunc eundem fatum à Muliere Apocalypica editum, ad DEUM & ad thronum ejus fuisse raptum. Nempe Beatissimæ quoque Virginis Filios, & quoscunque illa in gremium suæ protectionis recipit, quoscunque sibi filialiter addictos habet, illos non dubiè cælo Regnoque cælesti destinari. Unde speciale signum prædestinationis esse: cultui Beatissimæ Matris esse intimè addictum.

Adverte insuper prædictum fatum Mulieris Apocalypticæ dici Masculum: Quia nempe Beatissima Parens non effæminatos, non imbelles, sed planè masculos, fortes ac robustos adversus mundi & carnis illecebras Filios educat ac fovet: ita ut si quis in ea animi fortitudine deficiat, facile illius in ipso ad hanc Turrim fortissimam recessu compos fiat.

Jam quot alia motiva ad cultum & amorem Beatissimæ Matris nos commoventia? Nempe quanta in eo cultu DEI Filii complacentia? præsertim quod amor & cultus Matris sit cultus Filii. Quantum ejus meritum, quantum præmium?

PUN-

PUNCTUM II.

Considera specialia motiva cultus **MARIANI** ex parte Religionis tuæ, & ex parte tui ipsius.

Quoad primum. Nempe Beatissimam Virginem esse Matrem & singularissimam Protectricem Societatis. Hinc illa apparitio Beatissimæ Sancto Patri post vulnus in crure acceptum decumbenti.

Motiva specialia colendi B. mam ex parte Religionis tuæ, & tui ipsius.

Hinc illa ejusdem S. Patris in monte Serrato ad B. Virginis Imaginem mutatio. Hinc vota à primis Patribus in monte Martyrum in festo Assumptionis primo nuncupata, Professio ad Beatissimæ Iconem in ejus Sacello, in templo Sancti Pauli edita. Quid de constitutionibus Societatis, de exercitiis spiritualibus, quibus conscribendis Beatissima Virgo adstirrit. Quid illa Patris Guttierrez visio Beatissimæ sub pallio nostram Societatem foventis? Nec vero minora cujuscunque Religionis colendi Beatissimam motiva, uti facile cuicunq; Religioso patere poterit.

Jam quoad te? reflecte te, cui debeas tuam ad Religionem vocationem, ingressum ad eandem, successus in vita Religiosa, in doctrinis, & innumera sane beneficia. Hisque tot motivis perpensis, ad amorem & cultum Beatissimæ Matris, quam ardentissimum te accende.

PUNCTUM III.

Considera industrias & modos colendi Beatissimam Matrem, illumque esse præcipuum-expende. Nempe imitationem Beatissimæ Virginis.

Industria & modi colendi Beatissimam.

Percurre hic vitam & virtutes illius ad earumque imitationem te accinge. Hic juvabit locus S. Ambrosii lib: 2. de Virginibus: Sit vobis tanquam in imagine descripta virginitas vitæque **MARIÆ**, de qua velut in speculo resulget species castitatis & forma virtutis. Hinc sumatis licet exempla vivendi, ubi tanquam in exemplari magisteria expressa probitatis: quid corrigere

rigere, quid effugere, quid tenere debeatis ostendunt. Primus discendi ardor, nobilitas est magistri. Quid nobilius DEI Matre? Quid splendidius ea? quam splendor elegit. Quid castius ea, quae corpus sine corporis contagione generavit. Nam de ceteris ejus virtutibus quid loquar? Virgo erat non solum corpore, sed etiam mente, quae nullo doli ambitu sincerum adulteraret affectum: corde humilis, verbis gravis, animi prudens, loquendi parcior, legendi studiosior, non in incerto divitiarum, sed in prece pauperis spem reponens: intenta operi, verecunda sermone: arbitrum mentis solita non hominem sed DEUM querere: nullum ledere, bene velle omnibus, assurgere majoribus naui, equalibus non invidere, fugere jactantiam, rationem sequi, amare virtutem. Quando ista vel vultu laesit Parentes? quando dissinist à propinquis, quando fastidivis humilem? quando derisit debilem? quando vitavit inopem? Eos solos solita ceteris virorum invisere, quos misericordia non erubesceret, neque preteriret verecundia. Nihil torvum in oculis, nihil in verbis prociac, nihil in actu inverecondum non gestus fractior, non incessus solutior, non vox petulantior; ut ipsa corporis species, simulacrum fuerit menti, figura probitatis &c.

Colloquium & affectus ad Beatissimam: gratias illi agendo pro omnibus beneficiis, gratiis, protectionibus. Tum petendo, ut eum affectum erga te in vita & morte continuet, semperque se tibi Matrem exhibeat. Conclude: Salve Regina Mater misericordiae.

MEDITATIO C.

Concludens Exercitia Spiritualia.

Fundamentum: Visio illa in Spiritu Cant: 6. & 8. Visio, inquam, animae sanctae donis spiritualibus ornatae: Quae est ista quae ascendit de deserto deliciis affluens innixa super dilectum suum: quae progreditur quasi aurora consurgens, pulchra ut luna, electa ut sol, terribilis ut castrorum acies ordinata.

Praelud:

Prælud: 1. consuetum.

Prælud: 2. Pete gratiam agnoscendi status tui, in quo egrederis ex deserto exercitiorum spiritualium conservandique eum spiritum ac religiositatem, quàm his iisdem exercitiis accumulasti, tum ea perficiendi, quæ apud te statuisti.

PUNCTUM I.

CONsidera ea visione adumbrari animam Religiosam de deserto spiritualium exercitiorum prodeuntem.

Reflexio super profectum in via purgativa.

Atque inprimis expende per auroram tenebras noctis fugantem ac triumphantem, intelligi viam purgativam. Vide quomodo in hoc tractu profeceris, qualiter extirpationi defectuum, passionum, pravorum habituum: tum etiam studio virtutum huic viæ convenientium incubueris? qualiter obstaculis in via hac occurrentibus obviaveris?

PUNCTUM II.

CONsidera per lunam mundum de nocte illuminantem intelligi viam illuminativam. Vide quem profectum & fructum spiritualem, tum etiam quale virtutum huic viæ servientium augmentum retuleris? quosve modos eas augendi collegeris?

Reflexio super profectum in via illuminativa.

PUNCTUM III.

CONsidera per solem, ejusque lucem adultam intelligi viam unitivam: vide quo hic profectu, quo lucro virtutum ad hanc viam pertinentium versatus fueris? quave provisione in futurum?

Reflexio super profectum in via unitiva, tum super alia.

Tum etiam expende per castrorum aciem ordinatam intelligi armaturam & supellectilem spiritualem, industrias, praxes, superandi tentationes, habitus vitiosos, passiones &c.

&c. Industrias recte vivendi & moriendi. Coordinatio-
nem actionum, mortificationum, devotionum, actuum, &
quarumcunque privatarum consuetudinum, ac denique to-
tius vitæ Religiosæ, & ita quidem, ut sic comparatus Reli-
giosus ipsi interno evadat terribilis. Vide quomodo in
istis etiam, te comparaveris, eaque accumulaveris pro usu-
bus in vita & morte?

Colloquium & affectus ad S. Spiritum, ad Beatissi-
mam Parentem, ad S. Patrem Ignatium, aliosque Patro-
nos, quos tibi pro tempore exercitiorum assumpseras: gra-
tias imprimis agendo pro omnibus gratiis, inspirationibus,
luminibus per id temporis, tibi concessis: tum petendo
ulteriorem gratiam hæc omnia ad exitum deducendi, quæ
his exercitiis proposuisti, iisque utendi ad perfectionem &
salutem tuam, quæ accumulasti, cum aspiratione: *Qui de-
disti velle, da & perficere.* vel: *Confirma hoc DEUS, quod ope-
ratus es in nobis.* vel: *Ne projicias me à facie tua, & Spi-
ritum Sanctum tuum ne auferas à me.*

Ad M. D. Gloriam.



IN-



INDEX MEDITATIONUM.

MEDITATIO I.

Præparatoria ad Exercitia. pag: 4.

MEDITATIO II.

Præparatoria item ad Exercitia. pag: 6.

MEDITATIO III.

De Creatione & fine Hominis. pag: 10.

MEDITATIO IV.

De fine Hominis Religiosi Societatis JESU. pag: 15.

MEDITATIO V.

De fine mediato Societatis nempe gloria DEI. pag: 21.

MEDITATIO VI.

De recta in omnibus intentione. pag: 27.

MEDITATIO VII.

De iis quæ nos avocant ab ultimo fine. pag: 31.

MEDITATIO VIII.

De peccato mortali. pag: 36.

MEDITATIO IX.

De peccatis Hominis Religiosi. pag: 40.

ZLL

ME.

MEDITATIO X.

De peccato Luciferi, & viva in eo ipso, tum peccatorum, & Apostatarum Religiosorum, tum à Societate dimissorum effigie.

pag: 44.

MEDITATIO XI.

De peccatis venialibus.

pag: 49.

MEDITATIO XII.

De peccatis Lingue.

pag: 53.

MEDITATIO XIII.

De peccatis Calami.

pag: 56.

MEDITATIO XIV.

De causis ruinae in viris Religiosis.

pag: 60.

MEDITATIO XV.

De ruina magnorum virorum in Religione.

pag: 64.

MEDITATIO XVI.

De effusione sui ad exteriora praesertim conversationem cum saecularibus.

pag: 67.

MEDITATIO XVII.

De Otio.

pag: 70.

MEDITATIO XVIII.

De sensualitate in refectione corporali.

pag: 74.

MEDITATIO XIX.

De amara vita in Religione.

pag: 77.

MEDITATIO XX.

De Tepiditate Religiosa.

pag: 81.

MEDITATIO XXI.

De conversatione incauta cum periculoso sexu.

pag: 86.

MEDITATIO XXII.

De duabus classibus Religiosorum, scilicet bonorum & malorum.

pag: 89.

ME

	MEDITATIO XXIII.	
De Morte.		pag: 93.
	MEDITATIO XXIV.	
De morte iustorum & impiorum.		pag: 96.
	MEDITATIO XXV.	
De morte ante mortem.		pag: 100.
	MEDITATIO XXVI.	
De Iudicio universali.		pag: 103.
	MEDITATIO XXVII.	
De Iudicio particulari.		pag: 107.
	MEDITATIO XXVIII.	
De favorabili DEI Iudicio		pag: 111.
	MEDITATIO XXIX.	
De occultis DEI iudiciis.		pag: 113.
	MEDITATIO XXX.	
De inferno.		pag: 117.
	MEDITATIO XXXI.	
De purgatorio.		pag: 121.
	MEDITATIO XXXII.	
De purgatorio in vita.		pag: 123.
	MEDITATIO XXXIII.	
De reditu ad cor peccatoris.		pag: 126.
	MEDITATIO XXXIV.	
De dignis pœnitentiæ fructibus.		pag: 130.
	MEDITATIO XXXV.	
De Verbo Incarnato.		pag: 132.
	MEDITATIO XXXVI.	
De Christo nato.		pag: 135.
	MEDITATIO XXXVII.	
De Nomine JESU.		pag: 139.

MEDITATIO XXXVIII.

De vita Christi abscondita in Nazareth.

pag: 143.

MEDITATIO XXXIX.

De Regno Christi.

pag: 146

MEDITATIO XL.

De duobus vexillis.

pag: 149.

MEDITATIO XLI.

De præceptis Christi Evangelicis.

pag: 153.

MEDITATIO XLII.

De consiliis Christi Evangelicis.

pag: 156.

MEDITATIO XLIII.

De vocatione ad Religionem.

pag: 158.

MEDITATIO XLIV.

De Excellentia status Religiosi.

pag: 162.

MEDITATIO XLV.

De vocatione ad Societatem.

pag: 165.

MEDITATIO XLVI.

De gestis Christi in genere per triennium prædicationis, ac de Imitatione ejusdem Christi in Societate, ac in quacunque Religione.

pag: 167.

MEDITATIO XLVII.

De Injuris ac persecutionibus per triennium prædicationis Christo irrogatis, ac de imitatione ejusdem in iis tolerandis.

pag: 170

MEDITATIO XLVIII.

De prædicatione Verbi Divini, & munere Concionatoris.

pag: 173.

MEDITATIO XLIX.

De Christo Prototypo vite, & morum Societatis & cujuscunque Religiosis

pag: 176.

ME-

MEDITATIO LI.

De zelo Religiosis, ac Societatis etiam hominibus
convenienti. pag: 179.

MEDITATIO LI.

De electione status in Religione juxta Regulas ele-
ctionis S. Patris & tres gradus humilitatis. pag: 181.

MEDITATIO LII.

De Humilitate Religiosa. pag: 185.

MEDITATIO LIII.

De vita Religiosa, votis & Regulis conformi. pag: 188.

MEDITATIO LIV.

De conjungenda doctrina cum spiritu Religiositate. pag: 192

MEDITATIO LV.

De vita pacata in Religione. pag: 195

MEDITATIO LVI.

De vita circumspccta in Religione. pag: 198.

MEDITATIO LVII.

De intaminata vita activa, seu conversatione hominis
Religiosi inter externos. pag: 201.

MEDITATIO LVIII.

De cura minimorum. pag: 204.

MEDITATIO LIX.

De Provisione annonæ spiritualis in futuram vitam. p:204

MEDITATIO LX.

De Memoriali Passionis Christi, hoc est Sanctissimo
Eucharistiae Sacramento in ultima cena instituto. pag: 211

MEDITATIO LXI.

De Institutione Sacramenti Eucharistiae proximè ante
Passionem & mortem Christi. pag: 214.

MEDITATIO LXII.

De dignitate & obligatione Sacerdotii. pag: 216.

ME-

MEDITATIO LXIII.

De consilio Judæorum de Christo occidendo. pag: 219.

MEDITATIO LXIV.

**De tractatu & contractu Judæ Iſcariotæ cum Judæis
circa prodicionem Christi.** pag: 223.

MEDITATIO LXV.

**De angoribus, sudore sanguineo, & oratione Christi
in horto.** pag: 227.

MEDITATIO LXVI.

De captivitate Christi & osculo Judæ. pag: 232.

MEDITATIO LXVII.

De injuriis in domo Caiphæ Christo illatis. pag: 236.

MEDITATIO LXVIII.

De Christo illuso apud Herodem. pag: 242.

MEDITATIO LXIX.

De Christo flagellato. pag: 245.

MEDITATIO LXX.

De Coronatione Christi. pag: 250.

MEDITATIO LXXI.

De præsentatione Christi à Pilato. pag: 254.

MEDITATIO LXXII.

De Christo Crucem bajulante. pag: 259.

MEDITATIO LXXIII.

De Christo Domino inter duos latrones crucifixo. pag: 262.

MEDITATIO LXXIV.

**De Potatione Christi felle & aceto, oratione pro cru-
cifixoribus ad Patrem: Recommendatione Beatif-
icæ Joanni & viceversa.** pag: 268

MEDITATIO LXXV.

De Trihorio Christi agonizantis, & ipsa morte. pag: 271

MEDITATIO LXXVI.

De Transfixione Lateris Christi. pag: 275

MEDITATIO LXXVII.

De Exinanitione Christi in vita, passione & morte. pag: 278

MEDITATIO LXXVIII.

De virtute Patientiae. pag: 281

MEDITATIO LXXIX.

De vita mortificata. pag: 284

MEDITATIO LXXX.

De vita heroica. pag: 287

MEDITATIO LXXXI.

De constantia, magnanimitate & fortitudine animi Religiosi. pag: 281

MEDITATIO LXXXII.

De Christo Domino Resurgente. pag: 294

MEDITATIO LXXXIII.

De Imitatione Christi Resurgentis, quo ad dotes corporis gloriosi. pag: 296

MEDITATIO LXXXIV.

De Christo ascendente in Cælum. pag: 300

MEDITATIO LXXXV.

De Exaltata Christi humilitate, juxta mensuram & proportionem humiliationum ac depressionum ejusdem Christi. pag: 305.

MEDITATIO LXXXVI.

De pugnis, Victoriis, ac triumphis hominis Religiosi. pag: 309

MEDITATIO LXXXVII.

De missione & adventu Spiritus Sancti pag: 312

MEDITATIO LXXXVIII.

De Genuino Religioso Spiritu. pag: 315

ME-

MEDITATIO LXXXIX.

De Amore DEI.

pag: 316

MEDITATIO XC.

De Amore & Servitio Dei, sine intuitu ullius mercedis & præmii.

pag: 321

MEDITATIO XCI.

De Amore & Timore Dei, præcipuis vitæ Religiosæ principii ac fundamentis.

pag: 326

MEDITATIO XCII.

De Resignatione sui in voluntatem ac Providentiam Dei.

pag: 329

MEDITATIO XCIII.

De Præsentia Dei ejusq; usu.

pag: 333

MEDITATIO XCIV.

De Conjunctione per orationem & laudem Dei continuam, cum eodem Deo.

pag: 336

MEDITATIO XCV.

De Immolatione nostri Deo ex toto, seu holocaustifica.

MEDITATIO XCVI.

De Tendentia ad Perfectionē & modo tendendi ad eandem.

pag: 342

MEDITATIO XCVII.

De Cælo illiq; vitæ perf- & Religiosæ assimilatione.

pag: 343

MEDITATIO XCVIII.

De Gloria & præmio Cælesti.

pag: 345

MEDITATIO XCIX.

De Amore & cultu B. MARIE V.


pag: 352


MEDITATIO C.

Concludens Exercitia Spiritualia.

pag: 355

FINIS





300 -

K

leloceh

D N^o 365760

KSIEGARNIA

ANTYKWARIAT



D N^o 365760

